


**PETRI  
GODOFREDI,  
CARCASONENSI  
S, JC. DE  
AMORIBUS, ...**

---

Pierre Godefroy




VII 21









PETRI GODOFREDI,

CARCASONENSIS, J.C.

*De*

A M O R I B U S,

L I B R I T R E S.



LUGDUNI BATAVORUM

Ex Officina JOANNIS MAIRE.

cl<sup>o</sup> 15 CXLVIII. /





VIRO NOBILISSIMO

ATQVE ILLVSTRI

D. JACOBO CATSIO,

EQUITI, CONSILIARIO

& Advocato Potentiss. Pro-

cerum Hollandiæ, Magni

Sigilli custodi &c.

*Editor S. P. D.*

**I**LLVSTRIS Do-  
mine, volucres  
alas ubiq; move-  
re Amorem, recte  
sensit, etsi fabulis suis invol-  
vit, cordata antiquitas: & an-  
tiquissimus Poëta Orpheus  
amorem claves habere to-  
tius universi eleganter cen-  
suit. Nunquid enim non su-  
prema illa & æterna mens  
totum hoc convexum con-

(\*) 2 cor-



## DEDICATIO.

cordi quodam amore ligavit, superius cœlos suspendit atque luminibus suis distinxit, inferius stabili lege in medio aëris terras & maria fixit, plantis, animalibus, hominibus amoris vinculo immortalitatem indidit? Amor & ferocissima animalia urit, mitigat, ipsa admodum æquora æstu suo penetrat, & , quis credat? incendia in gelidissimis undis parit. Quinet ipsæ Respublicæ, civitates, populi, amore eterni sunt. Salutari hac aura cuncta rident, nullus hostis agris incumbit, pax innumeris triumphis ubiq; exultat. Cui itaque hunc amoris thesaurum  
con-

## DEDICATIO.

consecrarem potius quam  
tibi, Vir Nobilissime, qui a-  
mores & deliciae Belgarum?  
Qui omnium ordinum a-  
morem meruisti, dum singu-  
lis amorum munia distribu-  
is. Cujusque divinis ver-  
sibus omnia erecta ingenia  
assurgunt. Non tantum a-  
mores vagos illos & lascivos  
in ordinem redelegisti, sed  
docuisti quo non assurgere  
possit ingenium humanum.  
Amorem utiq; tubam illam  
poëticā vestram accendisse,  
atque invidendum illud di-  
ctionis uber subministrasse,  
non est vana opinio. Itaque  
nemo libros tuos volvit, qui  
non abripiatur in stuporem,

## DEDICATIO.

nemo unquam legendi satietate teneatur. Nusquam intorta, hæsitans, oratio, in quo vitio nonnulli poëtæ laudis suæ hodie palmarium ponunt; sed ubique explicita, venusta, blande demulcens aures hominum, atq; elegantiam & aculeum in intimis pectoris sui relinquens penetralibus. Multorū versus duri, ut veluti ferocientes atque indignantes undæ rupibus suis collidantur, aures animumque radant. Vestrorum carminum facilis & sui semper similis protuberat amnis, & pleno & limpidissimo defluit alveo. Ingenii hoc vestri vastum flumen  
nemo



## DEDICATIO.

nemo assequitur; & qui se af-  
secutum putat, ludibrium si-  
bi tantum relinquit. Sed  
laudes illas ingenii vestri  
hic concumulare infra for-  
tem nostram est. & tu tibi so-  
lus arbiter iudexq; esse po-  
tes : qui ut omnibus Poësi  
superior es , ita liberali ad-  
modum atq; honesta pugna  
te ipsum vincere quotidie  
conaris, neq; potes. Itaque  
victor es semper augustus.  
Quanto autem & ingenio &  
dignitate superior es omni-  
bus , tanto quoque humani-  
tas cum facili gravitate jun-  
cta præluceat omnibus. Hu-  
manitas & modestia virtutis  
& sapientiæ semper comes  
est,

## DEDICATIO.

est, arrogantia & ventositas  
invisa omniū meretur con-  
temptum. Cœlum aspice:  
dispergit suorum luminum  
radios per totum terrarum  
orbem: neminem non luce  
impertit, siue reges siue ino-  
pes fuerint coloni. Hac ve-  
stra fretus humanitate, vir  
Nobilis, etiam V. N. alloqui  
hoc tenui scripto ausus sum:  
te, inquam, cujus lingua tota  
hæc nostra Hollandia loqui-  
tur, atque ubi opus est, con-  
siliis solidissimis fulcitur.  
Non ego morabor Nobili-  
tatem vestram longo allo-  
quio, ne injustissimam inci-  
dam indignationem. Cum  
magnatibus brevem sermo-  
nem



## DEDICATIO.

nem conferere aulicorum mos. Ego etsi nunquam aulæ me immiscuerim, tamen civis civilem heic quoque vitæ tenorem observabo. Rogo itaque te, Vir Nobilissime, ut hoc exiguum munusculum in bonam partem accipias, & Amorum hosce libros amica manu foveas, etsi vestro ingenio eruditionique proculdubio impares futuri sint. Deus V.N. vestramque familiam diu conservet incolumem nobis Reipublicæque. Vale.

# INDEX SINGULORUM

## Capitum totius operis .

Intentio Auctoris, summaque Operis.

pag. 1.

### Lib. I.

I.	<b>A</b> moris encomium	fol. 6
I I.	Quid, & quotuplex a- mor	10
I I I.	Deus amandus	20
I V.	Homo amandus	40
V.	Amandus quisque à seipso.	46
V I.	Patria amanda.	71
V I I.	Amandi parentes	74
V I I I.	Amandi liberi	85
I X.	Amandus frater	89
X.	Amandi cognati	94
X I.	Amandi adfines	95
X I I.	Amandi benefactores	96
X I I I.	Amandi vicini	97
X I V.	Amandi amici	98
X V.	Amandi inimici	147
	Epilogus. Amandum.	151

### Lib. II.

# I N D E X.

## Lib. II.

- I. *Præcellens conjugii amor: e-*  
*jusq<sub>3</sub> utilitas ac necessitas.* 152
- II. *Quæ uxor, qui vir aptissimi* 161
- III. *Ejusmodi uxor & vir quomodo*  
*querendi.* 195
- IV. *De officio uxoris erga virũ.* 214
- V. *De officio viri erga uxorem* 229
- VI. *De castitate, excellenti virtute,*  
*ab omnibus semper retinenda,*  
*præcipue Christianis* 239
- VII. *De perpetuo conjugum amore*  
291
- VIII. *De amore ex partu proveni-*  
*ente, & prima ejus cura* 295
- IX. *Non propterea quod sterilis sit*  
*uxor, non amanda* 298
- X. *Quando cessare debeat amor*  
*conjugalis* 305
- Peroratio. Amabiles nuptiæ. Qui-*  
*bus bene precandum.* 307

## Lib. III.

*Proæmium*

310

I. De



# I N D E X.

I.	De amore qui est contra naturam	311
I I.	De incestu	322
I I I.	De adulterio	326
I Y.	De raptu	346
V.	De stupro	349
V I.	De fornicatione	354
V I I.	De improba Veneris bonis ac malis	358
V I I I.	De vehementia amorum, quæ volentes tantum ac insipientes comprehendit, & illis misericordie insidiatur.	382
I X.	De remediis amorum	391
	Anacephaleosis, cum gratiarum actione.	408

PETRI

P E T R I  
G O D O F R E D I,

Carcas. Iureconsulti, Procura-  
toris Regii Dialogi de  
Amoribus.

L I B E R I.

G O D O F R E D U S. F A B E R.

*Intentio Auctoris, summaq; operis.*

G O D O F R.



T nos de amoribus  
tractabimus?

FAB. Nempe, & ut  
ille ait,  
*Placet, ac decet vicissim  
Cantemus, atque a-  
memus.*

Et qui non, inquam, de amoribus nos  
etiam agemus, vel relaxandi animi  
gratia, laboriosissimis oranium istius  
iuris studiis fatigati: quando, & poë-  
tarum genus dudum otiosissimum  
his se iuvare, ac iuvare illæsis mori-  
bus vult? de quibus recentiorum u-

A

nus,



nus, & veterum alter, Vulteius scilicet ac Martialis, ita testificantur cum suo Catullo:

*Fida puellarum, sibi qua sumpserunt  
Poëta,*

*Nomina. quæ celebrat carmine, nullus amat.*

*Lasciva est nobis pagina, vita proba est.*

*Nam castum esse decet pium Poëtam  
Ipsam, versiculos nihil necesse est.*

*Quicumque denique habent salem, ac leporem,*

*Si sunt molliculi, ac parum pudici,  
Et quod pruriat, incitare possunt.*

*Certe, ut vetustissimus etiam Poëta  
Actius inquit,*

*Exdulcare convenit vitam,*

*Curasque acerbis sensibus gubernare.*

*God. Remittendus, frateor, animus  
est nobis vere ἡμετέρας καὶ αἰώνιας stu-*

i. e. la-  
boriosis-  
simo &  
perpe-  
tuo.

*dio isto, plus nimium sæpe vexa-  
tis, atque huic intendendus, ita ut  
non, quod Baldus ait, nulla sit cura  
salutis, sed iuxta Isocratem, αἷμα τῶν*

i. e. de-  
sine à la-  
boribus,  
dum ad-  
huc la-  
borare  
pergit.

*πόνοι, ἐν τῷ ποινῇ δυνάμενος. Verum hæc  
remissio & quies ut non penitus o-  
tiosa, sic nec illiberalis esse debet, vel  
maxime animæ noxia. Ea enim ma-*

xima,

xima, imo vere sola illiberalitas atq;  
servitus est: quippe qua Dei volunta-  
ti (cui nos semper & omnino adla-  
borare oportet) adversus, atque ideo  
lædens animam, quæ in illius volun-  
tate vivit, ἀντίθεα dæmoni inimico,  
magno cum malo suo, subiaceret stul-  
tissimus ac miserrimus omnium ani-  
malium homo. Quod nedum sacra  
plane docent, verum etiam adstipula-  
tur admodum Stoicorum non vulga-  
re dogma. ὅτι, Πάντες οἱ σοφοί, ἐλεύθεροι.

πάντες ὁ μακροί, δέλοι. Huiusmodi autem  
procul dubio est omnis αἰσχρολογία.

Proinde monet ita Ephesios Aposto-

lus: πορνεία ὃ, καὶ πᾶσα ἀκαθαρσία, ἢ πλεονε-  
ξία, μὴ δὲ ὀνομαζέσθω ἐν ὑμῖν. Atq; id ipsum

in Poëtis, quod excusat, ac etiam si  
diis placet, commendat probe Catul-

lus cum sua cohorte, iure improbat  
nobis receptior Mantuanus vates,

traditque, Poëtam extime quoque  
pudicum esse oportere, inquit:

*Dona Dei, carmen nitidum, facundia  
præstans,*

*Mittitur ex astris, à superisque da-  
tur.*

*Hoc decus, hoc animis carmen cœlesti-  
bus aptum,*

i.e. Quod  
omnes  
sapientes  
liberi  
sunt, om-  
nes vero  
stulti  
servi.  
Seu tur-  
piloquii.  
i.e. scor-  
ratio ve-  
ro & om-  
nis im-  
puritia,  
atque a-  
varitia,  
nequidē  
inter vos  
nomin-  
neatur.

4 DE AMORIBUS

*Rebus in immundis degenerare ne-  
fas.*

*Vita decet castos, & pagina casta, Poë-  
sas.*

*Verba movent animos: oris lascivia pe-  
ctus*

*Pulsat, & in venas semina mortis  
agit.*

*Non secus ac vitreum si quis vult la-  
dere fontem,*

*Proiicit in dulces putre cadauer a-  
quas.*

*Propterea meritopro vate vocabere  
leno.*

*Elogio sceleri conveniente tuo.*

f. e. 3y.  
hyllinis  
foliis ve-  
tiora.

FAB. Ea utique sunt Σικυλλαίων, quod  
dicitur, & αὐρὰν ἀλθίστην, & commo-  
dissime à te prolata. quibus ego iam  
nil refragor. Illa autem prædixi, ne  
quis iure vel iniuria tandem temere  
putaret, nos scripsisse de amoribus,  
quasi de fornicationibus, adulteriis &  
cæteris id genus concubiribus illicitis,  
summa cum nostra infamia, &  
noxia proximi: cum vulgo legatur a-  
pud plerosque revera non indoctos,  
ut amoris vox honestam præ se fert  
significationem, ita contra, amores  
turpem ac nefandam: cum tamen &  
pro



pro honestissimo amore & benevolentia ac (si mayis) charitate Platonem illum divinissimum Philosophum, Ciceronemque, ac multos sanctorum doctissimos usos esse, non ignotum sit. Id quod gnaviter adnotavit in calumniatorem Platonis magnus ille Cardinalis Bessarion, necnon Budæus noster, & alii quos tu probe nosti. quin nos sane aptius etiam id fecisse videbimur, qui & de matrimoniali amore verba habuerimus. Quid etsi de cæteris amoribus, scilicet illicitis, eos taxando & deterrendo ab his humanam lasciviam atque insaniam? Sed & remedia edocendo? Non igitur candidus lector nobis succenseat tanquam male, fœdeve, seu inepte scribentibus: sed rem diligentius consideret & gratias agat nobiscum summo bonorum auctori, qui nobis semper adesse dignetur iam auspiciantibus.

C A P. I.

*Amoris encomium.*

**E**Quidem amor, est ipse Deus, & amoris parens, sed & quasi discipulus, ac si dici fas sit, minister quodammodo. Deus enim, nonne Deus pacis est & dilectionis? nonne ipse amor, dilectio & charitas? nonne huius parens & origo Deus? Non enim est Deus dissensionis, sed pacis. Pacem habete, & Deus charitatis & pacis, erit vobiscum inquit Apostolus ad Corinthios, & sæpe alibi similiter. Et Sextus Propertius:

*Pacis amor Deus est. pacem veneremur  
amantes:*

*Pax iuvat, & media pace repertus  
amor.*

Inquit & integerrimus ille Christi discipulus: Deus charitas est, & charitas ex Deo est. Tum in hoc cognoscimus amoris ceu discipulum esse Deum, & si ita loqui fas sit, ministrum quodammodo: quia omnia propter amorem operatus est, & ipsum quoque unicum filium suum dedit in redem-



redemptionem pro nobis. In hoc apparuit charitas Dei in nobis: quoniam filium suum unigenitum misit Deus in mundum, ut vivamus per eum, inquit ille. Et Plato scripsit, Apollinem scientiarum & carminum Deum, amoris discipulum esse: quod nemo nisi amet scientiam, & amabili labore in eius adeptionem intendat, sacerdos fieri queat. Nempe secundum illum, quod alibi idem notavit, non decet liberum hominem cum servitute disciplinam aliquam discere: quippe cum ingentes labores corporis visuscepti, nihilo deterius quidem corpus efficiant: nulla vero animi disciplina violenta sit stabilis: nec si sapientia & veritas non totis animi viribus concupiscatur, invenire quis ullo pacto potest quod quaerit, tantum abest, ut adipisci possit: ut etiam docet beatissimus Augustinus, & secundum quod Propertius cecinit Aurelius:

*Ingenium nobis res adamata facit.*

Adhæc ait Beatus Bernardus, De Deo triumphat amor: proinde aptum verumque, quod nutrix Senecæ in Hercule Oetheo dicit, Vicit & superos

ros amor. Sane est amor, ut inquit

ī.e. Violentum  
quid; &  
non  
solum  
homini-  
bus sed &  
diis ipsis  
imperat;

Lucianus, βιαίον τι, καὶ ἐν ἀνθρώπων μόνον  
ἀρχή, ἀλλὰ καὶ θεῶν αὐτῶν. quemadmo-  
dum cecinit Mantuanus:

--- *Quisquis veneratur olympum,  
Ipse sibi caelos subjicit atque Deum.*

Et cœlo imperitantem amorem Boë-  
thius dixit. & ipso Deo teste, violenti  
rapiunt cœlum, amore inquam ar-  
dentes, fortesque, & ipsum scilicet  
Deum, dicentes, quod est in sacris  
Canticis, per constantiam optimi a-  
moris, Tenui eum, nec dimittam.  
quomodo & Dantes sua Hetrusca  
lingua canit, regnum cœlorum vio-  
lentiam pati; da caldo amore è da vi-  
va speranza, che vince la divina vo-  
luntate. Atque sic verum, quod ut  
Mantuanis veteris Gallus & Ciris ha-  
bent:

*Omnia vincit amor. quid enim non  
vinceret ille?*

Quod late prosequitur Domitius  
Palladius quadam ad Hieronymum  
Leandrum elegia. Quid item? finis  
præcepti totius Dei unice à nobis  
amplectendi, charitas, vinculum per-  
fectionis, & funiculus cœli & mundi:

Con. 395  
pat. 5.

ut noster Baldus ait. Sic est ille funis  
aureus,

aureus, qui dicitur ab Homero, *i. e. aurea*  
*σείρη χρυσείη, ἧς ἐκένεθεν μέθορα πάντα γί-* *catena*  
*νοντο.* Quo creatura universa à crea- *ex qua*  
 tore suo existens pender, & cum eo *coelestis*  
 ligatur: quo quicquid est etiam ina- *superioris*  
 nime, Deo iungitur, amore quodam *quæque*  
*suspensa*  
*sunt.*

naturali: quo, naturaliter fertur in  
 auctorem suum. Unde Moses ille  
*μύσῃς μίγνους* in sacra Genesi tandem *i. e. Ma-*  
 ita subiunxit: *וירא אלהים את כל אשר* *mus myo-*  
*הוא טוב מאד* *הוא*

*עשה* hoc est, ad  
 verbum, Et vidit Deus omne quod  
 fecit, & ecce bonum valde. Boni au-  
 tem, in quantum boni, est, bene vel-  
 le, & bene adfici, sicque amare. ita-  
 que ut Deus utique optimus omnia  
 à se creata amat: ita ea, etiam *ἀγαπᾷ*, *i. e. in-*  
 ipsum amant: illa quidem, quæ co- *nima.*  
 gnitione vigent, suam perfectionem  
 desiderantia: cætera vero, dum suo  
 modo in eum feruntur, inclinatione  
 quadam naturali. Ad quod respexis-  
 se videtur Peripateticorum princeps,  
 quum dixit, omnia bonum appetere:  
 ut magni quoque Pici censuerunt.  
 Insuper, ut ait Gersonensis Theolo-  
 gus, charitas est numisma, quo mer-  
 camur de Deo regnum Dei, numisma  
 ideo haud dubie legitimum, & pre-



i. e. opti-  
mus est  
libri-  
pens.

IO<sup>o</sup> DE AMORIBUS  
tiosissimum. Deus etenim *Ζυγοστάτης*  
*ἰσὺν ἀέρος*, qui pro sua fide atque in-  
dustria nec fallit nec fallitur: ut prin-  
ceps Iustinianus de ponderatoribus  
& probatoribus monetæ sanxit. Sicut  
etiam B. Augustinus scripsit. Charita-  
tas scopus totius scripturæ, margari-  
ta preteriosa, quam invenit Euangeli-  
cus negotiator, radix nostra est, vin-  
cens omnia, & sine qua nihil valent  
omnia: in qua deficiens, omnium ef-  
ficitur reus. Quippe in qua velut fi-  
delissimo quodam fundamento ac  
firmissima base, reliquæ virtutes om-  
nes domicilium fixerunt: ut Ioannes  
Pinus eleganter dixit. Quæ omnia  
nimium notis scripturæ locis & ra-  
tionibus clarius comprobantur, quā  
ut sit amplius immorandum his iam  
satis celebratis amoris laudibus.  
Quem etiam plurimum commendat  
inter antiqua lecta Cælius Rhodi-  
ginus.

lib. 18.  
cap. 36.

## C A P. II.

*Quid, & quotuplex amor.*

**S**ed tu dic iam, quid est amor.

**S**God. Amor *ῥαίε* Thomas Vius

in



in Psalmum quendam) est omnis  
 passionis principium, ut vero B. Au-  
 gustinus plerisque in locis, amor est  
 delectatio cordis alicuius ad aliquid,  
 propter aliquod desiderium in appe-  
 tendo, & gaudium in perfructuendo, &  
 per desiderium currens, requiescens  
 per gaudium. Hinc amicus fit, ex  
 quo amicitia dicitur: quæ, uti ex Pla-  
 tone colligit Ficinus in *Lyfide*, Ho-  
 nestæ perpetuæ voluntatis communio  
 est, & ut Faber Stapulensis ex Aristo-  
 tele, Amicitia est aliquorum mutua  
 benevolentia, & alicuius quidem bo-  
 ni gratia, cum eos non lateat. Ut Ci-  
 cero autem, & post eum doctor E.  
 leazarus, ac multi alii tradunt, est  
 amicitia nihil aliud, quam divinarum  
 humanarumque rerum cum benevo-  
 lentia & charitate summa consensio.  
 Et amor, & amicitia, ab amando ve-  
 niunt, amare autem, nihil aliud est, quàm  
 cum ipsum diligere, quem ames ex  
 animo, & quod Græci uno verbo ple-  
 nius dicunt, *φιλῶντες*. Charitas sive  
 Græce deducas, aut caritas, si Lati-  
 ne, primum quidem officiosa erga  
 proximum dicta, nunc iam, tum in  
 Deum, tum in proximum iusta dile-

Paul. E.  
 leazarus  
 in c. ter-  
 tio loco  
 de pro-  
 bat. b.  
 Hiero. in  
 lam. Je-  
 re. cap. 1.

Die. lib.  
cap. 33.

ctio dicitur, apparens in opportuna operis exhibitione, diciturque, ut Ioannes Gersonensis scripsit, quasi chara unitas. Cæterum auctores, Venerem amoris gratiarumque deam dixerunt: & hanc fecerunt plerique multiplicem: duplicem eam, necnon amorem, tradidit Rhodigin. Et primum Plato in convivio, geminam docuit esse Venerem, alteram antiquiorem & sine matre, cœlo natam, cœlestemque nuncupatam: alteram vulgatam, quæ à Iove & Dione progenita est, inde & geminum esse amorem. Et apparet, inquit Ficinus, Venerem hanc vulgarem, esse vim generandi, animæ mundi tributam, eiusque amorem & cupidinem esse ad eandem pulchritudinem in corporibus procreandam: illamque esse intelligentiam, quam in mente angelica ponit: quæ amore ingenito ad intelligendam Dei pulchritudinem rapitur. De his etiam Apuleius meminit, commemorans versiculum elegantem Aphranii, quo ambas ita cōplexus est:

*Sapiens amabit, cupient cateri.*

Namque vehemens & intemperatum  
desi.

desiderium cupidinem appellari, scripsit Xenophon. Lucianus quoque, duplicem amorem, inquit, in animis esse hominum: alterum mari ortum, varium, ferocem, scilicet venereos fluctus in animo: qui moventur ex aestuantibus cupiditatibus iuvenum, naturam plane marinam referentibus: alterum amorem esse auream catenam cœlo demissam, & hunc non habere faces, aut tela, quæ faciant lethalia vulnera, sed bonum furorem immittere mentibus (quæ sunt cognatæ diis) incitantem ad nativam & incorruptam pulchritudinis formam comprehendendam. In hoc & versibus lusit egregie Beroaldus in hunc modum:

*Dogmata divini memorât si vera Platonis,*

*Sunt gemina veneres, est geminatus amor.*

*Cœlestis Venus est, nullo generata parente:*

*Qua casto sanctos nectit amore viros:  
Huic comes est magnus Deus, ambrosiusque Cupido.*

*Quem docti norunt egregiusque mater.*



*Altera sed Venus est totum vulgata per orbem,*

*Quæ Divum mentes alligat, atque hominum:*

*Improba, seductrix, petulans, lasciva, proterva,*

*Blandiloqua, illudens, imperiosa, procax.*

*Hanc comitatur amor, facilis qui pectora sensim*

*Vrit, & infernis imperat, & superis.*

Nec ab re sacer Origenes in Cantica Canticorum scripsit, quod & spiritualis Cupido sive Amor est; & quomodo est quidam carnalis cibus, & alius spiritualis, & alia carnis potio, alia spiritus, sic est quidam amor carnalis à Satana veniens, alius amor spiritus à Deo exordium habens: & nemo potest duobus amoribus possideri, & tanquam duobus dominis servire, communicare luci & tenebris, participare cum Christo & Belial. Quod Christus asserit cum Apostolo. Nos dicemus esse tres Veneres atque Cupidines: unam divinam, cœlicam, spiritualem, castam & mundam: quâ peculiari & generali vocabulo charitatem nuncupabimus; alteram con-

tra,

tria, humanam, terrestrem ; corpoream, impudicam, & immundam : quæ appellatur luxuria, voce vulgo ad id, quod præcipue intendimus, apta, etsi generali, nec incommode. Et has quidem primum tales dicimus esse, cum sui similibus, scilicet Cupidinibus. Ex quibus tertia est quodammodo mista, divina, cœlica, spiritualis, casta & munda, humana, terrestris, corporea, & quasi impudica & immunda: quæ sanctum matrimonium, & pudicæ nuptiæ, & casta mulieris & viri coniunctio nominatur, non incognita fere etiam antiquis illis Ethnicis auctoribus. Siquidem hanc viri & uxoris coniunctionem cum voluntate liberos procreandi, Cicero libro de finibus tertio, Sanctos amores dixit: ac ne à sapiente alienos esse. Anneus Seueca in Hippolyto de hac etiam ita:

*Cur sancta parvis habitat in tectis Venustas?*

Lucanus Pharsaliæ volumine quinto:

*Hæu quantum mentes dominatur in æquus*

*Iusta Venus?*

Mari.

Martialis, libro sexto:

*Eufistis, satis est, lascivi nubite...*

*Permissa est vobis non nisi casta Venus.*

Proinde quoque putarim scripſisse Vulcatium Gallicanum, & secundum hæc intelligendum, quod ait: Avidiũ Cassium Veneris cupidum fuisse, & castitatis amatorem. Quippe, ut & senior Quintilianus ait, est quædam etiam nubentium pudicitia, & scilicet uxores ducentium, etiam si ad re ipsam procliviores sunt illi dediti. Præterea, refert Cassiodorus in tripertita historia, dixisse Paphnutium, virum sanctissimum, quod castitas est, cum propria coniuge concubitus. Ait & B. Gregorius in quartum Psalmum pœnitentialem, opus castum copula coniugalis. Et notatur à nostris, quod observantes matrimonium iuste, dicuntur observare castitatem, & plerique aiunt similiter. Ad hanc vero traditionem alludit ea, quæ ab D. Augustino scripta legitur quodam sermone de tempore: Charitas, inquit, alia est divina, alia est humana. Rursus humana licita est, & humana illicita: qua meretur

Cardin.  
Alex. in  
c. Si quis  
virorum. 5.  
j. dist. 30.  
53.



trix diligitur, vel uxor aliena. Humana autem licet charitate diligere coniuges, diligere filios, diligere amicos, diligere cives. Sed quia omnis licita amicitia divina est, hoc est, propter Deum & ex Deo: quæ charitas dicitur, dicente Duranto: Per charitatem non diligitur proximus, nisi propter Deum: quamvis aliud genus amicitiae possit haberi ad proximum secundum se: quæ, ut ait Augustin. in dicto loco, & inter Ethnicos & Paganos & similes videtur: & nemo amicus est hominis, nisi prius fuerit veritatis: Amicitiae enim fons, Amor Dei: ut alibi inquit D. Augustin. Et B. Ambrosius: Non potest homini amicus esse, qui Deo fuerit infidus. Et quia, ut ait B. Antonius epistola ad Arsemitas, non est charitas corporalis, sed spiritualis, & amans Deum; quæcunque præter matrimonialem est, minus est corporalis, sed spiritualis: divinam magis visum est omnino nuncupare, & generali charitatis nomine: matrimonialem vero, & eiusmodi aliis receptis appellationibus humanis, quæ plurimum etiam humana est, & corporalis,

In 3. sent.  
dist. 84.  
q. 1.

A2. 10.  
Vide B.  
Aug. de  
civi. Dei  
lib. 14. c.  
18.

lis, & corporali operi destinata, lascivies Dei voluntate mundata, atque ideo etiam divina, alioquin per se immundissima. quale vas illud, de quo B. Lucas, arbitratus est Petrus, donec intellexit à Deo purificatum. Et ad rem, vas à Deo mundatum, à nobis possidendum in honore & sanctificatione, non in passione desiderii tanquam immundum, docet Apostolus; ut uxores habentes, quantum fieri potest, similes sint non habentibus, & spirituali amicitia tantum & simpliciter deditis. Est igitur triplex & variata in univrsum Venus. Cum qua & illi servientē varie, ut par est, ceterarum rerum amorē mundi ipsius intelligimus. De quo etiam meminit Augustinus dicens: Tria sunt, quæ amari à nobis bene vel male possunt, Deus, proximus, & mundus. Deus super nos est: proximus iuxta nos: mundus subter nos. Tria Deus, duo proximus, unum mundus habeat in cursu desiderii nostri. Et est in desiderio ordinata charitas. amor namque per desiderium & de Deo, & cum Deo, & in Deum ordinate currere potest. De Deo currit, quando de eo accipit, unde

unde cum diligit. Cum Deo, quando  
eius voluntati in nullo contradicit.  
In Deum, quando in ipso requiescere  
appetit. Potest desiderium de pro-  
ximo & cum proximo currere, non  
in proximum. De proximo quidem,  
ut de eius salute gaudeat, & profectu:  
cum proximo, ut cum in via Dei co-  
mitem itineris & socium perventio-  
nis habere concupiscat: non autem in  
proximum, quia non est spes, fidu-  
cia, & requies in homine. Unum est  
mundi, de ipso currere. De mundo  
desiderium currit, quando infecto  
foris Dei opere per admirationem &  
laudem ardentius intus ad ipsum se  
convertit. Cum mundo curreret, si  
per mutabilitatem temporalium, sive  
dejiciendo se in adversis, sive elevan-  
do in prosperis, huic se conforma-  
ret. In mundum curreret, si in eius  
delectationibus semper requiescere  
vellet. Præterea, primum ad duas  
illas veneres, strictius amorem om-  
nem complectentes, alluisse videtur  
idem Augustinus, cum dixit, duos  
esse rivos, qui de fonte amoris ema-  
nant: cupiditatē, & charitatē. Radix  
omnium malorum, cupiditas: & om-  
nium



nium bonorum radix, charitas. Verum tu de divino illo & priori amore præcipua specialius dicere incipies, & si lubet perages. F. Faxo, tibi obtemperans:

### C A P. III.


#### *Deus amandus.*

Sent. lib.  
3. dif. 29.  
S. Tho. 2.  
2. q. 36.  
S. Anto.  
4. par. 11.  
6. cap. 4.  
S. 4. & c.

**C**haritatis ordinem, & quasi gradus quosdam ipse quoque Tullius esse voluit, multosque planius tradiderunt nostri Theologi, aiuntque ipsa charitatis cantica: Introduxit me rex in cellam vinariam, & ordinavit in me charitatem. Id autem constat penitus, in primis diligendū Deum, quod & Plato sensit libro legum Septimo, inquiens: Humanæ quidem res magno studio dignæ non sunt. Oportet autem quod studio dignum est, studiose sectari: non digna vero, nequaquam: ac Deum quidem omni beato studio dignum. in quo B. Bernardus, diligere quæ citra summum sunt, summa dementia est, ait. Et plane ipse Christus in Evangelio: Dilige Dominum Deum tuum ex toto corde tuo, & ex tota anima tua, &

ex tota mente tua. hoc, est maximum & primum mandatum. Et docet B. August. in quadam Homilia. & egregie lateque subserviunt Contemplationes illæ idiotæ vere doctissime. Eaque charitas (ut August. scripsit) à timore incipit: & B. Greg., Ex timore inquit, honor, ex honore solet procedere amor, unde dictus honor, venator amoris, ab Anticlaudio. Unde est, ut timor ipse Dei, primaria pars sapientiæ dictus sit sæpe in sacris.

Hom. 33.



הַחַיִּים, inquit, רִאשִׁית דַּעַת יִרְאָה: hæc illam crescens paulatim expellit, ut ait August., fitque perfecta sapientia, quemadmodum Timotheus quarto libro ad Ecclesiam scripsit, absoluta Christianorum sapientia, amor Dei scilicet absolutus. & B. Bernard., Perfecite, inquit, diligens anima nupsit verbo, hoc est Christo. At permanet liberalis timor quidam in amore: & subtimer vere quisque amans, ne qua in re lædat, quem diligit, ipsumque amorem, erga etiam parem inferioreque. unde Libanius servus in Plauti Asinaria: Ita te obtestor per senectutem tuam, perque illam, quam tu metuis uxorem tuam, ait. Est natura

i.e. Principium  
sapientiæ  
timor  
domini,

Lib. 1. tit.  
2. novel.  
II. &  
Theo. 1.

tura namque comparatum, ut nihil æque amorem incitet & accendat, quam carendi metus: ut C. Plinius inquit. Unde amorem religionis, nunquam posse esse securum, religiosissimus princeps Theodosius scripsit, & insatiabilem Catholicæ religionis honorem. Etenim duplex est timoris species, (ut alterum iubar Philosophiæ tradit in Oeconomicis:) una, cum verecundia & pudore: qua utuntur ad patres filii modesti, & cives bene morati ad benevolos gubernatores: altera, cum inimicitia & odio. sicut servi ad dominos, & cives ad tyrannos iniustos, & iniquos. Neque timorem, neque amorem absque verecundia laudavit Homerus: sed ubique amare præcepit cum modestia, & pudore. quo quidem modo Helenam timentem Priamum socerum dixit, ubi querenti Priamo de Attide respondentem facit his verbis primum:

Αἰδοῖός τε μοι ἐστὶ φίλε ἔκυρῃ, θεῖός τε.

i. e. Reverendus mihi quidem es charè  
socer, & terribilis.

Nihil aliud dicens, quam revereri &  
timere, hoc est, cū timore & reveren-  
tia



cia diligere. In hoc tamen reprehenditur à Platone Homerus, quod voluit, ubi timor est, ibi omnino esse pudorem: quanquam non est: sed contra timor, ubi pudor est, ut princeps ille Philosophorum docet in Euthyphrone. Constat autem (quod & sanctus Paulinus scripsit ad Ausoniū) quod ipse Deus se vult timeri ac diligere: id est, timeri illo timore, qui de amore venit: ut & notavit, varios timores memorans, Petrus Lombardus sententiarum Theologicarum libro tertio: ut sic & timeatur & diligatur. Cæterum ait B. Bernardus, timore Domini & amore perfecte affecta anima, veluti quibusdam duobus brachiis comprehendit, amplectitur, stringit, tenet Deum. & ait: Tenui eum, nec demittam. idque nedum dulciter, sed & sapienter. Deus, inquit idem, vult se amari non solum dulciter, sed & sapienter. unde Apostolus: Rationabile, ait, obsequium vestrum. Alioquin facillime zelo tuo spiritus illudet erroris, si scientiam negligas. nec habet callidus hostis machinamentum efficacius ad tollendam de corde dilectionem, quam

Dia. 34.

fi

si efficere possit, ut in ea incaute & non cum ratione ambuletur. Igitur disce, ô Christiane, à Christo, illum amare dulciter, ne illectus: prudenter, ne deceptus: fortiter, ne oppressus ab amore eius avertaris. Quæ in re cavendi sunt maxime & fortiter contemnendi tres hostes nostri, vulgo prodicti, & ab eodem B. Bernardo expressim memorati, Diabolus, caro, & mundus: sicuti præclare fecisse permultos & viros & mulieres virtute insignes & sâctitate, omnes sciunt. Ex quibus surrexit ornatissimus Christianorum Senatus. Ex quatuor enim ab initio constitit hominum ordinibus, ex Apostolico, martyrum, confessorum, & virgineo. in quibus summa summarum gloria fuit, ut per pia atque inclyta facta, tam in humanis agentes, quam vita defuncti, meruerint clarere miraculis: ut recte Polydorns adnotavit Virgilius. Quanquam hos quatuor ordines in duos reducit, martyrum videlicet, & confessorum, Caius Papa: qui in vita B. Sebastiani, agens quæ Dei & officii sui erant, legitur dixisse: Dominus noster Iesus Christus præcius fra-

fragilitatis humanæ, duos in se credentibus constituit salutis gradus: unum confessionis, & alium martyrii: ut hi, qui martyrii pondus se ferre desperant, confessionis gratiam teneant, & dantes latus bellantibus, Christi militum, qui pro eius sunt nomine pugnaturi, sollicitudinem gerant. Primum autem Apostolus ille & doctor gentium præcipuus, Deum prædilectum à se significans, quid inquit? Reputo omnia ut stercora, ut Christum lucrifaciam. Et alibi, nihil omnino separare eum posse à charitate Dei, multis adfirmat. Tum cæteri, Obedire, inquit, magis oportet Deo, quam hominibus. Quod Stephanus, cum ab impiis circumseptus ceu ovis à lupis crudelibus accusaretur, & infestaretur ob amatū Dominū, Durā, ait nihil veritus, cervice præditi, & incircumcisi cordibus & auribus, vos semper spiritui sancto restitistis, sicut maioris vestri. Quæ prophetarum nō sunt persecuti patres vestri, & occiderunt eos, qui annuntiabant de adventu Iusti? Cuius vos nunc proditores & homicidæ fuistis, qui accepistis legem in dispositione Angelorum,



rum, & non custodivistis. Præterea, cum lapidibus obrueretur, & obiret protomartyrium, dicebat: Domine Iesu, suscipe spiritum meum. Domine, ne annumeres illis hoc peccatū. Et ita clamabat voce magna, genibus in terra positis. Quod etiam ardenti illo erga Deum affectu libenter passus est beatus atque gloriosus Lucianus, lucidus vita, lucidus & fide, lucidus etiam tolerantie consummatione: ob hoc Lucianus cognominatus est, tanquam lucidus, aut proprio lumine sibi fulgens, aut aliis lucens. Hic enim duodecim diebus supra testas pollicinas extensus, tertiadecima die est consummatus, ut Adamantius Origenes retulit. Quid B. Laurentius? Verum aurum, ait B. Ambrosius, sanctus martyr Laurentius domino reservavit: à quo cum quærentur thesauri Ecclesiæ, promisit se demonstraturum: sequenti die pauperes duxit, dicens: Hi sunt thesauri Ecclesiæ, & verè thesauri, in quibus Christi fides est. De quo sic Anticlaudianus:

*Par pugna meritis, & eiusdem miles in  
armis,*

*Mun-*

*Mundum devincens Vincentius, omnia  
victor*

*Calcat, & in vivos pugnans in morte  
triumphat.*

*De hoc, & Tyburtio egregio etiam  
Dei martyre, Picus Nepos ita canit:*

*--- Incunda incendia Laurens*

*Suscipit, empyrea multum irroratus ab  
unda,*

*Atque per ardentis prunas illaesus abi-  
bat,*

*Maiores in corde ferens Tyburtius  
ignes.*

*Propterea fornax vastis cum follibus  
auras,*

*Carbonum iactu, pulsaret percita, la-  
tus*

*Hanc nudis calcans pedibus. tam dulcia  
dixit*

*Tormenta, & sevas tam non comburere  
flammas,*

*Quam si calcasset roseos per compita  
flores.*

*Quid item Macedonius, Theodolus,  
Thacianus Phryges ? novissime in  
craticula suppositi ardere iussi, cum  
cremarentur, Si assis, inquiunt, car-  
nibus delectaris, altera latera ignibus  
objice, ne, dum comedere cœperis,*

carnes semicrudas invenias. Quid Papinianus? Nostræ, inquit Victor Episcopus Vitenſis de perſecutione VVandalica, civitatis venerabilis Papinianus antiſtes, candentis ferri laminis toto aduſtus eſt corpore. Quid confessor Maſculas, de quo idem meminit? & ſanctus Fulcrannus, cuius tu vitam ſcripſiſti? Tum beatus Guimerra, primus huius antiquiſſimæ civitatis Carcaſonæ præſul? ac alii multi? notiſſima ſunt eorum ſummi in Deum amoris teſtimonia. Poſtremo, magnum ſpecimen perfecti amoris in Deum præſtitit ordo virginū, & ſingulariter mulierum, infirmiorum licet natura, necnon in virginitatis ſimili caſtitate magna pietatis facinora edentium, quo tempore ſcilicet pectora flagrabant puritatis amore maxime, non quemadmodum nunc impuritatis & mundi iſtius: quo miſerrimo ſeculo fere unusquiſque ad copulam tendit, ad nuptias provocatur aſſidue, quaſi damnum & turpe ſit cœlibem eſſe: & nullum maius dedecus arbitramur, quam ſi virgo noſtra ex animo nubere nequeat noſtro, & annoſior in domo permaneat. adeo ticipitis



cipitis Cerberi , ceu Sirenis inimico  
 cantui anscultantes , obsurduimus.  
 divinæ voci, dicenti Petro adhuc car-  
 nali, atque ideo omnibus similibus :  
 Non sapis quæ Dei sunt, sed quæ ho-  
 minum. Tum enim quidem oportet  
 sui vel alterius caussa nuptiarum soli-  
 citum esse, si, quod Paulus ait hac in  
 re ad Corinth. *ἔτις ὁρίλει γινώσκ.* Cæte- i. e. ita quæ  
oportet  
serio  
 rum, nihil minus curæ esse debet, imo  
 nihil magis curandum , quam id, ne  
 curetur; ut plane indicat idem Apo-  
 stolus, & multis epistolis docet B.  
 Hieronymus, tum alii. Porro institu-  
 ta persequens , ut ostendam quam  
 præstans in amore Dei, & dignus ideo  
 valde hic ordo fuerit, Christum tran-  
 seo Deum, qui carne suscepta virgo  
 esse voluit semper, & nasci de virgine  
 perpetuo futura : & patrem putativū,  
 educatorem proprium, necnon co-  
 gnatum sibi dilectissimum discipulū,  
 et si alioquin maritos, virgines tamen  
 esse optavit: mittoque similes, qui  
 vulgo ex sacris memorantur. Refero  
 mulieres quasdam haud vulgo cogni-  
 tas. B. Cæciliam, inter alios Clichto-  
 veus scribit, cum Valeriano nupsisset,  
 adeo laborasse, ut quæ amoris Dei tota

se dederat, consecraratque, in virginitate permaneret: effecitque, ut ipse Valerianus baptismatis aqua lavaretur. Pluraque ille retulit similia in eius virginis vita: plures videlicet connubio iunctos, nihilominus amore Dei virginitatem quoque ipsam retinuisse. Etiam auctor Theodoricus, Eusebium Samozatenum, cum in iuventute duxisset uxorem, in ipso thalamo prima die nuptiarum sponse persuasisse, ut puritatem communi voluptati præponerent, charitatemque fraternam adipisci pro copulis nuptialibus erudivit. Referunt, Henricum Imperatorem, primum eius nominis (quo me etiam eo gratius est dici) tandem catalogo sanctorum adnumeratum, nunquam cognovisse carnaliter conjugem uxorem, sed perpetuo cum ipsa mansisse virginem, quasi cœlibem vitam agendo, concorditer summo amore Dei. Prodit item Eraclides eremita, libro qui inscribitur Paradisus, capite secundo, Amonem compulsus à parentibus, cum adolescens esset, conjugem accipere, ad decretum castitatis propositum verbis commodis traxisse ipsam

vir-

virginem ; & multis annis una cum ea vixisse , eadem cellula, sed diversis lectulis. Auctor B. Grego. Turonensium historiarum libro primo, capite quadragesimo secundo, puellā quandam prima nocte nuptiarum suarum adolescentem virum, qui diu eam expetiverat, magnoque cum amore atque affectu in uxorem duxerat, dulcissimis & sapientissimis verbis ad id perduxisse, ut sibi sponderit tota vita secum actum iri caste omnino in virginitate, sicut ipsa decreverat, idq; pariter iacentes eodem lecto præstitisse. cumque vir tandem vita hac functam deponeret in sepulchro, dixisse: Gratias ago tibi Deus, quia hunc thesaurum sicut à te commendatum accepi: ita immaculatum pietati tuæ restituo. Illamque quasi vivam subridentē dixisse: Quid loqueris? quod non interrogaris? Item illum ducem clarissimum Bellisarium, uxoris Antoninæ oratione effectum catholicū, testis est Ammonius monachus. Sissimium, qui per uxorem Theodoram conversus est ad fidem, memorat iuris canonici Scholiastes. Et Paulus Diaconus libro decimooctavo, late

Inc. quod  
autem.  
28. q. 3.



commeminit, Persarum regem, ab uxore Cæsarea fide suscepta Constantinopolim attractum, cum sexaginta millibus hominum fidem cepisse: adeo validus in mulieribus amor Dei. Sanctæ etiam Gallæ B. Gregorius Papa meminit, quæ admonita à Medicis, ut ad connubium carnale rediret, alioquin barbam habitura, calore corporis nimio: maluit protinus, amore Dei maximo, infamiam illam mundi contemnere. Atque cum illi re ipsa barba prodiiisset, nihilominus in castitate pervixit. Nimirum non gloriabitur Christianus in carne, sed etiam cum propter Christum lacerata durerit, ut & spiritus in ea coronetur, non ut oculos & suspiria adolescentiū post se trahat, ait Q. Septimius. Qui & memorat, suo tempore solemnitatem fuisse maximam apud Lacedæmonios, quæ dicebatur Diamastigosis. in quo sacro ante aram nobiles quique adolescentes flagellis affligebantur, adstantibus parentibus & propinquis, & uti perseverarent adhortantibus. Id quod ex Lycurgi præscripto originem habuisse planum est. Quod quidem tamen non iniuria  
notatum

notatū à Gymnosophista Thespesiō-  
 ne apud Philostratum, ab Anacharsi  
 quoque antea damnatum est: quem  
 Lucianus in dialogo de gymnasiis  
 differentem introducit cum Solone,  
 improbantemque & pulveris illam  
 cum lucta agitationem puerorum A-  
 theniensium, & Lacedæmoniorum  
 verberationem lororum (uti est etiā  
 in Iovis filiis apud Theocritum, &  
 pœnis Longobardicis) mutuo perfe-  
 rendam, vanas & inutiles ac malas  
 contendens: quas tamen defendit  
 adversus Thespesionem Tyaneus.  
 Et certe Christianis hominibus con-  
 venientes nemo sanus negarit, & ali-  
 quando commodas, & similes a-  
 nimi nostri afflictiones. Anne  
 possumus dicere peccatum non ha-  
 bere nos? Etiam, dicer impius. Chri-  
 stus enim omne id abstulit, qui nos  
 redemit de maledicto legis, ut con-  
 sortes regni eius efficiamur. Quī igi-  
 tur ipse præcepit nobis quotidie ora-  
 re, inter cætera illud: remitte nobis  
 debita nostra? ut mittam cætera. Id  
 igitur minime verum, nec ideo assen-  
 tiendum. Alioquin, ut ille ait, nos  
 ipsos seducimus, Idcirco & se ipsos

1. sic. de  
 aggroff.

seducunt contra etiam præceptum  
Apostoli dicentis. Nemo se seducat.  
Qui delirant, nō dolendum unquam,  
nec aliquando corpus affligendum,  
sed gaudendum prorsus, etiam in  
passione Domini, neque volunt con-  
glorificari tales, sed Christi esse ex-  
hæredes. Audi Apostolum: cohære-  
des is nos asserit Christi, si tamen  
compatimur, ut & conglorificemur.  
At quid passus est Christus? A planta  
pedis, inquit Propheta, usque ad ver-  
ticem capitis non erat in eo saniras.  
At hūm propter sua facinora? sanctū  
pectus, sancta anima, sancta caro, &  
sanctissimum verbum Dei. qui pec-  
catum (ait) non fecit, nec est inven-  
tus in ore eius dolus. Sed forsā hæc  
inuitus omnino passus est, & ab aliis  
etiam piis. Nequaquam. Oblatus est,  
quā ipse voluit, & tanquam ovis co-  
ram tondente non aperuit os. suum.  
Qui adversus semet ipsum à peccato-  
ribus sustinuit contradictionem, &  
cum persequerentur eum impii, pro-  
cidens in faciem suam, oravit, & di-  
xit: Pater, si vis, transfer calicem  
istum à me. Verumtamen non mea  
voluntas, sed tua fiat. & is pro nobis  
tan-



tandem mortuus est : & nos pro eo. imo eius amore pro nobis, nihil agemus huiusmodi ? Nihil pro peccatis nostris de carne nostra remitteremus ? animæ indulgebimus ? semper in delitiis manebimus, & in gaudio ? in gaudio inquam isto mundano, & corporali, non tam gaudio, quam dolore, si quis verius animæ gaudium, & internā ex pœnitentia provenientem consolationem & lætitiā gustaverit. Probe igitur his adfici videmus Catholicos & devotos Deo homines, præcipue vero, ut par est, plerosque religionis exactioris professores: quando & Paulus ait, et si nihil sibi conscius, se castigare, & in servitutem redigere corpus suum. Decidunt & Theologi, licere homini breviate sibi vitam, pœnitentiam agendo: & scilicet bonum esse, si modo quis id non affectet, vel prætedat. Quod tamen etiam si non prætedat, imputatur ei, qui per se improba agit, ut voluptuose talia exercens. Qua in re quoque videbitur facere, quod traditur alibi Christum, ob labores & abstinencias, pro nobis quotidie agere solitas, cum vix tri-

Vide N<sup>o</sup>.  
derun<sup>ti</sup>am  
cōso. tim<sup>o</sup>  
consc.

ginta annos natus esset, visum quinquaginta natum. Ad quæ idem vetus, multique factus auctor Arnobius in psalmum centesimum sextum dicit: Quare hoc? inquit seculi homines, quid sibi volunt ista religiosi? plorare? sedere in vinculis? sedere in tenebris? Ubi est scriptum? Ecce hic scriptum. Quia illam animam respicit Deus, quæ sedet in tenebris & in vinculis, pro eo quod exacerbaverit Dominum, & consilium Altissimi spreverit. Quanquã *διὰ μαρτυρίαν* etiam illa laudanda nō sit, quam etiam num durare apud Italos Beatus Rhenanus testatur: indigne tamen se ferre dicit Sidonius ad Philagriū, lachrymas omnes perire, quas quisque profuderit, quoties Deo supplicat. Nam his se vult guttis cogier ipse Deus, & his est undis vis & potentia maior. Ut & lato ænigmate docet Hadamarius. Valeant igitur Buceristæ, furiosæ superstitionis illos notantes, quorum ardentissimam atque gloriosam fidem prædicat Apostolus: quos velut duces & antesignanos transigendæ in vera religione vitæ, nobis commendat & proponit illa  
sancta

sancta Ecclesiæ Christianæ antiquitas: qui circuierunt in melotis & pel-  
libus caprinis, errantes in solitudini-  
bus, in montibus, & speluncis, & ca-  
vernīs terræ. Atque ideo Christi  
præcursores & Baptistam, quo nemo  
surrexit maior, teste Christo, inter  
natos mulierum, hac nota præstrin-  
gunt. Quo levius ferre debent omni  
virtuti instantes monachi hanc iniu-  
riam, qua una cum haud dubie optimi  
à pessimis perstringuntur: defendun-  
tur item ab optimis magnifice. quos  
Pighius inquam ille Magnus, &  
Scepperus, antesignanos fidelissimæ  
vitæ prædicant, sapientissimos Chri-  
stianorum Procopius iam olim dixit.  
Magnis antea quoque huius farinæ  
inter Iudæos laudibus attollit Solinus  
dictos Essenos: quibuscum conver-  
satum Ioannem Baptistam & Chri-  
stum in primis adnotat Zieglerus.  
Quod si verum est, ut non ab re cre-  
ditur, quam futiliter in hanc rem do-  
cuit Erasmus, probari Deo non posse  
opera, nisi quæ iuxta præceptum eius,  
eo spectent, & ad id valeant, ut pro-  
ximo ad bene pieq; vivendum com-  
modetur per ea. quasi per eiusmodi  
vitam



vitam & illius commoda opera, non etiam proximo, hoc est, sibi in primis, cum unusquisque sit primum proximus sibi, deinde cæteris, ut mittam cætera, vel per orationes, quibus maxime sustinetur orbis, commodum maximum adferatur. Sed hoc etiam late Pighius, tum alii, confutant. At nescio quomodo excessi fere pome-  
ria. G. Nempe charitate, quasi vino inebriatus: siquidem ubera charitatis meliora vino sunt, & fragrantia unguentis optimis. Ego vero te patienter auscultabam, & suavissime contem-  
plabar ardescentem amore Dei eximio, & quasi vento pietatis amabili agitatum. F. Amandus itaque Deus. Namque, ut B. Gregorius ait, unusquisque aut Hierusalem civis est, per amorem Dei, aut Babylonis, per amorem seculi. Et in primis amandus perfecteque, ut plene cognoscatur Deus: ibi enim plena desideratissimaque Felicitas & finis noster. Non multum prodest habere zelum Dei, & non habere scientiam Dei, ait O-  
rigenes, iuxta Apostolum. quod in universum verum est. Inquit & beatus Bernardus : Deus non plene cognosci-

gnosceatur nisi ab his, à quibus perfecte diligitur. attamen in hac vita haud quaquam posse haberi perfectissimam charitatem. atque si quis contrarium arbitretur, hæreticum esse traditur. & ut non debemus frui, nisi Deo: ita eo non posse frui nos hic nisi per speculum & in ænigmate, non ut aliquando, si perseverantes in cœlos perducemur, proprie, perfecte, & plene. Cognitionem autem quandam eius, quod quis est amaturus, præcedere oportet, & sic Dei: quam & ipse Deus ultro credituris in se supeditat. Necessè est, ait Ficinus, ut aliquomodo cognitum nobis ante fuerit, quod amemus, & tanquam bonum nobis & iucundum fuerit iudicatum, & id assequi nos posse videamus & speremus. Unde apparet charitatem, & fidem & spem includere. ut his haud dubie maior sit (quod ait Apostolus) charitas, qua nos trahit ad se Deus, omnes volens ad agnitionem veritatis venire salvos. Privatio autem huius, id est, dilectionis Dei, radix est omnium delictorum, ut inquit Augustinus: & ea destitutus, nihil aliud est, quam

fran.  
Syllac.  
lib. de fide  
de cath.  
c. 55. Pet.  
Lombard  
sent. 1. di-  
stinct. 20.

i.e. pon-  
dus inu-  
tile ter-  
re.

i.e. Si  
quis non  
amat Do-  
mibium  
Iesum  
Christū,  
sit Ana-  
thema,  
Maran-  
atha.

ἐτάσσει ἄχθος ἀέρος.

כפרר אין הבין סכום

sicut equus, sicut mulus, nil intelligēs.

quemadmodum ipse plane denuntiat

Apostolus, οἱ περ ἐ φιλεῖ ἢ κύρειν ἰησὺν χει-  
ρὸν, ἢ τω ἀνάθεμα, μαχεναθά.

# C A P. IV.

## Homo amandus.

**D**Einde hominem amandum & Plato censuit : qui, ut ait, Dei ludo factus est. atque id vere ipsius optimum. Dei ludum dixit, opinor, Atticus Moses, seu Dei ludo factum hominem, adludens ad id, quod sacra Hebræa habent, artificem omniū Dei sapientiam, ludentem in orbe terræ suæ, delectationes habere

i.e. filios  
hominis.

אֵת בְּנֵי אָדָם. Adhæc Tullius, Commu-  
nis, inquit, hominum inter homines naturalis commendatio est, ut oporteat hominem ab homine, ob id ipsum, quod homo sit, non alienum videri. Ob id ipsum, quod homo sit, dixisse videtur : quoniam simile à simili maxime à natura ametur, præsertim optimum quid & admirabile : qualis utique est homo. Quo nihil admirabilius hic videri Abdalas Agarepus respondit. Et, ut diu ante hunc τριμύχτης ille Iethro sive Her-

mes



mes Madianita socer Moſis Septino-  
 mius dixit, magnum miraculum eſt,  
 animal adorandum & honorandum,  
 quippe qui μικρόκοσμος, imo μεγάκοσμος,  
 &, ut Theocritus habet, σφόδρ πλεῖμα  
 δ' ἀνδρωπεύς. Ut autem in membris, in-  
 quit Cicero, alia ſunt tanquam ſibi  
 nata, ut oculi & aures, aliqua etiam  
 cæterorum membrorum uſum adiu-  
 vant, ut crura, ut manus : ita imma-  
 nes quædam beſtiæ ſibi ſolum natæ  
 ſunt. At qui nate iis, concha, quod eā  
 cuſtodiat, Pinotheres dictus, in eam  
 cum ſe recepit, includitur : ita ut vi-  
 deatur monuiſſe, ut caveret. Item  
 formiæ, apes, ciconiæ, aliorū etiam  
 cauſſa quædam faciunt. Sed & oculi,  
 ſane pedes & manus dirigunt, & toti  
 prævident corpori, maxime pluribus  
 in rebus, quid noxium ſit atque utile.  
 & aures ſimiliter. Et omnes quodam-  
 modo beſtiæ proprium genus curant.  
 Quin & ipſum hominem amare ple-  
 raſque certo cognitum eſt, & viciffim  
 amatas ab hominibus ſupra modum.  
 Apud Baulos in parte Baiana piſci-  
 nam habuit Hortenſius, orator cla-  
 riſſimus, ubi murenam adeo dilexit,  
 ut exanimatam fleſſe credatur. In  
 eadem

Parvus  
 mundus,  
 magnus.  
 mundus.

Sapiens  
 quædam-  
 res eſt  
 homo.

eadem villa Antonia Drusi, muræ, quam diligebat, in aures addidit, Et hi quoque ab ipsis murænis signis singularibus diligere videbantur. Memoratur à Q. Curtio equus Alexandri Bucephalus dictus, qui nec in dorso insidere suo patiebatur alium, & regem ipsum cum vellet ascendere, sponte sua genua submittens excipiebat, credebaturque sentire quem veheret. adeo dominum amabat, à quo & plurimum amabatur. Similiter Cæsar, Suetonio teste, equo usus est insigni, pedibus prope humanis, & in modum digitorum ungulis fissis: quæ natum apud se, nunquam patientem sessorem alium, aluit. Tum de equis benevole & fideliter affectis pluribus erga dominos suos, & canibus, pariter multa recenset Plinius. Et de delphino amatore pueri maximo, historiam refert Aulus Gellius, & plura illi similia Polyhistoricus Iulius. & multa quoque collegit Textor in sua literaria officina, de plerisque amatis admodum à bestiis hominibus, & ab his, bestiis. Notum, Romulum lactatum à lupa, Hieronem regem Syracusanorum ab apibus enutritum,

Semi-

Lib. 8. c.  
40. & 42.  
Lib. 7. c.  
8. c. 17.

Semiramidem ab avibus ; Habidem  
Tartessorum principem , ut retulit  
Alexander ab Alexandro, à cerva; Te-  
lephum , Milesiorum regem, (ut au-  
ctor est Lucianus & plures alii) etiam  
à cerva ; Cyrum Persam , eum , qui  
prior regnavit , à cane ; Peliam ab e-  
qua, Paridem ab ursa , Ægypthum à  
capra. ut mittam alios vulgò narra-  
tos, & sanctos plerosque, quos dice-  
ret aliquis divino miraculo magis,  
quam naturæ affectu similiter educa-  
tos. Ac, quod diximus, nedum se  
ipsæ bestię & mutuo amant : verum  
& plantæ, ut palmæ, quemadmodum  
Leontius auctor antiquissimus, &  
plerique alii adnotarunt. Quid ?  
quod magnes ferrum ad se trahit, ar-  
tractum tenet ? nōne amicitia quæ-  
dam etiam rebus huiusmodi, licet  
insensibilibus videtur ? Quin etiam,  
breviter ut cecinit Claudianus:

*Nōne vides, operum qui se pulcherri-  
mus ipse*

*Mundus amore ligat, nec vi connexa  
per ævum*

*Conspirant elementa sibi ? qui limite  
Phœbus*

*Contentus medio, contentus littore Pō-  
tus?* Et.



*Et qui perpetuo terras ambitque, vehitque,*

*Nec premat incumbens oneri, nec cessarit aër?*

i. e. Neque enim ex anti-qua quereu, aut ex petra.

Multo vero magis hæc dilectio est hominum inter se, & coniunctio: qui ἔδ' ἀπὸ δ' αὐτῆς παλαιφάτα, ἔδ' ἀπὸ πέτρης, sed ex humo unius naturæ sumus omnes, maxime communis & propensæ: ex eodem sumus; ad eundem tendimus finem. Itaque natura sumus apti ad cœtus, concilia, civitates. Quodque nemo in summa solitudine vitam agere velit, non cum infinita quidem voluptatum abundantia, facile intelligitur, nos ad coniunctionem, congregationemque hominum, & ad naturalem communitatem esse natos. Impellimur vero etiam natura, ut prodesse velimus quamplurimis, inprimisque docendo, rationibusque prudentiæ tradendis. Itaque non facile est invenire, qui, quod sciat, ipse non tradat alteri. ita non solum ad discendum propensum sumus, verum etiam ad docendum. Atque ut tauris natura datum est, vi pro vitulis contra leones summa ut impetuque contendat; sic hi, qui valent opibus, atque

atque id facere possunt, ut de Hercu-  
le & de Libero accepimus, ad servan-  
dū genus humanum natura incitan-  
tur. Atque etiam Iovem cum opti-  
mum & maximum dicerent, cumque  
eundem salutarem, hospitalem, stato-  
rem, hoc intelligi voluit Cicero, sa-  
lutem hominum in eius tutela esse.  
Quod vero de nostro Deo, vero om-  
nium ac unico Deo, nos accipiemus:  
qui verus est Iupiter, à iuvando di-  
ctus: cui Liberatori, libare se suum  
sanguinem, cum iussu Neronis im-  
pii necaretur, Seneca dicebat. Cui  
Clodoveus primus Christianorum  
Galliæ nostræ regum, in bello peri-  
clitans, ut obtineret, acclamavit: *Mon  
Iove, saint Denys*. Et dicemus cū Cice-  
rone, minime vero convenire, cū ipsi  
inter nos abiecti neglectique simus,  
postulare, ut diis immortalibus chari-  
sim⁹, & ab his diligamur, hoc est, Deo  
& divis. Ideirco orare præceptum est  
nobis, ut refert B. Luc. in hæc verba:

καὶ ἄφεσις ὑμῖν τὰς ἁμαρτίας ὑμῶν, καὶ γὰρ  
αὐτοὶ ἀφίεμεν παντὶ ὀφείλοντι ὑμῖν.

Ira scilicet ut oramus primum facere  
adhortati, iuxta id, quod alibi doce-  
mur, quod, si offerētes mun⁹ in altari

recor-

Et re-  
mitte  
nobis  
peccata  
nostra,  
nam &  
nos te-  
mittimus  
omni de-  
bitori  
nostro.

recordati fuerimus fratrem nostrum habere aliquid adversum nos, relicto ibi munere, inde abeundum, ut reconciliemur fratri, & eo facto ita demum munus Deo offerendum.

## C A P. V.

*Amandus quisque à seipso.*

**A**T inter homines primum se ipsum debet diligere homo, sicuti dicto suo Christus ipse manifeste ostendit, & beatus August. docuit, dicens: Primum dilige Deum, deinde te ipsum: posthæc dilige proximū tuum sicut te ipsum. Primum tamen discce amare te ipsum. Nam si te ipsum non nosti amare, quomodo proximū poteris in veritate diligere? Ideo dixit Christus: Dilige proximum tuum, sicut te ipsum. Et Cicero Tusculanorum tertio: Præclarum illud est, inquit, rectum quoque & verum, ut eos, qui nobis charissimi esse debeant, æque ac nosmet ipsos amemus. At vero plus fieri nullo pacto potest. Aitq; B. Antonius. Qui malefecerit proximo, se ipsum afficit malo: qui vero ei bene fecerit, sibi met hoc facit. Qui  
potue-



potuerit diligere semet ipsum, diliget  
 nihilominus omnes: qui cognoverit  
 semet ipsum, universos cognovit, at-  
 que ideo proximum eiusdem naturæ  
 consortem. Etenim proximus sibi  
 quisque est, ut vult ille Teren-  
 tianus, & magis, quam quivis alius:  
 quemadmodum & proverbium docet,  
 quod tractat in oratione illa prover-  
 biali Beroaldus, & Plautus habet:  
 Tunica propior pallio est. Nec mi-  
 nus elegans illud, quod egregius do-  
 ctor noster Ioannes Imoleus ait; Plus  
 stringit interula, quam tunica. Unde  
 Ovidius alicubi inquit:

*Sed propior, certe, quam pater, ipsa sibi  
 est.*

Sed quomodo & nos & proximum  
 diligere oportet? Nonne, ut lepidissi-  
 me ait Augustinus, quomodo audi-  
 mus gulosos dicere: amo turdos?  
 nunquid sic amandi sunt homines  
 tanquam consumendi? Item putant  
 nonnulli homines, legitimo ordi-  
 ne sese amare, quando res alienas ra-  
 piunt, quando se inebriant, quan-  
 do libidini serviunt, quando per in-  
 iustas calumnias iniusta lucra con-  
 quirunt.

In l. h24  
 redes  
 mei. S.  
 peto d. ed  
 ex. ad  
 Trebel.  
 f.

*Sed*

*Sed quam cecus inest vitiis amor! omne  
futurum*

*Despicitur, suadentque brevem presen-  
tia fructum.*

*Et ruit in vetitum damni secura li-  
bido,*

*Dum mora supplicii lucro, serumque  
quod instat,*

*Creditur.*

Ut canit Claudianus. Profecto, se hoc modo oderunt ac proximum homines, dicente etiam scriptura: Qui diligit iniquitatem, odit animam suam.

Tum, qui calumniatus est proximo suo, odit ipsum proculdubio. Aitque Martianus noster: Qui sibi non perpercit, multo minus alii parceret. Et enim sancta est virtus, fugiens ab omni dolo, ait B. Anton. Quam amplexando, vere quisque Deum, se ipsum, & proximum diligit. quæ, ut

Admira-  
bilem sui  
amorem  
exhibe-  
ret, si  
perspicua  
eius ima-  
go in o-  
culos no-  
stros in-  
curreret.

ait Plato, *δεινὸς μὲν ἂν παρῆχεν ἐρώτας ἐυ-  
τῆς, εἰ τοῖσδε ἐναργὲς εἶδωλον παρῆχαιτο εἰς ὁ-  
ψιν ἴον.* & Tullius, Sumus, inquit, na-

tura studiosissimi appetentissimique honestatis: cuius si quasi lumen aliquod aspexerimus, nihil est, quod,

ut eo potiamur, non parati simus & ferre & perpeti. Sicut & de præmio

ipsum

ipsius, inquam, verè perfectæ, ut par  
est, testatus est Apostolus, dicens;  
Non esse condignas passionēs hujus  
seculi ad futuram gloriam: neque  
aures audivisse, neque in cor homi-  
nis ascendisse, quæ præparavit Deus  
diligentibus se. quorum scilicet ipsæ  
etiam animæ, virtute & sapientia  
tam pulchra factæ pulcherrimæ, divi-  
ni sponsi vocem merentur audire hu-  
iusmodi: Quam pulchra es! Oculi  
tui columbarum, absque eo, quod  
intrinsecus latet. Et cætera, quæ in  
sacris sunt Canticis. O igitur, quod  
& Minucus Felix ait, miro ardore cō-  
plectenda σοφία, quod prudens san-  
ctaque sit, intemeratioque cunctis  
pulchriorque virginibus. Hæc ete-  
nim dilectio sapientia est. Quomo-  
do scribit B. Bernardus: Si quis sa-  
pientiam virtutis amorem diffinierit,  
non à vero deviare videbitur. Vbi  
autem amor est, labor non est, sed sa-  
por, & forte sapientia à sapore deno-  
minatur, quod virtuti accedēs, quod-  
dam veluti condimentum sapidam  
reddat, quæ per se insulsa quodam-  
modo, & aspera sentiebatur. Nec  
duxerim reprehendendum, si quis sa-



pientiam saporem boni definiat, quæ pene ab ipso exortu generis nostri perdidimus. Proni sunt, inquit, sensus humani in malum ab adolescentia sua, hoc est ab insipientia primæ mulieris, ait idem B. Bernard. Cæterum prædictis consentit B. Ambrosius, dicens: Amant se bene, qui in se Dei opera amant. nam & Deus hoc amat in nobis quod ipse fecit, & hoc odit quod ipse non fecit. hoc est peccatū. quando etiam docet B. Ioannes, Omnia per ipsum facta esse, & sine ipso nihil. quod ipsum intelligitur peccatū. de quo dicitur per Amos prophetā, Væ amanti-bus, qui lætamini in re nihili. Juxta illud quod iisdem alibi dicitur: Lætantes ad faciendum malum, exultabunt in perversitatibus voluntatis Dei. Et libido dicta est inde à Mythologista, Dulce nihilum. Itaque omnimodo cavendus est nimius amor sui, qui *φιλαντία* dicitur, imperitiæ, remulentiæ; & huiusmodi nutricum stultitiæ, pedissequa, huicque propè par adulatio soror, uti ait Erasmus. Quo magis, teste Tullio, omne animal simul atque est ortum, applicatum est ad se diligendum: omnis natura diligens & con-

& conservatrix est sui, ut & salva sit,  
& in genere conservetur suo. Omni-  
um, inquit Plato, maximum quod-  
dam malum in multorum hominum  
animis est innatum: cuius quidem,  
cum facile sibi ignoscant, remedium  
nullum excogitant. Est autem hoc  
quod dicere solent, quod naturâ sibi  
quisque amicus est. Recteque est ira  
id se habere. Sed revera nimius in se  
amor, omnium peccatorum omni-  
bus semper est causa: Obcæcatur  
nempe circa amatum, qui amat. Qua-  
propter qui se amat, cum seipsum  
magis quam veritatem honorandam  
putet, quid iustum, bonum, pul-  
chrum sit, malè iudicat. Decet sanè  
eum qui magnus vir futurus est, ne-  
que seipsum, neque sua diligere, sed  
iusta semper, sive à seipso, sive ab alio  
potius gerantur. Ex hoc ipso delicto  
accidit omnibus, ut ignorantiam su-  
am esse sapientiam opinentur. Hinc  
fit, ut quamvis nihil, ut ita dicam, sci-  
amus, scire tamen omnia arbitremur.  
Cum verò nec aliis committamus fa-  
cultatē agendi, quæ ipsi facere igno-  
ramus, facientes errare compellimur.  
Qua in re subnotatur Adrianus lau-

datissimus aliàs Imperator, qui, ut Aelius Spartianus habet, professores omnium artium, ut doctior, risit, contempsit, obtrivit, cum ipsis professoribus & philosophis, libris & carminibus invicem editis, sæpe certavit. Et Phavorinus quidem, cum verbum eius quoddam ab Adriano reprehensum esset, & ipse cessisset Phavorinus, arguentibus amicis quòd malè cederet Adriano, de verbo quod idonei autores usurpassent, risum iucundissimum movit, dicens: Non rectè suadetis, familiares, qui non patimini me illum doctiorem omnibus credere, qui habet triginta legiones. Facete nimium stultam eius arrogantiam & φιλαυτίαν notans. Quamobrem, inquit Plato, nimium sui ipsius amorem fugere quisque debet, & meliores sequi, nullo rubore verecundiæ impeditus. Nimium verò sese quoque amant homines ut plurimum, quum plus vel minus, quàm convenit, imprudenter vivere affectant. Amor vitæ, inquit Seneca, ut non est abjiciendus, ita minuendus est: ut quando res exegerit, nihil nos detineat, nec impediat, quominus



minus parati simus, quod quandoque obeundum est, statim obire, æquo animo scilicet & nostrorum quorumcunque quantumvis dilectorum eiusmodi casum ferre. Et ante omnia illum quoque Seneca vitari voluit affectum, qui multos occupavit, libidinem scilicet moriendi: quæ inquam imprudens, & præter auctoris vitæ voluntatem existens, illis etiam deputatur, qui ab Apostolo quoque dicuntur *φίλαυτοι*. Qui quidem cum Mose, Iob, Tobia, & sanctis aliis, ita videtur finem vitæ huius optasse, si videlicet nihil hîc ea esset opus secundum Dei voluntatem. Verum in desiderio vitæ istius magis (quod mirum est) delinquitur, & timetur plus nimium mors: quâ nec infantes nec pueri nec mente lapsi timent. Quare, inquit ille, est sanè turpissimum, si eam securitatem nobis ratio nō præstat, ad quam stultitia perducit. Non, vivere bonum est, sed bene vivere. Itaque sapiens vivit, quantum debet, non quantum potest. Clementissimus portus est aliquando petendus, nunquam recusandus, in quem si quis intra primos annos delatus est, non ma-

gis queri debet, quàm si citò navigavit: vel scilicet, qui è corporis vinculis tanquam è carcere evolavit & custodia: ut habet Cicero. Pellantur, inquit, istæ ineptiæ penè aniles, ante tempus mori, miserum esse. Quod tandem tempus? naturæne? At ea quidem dedit usuram vitæ, tanquam pecuniæ, nulla præstitura die. Nemo patum diu vixit, qui virtutis perfectæ sufficienter functus est munere. Nos igitur illi, scilicet quantum fieri poterit, incumbentes, & Dei benignitate freti, si quid tale acciderit, ut à Deo denuntiatur videatur, ut exeamus è vita læti; & agentes gratias pareamus, emitti que nos è custodia, & levari vinculis arbitremur, ut planè in nostram domum remigremus, ipsam que æternam; omni molestia carituri, cuncta verò commoda cælestia habituri. Magnum enim fuerit solatium perpetuæ mortis effugisse periculum, & planè iam ipsam mortem, qua tenentur perpetuo igni immorientes impii, præsertim כּוּפְרִין, quemadmodum dicunt Chaldæi, qui negant primum fundamentum, hoc est Deum, & inde substantias separa-

paratas omnes, ipsiusque animæ post corporis lapsum durationem, quæ sola naturali ratione longè credibilis est; quæ non temerè, nec fortuitò, vel, ut cætera animantia, ad hanc tantum vitam satos & creatos, dominos omnium, solos rationis capaces, homines esse convenit. Sed profectò fuit quædam vis, quæ generi consuleretur humano, nec id gigneret aut aleret, quod, cum exanclavisset omnes labores, tum incideret in mortis malum sempiternum, quemadmodum ait Cicero. Cuius mitto cætera: sed & Platonis, & inter novissimos Francisci Pici, & Gulielmi Postelli, & aliorum multorum, multa omnino in hanc rem sufficientissimè dicta. quibus nec, quantumvis opinor maximis & perspicuis, persuaderetur gens illa cæca, quæ lumen veritatis, Deum rejiciens, prorsus abegit, nec admittit, ideò & derelicta à Deo: nostri, prò dolor, seculi magna ex parte latens pestis: quæ primùm credibile est fecisse istam *φιλανθρίαν*, & nimium huius vitæ amorem: ut quia nimium amatur, & perplacet, nulla speretur alia, atque adeò non credatur. In quem vitæ amorem



etiam hæc cecinit Tragædus Seneca:  
*Heu quàm dulce malum mortalibus  
additum,*

*Vita durus amor, cùm pateat malis  
Effugium, & miseros libera mors vocet:  
Portus æterna placidus quiete!  
Nullus hunc terror, nec impotens  
Procella fortuna movet, aut iniqui  
Flamma tonantis.*

Vnde & Adrianus Imperator, igno-  
rans, quæ bona amitterent verum De-  
um & cultum eius non agnoscentes,  
& quæ mala incurreret, moriens, hos  
versus fecisse dicitur ab Spartiano,  
lætus, vel potius subtristis.

*Animula, vagula, blandula,*

*Hospes comesq; corporis,*

*Qua nunc abibis in loca?*

*Pallidula, rigida, nudula!*

*Nec ut soles dabis jocos.*

Atque, si Socrati credimus, ipsæ be-  
stiæ irrationales, Cygni videlicet, læ-  
tabundi bonum mortis videntes, sive  
præfagientes, cùm moriuntur, ca-  
nunt, & suavius quidem, quàm antea  
consueverint. Hoc tamen minimè  
verum omnino apparet, eò quòd  
prorsus moriantur bestię, ac idcò bo-

rum

num vitæ suæ amittentes, nihil commodi penitus consequantur: exploso dudum errore, qui magno Origeni impingebatur, quo dicebatur Deum perpetuam vitam etiam daturum bestiis, ex Psalmo, in quo habetur: Hominem & bestiam salvabis, Domine. Quo nihil iuvatur ille error, quoniam intelligendus est omnino Deus salvaturus omnia secundum suam naturam: Hominem quidem, qui creatus est ad imaginem & similitudinem suam, super quem signatum est lumen vultus eius: animam caelestem habentem, unâ cum erecto etiam corpore, ad æthera semper aspirantem, si quidem illam purificatam servaverit, ut illic vacuas perpetuò impleat sedes: Bestias autem & reliqua propter dominum hominem facta, ut illis pro necessitate huius vitæ ad utilitatem suam sine iniuria uteretur homo, eatenus per successionem generationis duratura, quatenus homini opus sit hic victuro, ad diem usque magni iudicii. Quo, numero electorum completo, cursus cæli syderumque sistetur, atque ideo omnis quæ sit sub hoc concavo orbis lunæ generatio &

corruptio cessabit, & purificati cæli  
 & elementa suo in loco stabunt, su-  
 perinducto universę terræ igne. Deus  
 in cælo per excellentem habitatio-  
 nem supermo, cum beatis Angelis &  
 hominibus, Satan in imo terræ, hoc  
 est totius mundi centro horrido, cum  
 suis Angelis & hominibus reprobis  
 ætatem aget, prout variè meruerint.  
 Atque hic cum quotidie perdere ni-  
 tatur, unà cum homine, quæ illi ser-  
 viunt, Deus contrà illa semper server,  
 opus est. Vnde Salvator iuxta prædi-  
 ctum psalmum, est רבתמת. Itaque per  
 eum sancti putantur curare etiam iu-  
 menta, quibus divisor donorum Spi-  
 ritus specialia impertitus est dona sa-  
 nitatum: & multi olim sanasse irra-  
 tionalia, hominis causa, etiam perhi-  
 bentur: defuncta etiam suscitasse,  
 Deo restituente scilicet vitalem spi-  
 ritum, quem & cum corpore creave-  
 rat. Narratur beatus Germanus, vitu-  
 lum unicum pauperi & grato subulco  
 interemptum, viventem restituisse  
 & asinum proprium, quo vhebatur,  
 mortuum etiam vitæ reddidisse. Vac-  
 cam etiam Severus refert à dæmone  
 agitaram liberatam à sancto Martino.

Scri-



Scribit quoque beatus Hieronymus, quòd ad B. Hilarionem bruta quotidie furentia pertrahebantur. In quibus Bactrium camelum enormis magnitudinis, qui iam multos obtriverat, triginta & eo amplius viris distentum solidissimis funibus cum clamore adduxerunt. Sanguinei erant oculi, spumabat os, volubilis lingua turgibat, & super omnem terrorem rugitus personabat immanis. Quem iussit dimitti sanctus: statim verò & qui adduxerant, & qui cum illo erant, usque ad unum omnes defugere. Porro ille solus perrexit obviam, & sermone Syro, qui ibi vulgaris erat, inquit: Non me terres, diabole, tanta mole corporis, & in vulpecula, & in camelo unus & idem es. Atque interim porrecta stabat manu. Ad quem dum furens & quasi eum devoratura bellua pervenisset, statim corruit, submissumque caput terræ coæquavit: mirantibus cunctis, qui aderant, tantam ferociam tam subito in tantam mansuetudinem mutatam. Docebat autem Sanctus, hominum causa diabolum etiã iumenta corripere, & tanto eorũ ardere odio, ut non so-

lūm ipsos, sed & ea, quæ ipsorum essent, cuperet interire. Huiusque rei proponebat exemplum, quod antè quàm B. Iob tentari permetteretur in se, omnem substantiam eius perdiderit, iumenta eius etiam interficiens. Nec movere quempiam debere, quòd Domini iussione duo millia porcorū à dæmonibus interfecta sunt, siquidem eos, qui viderant, non potuisse aliter credere, exisse de corpore hominis tantam dæmonum multitudinem, nisi grandis porcorum numerus & quasi à multis actus pariter corruisset, ait ille. Non ergo quòd bonum mortis sibi sentiant, vel prælagiant, sed fortè domino homini quidem probo canunt etiam sonorius & dulcius morientes olores, & quod planius est, ut Philadelphus docuit, quoniam natura studiosa conservandi sui, vitales omnes spiritus per corpus dispersos contrahit ad cor, tanquam ad arcem vitalis præsidii ac roboris. Sed ubi natura frustra diu multumque luctata, necessitati parere tandem cogitur, spiritus illi, deserta cordis statione, emergentes, impetu quodam intrinsecus, per annulares illos longissimi

simi colli ambitus, ad os ipsum, sonum quendam planiorem efficiunt musici cantus simillimū. Quamquam & fabulosum hoc dici potest. Deinceps hi amant se nimis, quibus mortuis non satis est honesto ecclesiæ ritu sepeliri, sed volunt sepulturam fieri mundo magnificam & pretiosam, se auro, se argento condi, & serico operiri, quasi se ipsi divos declarantes, & sancta sua corpora: non animadvertentes, quod qui se exaltat, humiliabitur. Nec mirum, hi enim tales esse solent, qui cum semper elati fuerint & superbi, seipsum tantum amantes, neglecti satis recordari nesciunt, in ipsa etiam morte, Dei: qui, sicuti Hesiodus quoque canit,

Πῶς δὲ μὲν βεβαίη, πῶς δὲ βεβαίως χαλάνη:

Πῶς δ' ἀείζηλον μινύθῃ, καὶ ἄδνηλον ἀείθῃ,

Πῶς δὲ τ' ἰδυῖν σκολιόν, καὶ ἀγνώστου χάρος.

*Facile enim extollis, facile itidem elatum deprimis,*

*Facile insignem minuis, & obscurum auget.*

*Facile quoque corrigit pravum, & superbum attenuat.*

Unde illa & quæcunque similia ineptissima cupiunt, contra canente etiam Horatio:

Ab-



*Absint inani funere nenia,  
Luctusque turpes, & querimonia.  
Compesce clamorem : ac sepulchri  
Mitte supervacuos honores.*

Et Cyrus Persarum rex sapientissimus, dicitur à Xenophonte monuisse filios, uti cum mortuus esset, eum non in auro conderent sive in argento, vel alia ulla prorsus re, quàm terra, cui redderent quam primum. Quid enim, inquit, hac re beatius, quàm terræ misceri, quæ pulchra omnia, & gignit & nutrit? Ego verò & aliàs me humanum præstiti, & nunc iucundè mihi videor eius rei particeps fieri; quæ benefica est in homines. benefica inquam etiam, ut canit Cornelius,

*Dum pretium vita grata rependit humus.*

Insulsè verò nimis Diogenes Cynicus, qui projici se iussit inhumatum. cui amici : Volucribusne & feris? inquirunt. minimè verò, ait ipse, sed bacillum prope me, quo abigam, ponite. Quid poteris? aiunt illi: non enim senties. Quid igitur, inquit, ferarum laniatus mihi oberit nihil sentientis? Similiter Demonax à Luciano celebratus,

bratus, aliquanto antè, quàm more-  
retur, interrogante quopiam de se-  
pultura: Ne vos hæc cura remorde-  
at, inquit: fœtor me sepeliet. Respon-  
dente autem illo, An non turpe foret  
& nefarium, si tanti viri corpus volu-  
cribus & canibus dilaniandum obji-  
ceretur? Nihil absurdum est, inquit,  
si mortuus quoque nonnullis anima-  
libus utilitatem aliquam allaturus  
sim. Socrates autem à Critone roga-  
tus, quemadmodum sepeliri vellet:  
Multam, inquit, amici, operam fru-  
strà consumpsi. Critoni enim non  
persuasi, me hinc avolaturum, neque  
quicquam me relicturum. Verumta-  
men, Crito, si me adsequi potueris,  
aut sicubi nactus eris, ut tibi videbi-  
tur, sepelito: sed mihi crede, nemo  
me vestrum, cum hinc excessero, con-  
sequetur. Egregiè id quidem, qui &  
amico permiserit, & se ostenderit de  
hoc toto genere nō curare. Sic autem  
videtur loquutus, quoniam homi-  
nem esse, & se, solam animam arbi-  
trabatur: aut sanè arrogantius pu-  
rans, & ambitiosius adnuens, se cum  
corpore raptum iri in cælum. Quem-  
admodum Mahumedes etiam legitur  
in

in Arabum monumentis præcepisse  
suis, ne se sepelirent: tertia videlicet  
die, sicut Christus, resurrecturus, &  
continuo assumendus in cælum, ne-  
bulo ille, qui mortuus & diu expecta-  
tus, cum nihil aliud, quàm foeteret,  
admodum indignantibus illis, tandē,  
ut retulit Humbrem, nudus proje-  
ctus est. Præclare Anaxagoras, qui  
cum Lampfaci moreretur, quærenti-  
bus amicis, vellet Clazomenas in pa-  
triam, si quid ei accidisset, adferri?  
Nihil necesse est, inquit, undiq; enim  
ad inferos tantundem viæ est. Cære-  
rū, quantum consuetudini famæq;  
dandum sit, curent vivi: ita ut intel-  
ligant, nihil ad mortuos pertinere,  
ait Cicero. Quasi etiam dicat, id vi-  
vorum esse solatium; quod ait divus  
Augustinus. Cui etiam hoc tantum  
videtur prodesse defuncto, ut apud  
memoriam martyrum sepeliatur: ut  
commendans eum etiam martyrum  
vel potius Christi patrocínio, adfe-  
ctus pro eo supplicationis augeantur.  
quibus ille concludit verbis librum  
elegantē, De cura gerenda pro mor-  
tuis. Sed mihi videtur etiam, cor-  
pora defunctorum apud sanctorum  
memo.



memorias, & terra sacra condi, & similia, prodesse piis, & gaudium quodammodo placidum adferre animabus, si terrena hæc animas cogitare credibile sit. Cæterum quoque in usu vitæ peccamus, nimis nos amantes, vel etiam nostros, amore nimio magnificarum domorum, quos non possidere ipsas, sed ab his possideri Tyaneus dixit, & pretiosarum rerum, deliciarum inquam, & voluptatum magnarum multarumque. Quarum cum effectrix sit pecunia, ut Cicero habet, ipsam quoque nimium amemus, summo cum nostro & proximi nostri malo, oportet. Quæ quantum crescit, tantum ejus amor imprudens & infelix crescere consuevit. Sicuti Iunius Satyricus ait:

*Crescit amor nummi, quantum ipsa pecunia crescit.*

Quam idè nullus non oderit potius sapiens: quemadmodum Plautinus ille inquit: Odi ego aurum: multa multis sæpe suasit perperam. Unde pronuntiavit Musonius Philosophus,

ἄγιος εἶναι κακὸν τοῦ ἀργυρίου. Ejusmodi generis amor est notabilis, quo bestias

sine ratione imprudenter nimium amamus,

i. e. dignum  
esse malum argenti.

mus, ut de Hortensio & Drusi Anto-  
 nia suprâ dictum est: & de Adriano  
 Imperatore retulit Spartianus, equos  
 & canes sic amasse, ut eis sepulchra  
 constitueret. Quod & nunc plerique  
 forsitan facerent; adeò tenerè Meli-  
 teas illas catellas diligere videntur,  
 si sperarent se posse pœnas graviores  
 evadere. Quemadmodum sacrificus  
 ille, qui vulgò narratur, cùm id egis-  
 set, & vocaretur à suo episcopo, illi  
 adtulisse crumenulam aureis refer-  
 ram, dicens, Episcopo id à catella sua  
 legatum: adeò sapuisse, ut non ab re  
 digna videretur sacro & cōmuni cum  
 homine sepulchro. Similiter nimius  
 & reprobus est amor, cùm nostra o-  
 pera impotenter vel insolenter ama-  
 mus, quemadmodum ferunt Teren-  
 tium seipsum in mare præcipitantem,  
 quòd essent quædam à se scriptæ co-  
 mœdiæ submersæ. Non secus atque  
 Aristoteles, cùm nequiret Euripi na-  
 turam capere, voluit ab ipso fluvio  
 capi. Et Homerus, cùm non posset  
 ænigma puerorum dissolvere, inta-  
 buit. Quod tamen negat esse verum  
 Herodotus, asserens, *συμβῆναι, ἡ παρὰ*  
*τὸ μὴ γινῆναι τὸ παρὰ τῶν παίδων, ἀλλὰ τῶν*  
*μεγάλων*

i. e. ad  
 commu-  
 nem lo-  
 cum abi-

μαλακίᾳ πλεωτῆσαι. In quo etiam melius audit illustris doctor noster Iohannes ab Imola, quem nequaquam rationa ulla fecisse accepimus, cum ejus scripta periissent propter incendium. quod ipse alicubi testatur. Tamen si, ut adfirmat Stagirita ipse, magis unusquisque proprium amat opus, quā ipse ab opere amaretur, si animæ particeps esset. Maximè tamen Poëtæ sua diligunt supra modum, & perinde atque filios, poëmata. Et sicut ait D. Ambrosius, scriptorem etiam indecori sermones sui palpant, sicut filij etiam deformes delectant. Quare Ausonius ad Gregorium filium de ecloga sua ita scribit: Commendo tibi errorem meum. Nævos nostros & cicatrices amamus, nec soli nostro vitio peccasse contenti, affectamus ut amentur: & ita impense decipitur humanum genus gloriam quærens ex literis, celebremque apud homines ipsos existimationem, quando & tantum abest ut id adsequatur, ut sæpe ob eam rem quoque deprimatur & vilior fiat depressus in errore maximo, vel visus. Dei credendum iudicio, irati ob perversum tantæ rei usum,

ipse, non  
quod  
nesciret  
quæ à  
pueris  
erāt pro-  
posita,  
sed ex  
morbo.  
In l. fi.  
co. 6. de  
hered.  
inst. §.



usam; quæ maximè contendere debet omnino, ut nos & alios pro virili instruente, quod Picus nepos docet, ipsius tantum Dei voluntati serviamus. Sed quod fatendum esse Sidonius scribit, talibus studiis anterior ætas justè vacabat, seu, quod est verius, occupabatur: vel inquam juxta institutum Fortii Ringelbergii, quo magis ab illicitis adfectibus abduceretur, modò tempus est seria legi, seria scribi: deq; perpetua vita potius, quàm memoria cogitare, nimiumq; meminisse: post mortē non opuscula, sed opera pensanda; cùm hominis officium sit, perennem potius vitam quàm perennem memoriam quære, non scribendo aut pugnando, vel philosophando, sed piè, sanctè religioseque vivendo, ut inquit eleganter Sulpitius. Denique notandum, quod tradidit S. Thomas, proximum, quantum ad salutem animæ, magis diligendum, quàm corpus proprium. & inde videtur, nedum pro vita animæ proximi vitam corporis nostri exponendam, sed etiam pro periculo animæ proximi periculum corporis nostri subeundum. In quo erit exemplū

Pau-

Paulinus Nolanæ urbis Episcop⁹. hic, ut refert Paulus Diaconus, postquam quicquid habere potuit, in captivorum redemptionem expendit, novissimè, cum nihil aliud nisi ipse sibi solummodo superesset, pro ejusdem viduæ filio maternas non valens ferre piis visceribus lacrymas, cum eadem ad Aphricam proficiscens, seise barbaro viro vice vicaria tradidit in servitium. Unde non est verum, quod imprudenter scripsit doctor noster Angelus Ubaldinus, Christum, qui voluit pati pro nobis, solum repertum esse, qui perverterit ordinem charitatis. Hic enim maximè & excellenter illum servavit, & nos docuit, quemadmodum facere debemus. Sicuti etiam scriptum est à B. Ioanne, In hoc cognovimus charitatem, quoniam ille pro nobis animam suam posuit, & nos debemus pro fratribus animas ponere. Sed & bona alterius, cujus liberalitate eis utimur, tenemur etiam præferre, si necesse sit, nostris, ut jure civili cautum est. Atque non (quod vulgus censeret, & habet versiculus antiquo Catoni tributus) ita nos adfici erga nos ipsos oportet, ut neminem melio-

In l. G.  
s. ipsum.  
de bo.  
quæ. C.

L. si ut  
certò. §.  
quod ve-  
ro. com-  
mod. ff.

In l. r. de  
offic.  
p. r. Aph.  
C.

meliozem vel probiozem nobis pute-  
mus aut profiteamur, neq; culpemus  
nos ipsos. Sed quod tu late alibi adno-  
tasti, unusquisque & se minimum  
omnium bonorum, & peccatorum  
maximum arbitrari ac profiteri inge-  
nuè debet, nec vereri conscientiam  
ex hoc lædi suam, etiam si virtutis to-  
tius numeros maximè impleat, &  
possit dicere cum Apostolo, quòd ni-  
hil sibi conscius sit: quoniam, docen-  
te Christo, nihilominus servus inu-  
tilis est: &, teste Ecclesiaste, nescit  
adhuc an odio vel amore dignus sit.  
Nec fortè novit omnes astutias Sata-  
næ, quibus in multis offendere potest  
etiam rerum peritus: & majus est o-  
mne in tali peccatum: & melior esset  
& minus malus fortè quivis alius, si  
tot ei essent collatæ gratiæ; Quod in  
dubio tenemur præsumere: quoniam  
id securius est, & favorabilius jam e-  
latæ plus nimium suapte natura hu-  
mana animæ: nec curiosius disputare  
de secreta Dei voluntate: qui unicui-  
que dat, & non dat, aufert, & retri-  
buit, prout vult. Vnde non solum ju-  
dicare nihil mali, dubii, adversus pro-  
ximum debemus, verum ne quidem  
suspi-



susplicari. Qua in re viros maximos probitate decipi video, qui de proximo quodvis, zelo quidem Dei, sed nō secundum scientiam, commodum, ut illis videtur, non judicant quidem, sed suspicantur. Quando & vetus, sanctus itidem, ut adparet, licet innominatus, autor decem cæcitarum libri, inter eas, scilicet conscientiaē noxias, suspiciones ponit, siue veras siue falsas, etiā sub specie justi zeli & virtutis existentes: quippe quæ iudicii de proximo reprobī, & detractionis adnatæ sorores fiat.

## C A P. VI.

*Patria amanda.*

**P**ORRò verò, ut tradidit S. Thomas, inter cæteros quoque homines aliquis magis diligendus est, etiam secundum affectum. Et primò quidem antiquior esse debere patria videtur. Et nedum, quod ait Augustinus de libero arbitrio tractans, parentis loco haberi solita est: sed ea est & sola, quæ parentum jure vincat affectum, ut Nectarius ad illum quadam epistola scripsit. Id quod & nostri docentes

Glos. in  
c. fortitudo 23.  
quod 4.  
Corset  
in rep. c.  
grandi.  
co. 28. de  
sup. negl.  
przlat.

ple-

Marci.  
conf. Ir.  
Bull. in  
defen.  
mō. pic-  
cat. tract.  
2. per. 7.  
m.

plerumque adnotarunt, & à iuramento facto generaliter ab aliquo, quod defendat aliquē adversus omnes homines, intelligi exceptam patriam, & quidem, si necesse fuerit, adversus patrem & ad mortem, ut à nostris expressum est. Et notatum, excellentem locum glorię in cœlo dari pro Repub. laborantibus & morientibus. Et Flaccus cecinit, Dulce & decorum est pro patria mori. Contrā verò, ut Philomusus inquit, ignotus moritur sibi qui nō consilio bono tutatur patriam suam. Atque D. Augusti. ad Nectarium, Iam senio frigescentibus membris, fervere animū tuum patrię charitate nec miror, sed laudo: reſq; non tantū tenere memoriter, verū etiā vita ac moribus demonstrare, quod nullius sit patrię consulendi modus aut finis bonis, nō invitus, imò etiam libens accipio. De hac Cicero etiam in libris De Finibus inquit: Mundum censent regi numine Deorum, eumq; esse quasi communem urbem & civitatem hominum ac deorum, & unum quemque nostrū hujus mundi esse partem. Ex quo illud natura consequitur, ut communem utilitatem nostrę

stræ anteponamus. Ut enim leges omnium salutem singulorum salutem anteponunt, sic vir bonus & sapiens, & legibus parens & civilis officii non ignarus, utilitati hominû plus quàm unius alicujus aut suæ consulit. Nec magis vituperandus est proditor patriæ, quàm communis utilitatis aut salutis desertor, propter suam utilitatem, aut salutem. Ex quo fit, ut laudandus sit is, qui mortem oppetat pro Repu. Quòd doceat chariorem nobis esse patriâ, quàm nosmetipsos, id est, vitam quidem istam corporalem. Ille etiam in oratione, quam habuit pro P. Sextio, & alia post reditû de exilio habita, Amemus patriam, inquit. Dii immortales, dici vix potest, quid charitatis, quid voluptatis habet. Cæterùm in hac patria, eaque multiplici, ut tu alibi docuisti, magistratus & similes ejus curatores varios, prout ordo eorum se habet, præcipuè amandos hic intelligemus, ne simus prolixiores.

Reip. lib.  
4.



## CAP. VII.

*Amandi parentes.*

Id est, talis  
esto circa  
paren-  
tes, qua-  
les esse  
optares  
circa te  
liberos  
tuos.

**D**Einde diligere parentes oportet unumquemque, sicuti vult à filiis suis diligi. Quod ait Isocrates ad Demonicum: τοῖς τοῖς γίνεσθαι τὰς γυνεῖς, οἷος ἂν ἐυζαίωσθαι σὺ αὐτὸν γινέσθαι τὰς σὺ αὐτῆς παῖδας. Nam etiam tales quispiam habebit filios, qualis ipse filius fuit, teste Chrysostomo in Matthæum: Verè, ait, quicumque subditus est Deo & parentibus suis, tales filios generat, Deo præstante, à quibus refrigeretur. Quoniam qui honorat patrem, honorabitur à filiis suis: qui autē contumaces existunt aut in Deum aut in parentes, generantes non refrigeria sibi generant, sed dolores, ut à filiis suis recipiant quod fecerunt in parentibus. Ac, ut Plato scripsit, lex iustitiæ speculari est atque vindex omnium, ita ut idem necessariò patiatur, qui aliquid patravit: ut si quis morti patrem vel matrem tradidit, ipse postea certis temporibus violenter à filiis occidatur. Quanquam in hoc magna, ut Tullius ait, vis est humanitatis: multum valet communio san-

sanguinis: reclamationis malis suspitionibus ipsa natura. Portentum atque monstrum certissimum est, esse aliquē humana specie & figura, qui tantum immanitate bestias vicerit, ut propter quos hanc suavissimam lucem aspexerit, eos indignè luce privarit: quando etiam feras inter sese partus atque educatio & natura ipsa conciliat. Veneque fides adhibenda videatur illis qui dicunt, adultos in utero læne catulos laniatis ipsius matris visceribus nasci: quoniam constat generatis ad generantia naturalem quendam amorem inesse, ut per eum species rerum natura conservetur, uti scripsit Philostratus. Nec sanè belluas ullas proprias matres devorasse unquam auditum aut lectum, nisi fortè tam peremptas aliàs, vel mortuas. Quod neque constat. Perimere autem matrem una tantum vipera memoratur, vindictæ paternæ, nescio quo naturæ instinctu, causa. Tametsi hoc quoque falsum asserit Tyaneus: quod neque natura patitur, neque comprobatur experientia. Cujus tamen exemplo Orestes Alcinousq; narrantur haud dubiè proprias interemisse matres. Nul-

In l. cum  
qui. de  
episco. &  
ele. C.

Collecta.  
c. 42.

Horribi-  
li 7.

loque exemplo pessimus omnium par-  
ricida etiam legitur Nero. Quale fa-  
cinus adeo contra naturam videtur,  
ut jam tales secundum Alberici nostri  
notata, non præsumentur liberi:  
quare etiam ut alieni communi cum  
aliis poena plectuntur, quod & pater  
tuus testatur. Inde etiam est Salomonis  
violentum iudicium, & simile Caro-  
lo Magno tributum: ut retulit Pu-  
teus noster. Et aliud ab innominato  
autore tractatus blasphemiae relatum.  
Et quod Cicero memorat pro Roscio  
Amerino, Lucium Caelium, quendam  
Terracinensem, hominem non ob-  
scure, cum coenatus cubitum in i-  
dem conclave cum duobus adolescen-  
tibus ivisset, inventum esse manum ju-  
gulatum: & cum neque servus quis-  
quam reperiretur, neque liber, ad  
quem ea suspicio pertineret, id ætatis  
autem duo filii propter cubantes ne  
sensisse quidem se dicerent: ipsos de  
parricidio primum delatos, tandem  
absolutos esse, quod filii essent: oc-  
ciso patre haud dubie dormientes  
inventi. Sanè suspiciosum, neutrum  
non sensisse, & ausum quenquam se  
in id conclave committere, eo potis-  
simum



simum tempore, cum ibidem essent duo adolescentes filii, qui & sentire & defendere facile possent. Erat autem porrò nemo, in quæ ea suspicio conveniret: tamen cum planum judici- bus esset factum, aperto ostio dormi- entes eos repertos esse, iudicio abso- luti, ut dictum est, adolescentes, & su- spicione omni liberati sunt. nemo e- nim putabat quenquam esse, qui cum omnia divina & humana jura scelere nefario polluisset, somnum statim ca- pere potuisset: propterea quòd qui tantum facinus commiserunt, non modo sine cura quiescere, sed ne spi- rare quidem sine metu possint, ut de Oreste à Poëtis narratum est. Nimi- rum & jure à nostris eruditum est ge- neraliter, duobus solis simul reper- tis, altero trucidato, altero vivo, con- tra quem nò est præcedentis vitæ ma- la suspicio, eum penitus absolvendū. Licet alii torquendos dixerunt, plu- ribus inventis in una domo vivis, & uno necato. Quod & factum est olim de libertis quidem Aphranii Dex- tri consulis, incertum sua, an suorum manu, scelere, an obsequio perempti. Quos Plinius Cæcilius post quæstio-

Fab. in 5.  
jus autē  
gentium.  
colum. 2.  
ad si. de  
iu. natu.  
Inst.  
Angel.  
tract. de  
malef.  
verbo, fa  
ma pu. 9.  
20.

nem supplicio liberandos, alius in insulam relegandos, alius morte puniendos arbitrabatur. Qui tandem æquitate postulationis Plinii victus, omissa sententia sua, accessit releganti, veritus scilicet ne si dividerentur sententiæ, quod alioqui fore videbatur, ea, quæ absolvēdos esse censebat, numero prævaleret. Etenim longè plures in ea una, quàm in duabus reliquis erant. Tum illi quoque, qui autoritate ejus trahebātur, transiente illo, destituti, reliquerunt sententiam ab ipso autore desertam, secutique sunt quasi transfugam, quem ducem sequebantur. Sicque ex tribus sententiis duæ factæ. Tenuitque ex duabus altera, tertia expulsa. Quæ cum ambas superare non posset, elegit ab utra vinceretur. Quæ etiam ex eo confirmari posse videtur, quod pater tuus notavit, judicatum hîc per Præsidem, & confirmatum Tolosæ toto adunato Senatu, quòd licet damnari nequeat planè aliquis, crimine illi impacto, non probato: tamen, si supersint tales in ipsum præsumptiones, quæ reddant suspectum de eo crimine, scilicet non levi; nec se libe-

liberet illis: potest prohiberi loco, in quo scandalo est multis. Et tum quidem, cum tales suspecti sunt, torquendos, non autem si alioquin omnino suspecti non sunt, censuit Constantinus Scholias. Constitutio-  
 num novissimarum Principis. Quod si fugiant & requirantur, jure de re-  
 quirendis, & stylo illo trinundinae peremptoriae citationis, bonis adnotatis, exilio damnari possunt: juxta  
 Vlpiani caput, habens: Sæpius monitos per contumaciam absentes relegari posse, ubi aliquid gravius non fuisset irrogandum presentibus. Quod intelligo vel ex genere criminis probati, vel ex cujuscunque criminis probationibus non sufficientibus ad aliud, quam ad relegationem, juxta prædicta. Alioquin sanè non esse absentes puniendos constat, vel puniri oportere secundum quod ipse alibi docuisti. Verum ad rem. Sic se res habet, Magnam vim, magnam necessitatem, magnam possidet religionem paternus maternusque sanguis. Ex quo si qua macula concepta est, non modò lavari non potest, verum usque eò permanat ad animum, ut

Ar. 161

L. absen-  
tem, de-  
pce. 8.In infest-  
atione,  
de Iust-  
niano  
Codice  
confr.  
verbo,  
et in-  
phatere.



summa amentia consequatur, læsa  
videlicet excruciante conscientia.  
Quæ quidem est, quæ punit homines,  
cum se malè operatos fuisse recogni-  
tant: uti se habet sententia Euripidis  
atque Tyanei, eandem quoque furias  
opposuisse Orestis matricidæ. Nec  
illa Quintiliano seniori videtur vana  
quorundam persuasio, qui credunt,  
non extrinsecus eas furias venire,  
quibus agitari eos, qui huiusmodi  
scelus aliquod perpetrassent, veteres  
tradiderunt, nec ullius deorum im-  
pulsu illam mortalibus incidisse de-  
mentiam, sed intra nos conscientiam  
esse, quæ torqueat animum & urat.  
Hæ sunt impiis assiduæ domesticæq;  
furias, quæ dies noctesque parentum  
pœnas à consceleratissimis filiis re-  
petant. Hæc magnitudo maleficii fa-  
cit, ut nisi penè manifestum parrici-  
dium proferatur, credibile non sit:  
nisi turpis adolescentia, nisi omnibus  
flagitiis vita inquinata, nisi sumptus  
effusi cum probro atque dedecore,  
nisi prorupta audacia, nisi tanta te-  
meritas, ut non procul abhorreat ab  
insania. Accedat huc oportet odium  
parentis animadversionis paternæ  
metus,

metus, amici improbi, servi conscii, tempus idoneum, locus opportunè captus ad eam rem. Penè dicam resperfas manus sanguine paterno: iudices viderint oportet, si tantum facinus, tam immane, tam acerbum credituri sunt. Quare hoc quò minus est credibile nisi ostendatur, eo magis est si convincitur, inquit Cicero, vindicandum. Ideo, quamvis Solon tale crimen nō credens futurum apud Athenienses, nullam illius pœnam posuerit: Romani tamen, cum se ortos à Romulo meminissent parricidio fundante imperium, unde id committi etiam majus posse, vidissent, quod & admisit Lucius Ostius post Annibalis bellum, primus patrē occidens, supplicium in parricidas singulare excogitaverunt. Ut, quos natura ipsa retinere in officio nō posset, magnitudine pœnæ maleficio submoverentur. In sui voluerunt in culeum vivos, atque ita in flumen dejici. Quam pœnam primus memoratur passus P. Malleolus. O singularem sapientiam! inquit Tullius. nōne videntur hunc hominem ex rerum natura sustulisse, & eripuisse, cui re-

pente cælum, solem, aquam terrám-  
que ademerunt? ut, qui eum necas-  
set, unde ipse natus esset, careret iis  
rebus omnibus, ex quibus omnia  
nata dicuntur? Noluerunt feris cor-  
pus objicere, ne bestiis quoque, quia  
tantum scelus attigissent, immanio-  
ribus uteremur: non sic nudos in flu-  
men deicere, ne, cum delati essent in  
mare, ipsum polluerent, quo cætera  
quæ violata sunt, expiari putatum est.  
Denique nihil tam utile neque tam  
vulgare est, cuius partem ullam illis  
reliquerint. Etenim quid iā est com-  
mune; quàm spiritus vivis? terra mor-  
tuis? mare fluctuantibus? litus eje-  
ctis? Ita vivunt dum possunt, ut du-  
cere animam de cælo non queant:  
ita moriuntur, ut eorum ossa terra  
non tangat: ita jactantur fluctibus, ut  
nunquàm abluantur: ita postremo  
ejiciuntur, ut ne ad saxa quidem  
mortui requiescant. In hac re quoq;  
inter suas leges Plato, canit hoc mo-  
do: qui parentem interemerit, si pa-  
rens antequam mortem obiret, spon-  
te interfectorem suum à cæde libera-  
vit, sicut qui sponte cædem commi-  
serunt, purgatus, mundus sit. Sin  
vero



vero non liberavit , multis legibus reus sit. Nam ultimis suppliciis cædis , impietatis, sacrilegii, subjectus erit, qui sacrilegio genitoris animam abstulit. Quare si possibile esset aliquem sæpius mori , justissimum esset sæpius parricidam interfici. Certè etiam , ut Valerius Maximus inquit, Diligere parentes, prima naturæ lex est, & , sicut Apostolus dixit, primum mandatum in promissione. Et commendabilis quidem pietas, quæ mansuetis præstatur parentibus : sed laudabilior, quæ horridiori favet parenti , quæ ad eum diligendum præter naturalem amorem nullo indulgentiæ blandimento invitata est. Cæterum, nulla acerbitate fortunæ , nullis sordibus pretium charæ pieratis evilesce debet : imo magis emineat oportet , quo magis opus est parentibus. Quibus etiam mortuis reverentiam exhibendam leges nostræ dicunt. Idque ad generos natusq; pertinet: quæ, ut Accursius scripsit, cum viro & soceris una persona sunt. Ideo Raguel monebat Saram filiam suam uxorem junioris Tobix , ut honoraret soceros suos, Et Origenes scripsit,

L. apud, §  
adversus  
de Jo.  
except.  
ff. in l.  
imò, de  
usu &  
hab. ff.

2. quia  
sol. ma-  
xim, ff.

quod nurus diligere debent soceros suos: quippe qui, ut Pomponius noster inquit, parentum locum obtinet. Et quidem, Origine teste, sæpe generi vel nurus, filiis synceriores reperiuntur circa soceros vel socrus suas. Tametsi natura, quod ait Pinus, comparatum est, ut socrus nurui, & nurus socroi sæpe sibi infensæ esse consueverint. Præcipuè vero socrus nurui videtur infesta. Vnde Laches ille Terentianus exclamat: Prò Deûm atq; hominum fidem, quod hoc genus est? quæ hæc conjuratio? ut omnes mulieres æquè studeant, nolintque omnia? neque declinatam quicquam ab aliarum ingenio ullam reperiās? itaq; adeo uno animo omnes socrus oderunt nurus. Viris esse adversas, æquè studium est, similis pertinacia est: in eodem omnes mihi videntur ludo doctæ ad malitiam. Ideo Socratam uxorem accusans malæ tractationis Philomelæ nurus, & ipsam jam alloquens idem Laches etiam inquit: Tuos esse illi mores morbum, magis quàm ullam aliam rem arbitror, & merito adeo. Nam vestrarum nulla est, quin gnatum velit ducere uxorem

uxorem, & quæ vobis placita conditio est, datur. Vbi duxêre, impulsu vestro easdem exigunt. Sed & novercam ob patris reverentiam & amorem, tanquam matrem amari debere, Propertii etiam versiculus nos admonet sic habens :

*Conjugium, pueri, laudate, & ferte paternum.*

## C A P. V I I I.

*Amandi liberi.*

PORRO filii diligendi sunt, ipsa etiã monente natura, ac docentibus propeq; clamantibus ipsis belluis. natura fit, inquit, Cicero, ut liberi à parentibus amentur. Neque vero hæc inter se congruere possent, ut natura & procreari vellet, & diligere procreatos non curaret. Atque etiam in bestiis vis naturæ inspicere potest: quarum in fœtu & in educatione laborem cū cernimus, naturæ ipsius vocem videmur audire. Hoc enim elephantibus etiam clamant, à natura ipsis talem benevolentiam datam. Neque enim id, sicut alia quædam, ab hominibus didicere. Hi namque cum hominibus non



non vixere, sed natura ducuntur, ut  
ament, quod pepererunt, & provide-  
ant ei sollicitè. Vnde & flumina tra-  
nantes, super dentium eminentias  
pulos gestant, promuscide tanquam  
vinculo ipsos complectentes. Vrsæ  
tiam, licet feritate cæteras belluas su-  
perent, pro catulis tamen omnia fa-  
ciunt. Chinalopiam memorat Orus,  
animal sic dictum, quod si insequatur  
venator, & unâ pullos ejus, sponte ve-  
natoris præda fit, si modo possit sic  
faciens servare pullos. Pantheræ fœ-  
minæ cum propter caliditatem ma-  
tres fieri gaudeant, & tunc dominari  
maribus velint, ac domui præsidere,  
mares tamen patienter omnia susti-  
nent propter catulorum amorē. Ti-  
gris, etsi crudelis insigniter, tamen  
ablatis catulis adeo mœstus fit, ut  
quandoque etiam moriatur. Visa est  
Phoca à piscatoribus comprehensa  
mortuum fætum suum ita deplorare,  
ut triduo à cibis abstinuerit, quam-  
vis omnium belluarum voracissima  
sit. Balæna fugientes majorem belluā  
filios faucibus suis abscondit. Vipera  
nequissimum genus bestię dictum,  
tamen quos peperit lingua lambit, &  
expo-

expolit : ut jam satis appareat non solum quod Euripides habet, ἀπασιν ἀνθρώποισιν τὴν ψυχὴν τίνα. Verum etiā, quod inquit Damis Assyrius, & Tyaneus probat, ἀπασιν ζώοισιν τὴν ψυχὴν τίνα ideoque, ut incredibile est mortem oblatam esse patri à filio sine plurimis ac maximis causis, sic hoc verisimile non est, odio esse parenti filium sine causis multis & magnis & necessariis. Nihil enim dulcius hominum generi à natura datum est, quàm sui cuique liberi, ut inquit Tullius. Vnde beneficiarius ex promissione indefinita & quantumvis generali, non intelligitur se obligasse, nec teneretur contra filiū suscipere domini defensionem. Quod si filios odit aliquis, & malus est pater, nunquam etiam bonus gubernator populi esse potest : nec is, qui charissima & familiarissima corpora nutrit, & fovet, unquam alienos plus existimabit, ut dixit Aeschines contra Demosthenem. At ut spectata honestatis & probitatis adolescens non alium patri suo honoribus præferet : ita nec pater neglecto filio alium paterno affectu juvenem complexurus est : maximè vero ex se genito

Candis, admodū hominibus alteram animam filios esse.

Omni-bus animantibus fixus suos pro anima esse.

Marfil. in l. inaudium. de licar. 6.

nito non gravatim tribuet, ut sit & vita honestissimus, & dignitate amplissimus, appareatq; omnibus sua opera quàm optimè educatus atque exornatus. Porro qui tali erga filium suum non utitur affectu, ille patris oculos videtur non habere, ut inquit Lucianus. Hujus autem amoris magnam vim esse in matribus, B. Bernardus ait. Nimirum, quoniam magno constitit illis, & certior est partus. Patrum autem non adhuc aliquis filium suum omnino certò scivit, sicut & contrà, ut Homerus ait:

ὁ γὰρ πᾶσι τοῖς ἐὼν γέρον ἀνὸς ἀνέγνω.

*Nec enim quisquam suum patrem ipse novit.*

Scribit etiam Erasmus, avias solere indulgentius habere nepotes. Vnde & Satyricus ita inquit:

*Ecce avia, aut metuens divum mater-  
tera, cunis*

*Exemit puerum, frontemque atque uda  
labella*

*Infami digito & lustralibus ante salivis  
Expiat, urentes oculos inhibere perita.  
Tunc manibus quatit, & spem macram  
supplice voto*

*Nunc Licini in campos, nunc Crassi mit-  
tit in ades, Hunc*



*Hunc optent generū rex & regina: puella  
Hunc raptant. Quicquid calcaverit hic,  
rosa fiat.*

Nempe aviæ à nepotibus magis vident prorogari genus suum. Verum hîc quoque ut alibi in universum, nimietas amoris ipsum amorem extrudens, cavenda est: nam & Plutarchus plerosque patres se vidisse ait, quibus amor nimius, ne amarent, causa extitit. Cæterum & nurus filiarum loco diligendas esse admodum scriptura divina nos admonet, ubi dicit, Abraham patriarcham Rebeccam uxorem filii sui Isaac adeo dilexisse, ut dolorem quem ex morte Saræ uxoris suæ contraxerat, temperaret.

## C A P. I X.

*Amandus frater.*

**C**Harum præterea fratrem esse debere non ambigitur, qui in eodem domicilio antè, quàm nasceretur, habitavit. Scilicet eadem substantia progenitus, in ijsdem incunabulis infantiae tempora peregit, eosdem appellavit parentes, eadem pro se vota.

excu-

excubuerunt, parem ex majorum imaginibus gloriam traxit: ut perbel-  
le dixit Valerius Maximus. Et Cyrus  
apud Xenophontem: Quem turpius  
est non amare, inquit ad filios, quàm  
fratrem? quem omnium pulchrius  
est anteponere, quam fratrem? cō  
filii charissimi honorate vos invicem,  
si quid etiam tunc mihi gratum face-  
re cura est vobis. Vnde etiam Euri-  
pides, rem duram, dicit, fratres ver-  
bis altercari mutuis, si quando lis in-  
ciderit aut contentio. Et Catullus,  
fraternum verè dulce sodalirium, in-  
quiens, ita etiam deplorat:

*Heu mea tu moriens fregisti commoda  
frater.*

*Tecum una totum est nostra sepulta  
domus.*

*Omnia tecum unà perierunt gaudia no-  
stra:*

*Qua tuus in vita dulcis alebat amor.  
Cujus ego interitu tota de mēte fugavi  
Hac studia atque omnes delicias a-  
nimi.*

Magna inquam vis est hujus amoris,  
adeo ut facilè reparetur, si quando  
fuerit læsus. Quemadmodum his Se-  
necca docet,

*Redire*

*Redire pietas, unde summotæ est, solet.  
Reparatque vires, justus amissas amor.  
Nulla vis major pietate vera est.  
Iurgia externis inimica durant.  
Quos verus amor tenuit, tenebit.  
Manibusque junctis, ducit ad pacem.  
Pietas negantes.*

Et quidem olim, etsi nonnullis ex cupiditate fratribus oriretur, ut nunc, tumultus, & è domorum opulentia, ut Euripides attestatur: autor est tamen Trogus, tanto moderatius fratres inter se regna dividere solitos, quanto nunc exigua partiuntur patrimonialia. Nam cum Darius Persarum rex, relictis multis filiis & in regno & ante regnum susceptis, decessisset, ex his Arthemenes natu maximus, ætatis privilegio, regnum sibi vindicaret, (quod jus & ordo nascendi & natura ipsa gentibus dedit) porro Xerxes controversiam non de ordine, sed de nascendi felicitate referret, Arthemenum quidem primum Dario, sed privato provenisse, privatæ matri, avoque materno: se vero & matre regina natum, & patrem non nisi regem vidisse, avum quoque maternum Cyrum regem habuisse, non hære-



Ant. cor.  
ser. depo.  
at excess.  
reg. q. 26  
Zalus in  
feu, de  
success.  
e. 3. con-  
tra Pet. i  
Jacob. in  
praxi ar-  
bore de  
succ. re-  
gni Fran.  
col. 4. &  
cōment.  
consue-  
tud. Pa-  
ris. tit. i.  
§. 8. gl.  
i. q. 11. in  
fin.

hæredem, sed conditorem tanti re-  
gni: privato natos privatum patri-  
monium, quod eo tempore Darius  
habuisset, vindicare posse; se vero  
esse primum, quem in regnum rex pa-  
ter sustulerit. Quod quidem certa-  
men concordiam animo ad patrum A-  
napharnem veluti ad domesticum ju-  
dicem detulerunt: qui domi cognita  
causa, Xerxem, ut par erat, & eo, quo  
tamen nos non utimur, jure, præpo-  
suit. Adeoque lenis fraterna conten-  
tio fuit, ut nec victor insultaverit, nec  
victus indoluerit, ipsoque litis tem-  
pore invicem munera miserint, & jo-  
cunda quoque inter se, non solum  
credula convivia, habuerint. Iudiciū  
quoque ipsum sine arbitris, sine con-  
vitio fuit. Prodit Cornelius Nepos,  
se audivisse Pomponium Atticum ve-  
rè gloriantem in funere matris suæ,  
quam extulit annorum nonaginta,  
cum septem & sexaginta esset, se nun-  
quam cum matre in gratiam rediisse,  
& nunquam cum sorore fuisse in si-  
multate, quam propè ætate æqualem  
habebat. Ad hunc item scribens M.  
Tullius, ut ostenderet singularē fra-  
ternam charitatem, ita dixit, Postea  
quàm

quàm à fratre discessi, neminem pluris, quàm te, facio. Quem etiam locum citans Paraphrastes Hesiodi, esse certè ait à natura & divinitus homini inspiratum, nullam esse sanctiorem conjunctionem, quàm fraternam. unde inquit ille: *μηδὲ κατὰ γῆλα ἰσὺν περὶ εὐχῆ*

i.e. Neq;  
fratri a-  
micitia  
æqualem  
facias  
sodalem.  
col. an-  
tep.

*ἐν τῇ ἐστὶν.* Insuper Egidius Iacobus tractatu quodam de reprobatione testimonii, fraternitatem ait rem naturalem esse, & adeo, propterea scilicet, stabilem, quod nullo modo potest separari: & prædulcem inter fratres amicitiam, qua vel maximè sancti & sacri Deo tanguntur. Quare, uti scripsit B. Gregorius, Scholastica soror sancti Benedicti, sanctimonialis, ut sanctum Benedictum fratrem nocte una retineret, & sanctissimis suavissimisque colloquiis satiaretur, renuente fratre id facere, vel quod tempus serenum esset per quod abire liceret, oratione pluviam tempestatemque impetravit. Sicque factum est, ut totam noctem privigilem ducerent, atque per sacra spiritualis vitæ colloquia sese vicaria relatione satiarent. Ac nedum prædulcis est, verum etiam valde efficax & fortis, ut mors, ut sacra habent.

bent. nempe omnia humana vincens dilectio, fraterna inquam. Vnde & in vulgari est Italorum adagio illud: Duo Fradello, duo Castello. Et in sacris quoque: Frater, qui adjuvatur à fratre, quasi civitas fortis. Itaque meritisimo dicitur in penultimo cantico המעלות; Ecce quàm bonum, & quàm dulce habitare fratres etiam simul, &c.

## CAP. X.

*Amandi cognati.*

**C**Aeteri quoque amandi cognati. Res familiaris sua quenq; delectat. Sanguinis cōvictio & benevolentia devincit homines charitate, inquit Cicero, & Aristoteles: Sunt etiā, ait, & cæteris in consanguineis ea, quæ ad amicitiam attinent, ut rationum comparatio flagitat. B. Ambros. Cōmunia omnia amicorū esse debere, si quis de gentilibus dixit, quanto magis debent esse communia cognatorum? Omnino vero, qui simul in una vivimus domo, præcipuè chari invicē & monitores esse debemus, ait Xenophon.



nophon. Seneca quoq; in Agamemnone, nihil in propinquos temerè constitui decet, inquit, igitur hi etiam potissimum amandi sunt, & pluris faciendi prout propinquiore. Ideoq; in postulando præferri propinquos ei à quo beneficium acceptum est, & clientem non teneri juvare patronum contra propinquum, traditum est. Horum tamen perversus quidam amor à multis sæculis invaluit, ut nihil aliud, quàm patrimonia invicem aucupentur. Quomodo scripsit ad ecclesiam Timotheus: Cognati non te, sed patrimonia tua diligunt, imo cupiditate rerum te execrantur. Nam dum tua impatienter sitiunt, te odierunt; præsentiamque tuam quasi æmulam sibi & adversariam judicantes obicem atq; obstaculum putant cupiditatis suæ esse, quod vivis. Quod est magnopere cavendum.

Pan. in c.  
cùm fa-  
cer de  
Post.

## C A P. XI.

*Amandi adfines.*

**A**mandi & adfines accepti, ut Valerius ait. Et Petrus Cara quadam ora-

oratione ad Carolum ejus nominis octavum Francorum Regem, Est adfinitatis, inquit, nomen dulce, atque suave, blandum atque fidum, sed diuturnius jucundiusque amicitiae viribus perornatum, decoreque illustratum. Idque admirandum praesertim in foeminis, in quibus praecipue nihil est tam pronum ad similitates, quam æmulatio: quæ maxime nascitur ex conjunctione, alitur æqualitate, ardescit invidia, cujus finis est odium. Quo quidem admirabilius existimandum est, quod mulieribus duabus in una domo pariq; fortuna nullum cerramen, nulla contentio sit, suspiciant ad invicem, cedant, idemque utrique propositum, idem tenor vitae, nihilque ex quo sentias duas esse, ut de sorore & uxore Trajani Cæsaris scripsit C. Plinius. Quod magis convenit Christianis.

## C A P. XII.

*Amandi benefactores.*

**T**VM cæteris paribus alios etiam extrarios, qui benefaciant nobis,

nobis, chariores habere debemus : Id quod & lex Canonica docet, expressum habens, in officiis charitatis primo loco illis nos teneri obnoxios, à quibus beneficium nos cognoscimus recepisse. Vnde sancta inter cæteras speciales preces Ecclesia nominatim orat pro benefactoribus nostris.

c. 7. l. C. de  
testam.

## C A P. XIII.

*Amandi vicini.*

**E**T viciniam quis ignorat in propinqua parte amicitia esse, & antiquiorem nonnunquam etiam fraterna? quippe sunt, ut inquit Cicero, officia, quæ aliis magis, quàm aliis debeantur: ut vicinum citius adjuveris in frugibus percipiendis (nempe à quo etiam citius adjuvaberis) quàm aut fratrem aut familiarem. Quamquam si lis in iudicio sit, propinquum potius & amicum, quàm vicinum defenderis. Itaque canit Hesiodus,

Τὸν δὲ μάλιστα καλεῖν ὅς περ σίθην ἐγγύθι ναίεις.

Εἰ γὰρ τοι κ' ἡ χεῖμα ἐγγύθιοι ἄλλο γίνηται,

Τεῖ τοι εὖ ἄζωσι τέκνον, ζώσιν το δὲ πᾶσι.

*Illum vero potissimum ad convivium voca, qui prope te habitat.*



*Si enim tibi negotium aliquod domesticum contingat,  
Accurrunt discincti vicini, cinguntur  
autem cognati.*

## CAP. XIV.

*Amandi amici.*

**C**um omnes conjuncti natura simus & amici invicem, talesque esse debeamus generaliter, tum præcipua quadam ac necessaria societate, amore, amicitia, & charitate alligati mutuo simus in his prope, quæ diximus, etiam inviti; unde cum speciali alioquin benevolentia & cum externis quibus visum est nos ipsi conjungimus: qualem putas convenire amorem esse amicorum? Vir, inquit sacer Adagiographus, amicabilis ad societatem, magis amicus erit, quam frater. Itaque celerius sine reprehensione propinquum avertere, quam amicum licitum est, ut ait Valerius. Nam etiam, inquit Cicero, hoc præstat amicitia propinquitate, quod ex propinquitate benevolentia tolli potest, ex amicitia autem non potest.

Sub-

Sublata enim benevolentia, amicitie nomen tollitur, propinquitatis manet. Quæ quidem nihili facienda est nuda, nisi adsit amicitia. Vnde per se vel sanctius nomen amici videtur, quod animus & propositū facit, propinquitatem casus conditioque nascendi. Vnde veri socii, quorum communio sacra res est, & quædam fraternitas propositorum animorum, sicuti senior Quintilianus scripsit. Ex quo jus fraternitatis quodammodo in se habere societatem, Vlpianus quoque noster dixit. Hujus laus, utilitas, & necessitas, ex commemoratione, demonstratione & collatione generalis illius magis apparet. Ideo non ineptum ducatur, si multa de illa vicissim unaque dixerō. Hortatur nos Lælius Tullii, ut hanc omnibus rebus humanis anteponamus, nihil esse, inquit tam naturæ aptum, tam conveniens ad res vel secundas vel adversas. Nam & secundas res splendidiore facit amicitia, & adversas, partiens comunicansque, leviores. Cumque plurimas & maximas commoditates contineat, tum illa nimirum præstat, quod bona spe præluce-

in posterum: nec debilitari animos  
aut cadere patitur; Verum etiam  
amicum qui intuetur, tanquam ex-  
emplar aliquod intuetur sui. Quo-  
circa & absentes adsunt, & egentes  
abundant, & imbecilles valent, &  
quod difficilius dictum est, mortui vi-  
vunt: itaque non aqua, non igni, ut  
ajunt, magis utimur, quàm amicitia,  
solemque è mundo tollere videntur,  
qui amicitiam è vita tollunt: hæc est,  
inquam, societas, in qua omnia in-  
sunt, quæ putant homines expeten-  
da, honestas, gloria, tranquillitas ani-  
mi, atque jucunditas: ut cum hæc ad-  
sint, beata vita sit, & sine his esse non  
possit. Charitate enim benevolentia-  
que sublata, omnis est è vita sublata  
jucunditas. Quin Empedocles dixit,  
statum rerum omnium, quæ in natura  
totoque mundo constarent, quæque  
moverentur, contrahere amicitiam,  
dissipareq; discordiam. Atq; hoc qui-  
dem omnes mortales intelligere pos-  
sunt, & re ipsâ probare, amore mundi  
machinam contineri, simul & conti-  
nue renovari, nexum & commercium  
constare cum rebus, quæ pulcherri-  
mæ sunt & optimæ. Voluptatum &  
per-



perfectionum, amorem medium esse, amorem finem, amorem efficientem causam & exemplarem, Varenius notat. Civitates etiam planum est amicitia contineri: & legumlatores circa hanc magis, quam circa justitiam student. Concordia namque civilis amicitia, & simile quid amicitie esse videtur, sicut & dicitur: nam circa comoda, & ea, quæ pertinent ad vitam, versatur. Hanc autem maxime adfectant, seditionem autem ut inimicam maxime expellunt legum positores, inquit Aristoteles. Plato quoque in primo Alcibiadis colloquio, Civitas, inquit, melius instituitur, quando amicitia est inter cives, odia vero & seditiones absunt. Amicitiam dico consensum, qui in hoc consistit, quod quisque suum officium exequatur. Et alibi: Nullum, inquit, perniciosius civitatis malum, quam quod eam dividit, & ex ea una plures facit: nec melius quicquam eo, quod ipsam vincit simul, & unam efficit. Rursum alibi: Duo, inquit, sunt, quæ à pueritia per omnem vitam ducere illum debent, qui sit præclare victurus, in rebus turpibus verecundia, honesti-

studium. Hæc autem nobis neque genus, neque divitiæ, neque honores præstare citius ac melius quam amor possunt : neque absque his aut civitas unquam, aut privatus præclarum aliquid & magnificum perficere poterit. Ex quibus, & similibus, præcipue quæ in Toxari refert Lucianus, maximeque de eo, qui injuria adfectus erat, paupere, amicorum ope jam divite facto, continuo vindicante se, & potiente optato, longe melius, quam apud Polydorum Virbinatem, claret intelligētia proverbii illius: Vbi amici, ibidem opes. Amicitia enim per se dives est, & præpotens. Ea vero maxime utilis ac necessaria est viris quibusque maximis ac principibus. Qui ut multa possident : ita facere multum etiam sumptum erga Deum & homines eos opus est : multis item impediri & tribulari. Quamobrē maxime oportet amicos habere, quos participes facientes totius mali cum bonis, ipsi melius habeant, sic tanquam nihil habentes & omnia possidentes, quemadmodum dicit Apostolus, & quodammodo fecit Xenophonticus ille Pheraulas : Qui cum

vide-

videret comedere , & bibere, & dormire, cætera quoq; facere jucundius, pauperem alium, Sacam nomine, habendi multa cupidus , quibus uti posset, ex conventione dominum fecit suarum etiam futurarum divitiarum , id tantum sibi reservans , ut se veluti hospitem, & tenuius quam hospitem aleret. Et hi quidem ita magna cum amicitia & voluptate vixerunt. Attamen Baldi nostri sententia est , nulla regere principes magis, quam amicis , qui eis verum dicant. Dioque Platonius ad Dionysium tyrannum testatur , principes non inopia pecuniarum perire consueſſe, sed potius amicorum. Et valde probari ait mentem habentibus Poëticum illud : Non auri fulgor, in misera mortalium vita rarissimi , non adamas, non argenteæ mensæ , quæ apud homines habentur in pretio , ita oculis coruscant, nec lati fundi, aut pinguiaculta, tantum valent ad vitam, quantum mens virorum bonorum inter se consentientum. Plato ipse, οὐτε ἰππων, inquit, πλῆθος, οὐτε ἄλλης πολεμικῆς συµµαχίας, ἐδ' αὖ χυρσὲ, πραγνομένη γίνοιτ' ἀνμείζων εἰς τὰ πάντα δύναμις, ἢ φίλων σε-



Ἐαὶώντος καὶ ἡθὺς ἐχόντων ὀφείας

i.e. neque equorum multitudo, aut bellica subsidia, neque præsentis auri vis tantum valet in cunctis admodum negotiis, quam amici certi & qui sanis moribus præditi sunt.

Amico fideli nulla est comparatio, & nō est digna ponderatio auri & argenti contra bonitatem fidei illius. Amicus fidelis medicamentum vitæ & immortalitatis, ait Ecclesiasticus. Rursum scribit Plato ad Dionem Syracusanū, necessariam esse ad res agendas hominum benevolentiam: austeritatem vero solitudinem amicorum parere. Solatium vitæ hujus est, ait B. Ambrosius, ut habeas cui pectus aperias tuum, cum quo arcana participes, cui committas secretum pectoris tui, ut colloces tibi fidentem virū, qui in prosperis congratuletur tibi, compatiatur in tristibus, in persecutionibus adhortetur. Nempe, sicut monet scriptura, ut sit tibi cōsiliarius unus de mille: meliores sunt duo, quam unus: & si alter ceciderit, ab altero fulcietur: funiculus triplex nō facile rumpitur, & frater fratrem adjuvans exaltabitur. Magna quippe amicorum potentia, quæ facit hominem excellentem. Cum duo conjuncti

Bal in c.  
supercō.  
de testib.

At veniunt, victoria certa est, inquit Alciatus: peritos luctandi usus exercet, ait Seneca. Musicum, qui paria didicit, monet. Opus est & sapienti agitatione virtutum: bonus bono proderit, gaudium illi adferet, fiduciam confirmabit, ex conspectu mutuae tranquillitatis crescet utriusque lætitia: ajuntque homines plus in alieno negotio valere. Et medicus, inquit Petrarcha, qui suam non potest, alterius ægritudinē curat. Omnium rerum, quas ad beate vivendum sapientia comparavit, nihil est majus amicitia, nihil uberius, nihil jucundius, ait Epicurus. Id quod & Scythæ arbitrantur, ut Lucianus scripsit. Xenophon, Omnium, inquit, possessionum præstantissima, bonus ac verus amicus. Vnde & Scipio apud Lucianum, Divites, ait, in bonis amicis esse putavi, non in auro: nam per quinquaginta quatuor annos, quib<sup>9</sup> vixi, nihil unquam emi aut vendidi: ex foro quoque nunquam divertissem, nisi quempiam mihi aliquo modo amicū fecissem: & ut mercatoribus pecunias lucrari studium est, ita mihi ut adipiscerer homines omni metallo præ-

stantiores, cura erat. Plutarchus, Amicus est magis necessarius, quam aqua, aut ignis: & major jactura est amici, quam pecuniæ. P. Crinitus in eo carmine cui lemma est, De mutua benevolentia,

*Felix ille nimis, nec superis minor,  
Cui tantum liceat carpere commodi,  
Æternumq; bonum, si quod adhuc da-  
tur*

*Sperari melius fide.*

Hieron Xenophonticus: Ingens bonum esse judico amari, ei qui diligenter ultro bonis adfluere tum à Deo, tum ab hominibus vult, cuius possessionis tam præclaræ minus habent tyranni, quam alii. Domicius Paladius: Non quicquam melius est homini, quam semper amari. Tradit Iacobus Magnus in sophologio, Prudentis patrisfamiliæ esse, aliquos intimos & fidos sibi acquirere amicos.

In l. civi  
li si quis  
al. test.  
pro, C.

Quemadmodum & Baldus scripsit, licere procurare utilitatem propriam sine dolo, ideoque licere amicitias captare ex quibus dona proveniunt. Quamvis ea scilicet, vel ejusmodi quævis utilitas non sit, finis habenda in amicitia, ut diximus. Contra vero,  
præ-



præcipue cum amare nihil homini difficile sit, quod ait D. Hieron. nihil inutilius, pejus, & abominabilius, quam odio habere & haberi sæpe. Ex quo etiam, quantum boni sit in amicitia, judicari potest. Quæ enim domus tam stabilis, quæ tam firma civitas est, quæ non odiis atque dissidiis funditus possit everti? ut ait Cicero. Nec ab re Plautus, Est miserorum, inquit, ut malevolentes sint, atq; invideant bonis. Vnde Martialis dixit: Ego esse miserum credo cui placet nemo. Qualem prope ferunt fuisse Timonem Atheniensem, quæ Cicero & Lucianus describunt *μισάνθρωπον*. Ad quod pertinet & illud quod Plato in Phædro scribit, præstare ridiculum amicum esse, quam gravem & inimicum. Sunt tamen quidam (pro Deum fidem atque hominum) vel nomine tenus Christiani, qui magis se filios diaboli ostendentes, cum bene habent, cum inimicitias, simultates, lites habent cum aliquo. Hi inquam filii perditionis sunt, de quibus B. Ioannes ait: Qui non diligit, non novit Deum. Et Paulus: Et vos habetis lites adinvicem? Non efficiamini in-

anis gloriæ cupidi, invicem provocantes, invicem invidentes. Quod si invicem mordetis & comeditis, videre ne ab invicem consumamini. Rursum vero è diverso de amantibus & pacificis ille idem Christo dilectus discipulus testificatur, quod ex Deo nati sunt. Et Christus ipse in Evangelio uti scripsit B. Mar. **אשרי משלימים כי בני האלהים וקראנו** Hujusmodi fuisse Be-roaldus a Pino dicitur, nunquam cum ullo odium sive simultatem exercuisse. Et à Cornelio nepote similiter dicitur de Pomponio Attico, eum neque in jus de sua re unquam ivisse, judicium nullum habuisse. Atq; hoc ex omnium sententia intelligendum est, non nisi inter bonos amicitiam esse posse, atque debere minime amari malos, sed bonos & probos. Quare Plato ait, nullum majus improbitatis argumentum esse alicujus, quam si ei desint amici, sique homines: neque probitatis, quam si adsint. Etenim malorum amicitia quamvis vetus, repelli lege præcipitur. Lactantius Firmianus, Qui bonos diligit, & non odit malos, bonos no diligit, inquit, & scil, bonus non est, quemadmodū  
de

i.e. Beati  
pacifici,  
quia filii  
Dei voca-  
bun-  
tur.

i.3. de  
males. C.

de Charilao Lacedæmoniorū , ut re-  
tulit Plutarchus, præfecto, laudantib⁹  
illum quibusdam, collega ejus, dixit.  
Et quomodo probus est Charilaus,  
cum ne in malos quidem sit acerbus?  
Idem autor ait, amorem illum vali-  
dissimum atque sanctissimum merito  
haberi, quem per virtutem quispiam  
à civibus & popularibus sibi compa-  
rat. Et sane natura quoque ipsa duci-  
mur ad id, ut malos sponte prosequa-  
mur odio, bonos vero amemus, etiam  
laudantes. Nempe veræ virtutis ze-  
lus non fit, nisi per summam laudan-  
tis benevolentiam & honorem : qui  
vero sine amore laudant bonos, ii re-  
verentur quidem famam illorum, nō  
autem virtutem admirantur, neque  
imitantur, ut Plutarchus inquit. Sic  
tamen natura comparatum est, ut  
eum, quem non fictæ laudes, & ames:  
porro quem ames, laudari te ab eo  
velis, uti scribit Apulejus. Et Diony-  
sius Arikelus Carthusianus theolo-  
gus, Amanti, inquit, delectabile est  
occupari in laude dilecti. Adeo vero  
virtutem amamus naturâ, & vitium  
odimus, ut id nobis contingat etiam  
in illis, de quibus habemus nihil præ-



ter auditum. Nihil est enim amabilius virtute, nihil, quod magis alliciat homines ad diligendum, quippe cum propter virtutem & probitatem eos etiam, quos nunquam vidimus, quodammodo diligamus, ait Cicero in Lælio. Tum pro M. Marcello: Cum aliquid clementer, mansuete, iuste, recte, moderate, sapienter factum, in iracundia præsertim, quæ est inimica consilio, & in victoria, quæ naturâ insolens & superba est, aut audimus, aut legimus; quo studio incendimur, non modo in gestis rebus, sed etiam in fictis, ut eos sæpe, quos nunquam vidimus, diligamus? Quis (inquit) est, qui C. Fabritii, M. Curii, non cum charitate aliqua & benevolentia memoriam usurper, quos nunquam viderit? Quis autem est, qui Tarquinium superbum, qui Spurium & similes non oderit? Idcirco Titus Livius, ob rarissimam eloquentiæ dotē, plurimum memoratur dilectus etiam ab absentibus. Ad quem etiam accesserunt plurimi nobiles, fama virtutis pertracti, tantum ut viderent, sicuti scripsit ad Paulinum B. Hieronymus. C. quoque Plinius nepoti suo testatur,

tur, Gaditanum quendam ab ultimo terrarum orbe venisse, tantum ut videret illum, & abiisse ut vidit. Salomonem etiam, sapientiæ ejus fama, regina Saba invisit. Eum quoque, qui plus est quam Salomon, regem regū, Dominum dominantium, etsi non viderat, Agabarus Edissæ princeps plurimum diligere visus est, epistola ad eum missa, quam retulit Eusebius. Similiter B. Ignatius illius summi regis & Domini nostri Iesu Christi matrem, in terris adhuc agentem, se plurimum diligere demonstrat: ad B. Iohannem scribens, sibi renuntiatum, eam esse multis ornatam virtutibus: proinde petens, ut sibi concedatur accedere Hierosolymam, quo illam tantam virginem videre possit, & alios sanctos. Quemadmodum & antea Ioachim summus Pontifex de Hierusalem venisse narratur in Bethuliam cū universis presbyteris suis, ut videret Iudith, rarissimæ videlicet virtutis mulierem. Ex quibus id etiam animadvertere licet, non esse puerilem, ut quidam arbitrantur, & ineptum affectum, neque vanam operam, videndi homines in mundo optimos.

mos. Amicos conciliandi rationem optimam semper ex Plutarcho retinebimus virtutem esse. In hocque modum apud Xenophontem Socrates docuit, ut permittas alicui deferre te apud illum, quem vis tibi fieri amicum, & dicere, quod admiratus eum, cupis amicus ei effici. Quod tamen prudentissime commodissimeque, si fiat, faciendum est. Ait enim Plato: Quicumque in coparandis amicis sapit, non prius quenquam eorum laudare debet, quam ipsorum familiaritatē fuerit assecutus: futura namque formidat. Plerique enim cum laudari & se extolli sentiunt, fastu tumescunt. Porro volentem fieri amicum efficere convenit, non qui non vult, & commodis amabilibusque beneficiis, non vi & timore. Vi amicos (inquit Xenophon) neque capies, neque tenebis. Beneficio enim & voluptate fera hæc capitur. Nolentem amicum efficere difficile est, difficilius ligatum retinere ut servum. Namque, ut Plato scripsit, difficile domatur homo, difficilis possessio hominum est. Ad hæc Annæus canit:

*Amor timere neminem verus potest.*



& P. Papinius :

*Parens odii metus.*

Aristoteles in Rhetoricis : Nullus amat, quem metuit. Q. Cicer. Amicorum studia beneficiis & officiis, & venustate, & facilitate, & jucunditate naturæ parta esse oportet. Pravos quidem homunculos nullo modo, nisi eis aliquid præstando, allicies : bonos vero homines & doctos non nisi amicitia molles, inquit Xenophon. Ac, quemadmodum Claudianus canit,

*Non quarit pretium, vitam qui debet amori.*

Sed, ut ait Tibullus :

*Obsequio sano plurima vincit amor.*

Unde Martialis :

*Parva dabis charo, sed dulcia dona, sodali.*

Isq; negat, beneficiis tantum paratos, amicos esse, inquiens :

*Hunc, quem cœna tibi, quem mensa paravit, amicum,*

*Esse putas fide pectus amicitia ?*

*Aprum amat & mulos, & sumen, & ostrea, non te.*

*Tam bene si cœnem, noster amicus eris.*

Equi-

Equidem dicendus talis magis, quam  
amicus, animal ad convivia natum,  
ut est apud Iuvenalem :

*Cui nimium dulce est aliena vivere  
quadra.*

L. latæ.  
de ver.  
& re. fig.  
ff In l.  
juris gen  
tium. de  
pa& ff.

De cujusmodi hominibus, qui scilicet utilitatis suæ causa alicui, tanquã amici, cum non sint, adulantur, ait Plautinus Euclio : Altera manu fert lapidem, panem ostentat altera. Ethî appellantur à Paulo nostro levi conjuncti notitia. Nempe talis amicitia levis est, & facile recedit, cessante scilicet causa levissima : cujusmodi Garcia Hispanus censuit esse, inter quos emptio & venditio maxime rerum non pretiosarum agitur : in quibus decentior permutationis compensatio, antiquæ Romanorum amicitia, nobilitati, fidei, humanitati, propinqua, est : stabilitatem magis arguens; quæ nullo modo futura videtur, ubi tantum utilitas quæritur.

*Nam pretio quæsitus amor, cum munere  
cedit,*

*Et quantũ durat largitio, durat amicus  
Prostat talis amor, mensuram muneris  
implens.*

*Non tibi vera fides, ubi munus donat  
honorem,* *Non*

*Non donum largitur amor, dum pondus  
amoris*

*Ponderat, ipse dati merces & copia doni.  
Mutua sit nobis dilectio, mutuus adsit  
Nexus amicitiae, quam nec fortuna no-  
vercans*

*Solvat, nec casus agitēt, nec gloria fran-  
gat.*

ut cecinit Anticlaudianus. Neque enim utilitas finis amicitiae est, sed sola propter Deum benevolentia ipsa sibi finis esse debet, sicuti dicit B. Hieronymus. In amicis non res quaeritur, sed voluntas : quia alterum ab inimicis saepe praebetur, alterum sola charitas tribuit. Cicero, Se quisque, inquit, diligit, non ut aliquam à se ipso mercedem exigat charitatis suae, sed quod per se sibi quisque charus est. Quod nisi idem in inimicitiam transferatur, verus amicus nunquam reperietur. Est enim is amicus quidem, qui est tanquam alter idem. potissimum autem valet in amicis conciliandis, naturae ac studiorum similitudo: quemadmodum docet Cicero cum alibi, tum pro A. Cluentio, dicens : Magnam vim habet ad conjungendas amicitias, studiorum ac naturae



naturæ similitudo. Et idem cum suo Platone scite quidem veteri proverbio ait, simile simili semper hærrere, pares cum paribus jucundissimè congregari. Sicuti & Melanthius Homericus dixit :

Ὡς αἰὲν τὸν ὁμοῖον ἀγείρει θεὸς ὡς τὸν ὁμοῖον.

*Ita semper deus, similem ad similem deducit.*

L. cū al-  
legas de  
castren.  
pcc. C.

Testatur & Gordianus imperator quodam rescripto, peregrinationis laborem simul susceptum, usum commilitii, & obeundorum munerum consortium, affectioni fraternæ aliquid addere, quinimo vice mutua chariores invicem reddere fratres. Et de condiscipulatu amicitiam provenientem, ait Fabius, ad senectutem usque firmissime durare, religiosa quadam necessitudine imbutam. Neque enim esse sanctius, sacris iisdem, quàm studiis initiari. Nec ab re C. Plin. scripsit, à prima ætate amorem incipientem flagrantissimum esse. Et refertur à Iulio Capitolino, imperatorem Marcum, cognominatum Philosophum, condiscipulos adeo semper amasse, ut quos non posset Principem agens, ob qualitatem vitæ, Reipub. præ-

præponere, teneret locupletatos. Item commodissime & tute eorum benevolentiam ceu arctissimam amplectimur, qui majoribus nostris amicissimi haud dubie fuerunt. Ideo dixit Isocrates, decere filios, ut substantiæ, ita & amicitia paternæ hæredes esse. Nam & amicus patris, quodammodo ejus loco est. Quando & omnis amicus quodammodo loco patris habetur, ut quidam nostrorum notavit. Et dicitur in sacris proverbiiis: Amicum tuum & amicum patris tui ne dimiseris. Generaliter autem id primum dispiciendum est, & admodum inquirendum, an digni sint, & quantum digni amicitia nostra, quos nobis amicos facere volumus: neque id committendum, ut statim vel postea quam erunt admissi, passim rejiciamus. Et primum quidē, ut monet Xenophon, in amicis investigabimus, qui ventri, potui, luxuriæ, somno, atque inertiae dominantur. Qui enim ab istis detinentur, nec sibi ipsi, nec amicis possunt prodesse. Nec dubium, esse quasdam amicorum existimationes, sicut & servorum. Servorum enim alius duabus minis existi-

In præ-  
nisi ad  
Demo-  
nic.

Lucas  
pen. in l.  
i. de cast.  
pecul. C.

existimatur dignus, alius vero nec media mina, alius vero etiam quinque; alius decem. Qua in re, pestis amicitiae maxima, adulatio quamplurimum cavenda est, etsi eam internoscere admodum difficile sit, ut Cicero scripsit. Et quidem Datamis vir strenuus, qui multos consilio, neminem perfidia ceperat, simulata captus est amicitia, ut narrat Aemilius Probus. Cujusmodi hominum genere sic amicitiam lædentium detestabilior nullus est, teste B. Ambrosio. Et, ut Aristoteles ait, tales peiores tanto sunt illis, qui nūmos adulterinos conficiunt, quanto maleficiū ipsum circa præstabilius est. Et non ab re ait Menelaus apud Euripidem: Varia mens, iniqua res est, atque amicis abdita. Et mercator Plautinus: Lupus est homo homini, non homo, cum qualis sit, non novit. Lucianus, etiam tum vel amare vel odisse quē diligenter exploraverimus, licere dicit: prius quam id factum sit, calumniæ concedere: in primo statim congressu, nimis quam puerile est, ac indignum viro, longeq; à justitia semotum. Isocrates, Cunctanter amicus fias, sed jam factus con-



constanter perman eas , inquit : talis enim erit tibi amicus aliquis , qualis fuit erga alios amicos. Ideo qualis fuerit, perscrutare ante, quam suscipias. Aequ e turpe est amicum habere neminem, ac multis inconstanter uti. Amicos noli cum periculo dispendii experiri : familiarium vero facias periculum : & si alicujus rei non eges, te tamen illa indigere assimulabis. Et, si quæ palam tuto dicere possis, utiq; tanquam secreta committe. Quod si ut taceant nō adsequaris, nullo prorsus damno afficeris : si vero tacuerint , mores illorum optime noveris. Itaq; rarus ad recipiendas amicitias, memoratur Octavius Augustus , ad retinendas constantissimus fuisse. Receptis autem in primis amicis meminimus oportet exhibere semper omnem honestam & commodam familiaritatem, & benignitatem, affabilitatem, & clementiam, ac, si qua in re majores sumus, nos illis submittere, eosque æquare nobis, neq; tamen magis quam æquum est, favorem illis impendere. B. Ambrosius : Amicitia, ait, superbiam nescit. Cedit amori majestas, inquit B. Bernardus : ille in se ipso

Inparene  
si ad De-  
moniciu.

se ipso cellos humilésque contempe-  
rat, nec modo pares, sed unum eos  
facit. Petrarcha, Sacer orbis amor  
æquare novit inæqualia, amantemq;  
fideliter vix patitur non amari, quan-  
do & amante non amato nihil est mi-  
serius. Aequat sane amor imparia. Scri-  
bit tamen ad Felicem C. Sollius, con-  
venire humiles humilia sectari, nec  
cum illis parem familiaritatis tenere  
constantiam, quibus forte sit impro-  
bum, plus amoris, quam reverentiæ  
impendere. Rursum Isocrates, Erga  
familiares te facilem exhibe, inquit.  
Cæsar Augustus amicos ita magnos  
& potentes esse in civitate voluit, ut  
tamen pari jure essent, quo cæteri,  
legibusque judiciariis æque teneren-  
tur, ut refert Tranquillus. Trajanus,  
ut Dion habet, venationes, convivia,  
seria, & jocos, frequenter cum ami-  
cis & familiaribus exercebat: in quo-  
rum domos sæpius vix quatuor co-  
mitantibus, etiam sine satellite, di-  
vertebat, & familiarius cum his re-  
cumbens quiescebat. Quain re bel-  
le convenit C. Plinius in panegyri-  
co illi dicto, inquiens: Diligis ergo  
cum diligaris, & in eo quod utrique  
hone-

honestissimum est, tota gloria tua est: qui superior factus, descendis in omnia familiaritatis officia, & in amicum ex Imperatore submitteris, imo tunc maxime es Imperator, cum amicum ex Imperatore agis. De quo etiam suoq; Gratiano Decius Aufonius simili oratione hunc alloquens ait: Trajanus ægrotantes amicos visere solebat: hætenus in eo comitas prædicanda est. Tu & visere solitus, & mederi: præbes ministros, instruis cibos, fomenta dispensas, sumptum adjicis medelarum, consolaris affectos, revallescentibus gratularis. Adrianus quoque infirmos amicos visitabat, & quoties dies festos amici agerent, cum eis simul vivebat, & eorum agris ac domibus suaviter utebatur. Unde & multis eorum fato functis, & aliis dum viverent, statuas in foro posuit: neque familiarium cuiquam unquam injuriam intulit, ut Dion Cassius prodit. Et convenienter retulit Aelius Spartianus, eum Imperatorem optimum quemque amicitiiis suis ingerere solitum, præsentia sua in conviviiis honorasse, ægros bis ac ter die, & nonnullos equi-



tes Romanos & libertinos visitasse, solatiis refovisse, consiliis sublevasse, conviviiis suis semper adhibuisse, omnia deniq; ad privati hominis modum fecisse. Iulius quoque Capitolinus Antoninum Pium memorat, neque de provinciis, neque de ullis actibus quicquam constituisse, nisi quod prius ad amicos detulisset: atq; ex eorum sententia formas composuisse. Marci Philosophi hæc sententia dicitur fuisse præcipua semper, Æquum esse, ut ipse tot taliumque amicorum suorum sequeretur consilium potius, quam ut tot talesq; amici ejus suam unius voluntatem sequerentur. Visus est etiam pius ab amicis, & cum privatis vestibus, & quædam gerens domestica. Oblectavit se deambulatione cum his, & sermone: neque aliter his in imperio usus est, quam privatus. Nempe non nescius ejus, quod belle canit Euripides in hunc sensum: Suos mutare mores haud decet probum virum, postea quam splendidis donatus est muneribus maxime: sed tunc amicis esse firmum convenit, quando maxime juvare jam potest felicior. Marcus insuper Philo-

loſophus narratur frugi fuiſſe ſine cō-  
tumacia, & comis amicis, verecun-  
dus ſine ignavia, ſine triſtitia gravis.  
Namque, ut præclare ait Cicero, non  
ſolum colent ſe inter ſe amici ac dili-  
gent, ſed etiam verebuntur. Maxi-  
mumque ornamentum amicitiaē tol-  
litur, ſi tollatur verecundia: in quo  
eſt pernicioſus error quorundā, exi-  
ſtimantium libidinum peccatorumq;  
omnium patere in amicitia licentiā.  
Sicut & de Heliogabalo Lampridius  
refert, eum ſic amaſſe Herodem, ut  
eidem inguina oſcularetur. Quod di-  
ctū etiam verecundum eſt. Sed quis  
dicet, amicos fuiſſe hos, ſi inter bonos  
tantum amicitia eſſe poteſt? Etenim  
imperator hic peſſimus amicis quo-  
ridie donare ſolitus dicitur, nec quen-  
quam indonatum facile relinquere,  
niſi quem frugi quaſi perditum repe-  
riſſet. At virtutum amicitia, & ſo-  
cietas, adjutrix à natura data eſt, non  
vitiſum comes, ut quoniam ſolita-  
ria non poſſet virtus ad eā, quæ ſum-  
ma ſunt, pervenire, conjuncta & ſo-  
ciata cum altera perveniret. Quæ ſi  
inter aliquos ſocietas aut eſt, aut  
fuit, aut futura eſt, eorum eſt habē-

L. nec  
præterm.  
pro ſocio  
ſ.

dus ad summum naturæ bonum optimus beatissimusque comitatus. Nam etiam ut Ecclesiastes ait, melius est esse duos, quam unum. Habent enim emolumentum societatis suæ: si unus ceciderit, ab altero fulcietur. Væ soli, quia cum ceciderit, non habet sublevantem se. Atque ut ait ad eum locum B. Hieronymus, quanto duo ab uno differunt, tanto trium contuberniū plus valet. scilicet juxta illud, quod eodem loco scriptum est: Funiculus triplex difficile rumpitur. Vera charitas & nullo violata livore, quanto augetur numero, tanto crescet & robore, inquit. Veruntamen in hac familiarissima & omnino conjunctissima amicitia multos esse non posse, multis tradit Aristoteles: præcipue cum bonos simul esse multos non facile contingat, & sit nimis laboriosum multis vicissim subministrare. Unde ait Xenophon, multo melius esse, bonis, cū pauciores sint, se beneficium reddere, quam pravis, quorum & magna multitudo existit, & quibus multo pluribus beneficiis opus est, quam sit viris bonis. Ideoq; B. Cyrillus, Episcopus, speculi sapien-  
 tia

Li. Eth. 8  
 c. 6. & 9.  
 c. 10.



tiae caput, quoddam apologeticum titulo præfigit, Vnumquemque amicū quidem esse debere cunctis, fidelissimum universis, intimum paucis. Si nulli; mundum averſatus ne quandoque doleas: juxta aliud lemma cujusdam ejusdem Apologi, quod habet, tantum æternum diligendum, ne doleamus. Cui convenit quod divus Ephrem habet, cum omnibus charitatem ſervandam, abſtinendum autē ab omnibus. Secundum id quod etiam Chriſtus ait, cavendum ab hominibus: cum eo confer, quod alibi præcipit, proximum ſicut ſe ipſum diligendum. Tres autem eiſmodi intimos amicos eſſe poſſe, compluribus conſtat exemplis. Quorum unum hoc viſum eſt dignum relatu, ex Toxari Luciani: Eudemidas Corinthius pauperrimus, Aretheus quoq; Corinthius, & Charixenus Sycionicus, opulenti, mutuo amici admodum fuerunt: tandemq; Eudemidas vita decedens teſtamentum reliquit. In quo ita ſcriptum erat: Lego Aretheo quidem matrem meam alendam, atq; in ſenectā fovendam, Charixeno vero filiam meam elocandam cum dote.

quanta ab ipso maxima dari poterit. Si quid autem interim acciderit alterutri, huius quoq; partem alter habeto. Arethæus autem & Charixenus ita hæredes amico pauperrimo facti, ut rem audierunt, venerunt illico, agnovēruntq; ac rata fecerūt ea, quæ erant testamento amici mandata. Sicque Charixeno postea quinque duntaxat dies superstite, vita functo, Arethæus tum illius, tum suo ipsius suscepto onere, & matrem aluit Eudemidæ, & filiam eiusdem amici non multo post elocavit, ex quinque talentis, quæ possidebat, duobus in propriæ filiæ dotem, duobus in amici filiæ erogatis: & nuptias ambarum eodem die celebravit. O bone Deus, qualis hæc amicitia, magis Christianis digna hominibus, quos maximè convenit habere cor unum, & omnia communissima: quemadmodum in primordio ecclesiæ inter multos effectum ab Apostolis Lucas retulit. Quanquā paulo post, diēs malos Paulus dixerit, sed nunc pessimos igitur esse convenit. Q. etiam canente Horatio:

*Damnosa quid non imminuit dies?  
Ætas parentum, peior avis, tulit*

Nos

*Nos nequiores, mox daturos  
Progeniem vitiosiore.*

Et ait Alciatus noster, illam amicitiam In l. latē  
ff. de  
verb. sign. adeo raram esse, ut cujusdam prodigii loco sit, si usquam gentium reperitur. Opinatur enim, cum Hesiodi Erigone ad superos recessisse, & nusquam in humanis habitare. Et nihil mirum. Quos enim maxime amicos iudicant omnes, videmus paulo post inimicos fieri. Quod & testatur sic quidem Euripides: Mirum est profecto, ut incidant mortalibus præfixa certis cuncta fati legibus, Dum qui fuere nuper inimicissimi, statuunt amicos: Rursus & qui benevoli fuerant, eos odiis acerbant mutuis. Tacitus quoque scripsit, amicos tempore, fortuna, cupidinibus aliquando, aut erroribus imminui, transferri, desinere. Alius docentium nostrorum Pan. inc.  
3 de po-  
stul. pariter notavit, hodiernis temporibus non reperiri verum amicum. Sicut & divus Ephræm de beatitudine animæ tractans, inquit, non inveniri in terra charitatem perfectam, quæ secundum Deum est: ab omnibus enim veluti expulsam esse. Quod siquæ talis est, valde divina est amicitia.



citia, & sicut Poëtæ veteres volunt, & Plato asserit, homines consiliarii Dei ductu amici fiunt. Deus enim similem semper ducit ad similem, & notum facit similem simili, & necessario semper amicum. Quemadmodum generaliter fit ut similia simile amet, sicuti dixit Tyanæus. Hocque extra controversiam est, & iam pridē à Platone, Aristotele & cæteris mandatum literis ex proverbio veteri. Quod verus amicus alter ego est; & amicorum omnia sunt communia. Hinc canit Anticlaudianus :

*Pura fides, vera & pietas conjunxit, & unum.*

*Esse duos fecit purgati fœdus amoris.*

Nam David & Ionathas ibi sunt duo, sunt tamen unum, cùm sunt diversi: non sunt duo mente, sed unus. Inde & C. Plinius quadam Epistola ad Tacitum, Commendas, inquit, mihi Nasonem candidatum. Nasonem mihi? quid si me ipsum? ideoque traditum à nostris, pacem factam cum amico eius, qui in exilium actus est prodesse ipsi exuli, ubi municipali lege cautum est, pace facta quidem cum offenso exulem liberari. Et sicut impune quis potest

Cynus in  
l. ult. ad  
Marc. C.  
Ang. in.  
l. 4. §. Ca.  
zo de ver  
oblig. ff.  
Marfil. in  
l. 1. num.  
210. de  
rpto vir  
gl. C.  
Bart. in l.  
non sol. §  
qui ali.  
proc. ff.  
Barba. in  
rub. de  
rescript. l.  
eutori de  
neg gest.  
C. Barba.  
in rub. de  
rescript. p. 1  
co. 9.

potest perimere aggredientem se armis: ita quoque aggredientem amicum maximum. Et potest quis agere sine mandato pro amico, ac pro se ipso, nisi forte enixius contendatur ab adversario deficere illius amici voluntatem, ac verisimile sit. Et potest aliquis impetrare pro amico rescriptum ad beneficia, & ad lites. Nec ab re Macentes Lucianicus, cum Arsaconæ Mascam dilectam in manum daret, & gratias ageret amicus, Desine, inquit, ac noli me alium à te ipso putare. Nā mihi profecto gratias agere ob hæc, quæ feci, perinde est, ac si sinistra mea gratias agat dextræ, quod vulneratæ sibi subministravit, atq; officiosè curam egit ægrotantis. Sicut & Baldus generaliter ait: Amicus amico dicit: Tuus ego sum, & me tuum esse recognosco. Verus amicus, ait Xenophon, paratum se ipsum exhibet ad omnem amicorū inopiam sublevandam, sive in rebus privatis, sive in publicis. Et quemadmodum supra diximus, aitque Cicero, scire nos oportet, quo quisque, & quanto amicus sit nobis animo, ut & quantum cuique confidamus, constituere possimus.

In l. i.  
col. 12. C  
qui acc.  
non poss.

simus. Ita quoque oportet examine-  
mus nos ipsos, quanti amici nostris  
existimandi sumus; atque conemur  
quam maximi esse, ut quam minime  
nos amici nostri proderet velint: atq;  
ut volumus illos æquo animo pati  
nostras ineptitias & vitia, sufferamus  
quoque illorū amice, quasi qua-  
dam compensatione. Quomodo ca-  
uit Q. Horat.

*Amicus dulcis, ut æquum est,  
Cum mea compenset vitia bona pluri-  
bus, hisce*

*Si mihi plura modo bona sunt, inclinet:  
amari*

*Si volet, hac lege in trutina ponetur ea-  
dem.*

*Qui, ne tuberibus propriis offendant ami-  
cum,*

*Postulat, ignoscat verrucis illius: æ-  
quum est*

*Peccatis veniam poscentem reddere  
rursus.*

Porro quod dictum est communia  
inter amicos omnia esse debere, adeò  
verum est, ut nullius sit parcendum  
bonis, sed quicquid est bonorū (mo-  
dò cum Dei voluntate fieri possit)  
postponendum est amici benevolen-  
tiæ



tiæ & salutis. Nec sanè major ulli potest contingere infamia quam videri pluris fecisse pecunias, quam amicos, ut ait Crito apud Platonem, rogans amicum Socratem à calumniatoribus in discrimen mortis adductum, ut vel pecuniis pateretur se redimi. Sextus Propertius:

*Nescit amor magnis cedere divitiis.*

Martialis:

*Extra fortunam est quicquid donatur amicis.*

*Quas dederis, solas semper habebis opes.* (agit.

*Id quod vere animo pauper amicus.* Unde etiam inquit idem, Quoties amico diviti nihil donat, ô Quintilianne, liberalis est pauper. scilicet etiam, cum dives non egeat, nullo vel exiguo amici, juxta Catonis dictum, munere animûm restante, satis est. Ait & Plautus, Bene si amico feceris, ne pigeat fecisse: utpote pudeat, si non feceris. Et alibi: Decet velle hominem amicum animo opitularier. De vulgaribus autem & levibus amicis, quales sæpius sunt etiam, quæ maximæ putantur, dixit idem: nam hospes nullus tam in amici hospitium

divorti potest, quin ubi triduum continuum fuerit, jam odiosus sit. Unde & Proverbiographus facer inquit: Subtrahe pedem de domo proximi tui: ne quando satiat, oderit te. Coccejus Nerva quanquam pecuniæ inops, cum vestes, vasa, domos, & omnia præter admodum necessaria venderet, nil tamen segnior in juvando & extollendo amicis fuisse à Cassio Nicæo dicitur. Et similiter à Vopisco Aurellanus, & ab Spartiano Adrianus, amicos ditasse, & quidem non petentes; cum petentibus nihil negaret. Hic tamen facile de amicis quidquid insusurrabatur, audivit, atque ideo prope cunctos vel amicissimos, vel eos, quos summis honoribus exivit, postea vel hostium loco habuit: male animadvertens, quod mirifice dixit Cicero, Nervos atque artus sapientiæ esse, non temere credere. Id quod in amicis maxime obtinet. Quos magis oculis, quam auribus credere oportet, ac mutuo fidere maxime. Laudatur Agesilaus, quod amicis credebatur, nil amicorum fidem unquam veritus. Qui neque inimicis contemnendum, neque civibus

bus multandum, neque amicis vituperandum se præstitit, ut ait Xenophon. Porro verò non oportet assentire vel nimio amore ineptiis nostris suffragantibus amicis: quando nec nos tales illis esse amici debemus. Quos eatenus, quatenus illis utile est, maximè animæ, amare debemus, prudenti speculatione considerantes singula, imitantes episcopum (ut habet Apostolus) animarum nostrarum Iesum Christum summum amatorem (ut constat abunde) humani generis: qui dum castigat, magis amare videtur: ut planum facit scriptura: idq; filii seculi prudentiores filiis lucis in generatione sua ostendunt. Et docet exemplo suo Aurelianus imperator, utilitatem amicorū in officiis omnino spectandam. Qui quidem amicos suos honeste divites faciebat, & modice, ut miseras paupertatis effugerent, & divitiarum invidiam, patrimonii moderatione vitarent. Sic affectus in omnibus, ad utilitatem, veritatem, & virtutem cogendus. Nec fidendum imprudenter amicis nostra admirantibus. Quibus facit persæpe amor, ut quæ in amicis vel minima sunt,



sunt, simulachra virtutis maxima etiam videantur. Quare moderate omnia de amico prædicanda sunt & sentienda, ait Philelphus. Itaque modesto animo objurgatio, & omnis amici mōitio est ferenda. Quæ & modesta, & commoda esse debet, & vera, non adulatoria. Si (inquit Iſocrates) amicos, qui tibi in re iniqua gratulantur, probaveris, non habebis, qui te ad meliora corrigant. D. Ambrosius: Amicus amicum quasi parem audiat, & æqualem, & ille quasi amicus moneat, objurget, non jactantiæ studio, sed affectu charitatis: neque monitio aspera sit, neque objurgatio contumeliosa. Sicut enim adulationis fugitans amicitia esse debet: ita etiam aliena insolentia. B. Bernardus: Amicitia objurgationem habet, adulationem nunquam. Plutarchus: Amici propria est libertas loquendi. Tullius: Aliter cum tyranno, aliter cum amico vivitur. Cum omnium rerum simulatio est vitiosa (tollit enim iudicium veri, idque adulterat) tum amicitia repugnat maximè: delet enim veritatem, sine qua nomen amicitia valere non potest.

Ad De-  
monicu.

potest. Nam cum amicitiae vis sit in eo, ut unus quasi animus fiat ex pluribus; quâ fieri poterit, si ne in uno quidem quoque unus animus erit, idemque semper, sed varius, commutabilis, multiplex? Cujus autem aures clausae sunt veritati, ut ab amico verum audire nequeat, hujus salus desperanda est. Nam & monendi amici saepe sunt, & objurgandi: & haec accipienda amicè, cum benevole, fiunt. Sed nescio quomodo verum est, quod in Andria Terentius dixit: Obsequium amicos, veritas odium parit. At verò dicit Isocrates allocutiones crebras nequaquam amicis faciendas esse, neque longas de eisdem rebus. Est enim rerum omnium sarietas: nempe etiam, ut Aristoteles inquit, conturbat audientem quod frequenter dicitur: & sicuti alius scripsit, Repetitio parit fastidium, unde & proverbia: Acta agis. & : Repetita crambe, à recentioribus explicata. Sed neque debent prodi amicis aliorum peccata, ut B. Augustinus tradidit: tantum abest, ut amici aliis prodi debeant, & quoquo modo oppugnari. In quo nimium notum illud Horatii:

*Absentem qui rodit amicum,  
Qui non defendit alio culpante, solutos.  
Qui captat risus hominum famamque  
dicacis,  
Fingere qui non visa potest, commissum ta-  
cere  
Qui nequit, hic niger est, hunc tu Ro-  
mane caveo.*

Ait & Cicero, Si quis roget quod honestè aut sine detrimento nostro promittere non possumus, quomodo si quis roget, ut contra amicum aliquam causam recipiamus, belle negandum est, ut ostendas necessitudinem, demonstres quam moleste feras à te id exigi. Insuper scripsit Iſocrates, absentium amicorum inter præsentem memoriam agendam, ut neque hos aliquando absentes parvipendere videamur, quod putatur facile ab amicis absentibus. Neque aliquid ad dissolvendas amicitias valet magis, quam amicorum separatio, quorum munus præcipuum, invicem conversari, Aristoteles dixit. Idque juxta proverbium, quod habet, de ea quam oculus non videt, re, non dolere cor. Ac, ut sæpe scripsit Philelphus, quod abest ab oculo, abest à corde.



corde. Verus tamen & magnus amor non proinde cessat, sed augetur potius: sicut ait B. Bernardus: quo gratiorem experti sumus alicujus præsentiam, eo postmodum absentiam molestiorem sentimus. Subtractio nempe rei, quam amamus, augmentatio desiderii est. Et quod ardentius desideramus, hoc caremus ægrius. Quam ad rem attinet, quod Plautus in Captivis ait, tum denique omnes nostra intelligere bona, cum quæ in potestate habuimus, ea amisimus. Ejusmodi autem amicitie officia & diligenter & prudenter maximè ab amico præstari oportet, & permanere amicum scilicet in sinistra etiam amici fortuna. Et condolare quantum expedit, sicut & conlætari in prospera: atque perpetuo inquam, quantum fieri poterit, amicum esse: neque vero exprobrare quicquam amico, nec insolenter de se sentire, vel magnum quid, etiam si verum sit, erga amicum. Agarastocles Plautinus adolescens: ita me Dii ament, tardo amico nihil est quicquam iniquius, præsertim homini amanti: quicquid agit, properat omnia. Annæus Sen.

Qdicit

Odit verus amor, inquit, nec patitur moras. Plato scripsit, si quis ab amico sanæ mentis arma acceperit, idem verò insanus reperat, non oportere ea reddi, neque justum esse eum, qui reddat, vel etiam homini sic affecto vera omnia dicat. Quanquam alioquin, quod ait Simonides, justum est debitum unicuique reddere, sicque depositum, quod & quodammodo debitum est. Illeq; ὀφειλόμενον appellavit, quod cuique convenit. Quod nostri jureconsulti ajunt, quod cujusq; proprium est, suum esse jus est. Amicis enim amicos benefacere debere, non autem malè, planum est.

Marfil. in  
repet. ru.  
de fide  
in. n. 137.  
&

Quod & fit prudenter, sicut prædiximus, insano deposita arma negando, tum aliàs similiter. Deinceps Valerius Maximus, Synceræ, inquit, fidei amici præcipue in adversis rebus cognoscuntur: in quibus sane qui vel opibus subvenerint vel fidejusserint præsertim pro magno debito, jure amici & magnæ amicitiae fungi existimari possunt. Nec tales jure queunt refutari, etiã si res soli non habeant. Et inter hos testamentũ factũ operatur idem, quod clausula codicillaris.

Barba. in  
c. nisi spe  
cialis. co. 1  
1. de of.  
fic. leg. &  
in c. xxi.

Fide-

Fidejussorem enim dare idoneum omnino, non facile neq; possibile passim est, nec invenire qui mutuum det gratis, vel fideiubeat gratis : cum & pro eo, quod fideiubent homines, pecunias recipiunt, teste Baldo. quoniam amicitia hodie inter paucos est, ut dixit Bartolus. Nempe quia & longe noxia sponso est, & fideiussio eius modi, ut pridem quoque Thaletis Græci sapientis sententia admonet, quam Decius Ausonius ita retulit : *ἔγγυα, πᾶσι δ' ἄν.* Ecce dicimus, latinum id est, Sponde, noxa præsto tibi est. Per mille possum currere exempla, ut probem, prædes, vadesq; penititudinis reos : sed nolo quenquam nominatim dicere. Sibi quisque vestrum dicat, & secum putet, spondere, quantis fuerit & damno & malo. Quod Plinius dictum tribuit Chiloni, dicens, unam hanc esse eius, ex tribus quæ Delphis consecratae erant literis aureis, sententiam, comitem æris alieni atque litis esse miseriam. Hanc tamē nimium multi incurrunt in dies : ut putarim magna ex parte id contingere, non magna amicitia, sed vel stoliditate, vel spe nescio cuius lucri,

col. 4. de  
proba. &  
in Ioan.  
Nina col.  
119. §.  
penult.  
de dep. in  
authen.  
nos. in  
authen.  
hoc jus.  
de sac. ec  
cles. C. in  
l. 6. §. Ma  
rius. m. a.  
da. ff. in  
l. 1. c. o. l.  
tul.



eri, quæ eos fefellit. At etiam inquit Euripides, In malis qui sunt potissimum boni parent amici: læta amicos passim habent. Nec est, ut testatur Lucianus, in quo magis Scythæ gloriatur, quam in adiutandis amicis, communicandisq; rebus acerbis: quemadmodum neque probrum apud eos maius ullum, quam amicitiam deserere, quæ vera est: non pro more istorum vulgarium, qui donec secundis ventis navigant amici, indignantur, nisi ex æquo participes fiant rerum lætarum: quod si vel tantillū venti eis reflare cœperint, aufugiunt, solos in periculis deserentes. Item Menelaus apud Euripidem, Dolere amicos tamen oportet mutuum, inquit: tantum abest, ut amici malis amicus illudere debeat. Quod non convenire, Callidemides apud Lucianum dicit. Idque tanto indecentius est, quanto molestius, ab amico illudi, quam ab inimico, à quo pravum videri nihil molestiæ habet, ut Tyræus ait, quanquam equidem multum gloriæ parit, ab eodem laudari, & indignum malo videri. Inquit, & Plauti Euclio: laudo malum, cum amici

amici tuū ducis malum. Item Xenophon, Stolidorum est, qui cum in necessitate amicos negligere nequeant, sed in quantum possunt succurrant, de eorum tamē prosperitate doleant, inquit, quod tamen religiosus] haud stolide facit amicus, commode dum in amico, quod in se ipso timet venenum prosperitatis. Quæ, ut idem habet, neminem non facit deteriorem. tum in adversis, quod dictum est, dolendum est mutuo quidem, & condolendum amico tribulato, sed modice, magisque oportet nos consolari taliter affectum amicum, hortantes ad meliora, sermonibus quam efficacibus. uti fecisse etiam Helenam Ledæam, Ægyptia medicamenta miscentem in cratere, ut animæ dolorem dilueret, docet vates celeberrimus in Odyssæa, dicens :

Ἐἴθ' αὐτ' ἄλλ' ἀνὴρ Εὐλείη Διὸς ἐκχαυία.  
 Αὐτίκ' ἄρ' εἰς οἶνον βάλε φάρμακον, ἔθθη ἔ-  
 πινον

Νεκυνθὺς τ' , ἄχολόν τι κακῶν, ἐπὶ ληθον ἀπάτ-  
 τωτ,

Ὅς τὸ κάταβροχέειν, ἔπη κελῖναι μιν γίγναι,  
 Οὐκ αἶψ' ἐφ' ἡμετέρους γὰρ βάλοι καὶ δάκρυ παρθέων.

Οὐδ' εἰ οἱ καταπυθίαι μιν μήτηρ τι πατρὸς τε

Οὐδ' εἰ οἱ περπάροισιν ἀδελφεόν, ἢ φίλον ὦν  
Χαλκῶς διείδωπ, ὅδ' ὄφθαλμοῖσιν ὀρώτω.

Τοῖα Διὲς θυγάτηρ ἔχε φάρμακα μητιόντος  
Ἑσθλὰ, τὰ οἱ Πολύδαμνα πόρειν· Θῶϊος παρὰ  
καί τις

Αἰγυπλίη, τῇ πλεῖστα φέροι ζείδωρος ἀνέρε  
φάρμακα, πολλὰ μὲν ἑσθλὰ μεμιγμένα, πολλὰ  
δὲ λυγρὰ.

*i.e. Ibi vero tum alia excogitavit Hele-  
na Iove prognata.*

*Protinus enim in vinum pharmacum  
misit. Unde bibebant*

*Nepenthes & Acholum omnium ma-  
lorum oblivionem inducens*

*Illi qui deglutierit, cum crateri ritè  
mixtum fuerit.*

*Non per totum diem genis dimittet la-  
chrymas,*

*Neq; si illi mortui fuerint mater pater-  
que,*

*Neq; si ei coram fratrem vel carū filium  
Ferro trucidarent, ipse vero oculis aspi-  
ciat.*

*Talia Pharmaca habebat prudentis Io-  
vis filla.*

*Bona quidem, qua illi Polydamna præ-  
buit Thonis uxor*

*Ægyptia, ubi multa producit fertilis  
terra*

*Phar.*



*Pharmaca, multa quidem utilia, multa quoque noxia.*

Ex his enim Tyanensis Magus nihil aliud significari putavit, quam Helenam, cum sermones Ægyptios didicisset, eos mœstis hominibus narrasse, eosq; in cratere posuisse, id est sermonem pariter ac vinum, pro levanda ægritudine, adhibuisse. Præterea, facultate quoque omni succurrere oportet amicis, memores ejus etiam quod dicit Aristote. Nemo amator est, qui non semper amat. Vlysses Euripidis: quam turpe, si quem vivum amicum sensimus, huic desinamus esse amici mortuo! Quanquã & ex hoc, quod vix reservatur imaginaria fides vel superstitibus, non præter æquum opinabere, si per paucos esse conjicias, qui mortuos ament, ut Sidonius ait. Tametsi amicis non optanda est vita longa, ut divus Augustinus habet, sed quod utile. Quæ in re convenit, quod inquit Aristoteles: Amare, est velle alicui, quæ bona putet, illius, non sui gratia: eorumq; activum esse, in quantum potest. Neque dolendum est nimis de amici morte, quemadmodum Lucianus

nus monet: noras mortalem te comparasse amicum tibi; quare non debes dolere de ejus morte. Et quando concludit in Eclog. de vita humana. Auso.

*Optima Grajorum sententia: quippe homini ajunt*

*Non nasci, esse bonum, natum aut cito morte potiri.*

Tandem Tul. Odiosum sanè genus hominum, inquit, officia exprobrantium, quæ meminisse debetis, in quæ collata sunt, non commemorare, qui contulit. Plato quoque, Amicorum, ait, & sodalium in vitæ consuetudine summam benevolentiam consequetur, qui illorum in se officia majora præstantioraque putabit, quam illi, sua verò in illos minora. Licet alia est hominum, ut solet esse in omnibus, vulgò depravata conditio: unde dixit Martialis:

*Semper inhumanos habet officiosus amicos.*

Et si etiam ne meminisse quidem fas est illi, qui bene quid fecerit, ut habet Ausonius ex Chilonis Spartani sententia; inimicum quoque ex amico factum humanius habendū tradunt, quam

quam alium. Nihilque turpius, quam cum eo bellum gerere, quo cum familiariter vixeris, ait Cicero. Reconciliato autem amico censent non esse fidem adhibendam. Unde talem non esse idoneum testem contra amicum, si vel recens reconciliatus sit. Quandoquidem ne ficta sit talis omnis ejusmodi amicitia, vehementer dubitatur. Unde etiam monent veterum Hebræorum Apophthegmata, cavendum ne offendas amicum sapientem, ne non illi amplius reconciliari possis. At rectius esse videtur tali etiam fidem adhiberi, aut palam non amicum haberi, ac talem amicum omnino habendum, si vel suam culpam agnoscens resipiscat, ut præclare docet nos Poëta Aescræus, sic dicens:

Bald. in marg. verbo testis. & Alex. ad Bart. ff. in l. 3. de test.

----. Εἰ δ' ἔτι καὶ αὖθις

Ἦν τ' ἐς φιλότητα, δίκην δ' ἐβέλησι παρὰ χεῖν,

Δέξασθ'. δειλὸς τοι ἄνὴρ φίλον ἄλλοτε ἄλλον

Ποιεῖται, σὲ δ' ἐμὴ τι νόον κατέλεγε χεῖρ εἰδὼς.

--- Sin vero rursus

Redeat ad amicitiam, pœnam autem velit præstare,

Suscipe. miser namque vir amicum alias alium

G

Facit,



*Facit, te vero nequid animo coarguat  
vultus.*

Neque enim ulla unquam fuit tanta  
conjunctio hominū, quæ non offen-  
si aliquid senserit. Et cum Ovidius di-  
cat Orestem cum Pilade in gratiam  
rediisse, nemo ejusmodi illiberalis in-  
genii sit, ut propter inveteratum odi-  
um viam amico in gratiam redeundi  
præcludat, ait Paraphrastes illius.  
Quippe & Paulum Apostolum Bar-  
nabamque diversa aliquando volen-  
tes discessionē fecisse scriptura com-  
memorat. ut plus nimium verum sit,  
esse naturalem discordiam homini-  
bus, omnibus filiis iræ existentibus,  
indeq; imprudenter belligerantibus;  
quemadmodum & Plautus ait: nam  
in hominum ætate multa eveniunt  
hujusmodi, capiunt voluptates, ca-  
piunt rursus miseras. Iræ interve-  
niunt, redeunt rursus in gratiam.  
Verum iræ, si quæ forte eveniunt hu-  
jusmodi, inter eos rursus si reventum  
in gratiam est, bis tanto amici sunt  
inter se, quam prius. Quod quidem  
pluribus exemplis etiam à Gellio re-  
latis confirmatur.

Lib. 12.  
cap. 2.

CAP.

## C A P. X V.

*Amandi inimici.*

**P**orro & alioquin inimicū quem-  
cunque amandum, ex divinorum  
instrumentorum præscripto multo  
apertissimoq; nō ignoramus. Quod-  
que adeo utile & præstans est, ut mar-  
tyrem faciat. Martyrium enim, hoc est  
testimonium fidei Christi cum sup-  
plicio; ob id agere quodammodo vi-  
detur, qui Christi præceptis usque a-  
deo parere nititur, ut quod difficili-  
mum apparet, magna naturæ animi  
humani contradictione, inimicum  
amet. Sicutique scripsit B. Gregorius,  
duo sunt martyrii genera. Vnum, in  
publico: alterum, in occulto. Idque,  
quando aliqui occultè antiqui hostis  
inuidias tolerantes, suosque in hoc  
mundo adversarios diligentes, cun-  
ctis carnalibus desideriis resistentes,  
per hoc quod se omnipotenti Deo in  
corde mactaverunt, etiam pacis tem-  
pore martyres fuerunt. In hoc tamen  
Socrates & similes plerique aberr-  
averunt à vero, justum putantes, pro-  
sequi odio, qui nobis male vult, &

i.e. si  
quis in-  
cipiat  
primus,  
aut odio  
sum ver-  
bum lo-  
quens,  
vel faci-  
ent, bis  
illum ul-  
cisci me-  
rito.

male illi facere, qui nobis male facit.  
secundum id quod egregius si diis  
placet, eorum sacerdos cecinit: *εὐ δὲ  
καὶ ἀρχὴ, ὅτι ἔπος εἶπὼν ἀποθύμιον, καὶ καὶ  
ἐξῆς, δὲ τὸς τίνος μὴ μνησθῆς.* Quasi  
æquum sit me male agere & prave,  
quia alius id facit; quasi eo quod ho-  
mo nobis amicus est, diligendus sit,  
non magis propterea quod homo est,  
& propter Deum; quæ sane perpetua  
sunt. O verè mancam atque inanem  
profsus sapientum sapientiam! nimi-  
rum dictum à Deo per Esaiam, ut  
Paulus cum septuaginta fere extulit:  
Perdā sapientiam sapientum, &  
prudentiam prudentum reprobabo.  
Verum sunt qui sentiant autores hu-  
jusmodi divos esse, ob multa tum be-  
ne dicta, tum facta: quasi etiam ex a-  
nimo omnia dixerint. Quod negat  
Hier. dum ait: immortalem animam  
& post dissolutionem corporis subsi-  
stere in consolationem damnationis  
sui, Socratem disputasse in carcere,  
plane affirmans, absque notitia sui  
Creatoris, omnem hominem pecus  
esse. Et alibi dicit, Philosophum, glo-  
riæ animal, & popularis auræ vile  
mancipium. Igitur, ut mittam cæte-  
tera,



tera, stulta est illa non minus, quam  
impia opinio. Nec dubium inimicos  
quoque diligendos, quando & incer-  
ti sumus an illi primas in regno cæ-  
lesti obtinebunt, nos vero secundas,  
aut postremas, vel quod Deus aver-  
tat, etiam nullas. Magna enim omni-  
no est mutatio dexteræ Excelsi. Ideo-  
que semper humilitatis & amoris me-  
mores, neminem deputemus inimi-  
cū, neminem inferiorem nobis, imò,  
omnes amantes, nemo sit quo nos  
ipsi non inferiores existimemus, ut  
monet Varenius, ac etiam B. Bernar-  
dus. At quomodo constat inimicos  
diligendos, qui mali sunt? Nonne  
Ephræm Syrus, vir sanctissimus, ait,  
hoc præ omnibus studendum, ut nul-  
lum habeas inimicum, nisi diabo-  
lum, ejusque ministros? nonne dixi-  
mus malos odio habendos, ad idque  
nos naturâ induci? sed nemo erit, qui  
tam parum videat, ut non intelligat  
odio habendam malitiam, non eos,  
qui male agunt: quorū habenda est  
cura. Infirmi enim sunt, ut ait Theo-  
phylactus: Quanquam olim quidem  
vetus testamentum permiserit, ipsos  
odisse malos, uti scripta B. Gregorii

3al. 2 de  
sum. tri.  
C.

23. q. 4.

declariant, ita intelligenda, ne in errorem inpingamus latè notatum à te alicubi. Ait enim B. Gregorius à Graciano quoque relatus, cum in lege scriptum sit: Diliges amicum, & odio habebis inimicum tuum, accepta tunc licentia justis fuerat, ut Dei suosque adversarios (inquit) quanta possent virtute, comprimerent, eosq; in ore gladii ferirent. Quod in novo proculdubio testamento compescitur, cum per semet ipsam Veritas prædicat, dicens. Diligite inimicos vestros, benefacite his, qui oderunt vos. Cæterum, præclare ait Boëtius: Cum ægros corpore minime dignos odio, sed potius miseratione judicemus, multo magis non insequendi, sed miserandi sunt, quorum mentes omni languore atrocior urget improbitas. Vis aptam meritis vicem referre? Dilige jure bonos, & miseresce malorum. En satisfactum tuæ voluntati, vel sane conatum quantum maximū potuimus. Nec scio quid dicam præterea. G O D. Conclude igitur. FAB.

## E P I L O G U S.

*Amandum.*

**C**oncludam ergo, amandum De-  
 um, & ut illi placet, cætera aman-  
 da omnia, amandum sane. Quoniam  
 amor loquitur ubique. Et si quis ho-  
 rum, quæ leguntur, cupit adipisci no-  
 titiam, amet. Alioquin frustra tum ad  
 audiendum tum ad legendum amo-  
 ris carmen, qui non amat, accedit,  
 quando omnino non potest capere  
 ignitum eloquium frigidum pectus.  
 Quomodo enim Græcè loquentem  
 non intelligit, qui Græcum non no-  
 vit, nec Latinè loquentem, qui La-  
 tinus non est, & ita de cæteris: sic lin-  
 gua amoris ei qui non amat, barbara  
 erit, sicut æs sonans aut cymbalum  
 tinniens, quemadmodum ait beatus  
 Bernardus cum divino Apostolo. Sa-  
 tin' ? G. Satis profecto. Ac ni grava-  
 reris, facile paterer jam à te dici reli-  
 qua. F. Aequum est te nunc dicentem  
 audiri, dilectissime. G. Cedo,  
 æquum est, & jam  
 exordior.



P E T R I

G O D O F R E D I,

D E A M O R I B U S,

L I B E R I I.

C A P U T I.

*Præcellens conjugii amor : ejusq;  
utilitas ac necessitas.*



Agnos nobis excellentissimosque amores narrasti, charissime, atq; eorum, qui cum nulla prorsus necessitudine sanguinis teneantur, longe tamen edunt clariorem amoris efficaciam. Amicus & sodalis in tempore convenientes, ait Ecclesiasticus; at super utrosque mulier cum viro. Et sicuti canis Poëta :

*Omnis amor magnus, sed aperto in conjugē major.*

Vtque docuit quadam Epistola ad omnes Christi fideles Thomas Illyricus,

cus, annulus ille, qui per sponsum, quasi Deum sponsæ, quasi animæ vel ecclesiæ digito quarto inditur, ex institutione ecclesiæ, unus & aureus & rotundus esse debet. Quoniam sicut aurū excellit inter omnia metalla: ita amor iste inter cæteros amores, unus & perpetuus existens. Nec ab re Cicerō, Prima societas, inquit, in ipso est conjugio, proxima in liberis. Et Aristoteles: Viro autem & uxori secundum naturam amicitia inesse videtur. homo nanque natura conjugale magis est, quam civile animal, quanto prior & necessaria magis est domus, quam civitas, & procreatio communior animalibus. Ut sint etiā, qui parentibus antiquiorē conjugem esse debere sentiant, divino dicto cœu manifestario, quod jubet, relinquendos illos adscituro uxorem. Vnde magis puniri peremptorem conjugis, quam parentis, canonico jure notatum. Etsi aliis visum id fieri, quoniam pronius est in conjugem delictum; aliis, propter imperiū viri. De hoc certè amore, mistaq; scilicet Venere, antequam de illo impuro, videtur dicere oportere: quia

proximum & conjunctum est prædictis à te, nec non dignius primumq; : nempe simul ac in mundi initio unus homo cum una fœmina esse cœpit, atque à Deo institutum ante peccatū. Porro, ut loquitur Florens Tertullianus, unde sufficiam ad enarrandam felicitatem ejus matrimonii, quod ecclesia conciliat, & confirmat oblatio, & obsignatum angeli renuntiant? sanè etiam, ut nostrum quidam scripsit, matrimonium est principium & fundamentum humani generis, & lege dictum est, nuptiis nihil esse utilius, tanquam solis facere homines valentibus. Vnde & amoris illa definitio tradita à Philosophis, ministerium videlicet esse Deorum ad curam & ad conservationem juvenum exhibitum, ut retulit Plutarchus Cheronæus. Ait & Tullius : cum ad tuendos conservandosq; homines hominem natum esse videamus, consentaneum est huic naturæ, ut sapiens velit nedū gerere Rempublicam, verum etiam, ut è natura vivat, uxorem adjungere, & velle ex ea liberos procreare, & cum ea suaviter vivere. Proinde quoque Poëta dixit :

Bal in c.  
nonnulli  
col. 1. de  
refc.  
Auth de  
rest & ea,  
quæ pa.  
in unde.  
mens. 6.  
rursus  
autem.



Ἀγαθὸν δὲ γυναικὶ περ ἐν φιλότῳτι μῆϊας.

i. e. Bonum est mulieri amoris glutino-  
misceri.

Ad id quod naturâ cætera etiam ani-  
malia inducuntur, & nobis exemplo  
sunt. Quemadmodum canit alter va-  
tes præcipuus :

Omne adeo genus in terris hominumque  
ferarumque,

Et genus aquoreum, pecudes, pictæque  
volacres,

In furias ignemque ruunt : amor omni-  
bus idem.

Et P. Ovidius :

Cum pare quaque suo coeunt volucres-  
que feraeque,

Atq; aliquam, de qua procreet, an-  
guis habet.

Vnde productivum multijugæ sub-  
stantiæ tempus, maxime Veneri di-  
catum, ut idem Poëta canit :

Aprilem memorant ab aperto tempore  
dictum,

Quem Venus injecta vendicat alma  
manu.

Illa quidem totum dignissima temperat  
orbem,

Illa tenet nullo regna minora Deo:  
Iuraq; dat coelo, terra & natalib. undis,

*Perqꝫ suos initus continet omne genus.  
Illa deos omnes ( longum est numerare )  
creavit :*

*Illa satis causas arboribusque dedit.  
Illa rudes animos hominum contraxit  
in unum*

*Et docuit jungi cum pare quemqꝫ sua.  
Et mox :*

*Nec Veneri tempus quam Ver erat aptius  
ullum.*

*Vere nitent terra : Vere remissus ager.  
Tunc herba rupta tellure cacumina tot-  
lunt,*

*Tunc tumido geminas cortice palmes  
agit .*

*Et formosa Venus formoso tempore di-  
gna est ,*

*Vt qꝫ solet. Marti continuata suo est.  
Majo tamen mense malas nubere  
vulgus ait. Qui mensis habetur o-  
mnium jucundissimus. Quo etiam  
olim Romanis læta erat festivitas illa  
Iudicra , de qua titulus est in Codice  
juris, dicta Majuma. Illud autem an-  
tiquitus proverbio dicebatur , ceu  
malum omen haberet, nubere mense  
Majo : quod à majoribus natu dictus  
sit : quibus inepta Venus, apta juveni-  
bus. Quæ, ut etiam canit Cneus Cor-  
nelius :*

*Es*

*Et genus humanum, pecudum, volu-  
crumque, ferarumque,*

*Et quicquid toto spirat in orbe, creat.  
Hac sine diversi nulla est concordia sexus*

*Hac sine conjugii gratia summa perit.*

*Hac geminas tanto constringit fœdera  
mentes,*

*Vnius ut faciat corporis esse duos.*

Sextus Propertius :

*Exemplo tibi sint conjuncta in amore  
columba,*

*Masculus, & totum fœmina conju-  
gium.*

Politianus :

*Murmur apricantes nivea dant turre  
columbi :*

*Expandunt alas, & amicam, blanda ro-  
gantes*

*Oscula, circummeunt, insertantque ori-  
bus ora.*

Quinetiam ipsa in universum rerum  
etiam insensibilium natura, nos ad-  
monet matrimonii : cum in nonnul-  
lis arboribus & sexum & conjugium  
& coitum adnotent scriptores : adeo,  
ut quæ fœminæ sunt, nisi adsint ma-  
sculæ arbores, steriles maneant. Nec-  
non affirmant, nihil è terra gigni,  
quod sexu careat, ut notat Erasmus.

Nota-



Notaque magnetis amantis ferrum natura, aquæ ignis proditor silex ferro junctus & concussus. Ut enim silex latentem ignem in se habet, qui concussione emicat: sic in utroque sexu est recondita vita, quæ tandem profertur mutua copula in prolem viventem. Ideo silecem in matrimonio auspicando præferunt aptissime, et si dicti Lapones, hoc est inepti, autore Zieglero. Ignem etiam quadam naturali benevolentia à longinquo attrahit Naphtha, bituminis genus, & Aproxeos herbæ radix: ut refert, inter alia miranda naturæ secreta, Agrippa in Magia. De quibus, ut de aliis quoque, Plinius ita scripsit: A Pythagora Aproxis appellatur herba, cujus radix è longinquo concipiat ignes, ut Naphtha. De qua & Dioscorides Anazarbeus: Naphtham inquit vocant Babylonii bituminis colamen, colore candidum, quanquam & nigrum est. Cujus vis est, ignes rapere; ita ut ex spatio protinus in eam transfiliant. Cæterū, Pogonato Cætare etiam teste, palma ipsa amat, & quidem ardens, alteram palmam, velut Florentinus in Georgicis suis tradit.

dit, neq; prius desiderium in ipsa cessat, donec ipsam dilectus consoletur. Videre enim est, ipsam arborem incurvatam, & non ferentem proprium firmamentum, neq; fructum producentem. Arque hoc ipsum agricolam non latet. Novit enim quod amet: quam verò amet, ignorat. Quapropter multas palmas contingens, rursusque ad amantem regrediens, eamque manu attingens, quasi osculum mutuo ministrare videtur. Quam verò palmam desideret, affectionum, & si ita dicere liceat, manuum nutu aliquomodo significat. Ad illam enim respicit, & in illam, radicibus ex-  
tentis, se amanter injicit, eamq; quasi amplectitur. Medela igitur amoris est, ut agricola frequenter masculam contingat, & manus suas amanti admoveat: & maxime, ut flores de capite masculæ ademptos in caput amanti imponat. Hoc namq; modo amorem mitigat, & palma ipsa splendida reddita de cætero optimum ac pulcherrimum fructum feret, tanquam videlicet existens in conjugio. Porro vero, ut ait Aristoteles, in cæteris animalibus procreandi gratia solum

solum maris & fœminæ societas est  
 constituta. In hominibus verò & so-  
 cietas est maxime secundum naturam  
 maris & fœminæ: sed non essendi so-  
 lum, verum etiam bene essendi mas-  
 & fœmina ope mutua conjunguntur:  
 filiosque procreant, non solum ut id  
 naturæ tributum ferant, verum etiā;  
 ut commoda deinde suscipiant. Va-  
 lentes enim ipsi imbecillos suos labor-  
 re tuentur & alunt. Hoc hominum  
 conditio mortalis per successionem  
 immortalitatem consequitur quo-  
 dammodo, & quantum possibile est;  
 hic primo principio assimilatur. Xe-  
 nophon etiam: Deus, inquit, matri-  
 monium instituit, primum quidem  
 ne animantium genera deficerent:  
 deinde ut haberemus à quibus nostra  
 senectus aleretur. Adde plane, ut vo-  
 luntatem Dei agentes, à nobis geniti  
 perpetuo cum eo regnarent. Omni-  
 umque parentum vota bene quidem  
 institutorum huc tendunt. Quamo-  
 brem qui matrimonium negligit, vi-  
 delicet fornicando, aut quomodo-  
 cunque aliter vivendo non spirituali-  
 us, Deum ipsum negligere videtur:  
 Quippe qui dixit: Crescite, & mul-  
 tipli.



tiplicamini, & replete terram: ut inde videlicet repleatur paradysus cælestis, prævaricatione dæmonum multis vacuus.

## C A P. II.

*Que uxor, qui vir, aptissimi.*

**S**Ed maxime apta quænam sit, ad Scam sanctam, tam amabilem, & perpetuam consuetudinem, simul agendam, mulier, & qui vir similiter, videndum est: cum haud dubie optima eligenda sint semper. Et licet breviter satisfacere possit illud Pythagoricum, quod habet, *μείζων δ' ἐνὶ γυναικὶ ἄριστος*, i.e. mediocritas in omnibus optima. planius tamen ajunt in primis, pulchram & mundam, sine fuce & luxu & superbia, cum facilitate & commodo pudore, probam & bene institutam uxorem esse debere. Quomodo verò pulchra esse debeat, explicant versus Cornelii dicentis:

*Horrebam tenues, horrebam corpore  
pingues,*

*Nec mihi grata brevis, nec mihi longa  
fuit.*

*Cum media tantū dilexi ludere forma,*

*Ma-*

*Major enim mediis gratia rebus inest.  
Quarebam gracilem, sed non qua macra  
fuiſſet :*

*Carnus ad officium carnea membra  
placent.*

*Sic quod in amplexu delectat. stringere  
corpus,*

*Neladant preſſum qualibet oſſa latus.  
Candida contempſi, niſi qua ſuffuſa ru-  
bore*

*Vernarent propriis ora ſerena roſis.  
Aurea caſaries, demiffaꝫ lactea cervix,  
Vultibus ingenuis viſa ſedere magis.  
Nigra ſupercilia, & frons libera, lumi-  
na nigra.*

*Et mox,*

*Flammea dilexi modicumque timentia  
labra,*

*Qua mihi guſtanti baſia plena darent.  
Intereti collo viſum pretioſius aurum.  
Et alibi:*

*Hæcerat egregia forma, vultuſqꝫ ſereni:  
Grata micans oculis, nec minus arte  
placens.*

*Vrebant oculos dura ſtantesqꝫ papilla,  
Et quas adſtringens clauderet una  
manus.*

*Rurſum ubi ait :*

*Pande, puella, pande capillulos*

*Flavos.*

*Flavos, lucentes ut aurum nitidum,*

*Pande, puella, collum candidum,*

*Productum bene candidis humeris,*

*Pande puella stellatos oculos,*

*Flexaq<sub>3</sub> super nigra cilia,*

*Pande, puella, genas roseas,*

*Porrige labra, labra corallina,*

*Da columbatim mitia basia.*

At niveo colore præstare nigrum, hoc est subnigrum & fuscum, multi tradunt. Nedum,

*Est etiam in fusco grata colore Venus.*

Quod Naso ait. Martialis :

*Sit nive candidior. Namque in Mareotide fusca.*

*Pulchrior, est quanto rarior iste, color.*

Nam & pulcherrima fuit mulierum

virgo mater Dei, nigra tamen dicitur

& fusca. Vnde Baldus: Conatur, ait,

ars & ratio facere optima ad instar

naturæ: conatur pictor pingere ima-

ginem, quam pulcherrimam natura

posset producere ut beatę virginis. Et

ipsa in Hagiographis: Nigra sum, in-

quit, sed formosa, filiæ Hierusalem.

Nolite me considerare, quod fusca

sim. Et hic color fuscus supra omnes

cum cæruleo visu gratissimus ac salu-

berrimus est, amplissimo teste Ga-

leno,

In l. li-  
berti de  
op. l. C.



leno, ubi agit de causis Symptomatum. Quamobrem oculos cæruleos habere Deiparam crediderim: quam oculos columbarum habere sæpe Cantica sacra enuntiant. Tum relatum est, matronas & spectatæ pudicitiae mulieres, nisi nigro capillo, Romæ, & longe lateque fusa toga ad talos demissa, stolaq; ac flammeo, & vittis & reticulo, quo capita velarent, usas, cum meretrices interim flavum capillum haberent, & togam subductiorem, absq; flammeo & vitta. Cæterum jocatur etiam Xenophon, simam uxorem ei, qui adunco est naso, convenire. Similiter parvo parvam uxorem scribit competere. Nam si magnam ducit, ubi quandoque velit eam rectam osculari, cum prosilire oportebit quemadmodum anserulum. Item, simplicitatem commendans cultus, & puritatem corporis, in conjugibus, eleganter ait ejusdem Ischomachus: *ὡς περ οἱ θεοὶ ἐποίησαν ἱπποῖς μὲν ἱππας, βοσὶ δὲ βὺς ἄδισον, προβάτοισι δὲ πρόβατα*: οὕτω καὶ οἱ ἄνθρωποι ἀνδράσι σώμα καὶ διὰ τὸν οἶονται ἄδισον εἶναι. i. e. Sicuti equos equis, bovis vaccas, oves arietibus misceri jucundissimum esse voluere dii, ita purum hominis corpus homini acceptissimum esse voluerunt.

His

His enim vel maxime mulieribus ineptissima pigmentorum deformitas. Quæ esse debent, ut matronæ illæ spirituales, sobrio decore laudabiles, nec conquisitis figmentis circa faciē vultuosæ, verum simplici quadam comitate prenitentes. Sicut sacris etiam scriptis in nostra Repub. docuimus. Canit insuper Martialis :

*Bella es, novimus, & puella, verum est.*

*Et dives, quis enim potest negare?*

*Sed dum te nimium, Fabulla, laudas,*

*Nec dives, neque bella, nec puella es.*

Etenim solent superbire puellæ ex forma egregia decoraque, tum aliis.

De quibus puellis vulgo dicitur proverbium : Bella est ? Aliquis ei dixit : quæ quia ejusmodi decore, vel nativo, vel sanè sæpius ascititio, superbiunt, ac utcunque superbientes difficiles sunt, & minus amabiles : ideoq; canit Horatius :

*Parabilem amo Venerem facilemque,*

*Candidaque rectaque sit, munda hæc enus, ut neq; longa,*

*Nec magis alba velit, quam dat natura, videri.*

Quando, & ut habet Propertius:

*Nudus amor forma non amat artificē.*

Idcir-

Idcirco & memorabiliter Ovidius:  
*Munditiis capimur.* (inquit:

*Mundities certe crimina nulla meret.*

*Et non cessuri, nisi diis, sine crimine  
 mores,*

*Nudaq; simplicitas purpureusq; pudor,  
 Prima sit in vobis morum tutela: pu-  
 elle,*

*Ingenio facili conciliante, placent.*

*Certus amor morum est: formam po-  
 pulabitur atas,*

*Et placitus rugis vultus aratus erit.  
 Tempus erit, quo vos speculum vidisse  
 pigebit,*

*Et veniet rugis altera causa dolor.*

*Sufficit, & longum probitas perdurat in  
 ævum,*

*Perq; suos annos hinc bene pēdet amor.  
 Discite, cum teneros somnus dimiserit  
 artus,*

*Candida quo possint ora nitere modo.  
 Quinetiam meretrix, Anterastilis no-  
 mine, apud Plautum: bono ingenio  
 me esse ornatam, quam auro multo  
 mavolo. Aurum in fortuna inveni-  
 tur, natura ingenium bonum. Bonam  
 ego quàm beatam me esse nimium  
 dici mavolo. Meretricem pudorem  
 gerere magis decet, quam purpuram.*

*Magis*



Magis quidem meretricem pudorē,  
quam aurum gerere condecet. Pul-  
chrum ornatum turpes mores pejus  
cœno colluunt. Quod si etiam in me-  
retrice ergo obtinet, quam decet ma-  
tronam cum simplicitate pudor, ma-  
gis quam cultus? qui, licet voluptas  
spectetur, magis contemnitur etiam  
in meretrice sola forma petita, nihil  
vestimentorum indiga; præeminens,  
ac secum etiam certans. Quemad-  
modum ejus, cujus scribit in Statii  
Thebaida Lactantius, nudati corpo-  
ris membrorum pulchritudinem ve-  
nustatem vultus obnubilare. Cujus-  
modi, ut in Troade inquit Seneca,  
magis quā solito splendet extremus  
decor. Vt esse Phœbi dulcius lumen  
solet, jamiam cadentis, astra cum re-  
petunt vices. Ait namque Scapha an-  
cilla apud Plautum: purpura ætate  
occultanda est. Hoc est, ut Baptista  
Pius interpretatur, purpura & orna-  
menta pretiosa occultanda sunt ætate  
juvenili scilicet & teneriuscula. Ita  
sit exquisita forma, ut radiis illius oc-  
cultetur, delitescat & contemnatur  
ipsa purpura, & quodvis aliud orna-  
mentum. Aitque idem Plautus, aurū  
turpe

turpe mulieri. Pulchra mulier nuda erit, quam purpurata, pulchrior. Rursum postea, Nequicquam exornata? Bene si morata est, male. Pulchrum ornatum turpes mores peius cœno collinunt. Nam næ si pulchra est, nimis ornata est. Quid opus est quod suum esse nolit te ultro ostentari? Namque personam sibi volunt amantes, quam amant, vel nudam, non ornamenta. Adhæc pulchre cecinit Iovius Pontanus:

----- *Fuge candida luxum.*

*Munditiis capitur delitiosus amor.*

*Luxus obest formæ, formæ est contenta pudore.*

*Ipse pudor veri jura decoris habet.*

*Simplicitas nam culta sat est. Tu lux mea cultum*

*Effuge. Bella quidem simplicitate tua es.*

Verum luxu etiam ineptos corporis motus, gestus & habitus penitus secludimus. Cuiusmodi rufis illa delicatula, spontanea omnino, qua domicellæ istæ æstimatorum utuntur, præcipue quæ pulchræ nō sunt: ut nescio quā ridicula opinione fœditas earum care adumbretur. In quarum amatores

appositum est epigramma illud Valerij:

*Petit Gemellus nuptias Maronilla:*

*Et cupit, & instat, & precatur & donat.*

*Adeo ne pulchra est? imo fœdius nihil est.*

*Quid ergo illa appetitur, & placet?*  
*tussis.*

Quanquam & dici possit non ineleganter, nuptias Maronillæ fœminæ divitis peti propter vicinam ex tussi sive tabe moram.

Præterea vero Lucianus in imaginibus, formosissimam describens mulierem, etiam ait, morum suavitatem, humanitatem, animi magnitudinē, modestiam, & pudicitiam, digna esse, quæ modis omnibus corporis dotibus anteferantur, sicut ipsius corporis dotes externo cultui: quoniam plane absurdum foret atque factu ridiculum, si quis vestitus cultum atq; munditiem præ corpore admiraretur. Demum verò eam omnibus numeris absolutam pulchritudinem esse censuit, quoties in idem concurrunt anima exulta virtutibus, & corpus amabili forma exornatum. Scribit autem B. Ambrosius, uxoris decorem non magnopere quærere nos decere, quæ



viro necem plerumque gignere solet. Quapropter sancti illi patres Abraham & Isaac cum ad alienos divertissent, cum uxoribus peregrinantes pulcherrimis, timuerunt propter illas occidi, ideoque uterque de uxore sua dixisse legitur, אִתִּי הִיא. Inde etiam notat Gulielmus a monte Lauduno, prævalere quod bonum est, eo, quod pulchrum est. Illud quod non semper in uxoribus quæritur. Ex quo frequenter tristes sequuntur exitus. Aitque non ab re, sed durius, Plautus: forma mala matrem esse addecet familias. Neq; enim quærenda est uxor pulcherrima, quæ communis, neque deformissima quæ pœna, sed stata, hoc est media forma, revera uxoria, quæ utilitati & consolationi justæ ac securæ sit futura, uti profana juxtaq; sacra multis monumenta docent. Mulieri similiter vir quoque quærat, quantum fieri potest cœvus, præcipue bene valens corpore, & ætate non gravi & caduca. Quod lege Longobardica præceptum: & valde admodum contendit Erasmus in colloquiis, pulchre inquires: impar conjugium, quasi gemmā inseras plumbo.

I. s. Sord  
laze mea  
est.

En cle. X.  
verbo,  
coloris.  
de stat.  
mon.

I. illud.  
de pœni.  
utp.

bo. Vetus Solonis sententia ita ab Ausonio scripta: par pari, jugato conjunx, quod impar est, dissidet. Et Vultejus cecinit:

*Namque anus annosum, juvenis quarit-  
que puellam.*

*Iunge pares paribus, res erit æqua Ve-  
nus.*

Et Corn. Gallus:

*Par ætas animos conciliare solet.*

Et Venus quidem ætate tantum florentum est, ut adnotavimus supra, & Galenus plane scribit, & late Plato describit in Timæo, inquiens: Sperma, utpote animatum ac respirans, qua parte spirat, per eandem vitale effluendi desiderium gignit, atque ita generandi amorem nobis inseruit.

Quocirca pudendorum naturæ in viris insitæ vis inobediens, atque imperiosa, & quasi animal, non exaudiens rationem, furiosarum libidinum violentia subicere sibi cuncta conatur. Vulva quoque matrixq; in fœminis, eadem ratione animal avidum generandi, quando procul à fœtu per ætatis florem, aut ultra diutius detinetur, ægre fert moram, ac plurimum indignatur, passimq; per corpus ob-

errans meatus, spiritus intercludit, respirare non finit, extremis vexat angustis, moribus denique omnibus premit, quousque utrorumque Cupido amorq; quasi ex arboribus fœtum fructumve producit. Nec ab re est illud Peripateticorum principis, dicentis, mulierem appetere virum sicut materia formam. Et quod notat Cynus, tantum appetitum virilis amplexus cum pubertate crescere in puellis, ut sit furori similis. Quo quidē, ut par est, vacant senes. Sicuti testatus est Sophocles Poëta. Qui senex existens cū interrogaretur, quomodo se haberet ad Venerem & num adhuc posset mulieri cōmisceri, respondit, Εὐφύμει, ὦ ἄνδρῳ πε. ἀσμφέστατα μὲν τοι αὐτὸ ἀποφυγών. πατὰ πασι γὰρ τῶν γ. τοι ἔτιων ἐν τῶν γήεα πολλὴ εἰρήνῃ γίγεται, καὶ ἐλευθερία. inquit Plato. Quod & Flaccus perhibet, ita canens:

Ja I. cura  
rorem de  
interdic.  
nat. C.

Se. Bona  
verba d  
homo. lu  
bentissi-  
me enim  
hæc fu-  
gio. Ho-  
mū enim  
omni mo-  
do in se-  
nectute  
magna  
quies &  
libertas  
est.

*Fugit retro levis iuventa & decor,  
Arida pellente lascivos amores  
Canitie, facilemq; somnum.*

At in his malit sibi quisq;, prudenter tamen & cum charitate vera, quod est optimum, quam alteri, juxta id quod vulgo dici solere Byria dicit Te-  
ren-



rentianus, omnes sibi melius esse  
malle, quam alteri. Et docent Prag-  
matici nostri ex Claudii principis  
rescripto, agris nostris sitientibus  
præstare illos, quam alios irrigari.

L. præsides  
de servit.  
& aq. Gr

Optimum autem est aliquando seni  
ducere juvenem uxorem. Quemad-  
modum Davidi narrat scriptura quæ-  
sitam adolescentulam virginem, quæ  
staret coram eo, & foveret eum, dor-  
miretque in sinu suo, & calefaceret  
ipsum, nimium præ senio frigescentē.

Quod passim, ut apparet, non facien-  
dum. Omnino autem, cui cordi est  
non cēlibem ducere vitam, haud qua-  
quam id differat in annosam ætatem.  
Sed quemadmodum docet Hesiodus:

Ἠγεῖοις δὲ γυναικὰ πὸν ποτὶ οἴκοι ἄγεθι,  
Μὴ τε τριηκοῖν τῶν ἐτέων μάλα πολλὰ ἀπολεί-  
πων,

Μὴ τ' ἐπιδείς μάλα πολλὰ. γάμος δὲ πεισέει  
οὐτος.

Ἡ δὲ γυνὴ τέταρ' ἡβῶν, πέμπτῃ δὲ γαμοῖτο.  
Παρθενικὴν δὲ γαμῆν, ὥς κ' ἡδύα κεδνὰ διδάξης.

i. e. *Tempestive autem uxorem domum  
tuam ducito,*

*Neq; multa à trigintum annis, deficiens,  
Neque multum superans. Nuptia vero  
hæ erunt tempestive.*

*Mulier autem quarto supra decimum*

*annum pubescat, quinto nubat.*

*Virginem vero ducito, ut mores castos doceas.*

Hocque maxime, si verum est quod Beatus Antoninus scripsit, hisce temporibus parentes, quia rudes sunt & parum Deum timentes, nec filios nec filias scire per se erudire, ac ne quidē mittere eos ad verbi divini prædicationem audiendam. Moratur, inquit, puella in domo, nunquam audit verbum Dei, & sicut bestia accedit ad conjugium, ut bestia se habet in conjugio. Tum pluribus rationibus, melius est homini, etiam qui plures alias habuit uxores, virginem & juvenculam ducere: videlicet, ut totum omnino ejus amorem nullo pacto invisum habeat, & magis alioquin charum ac gratum. Solent enim mulieres chariores habere, quibus prius junctæ sunt, ut multis tradit Franciscus Barbarus, tractatu specialiter edito de re uxoria. Et iuxta hæc sic canit Vulteius:

*Nemo fuit prima sic inflāmatu amica,  
Quanto Vultejus captus amore tui est.  
Habetque vulgare proverbium, pri-  
mas offas amoresque primos melio-*

res esse. Magis enim se unicis viris applicant fœminæ, & nihil aliud nosse; magnum arctioris indulgentiæ vinculum est, ait D. Hieronymus. Nec ab re cecinit Catullus:

*Vt vidua in nudo vitis qua nascitur  
arvo,*

*Nunquam se extollit, nunquam mitem  
educat uvam:*

*Sed tenerum pronò deflectens pondere  
corpus*

*Iamiam contingit summum radice fla-  
gellum,*

*Hanc nulli agricolæ, nulli accollere iu-  
venci.*

*At si forte eadem est ulmo conjuncta  
marito,*

*Multi illam agricolæ, multi accollere  
juvenci,*

*Sic virgo dum intacta manet, dum in-  
culta senescit,*

*Cum par connubium maturo tempore  
adepta est,*

*Chara viro magis, & minus est invisa  
parenti.*

Præterea vero juvenes & tenellæ virgunculæ, nullius alterius votis assuetæ, sine vitiis, sine ineptiis, facile adaptantur suis cujusque moribus. Neq;



ideo formidandum, quin ita robusti-  
ex eiusmodi coniuge suscipiantur ut  
ex alia proVectiori liberi. Qua in re  
Philelphus malle se sequi Romanos,  
quam Lacedæmonios, inquit. Lacedæ-  
monii enim, quoniam rei bellicæ  
equestrique studebant, uxores duce-  
bant triginta natas annos, aut etiam  
grandiores. Nam putabant robustio-  
res partus gigni ex talibus. At Ro-  
mani, qui nulla re Lacedæmoniis fue-  
runt inferiores, quæ duodecim com-  
pleisset annos, nubilem esse dixerunt.  
Nimirum cum iam talis viri potens  
sit natura, quæ nihil frustra agens,  
semper rei melioris autor est, quoad  
eius fieri potest, ut Aristoteles dixit.  
Sicque ætatem eiusmodi admodum  
facilem, quæ viri ingenio ac moribus  
accommodaretur, arbitrati sunt ve-  
teres illi, partus autem robustitatem  
in nutrimento & intima vi naturæ,  
pro horoscopi (quod Astronomi vo-  
cant) syderis influxu, non in gignen-  
tium annis positam esse, ut tradidit  
quidem Philelphus, censens idcirco  
etiam, posteriores uxores virgines &  
puellas satius esse ducere. Quod &  
ipse in duabus uxoribus fecit: & dicit,  
se idem

se idem fuisse facturū, si tertio nubendum esset. Hæcque fuit primum sententia Hesiodi Græce iam superius à nobis relata. Quam & ipse probat Aristoteles, inquit : Rectè se habet illud Hesiodi : puellam uxorem accipere oportet. Ut gratis moribus eam imbuere possis. Diversitates enim morum nequaquam sunt ad dilectionem aptæ. Verum ait, Viro generare potente, si mulier ipsa concipere non potest, vel muliere quidem ad concipiendum apta, si vir ipse non possit generare, lites & discordiæ inter eos oriuntur. Igitur cum sit finis gignendi viris, ut plurimum, septuagesimus annus, fœminis autem quinquagesimus, ita coniungendi ab initio sunt vir & uxor, ut ætatibus ad hunc finem concurrant. Puellas circa ætatem decem & octo annorum nuptui tradere congruit : masculos autem circiter ætatem triginta sex annorum. In hoc enim tempore vigentibus corporibus coniungentur, ac procedente tempore simul apte desinent procreare. Neque enim hic censet etiam si naturale robur spectes, prorsus negligendam provectionem ætatem. Est, inquit,

adolescentum coniunctio improba  
ad liberorum generationem. In cun-  
ctis enim animalibus iuveniles par-  
tus imperfecti sunt & fœminæ crebri-  
us quam mares, ac pusilla hominum  
corpora existunt. Masculorum cor-  
pora crescere impediuntur, si adhuc  
angente semine illud emittat, in par-  
tu laborant magis puellæ, ac pere-  
unt plures. Ad continentiam utile est  
nuptias fieri seriores. intemperantio-  
res enim esse videntur, cum puellæ  
Veneri assuescunt. Ad quod respexis-  
se videtur Ovidius, cum dixit:

*Qua venit exacto tēpore, peius amat.  
Est aliquid, plenis pomaria carpere ra-  
mis,*

*Et tenui primam deligere ungue rosā.*  
Ob idque, cum continentia maximi  
semper fiat in muliere, & prima quæ-  
que magni momenti sint, tempus an-  
ni serius, id est per hyemem, dixisse  
videtur Aristoteles aptius ad nuptias,  
non aliud, & maxime illi contrarium  
prorsus æstatis tempus. Quo qui-  
dem, ut expressit Hesiodus,

Μαχρότατον δὲ γυναικὶς, ἀφαιρότατον δὲ τοῖς  
ἀνδράσι  
Εἶσιν, ἵπτι κεφαλὰν καὶ γυνήκα σιέειν ἄζει.



i. e. Salacissima autem sunt mulieres;  
viri vero maxime debiles.

Existunt, quando caput & genua Sirius  
exiccat.

Cæterum, nuptiarum opportunum  
tempus faciat in primis damni præ-  
cipua animæ cautio: secundum ea,  
quæ diximus latius in nostra Repub.  
Sit autem omnino in viro probitas,  
& quantum fieri poterit eruditio &  
peritia. De quo dici posset illud Ovi.

*Qui te genuere, beati,*

*Et mater felix, & fortunata profecto;*

*Si qua tibi soror est, & qua dedit ubera  
nutrix:*

*Sed longe cunctis longeque beator illa est,*

*Si qua tibi sponsa est, si quam dignabere  
tado.*

Dainquiunt; sacræ literæ; filiam ho-  
mini cordato, & grande opus feceris.  
quod vult etiam vulgi proverbium  
dicentis: Homini des tuam, non agro  
seu vineæ, gnaram. Hominem autem  
hic vulgus minime intelligit; sed  
qualem quærebat Diogenes ille Cy-  
nicus, nec inveniebat, cum meridie  
lucernā gestans obambulare per fo-  
rum hominibus differtū: & alias cum  
ex editiore loco homines convocasse

set, & infinitis propè septus, quasi nullus adesset, magis clamaret: Adeste homines. Sic patrem meum virum singularem sæpe queri audio, quod non videat homines. Et ego, tantulus licet, ut verum eloquar, quoties inter homines venio, & turbam contemplor, videre videor rostra Romanorum referta statuis, & vix aliquem reperio, qui non statua vel imago elegans quidem & polita, vel adhuc imago imaginis, ut de Rufo Rhetore Aufonius ait, magis, quam homo videatur. Qualis est revera tantum, quem diximus: quales & cæteros omnes pudere deberet maxime non esse, quantum fieri potest: quibus eadem & sæpius maiores quodāmodo contigerunt intimæ atque extimæ facultates. Insuper, uti ait D. Gregorius, omnis electus, & in via Domini perfectus, & homo, & vitulus, & leo simul, & aquila est. Omnis enim, qui in ratione perfectus est, homo est: quoniam semetipsum ab huius seculi voluptatē mortificat, vitulus est: quia vero ipsa sua spontanea mortificatione contra adversa omnia fortitudinem securitatis habet, leo est: quia  
vero

vero sublimiter contemplatur ea, quæ  
 cælestia & æterna sunt, aquila est.  
 Hic est autem excellenter Iesus Chri-  
 stus, Dominus noster, homo, ac pri-  
 mum semperque Deus. Qui dicitur  
 à Mose sicut aquila provocans ad vo-  
 landum, à Ioanne leo de tribu Iuda,  
 à Luca vitulus saginatus, & per Pila-  
 rum ceu per Caiphā, vel Asinā Ba-  
 laam, homo, ubi eum ostendens pro  
 nobis percussus, dixit Iudæis, homi-  
 nibus nihili: Ecce homo. Quippe  
 cuius ad imaginem reliqui facti sunt,  
 ut nos alibi fuisse docuimus. Qui, in-  
 quam, ubi quæ Dei sunt negligunt,  
 ratione, tanquam ea carentes, non u-  
 tuntur, magis videntur belluæ. Et  
 quemadmodum scripsit Sidonius,  
 quanto antecellunt belluis homines,  
 tanto antestāt rusticis instituti. Quod  
 iam diximus & denotatum à Tullio.  
 Etiam adnotat Barbatia. Ignari pror-  
 sus non merentur dici homines, sed  
 imagines hominum. Ignaros hic ma-  
 xime accipimus, non tantum literas  
 nescientes, sed qui etiam nullius in-  
 genii, nullius vivacitatis & industriæ  
 sufficientes sunt, inutiles fungi, & bli-  
 tei, inde vulgo belitres; potissimum  
 si his

In l. 6  
 quis.  
 de per.

In c. scia  
 scitatus,  
 de re-  
 scrip.



si his accedat fere consueta nequitia  
& contumacia. Vnde מוררין Chaldaica,  
& primum Hebræa tandemque  
vulgari proxima voce dicuntur: his  
certe mulieres committendæ non  
sunt, cum ipsi potius aliquo egeant,  
cui committantur. Quemadmodum  
etiam censer mulier Apophradis apud  
Lucianum, inquit: Haudquaquam  
virum eum accepero, qui ipse quoq;  
indiget viro. Nisi forsân similes sint  
mulieres illis, quia similibus conjun-  
gendæ viris, juxta proverbium, quod  
habet, Melius esse unam domum,  
quam plures talibus impeditâ: quan-  
do & testatur Homerus, valde omni-  
no malum, ducere, scilicet malum.  
Quibus etiam nequicquam aliquan-  
do convenit. Vnde Martialis ad  
quosdam ejusmodi inquit:

*Cum sitis similes, paresque vita,  
Vxor pessima, pessimus maritus,  
Miror non bene convenire vobis.*

Itaq; sint illæ mariti dotes, quantum  
fieri possit, probitas, inquam; erudi-  
tio, peritia, cetera anridos quædam &  
donatio propter nuptias, & si quid  
est simile, quod vulgo in matrimoniis  
exigatur. Nec aliud quicquam anxius  
curat.

curetur, veluti ne peregrinus sit vir, ne minor dignitate seculi. Et sint talia quoq; in fœmina, dos satisfaciens vice vulgaris, quæ veram hanc solet excludere sive labefactare, veluti alia ambitiosius quæsitæ: videlicet, ut majori vel pari omnino dignatione sit vulgo, magis, quam ut proborum, etiam inferiorum parentum sit. Quod tamen est præcipue, cum prædictis curandum, ut, quod ait Flaccus, invenias bene mutuis fidum pectus amoribus. Adhæc legimus apud Herodianum, Antoninum imperatorẽ, cognomine Philosophum, filias, cum adolevissent, optimis ex ordine senatorio viris collocasse. Neque enim qui longam generis seriem præferrent, aut qui opes nimias ostentarent, ut Lucianicus Leucanoris, sed qui morum probitate atque modestia vitæque innocentia præcellerent, eos sibi generos diligendos putabat. Hæc enim sola animi bona certa esse stabiliaque arbitrabatur. Nempe, ut cecinit etiam Philippus Beroaldus:

*Vera hac nobilitas non est in stemmate,  
longo,*

*Non in cerosis est sita imaginibus.*

*Vna*

*Vna est cunctorum prima & genialis  
origo,*

*Omnibus est genitor Iuppiter, estque  
Deus.*

*Sola facit virtus generosum, sola beatū,  
Sola potest mentes demeruisse probas.  
Vera hac nobilitas non paupertate fu-  
gatur.*

*Fortuna virtus succubuisse nequit.*

Item narrat Lucianus, cum Action pictor Roxanis & Alexandri depictas in tabula nuptias in Olympia pertulisset, ac imaginē spectandam ostentasset, Proxenidem, quem tunc certaminum judicem Græci constituerant, artis præstantia delectatum, Actionem peregrinum generum sibi ascivisse. Et canit Seneca Tragædus:

*Conjux modico nupta marito,  
Non disposito clara monili,  
Gestat pelagi dona rubentis.  
Male pensantur magna ruinis.*

Equidem, ut beatus ait Ambrosius, nubens ad servitutem, pecunia sua venditur. Meliori conditione conjugia, quam mancipia comparantur. In illis meritum emitur servitutis, in istis pretium servitutis additur. Et perhibetur dixisse divina Eugenia, maritū  
non



non natalibus, sed moribus eligendum. Porro scripsit Capitolinus, Imperatorem Gordianum, adolescentem, prius quam ad bellum proficeretur, duxisse uxorem, filiam Mithrei, doctissimi viri: quem causa eloquentiæ suæ dignum parentela sua putavit. Tradit quadam homilia in <sup>46. pri-</sup> euangeliū Matthæi B. Chrysostomus, <sup>mx c3p1</sup>

quod bene morata & parentibus bonis orta quærenda sit uxor. Et Hieronymus perbonus, quod dos est magna parentū virtus. Canit Euripides:

*Felices quibus obtigit,*

*Sors nec summa nec infima, sed sane media, & quibus,*

*Castos annuis aurea nancisci thalamos*  
*Venus*

*Tranquillaque perenniter consuetudine*  
*perfrui.*

*Quorum pectora mutuis flagent incita*  
*flammulis.*

Canit & Petrarcha:

*Quisquis amore voles solido tranquillus*  
*& alta*

*Pace frui, maiora fuge, & nimis alia*  
*caveto,*

*Illic contēptus, & jurgia mista querelis,*  
*Atraque perpetuis bacchantur nubila*  
*ventis.*

*Quin-*

*Quin etiam vitare pares, licet obstrepas,  
error*

*Pulicus, admoneo. Fidum tibi junge mi-  
noris,*

*Pectus: ubi obsequium pernox, humi-  
lesque vicissim*

*Blanditia, dulcisque timor: res cognita  
paucis.*

Quin Plato, qui, inquit, ex bonis pa-  
rentibus ortus est, eas nuptias sequi  
debet, quas prudentes viri honestas  
ducunt, qui sane monebunt, nec pau-  
perum fugere, nec divitum affinita-  
tem sectari, præcipue oportere, sed  
cæteris paribus pauperiorem semper  
honorare, cumque ipso societatem  
inire. Nam & civitati & familiis, quæ  
conjunguntur id conducit. Quippe,  
quod moderatum est & mediocre,  
immoderato & excedente mirum in  
modum ad virtutem præstat. Etenim  
singuli semper ad sibi similem na-  
tura feruntur. Vnde civitas tota &  
divitiis & moribus inæqualis quam  
maxime redditur. Ex quibus quæ  
minime nobis evenire vellemus, ma-  
xime civitatibus plurimis accidunt.  
Ad idem Plautinus Megadorus dice-  
bat: Nam meo quidem animo, si qui-  
dem

dem faciant cæteri opulentorum, pauperum filias ut indotatas ducant uxores domum, & multo fiet civitas concordior, & invidia minore nos utemur, quam utimur, & illæ malam rem metuant, quam metuunt magis, & nos minore sumptu simus, quam sumus. Et tandem inquit: Nulla ergo dicat: equidem dotem ad te attuli majorem multo, quam tibi erat pecunia. Nam quæ indotata est, ea est in potestate viri, dotata mactant & malo & damno viros. Quanquam Euclyo contra, itidē scilicet Plautinus, id vel parentibus ejus, quæ nuplit diviti, contendit esse periculo, inquit: Venit hoc mihi in mentem, Megadore, te esse hominem divitem, factiosum, me item esse hominem pauperum pauperrimum. Nunc si filiam locassim meam tibi, in mentem venit, te bovem esse, & me esse asellum, ubi tecum conjunctus siem, & te utar iniquiore, & meus me ordo irrideat, neutrobi habeam stabile stabulum: si quid divortii fiet, asini me mordicus scindant, boves incurserint cornibus. Hoc magnum est periculum, me ab asinis ad boves transcendere.

Quod



Quod tamen vitabitur, si vel divitem eligat parens, ut præmonuimus, in primis qui bene moratus sit, & qui vere possit dicere id, quod dicentem facit illum ipsum Megadorum Plautus: Ego virtute Deum & majorum nostrorum dives sum satis. dummodo morata recte veniat, dotata est satis. Adhæc Martialis ait:

*Vxorem quare locupletem ducere nolim,*

*Quaritis? uxori nubere nolo mea.*

*Inferior matrona suo sit Prisce marito.*

*Non aliter fiunt fœmina virq; pares.*

Cum igitur æqualem mulierem inquirendam ait proverbium, intellige inferiorem, ut sit æqualis inde, non ex æquali superior, vel dote: qua deliniti ultro etiam uxoribus ancillantur, ut Titinnius ait. Item Alcmena apud Plautum ad Amphitruonem maritum: Non ego illam dotem duco esse quæ dos dicitur, sed pudiciam & pudorem, & sedatam cupidinem, Deum metum, parentum amorem, & cognatorum concordiam: tibi morigera, atque ut munifica sim bonis, pro sim probis. Et Flaccus:

*Dos est magna parentum*

*Virtus: & metuens alterius viri,*

*Certo*

*Certo fœdere, castitas, & peccare,*

*Aut pretium mori.*

Apud Scythas matre carentibus, privignis, mulier temperat innocens, nec dotata regit virum conjunx, nec nitido fidit adultero. Idem alibi: Probamque pauperiem sine dote quæro, ait. Scilicet ut vel sic sit sine lite dies conjugibus, contra proverbium, quod habet, Eum, qui non litigat, cælibem esse; cum uxoribus certe litem semper & jurgium esse maritis, declarans. Quod interpretantur esse propter dotem. Quam, quantam potest nemo, non expetit præ rebus aliis. Vnde adagio perpetuo locus datus. Sed & M. Cato Censorius uxorem habuit Actoriam Paulam humili loco natam, violentam, impotentem, ipsiq; Catoni superbam. Hoc ideo dictum, ne quis putet, si pauperem duxerit, eo satis se concordiae providisse. Ergo si domus communis mariti, & uxoris, erigit uxorem in superbiam, & contumeliam viro facit ideo uxor, quanto magis si ditior uxor fuerit, & in domo ejus vir manserit? incipit enim non uxor esse, sed domina, & viro, si offenderit eam, migrandum est: uti

scripsit

scripsit D. Hieron. Vnde si tali uxori maritus illud vulgare adagii vice usurpatum objiciat, minime debere canere gallinam ubi gallus est, continuo audiet, imo debere in sua co-horte, & jugo proprio. Superest igitur, si quis cum Biante quærat Ausonii :

*Quæ dos matronis pulcherrima?*

Vita pudica, respondendum. Hæc sane si adsit, absit quæ hujus comites humilitatem & modestiam frangat, miraculum non erit quod clamat relatum *ex vitæ papiræ* ab Alciato epitaphium, virum & uxorem non ligare. Nisi quod natura, quoniam sumus filii iræ, ipsa communio parit discordiam etiam inter perfectos & sanctos, ut vel beatorum Pauli ac Barnabæ monstrat dissensio apud Lucam scripta, & suspicio, quam de intemerata Deipara conjuge habuit Ioseph justus, donec illi ab angelo est denuntiatur. Sed & hæc facit ad victoriam pugna, operante D E O, qui novit suos de tentatione eripere, necnon adferre cum ipsa proventum, exque omnibus bonum, quod vult solum, efficere. Cæterum, qui dotem malunt,



lunt, monet Petrarcha, ut non quanta sit, sed qualis, existiment, unde scilicet profecta, quibus parta modis. Magnæ dotes malis artibus sunt quefitæ, præsertim eo quod omnes malunt quam dotem violatam. Pœnorû & Hieropolitanorum mores nosti: quorum nuptiis non pietate parta, sed stupris & dedecore dos constabat. In quorû civitate Constantinus Imperator destructo Veneris templo, primum apud eos construxit ecclesiam, & consuetas fornicationes lege prohibuit exerceri, ut autor est Socrates sacer. Sunt & forsan nonnullæ ubique hoc tempore, maxime vero in maximis urbibus, quæ nonnunquam vel imprudenti parentum lenocinio impudicæ, magnas pecunias & pretiosa quæque adferunt marito, at virginitatem minime. Longissime enim, ut vulgo ajunt, distare potest, si ab eo tempore, quo amiserunt eam, cucurrit. Chara autem nihilominus talis viro esse quæ potest? quando & cæteris, qui eam norant, odiosa est, eique qui ejus pudicitiam læsit, antea licet amabilis & grata. Certe quemadmodum canit Catullus:

*Vt flos in septis secretus nascitur hortis,  
 Ignotus pecori, nullo contusus aratro,  
 Quem mulcent aura, firmat ver, educat  
 imber;*

*Multi illū pueri multa optavere puella.  
 Sic virgo dum intacta manet, tum cha-  
 ra suis. sed*

*Cum semel amisit polluto corpore florem,  
 Nec pueris iucunda manet, nec chara  
 puellis.*

Et Vultejus:

*O violata vale, vale o violata. placebas  
 Inviolata: nocet nunc violata mihi.*

Notumque illud quod in libris Regū legitur, cum Ammon filius David sororem Thamar oppressisset, habuit eam exosam odio magno nimis, ita ut majus esset odium illud amore, quo antea dilexerat. Quod & generaliter in hisce omnibus ut plurimum accidit, quibuscum peccatur, ut quodammodo quidem peccantes, hoc est libidinem agentes suam, ament ipsas mulieres, deinde vero execrentur, neque satis unquam munda habeantur, vel placeant: ut à plerisque relatum accepimus, & testificatur Plautus inquires: Nam ita est ingenium muliebre. Bene cum laeta est, terfa,

terfa, ornata, ficta est, infecta est tamen. Nimioque sibi mulier meretrix reperit odium ocius sua immunditia, quam in perpetuum ut placeat munditia sua. Ad id respexit quoque alter Mantuanus, cum dixit:

*Sed nullum est tam immane genus, tam  
barbara nusquam*

*Gens, quæ foemineos non excretur a-  
mores.*

Porro vero ut dixit etiam Marchio Perbonus, post pudicitiam pulchra dos pecunia est. Quam immodicam esse nō debere docet Ausonius aiens: Sæpe in coniugibus fit noxia si nimia est dos. Ac ne quia turpem seu vetulam duxeris uxorem, ideo putes minus noxiam dotem multam, scriptum est illud à Menandro:

Οἱμοὶ Κλειώβουλαν λαβεῖν ἐμὴ, καὶ δίκαια εὐαίρητα,  
Τύχαιοι ἔπειτα πηχέας. ἄστ' ἔστι τὸ φρύαγμα  
Εἰπὼς ἀνυπόστατον.

*Me miserum qui Cleobulam duxi & ta-  
lenta decem,*

*Cum mulier sit cubitalis, cujus arro-  
gantia*

*Non est ferenda.*

*Et rursus illud:*

Εγὼ δ' ἐπίπλησεν λαμίας ἐκείρηκέ σσι.  
Τὲτ' ἔχι. αὐχέας τ' οἰκίας, καὶ τῶν ἀγέλῃ,



Καὶ πάντων αὐτ' ἐκίπης ὅχρυσ' ἄφ' ὅλων χαλκοῦ  
 πέν

χαλετότατοι. &c.

*Lamiam hereditariam duxi, quod non  
 dixi tibi,*

*Tum vero domus, atq; agrorum heram,  
 Et omnium pra illa habemus difficilium  
 Difficillimum.*

Cæterum ne inops inopem videlicet  
 uxorem ducat, nisi velit hic esse mi-  
 ferrimus, admonetur egregiè, illo  
 eodem Menandro ita habente,

ὦ τρεῖς κκοδαίμων ὅσπερ ὦι πίνης γαμή,

Καὶ παιδοποιεῖ. ὡς ἀλόγιστος ἴσ' αἰνρ.

Ὅς μήτε φυλακὴν τῶν ἀταγκαίων ὅχει,

Εἰ μήτ' ἀταπειχίση εἰς τὰ κοινὰ τοῦ βίου.

Οὐκ ἀμφοῖσδε δύνατ' εἶναι χεῖμασιν.

Ἀλλ' ἐν ἀνακατακλύπτῳ καὶ τάλαιπώρῳ βίῳ,

Χεῖμαζόμενος ζητῶν μὲν, ἀπασθὲν δ' ἔχει τὸ  
 μέγας,

Ἀπάντων ἀγαθῶν ὁ δυνάμειος.

Τῶνδ' γὰρ ἐνὸς τὰ λείπει, ἅπαντας τυθεῖται.

*O extreme infelix, qui pauper uxorem  
 ducit,*

*Et liberos quarit! quam rationis expers  
 ille est!*

*Qui nec necessariorum studium verum  
 gerit,*

*Nisi ut statim impēdat in cōmunia vitæ,  
 Vestire se nequit suis facultatibus,*

*Sed erumnosam atque infelicem vitam  
 trahit,*

*Hye-*

*Hyemem tolerans male miseria omnis  
socius.*

*Bonorumq; universorū insors accarens.  
Unum equidem opprobrans, cunctos mo-  
nitos volo.*

## C A P. III.

*Cujusmodi uxor & vir quomo-  
do quarendi.*

**P**orro quam diximus, uxor quæri  
debet à viro amante, & deside-  
rante prudenter, constanter, sapien-  
terq; ajunt vulgares bona calceorum  
paria deteri oportere in tractando &  
conciliando conjugio. quod tamen si  
fieri debet, factum est in cœlo pridē.  
Id quod etiam Marchio Perbonus  
expressit, & dixit, matrimonia à Deo  
pendere. Et non ab re vulgus ipsum  
ait, amorem vel odium, ubi se ponit,  
non perspicere. In quo parum absi-  
mile est illud Quintiliani avi, esse  
quidem irrationabiles impetus ani-  
morum, quædam gratuita, ut vulgo  
vocantur, odia. Illud igitur obtineat,  
& cunctemur in ineundo connubio,  
eatenus, ut satis constare videatur u-  
trique parti, quod scire sua interest.

Id enim quod perpetuo necesse futurum est, proculdubio haud temerè subiri debet, sed cum prudenti diligenti que inquisitione & deliberatione. Vnde etiam melius putatur ex eadem civitate, cujus quis est, consortem sibi deligere, ex proverbio, quod habet: Ex vicino uxorem & equum cape, quo ejus noscas mores. Quod & ad mutuam benevolentiam conducere videtur. Et id Hieron. Xenophontis testatur, inquiens: Principio pulcherrimum esse videtur uxorem ducere, ex his, qui tum opibus, tum potentia præcellunt. Eaque res putatur adungere, cum voluptate, non nihil dignitatis, ei, qui duxit. Proximè est ex paribus uxorem adsciscere. Cæterum, qui ex inferioribus ducit, prorsus contemptus & inutilis habetur. At regi, nisi peregrinam ducat, ex inferioribus ducat necesse est. Vnde fit ut non admodum ad illum perveniat illud amabile, vigorque charitatis, quæ inter ejusdem civitatis conjuges intercedit. Vnde etiam inquit Hesiodus:

Τὴν δὲ μάλιστα γαμήν, ἥ τις οἶδεν ἐγγύθεν αἶνε,  
 Πάντα μάλ' ἀμφὶς ἰδῆναι, μὴ γίγῃσι χάματα  
 γάμοις. Οὐ



Οὐ μὲν γάρ τι γυναῖκος ἀνὴρ λαΐζειτ' ἄμεινον·  
 τῆς α' γὰρ θῆς, τ' δ' αὖτε κακῆς ἔριμον ἄλλο,  
 Δειπνολόχης, ἢ γ' ἀνδρα καὶ ἰφθιμόν περ ἰοῖται·  
 Εὖθι ἄτερ δαλῆ, καὶ ὥμῳ γέγαϊ δ' ὤκων.

*i. e. Eam vero potissimum uxorem ducis-  
 to, quæ in vicinia tua habitat,*

*Omnia admodum dispiciens, ne vicinis  
 ludibria ducas.*

*Neque enim muliere quicquam vir fors-  
 titur melius*

*Bonâ, neq; mala gravius aliquid existit;*

*Comessatrice, quæ viram tametsi fortem*

*Torret sine face, & cruda senectâ tradit.*

*Quibus multa etiam in sacris nota  
 consona sunt. Itaque nihil est mirum,*

*si juvenis sapiens desponsurus uxore-*

*rem, cum interrogaretur de more, an*

*eam vellet, quæ sibi præsentabatur,*

*convertit se ad amicos & propin-*

*quos, qui ibi aderant, dicens: Quid*

*ut muti sileatis? cur non Deum, ut me*

*hodie adjuvet, oratis? si enim sternu-*

*tantibus Deum adesse precamur, ubi*

*nullum est periculum, quanto nunc*

*magis pro me orare debetis, cui tan-*

*tum videtis imminere discrimen?*

*Quod est in fabulis Laurentii Abste-*

*mii. Et quidem id perscite dictum,*

*cum serio etiam in sacris omnino di-*

catur, à Deo uxorem prudentem dari, ut dos à patre datur, vel alio scilicet homine. Et docent Theologi, Deo non nisi religiosè per exomologesin placato, ineundum fœdus matrimo-  
nii. Ideoque vix ulli unquam satis fi-  
dat vir ipse, in tanta, inquam, re. Sed  
per se, quantum ulla patietur com-  
moditas, rem omnem intelligat, i-  
psūq; si opus videbitur, principem  
negotii, hoc est patrem, vel, si is desit,  
aliū videlicet præcipuum majorum  
puellæ, ipse adeat, memor ejus quod  
verissime præsertim in his cecinit  
Poëta quidam Gallice:

*Il n'est si bon, que de parler au maître.*

In c. quia  
col. 10. de  
Mea.

L. quod si  
de dolo  
L. 1. tit. 7  
l. 3. Theo  
dosiani  
c.

& similiter dixit quodam loco Bal-  
dus. Multis equidem cognitū, quod  
adnotarunt plerique. pleraque in his  
etiam mendacia dici consueſſe à tra-  
ctatoribus & proxenetis. In quos ta-  
men actio de dolo competit, quos  
renuntios corruptos Valentiniani lex  
dicit. Novi ego quendam adolescen-  
tulum, accensum honesto amore  
puellæ inferioris ordinis. Qui cum  
multos rogasset familiares, ut rem o-  
mnem deferrent ad amatæ præcipuos,  
& celeriter conficerent, quia videbat  
singul-

ſingulares dotes puellæ animi & corporis à multis aliis expeti, & periculum eſſe in mora, (quod ajunt Iureconſulti) & damnum eſſe poſſe irreparabile, illi vero rogati ea in re proxenetæ eſſe familiares, incerta, varia & ambages multas renuntiarent, rem differentes, & magna ſubpetentes ſalaria, quæ neutiquam poterat ipſe præſtare amator infelix: impotente amore coactus eſt, animum ſumens, parentem ipſius puellæ adloqui, virum ætate ac moribus graviſſimum. Quid multa? facile expugnatopatre deſideratiſſimæ, ſine ſumptu, ſine periculo, quam ocuſſime potitus ea, ex infelici miſeroque felix ac beatus factus eſt, ut ſibi proſus ſuavem mortalitatem partam eſſe arbitrari videretur cum Terentiano illo Pamphilo. Adeo valet in amore prudentia, fortitudo, audacia, & conſtantia. Sicuti Leonardus Aretinus dixit in oratione Heliogabalo tributa, Militat omnis amans, & habet Cupido ſua caſtra, & ut frigidus miles ſecundum Cupidinis legem capite plecti debet, ita verecundus ignominie cauſa remitti. Et merito quidem al-



terum Cupido in castris suis exploratorem putavit esse, non militem, alterum arma, quibus congregari & adversarium superare possit, non habere. Exulere oportet omnis ineptus pudor, qui nihil aliud est, quam timiditas & sui ipsius diffidentia. Et Tibullus inquit, Fortes adjuvat ipsa Venus. Et Propertius:

*Multum in amore fides, multum constantia prodest.*

*Venit post multos una serena dies.*

*Sape venit magno fœnore tardus amor.* Ovidius:

*Tempore difficiles veniunt ad aratra iuveni.*

*Tempore lenta pari fræna docentur equi.*

*Ferreus assiduo consumitur anulus usu.*

*Interit assidua vomer aduncus humo.*

*Quid magis est durum saxo? quid mollius unda?*

*Dura tamē molli saxa cavantur aqua.*

Et eo quidem amore amanti dictum intelligitur à Cicerone, & B Bernardo, Nihil difficile esse, pariterque à Vergilio illud:

*Quid non speremus amantes?*

Inconstantes autem amatores quales  
testa-

testatur Hippocrates Asianos esse, & qui facile ac saepe ab amore unius ad alterius transferuntur, vulgari proverbio, amasij dicuntur undecim milium virginum. Quos memorans Ovidius, vitandos puellis denuntias hisce versibus,

*Sed vitate viros cultum formamque  
professos;*

*Quiq; suas ponunt in statione comas:  
Qua vobis dicunt, dixerūt mille puellis.*

*Errat, & in nulla sede moratur amor.*

Hisque dici potest quod proverbio quoque dicitur, lanuginem non habiturum lapidem moveri solitum. Et morosos scilicet in hac re fore tandē, ut malum minusq; felix ineant conjugium, illud etiam vulgi admonet adagium, habens: Qui nimium inspicendo cunctatur, impedicatur.

Adeo modus in omnibus optimus.

FAB. Sed quem narraſti nobis adolescentulum adeo in amore catum?

GOD. Quem nisi nostrum Theophilum? FAB. O maximum amatorem!

quoties audiſi decantantem de amasia, quam amorabundam suam Labe-  
riano verbo inusitatius ficto ajebat,  
illa Maronis, Propertii, Tibullique  
carmina!

Dulcia amara prius fiet, & mollia dura,  
Candida nigra oculi cernent, & dexte-  
ra lava,

Migrabunt casus aliena in corpora rerū,  
Quam tua de nostris emigret cura me-  
dullis.

Invideo vobis, agere discetis amare.

O fortunati nimium multumq; beati,  
In quibus illa pedis nivei vestigia ponet,  
Aut roseis digitis viridē decerpserit uvā.  
Hei male tabescunt morientia membra  
dolore,

Et calor infuso decedit frigore mortis:

Quod mea non mecum domina est: non  
ulla puella

Doctior in terris fuit, ac formosior ulla  
Atque iterum:

Terra prius falso partu deludet arantes,  
Et citius nigros sol agitabit equos,  
Fluminaque ad caput incipient revocare  
liquores,

Aridus & sicco gurgite piscis erit,  
Quam possim nostros alio transferre ca-  
lores.

Huius ero vivus, mortuus huius ero:  
Mi neque amare aliam, neq; ab hac dis-  
cedere fas est.

Cynthia prima fuit, Cynthia finis erit.  
Vna meos quoniam prædata est fœmina  
sensus, Vxor



*Vxor me nunquam, nunquam me duces  
amica*

*Semper amica mihi, semper & uxor  
erit.*

*Nā citius paterer caput hoc discere collo,  
Quam possem nuptia perdere in ore  
faces.* (cto:

*Nec domina ulla meo ponet vestigia le-  
Solus ero, siquidem non licet esse suum.  
Sola puellarū digna est, cui mollia caris  
Vellera det succis bis madefacta Tyros,  
Possideatque, metit quicquid bene olen-  
tibus arvis*

*Cultor odorata dives Arabs segetis,  
Et quascunq; niger rubro de littore con-  
chas*

*Proximus aëreis colligit Indus aquis.  
Atque ipse, ut verbis utar Cornelii;  
Panditur & clauso sepius ore furor.  
Nam subito insiciens vultum pallorque  
ruborque,*

*Interdum certa vocis habebat opus.  
Nec minus ipsa suas prodebant somnia  
curas,*

*Somnia secreti non bene fida sui.  
Nam cū sopitos premeret obliviam sensus,  
Confessa est facinus conscia lingua  
suum.*

*Candida clamabat, properas: cur candida  
cessas?*

Ac quod cecinit Politianus :

*Excipe, meque tuum memori sub mente  
reconde,*

*Mutuaque alterius pectora servet  
amor.*

*Quicquid est pulchrum ac decens,*

*Puella sola continens.*

Neque his aliter adfectus erat, cum jam illa potitus esset, sane eandem *ἀμαρτα* habens alibi, *ἀπριζαμος* quidem nec studio literarum amabili incumbens. Tolosæ non poterat permanere quindecim dies quin ad illam volaret ardens, ut videret : ne quicquam noctem, sive imbrium sive viæ & molestias & pericula faciens : omni tamen exemptus malo & gaudens semper revertebatur. In quo veros plane & adpositos videre licet hos versus Propertii :

*Quisquis amator erit, Scythicis licet ambulet oris,*

*Nemo adeo ut noceat barbarus esse  
volet.*

*Luna ministrat iter, demonstrant astra  
salebras.*

*Ipse amor accensas percutit ante faces.  
Sæva canum rabies morsus avertit hi-  
anteis.*

*Huic*

*Huic generi quovis tēpore tuta via est.  
Nec tamen est quisquam sacros qui ladat  
amantes,*

*Scironis media si licet ire via.*

G O D. At insaniora sunt illa & vehementiora, quam conveniat. FAB. Fateor. Nā & qui olim ejusmodi dixit Cornelius, id fatetur satis, inquit : *Sape velut visa latabar imagine formæ,  
Hærebatque animo nocte dieque meo.  
O quoties demens, quoties sine mente  
putabar.*

*Nec puro, fallebar, nec bene sanus erā.*  
Nempe furore amoris vehementius nihil est, ut dixit Iustinianus. Ardet, & ardori non est modus : instat acutis amor stimulis, ait Mantuanus noster. Ac ut cecinit Vultejus, difficile est diligere & sapere. Anxia res amor, credula, timida, sollicita, omnia circumspiciens, & vana etiam ac secunda formidans, uti scripsit Petrarcha. Amor, inquit B. Bernardus, is est, qui omnem in se triumphans & captivans pudoris sensum, continentiae modum, deliberationis consilium, totius modestiae & oportunitatis neglectum quendam & quandam incuriam parit, & reverentiam nescit. Et B. Hieronymus-



ronymus, Hoc quippe, ait, habet impatiens amor, ut quæ desiderat, semper invenire se credat: ignorat siquidem judicium, rarione multoties caret, modum nescit, nec aliud cogitare potest, quam quod diligit. GORD. Ego vero & sapienter quæri volui uxorem. Nam si quis in his non sapiat, tum in se, tum in alios, in ipsamque dilectam ridicula sæpe admittet, & nonnunquam mala valde ac noxia. Amor certe etiam, ut dixit B. Bernardus, vinum est. Vini autem excellentiam bene temperati nemo non novit ad bonum omne, contraque aliter quam decet sumpti, incommoda omnigena. Amore illo insipienti homo in se primum injurius est. Adeoque sibi sensum omnem aufert & potentiam, ut nihil utile omnino satis cogitare possit, facereve, seu dicere, sed inane totum. Nonnunquam & in ægritudinem gravissimam incidit, mentis alienationem, mortem. Equidem, ut ait Ovidius:

*Nec modus est requies nisi mors reperitur amoris.*

Cæterum his consequens est, ut suos & sibi præcipue conjunctos dolore lædat

lædattalis. Potest quoque fieri, ut in alterius damnum gravissimum conspiret, qui sibi in assequendo quod optat, obstaculo est, & necem inferat. Sed & servire amanti, ut Plautus habet, miseria est: præsertim, qui quod amat, caret. Quod ipsum per se morositatē magna admodum est grave, potest ipsi puellæ ejusque necessariis notam impudiciæ inurere, & hinc mœrorem inferre, molestus, importunus, immodestus existens multis modis, temeraria audacia. Quid enim non amor improbus audet, ut Naso habet? & ultroneus ad domum eorum veniens inepte, sicuti est in Rudente Plautino, & impudicum, & impudentem hominem addecet. Molestum ultro advenire ad alienam domum cui debeatur nihil. Cum enim domus tutissimum sit, quod ait jus nostrum, cujusque refugium, in ea, minime decet frustra aliquem convenire & inquietare, maxime virum mulierem. Cujus continuo læditur delicatissima fama, maxime si audacius quis domum ejus ingrediatur. Videtur enim eo quodam modo statim ea, quasi meretrice uri. Cujus do-  
mum

Bar. l. ve-  
rū defur.  
ff. cot. in  
longo. r.  
de dep.

Const.  
Neapol.  
de vio.  
mer. il.

mum aut etiam alterius, in qua talis habitat, solet quis ingredi imperiosius, & jure potest: propria autoritate etiam effringens ostium, invita nedū illa, verum etiam domino domus, ut plures tradunt quidem. Sed contrarium docet Andreas Isernus, belle certe lateq;. Adhæc refert Plutarchus procos quosdam adeo de amata decertasse, ut utrisque eam rapere & habere sibi contendentibus, puella ea inter eorum manus dilacerata sit, & exanimata. Adeo, quod Naso etiam dixit, nihil est quod non effræni captus amore ausit, quod scilicet possit notam pessimam undequa; inurere, & damnum quodvis adferre. Demum vero hic utile omnino atque observandum quod Biantis admonet dictum, Ne tantum in amore progrediamur, ut si necesse fuerit, gradū revocare nequeamus. Nam bonum est pauxillum amare, sane insane, non bonum est, ut Plautus ait. Recusantem omnino recusa & tu, dicens quod canit Gallus:

*Salve sancta, inquam, semperque intacta maneto,*

*Virginitas per me plena pudoris eris.*

Nam.



Nam qui amat cui odio ipſus eſt, biſ  
facere ſtulte duco. Laborem inane m  
ipſus capit, & illi moleſtiam affert, in-  
quit Parmeno Terentianus.

*Sed modo dilectam ſcelus eſt odiſſe puel-  
lam,*

*Exitus ingeniis convenit iſte feris.*

ut Ovidius ait. Unde reſoluta amicitia,  
jure non ſolvitur donatio quæ  
cauſa amicitia fuit facta: ut docet  
Baldus. Virginalis autem non eſt pu-  
doris ſibi maritum quærere, ſive eli-  
gere, ne appetentia æſtimetur aut or,  
ſi ipſa de nuptiis electionem ſibi ven-  
dicet. Expetita enim magis debet vi-  
deri à viro, quam virum ipſa expetiſ-  
ſe: ut B. Ambroſius inquit, quem  
retulit Gratianus. Relatuſque moſ eſt  
Luſitanorum, ut apud eos dum ad  
virum proſectura nova egredi vult  
nupta, ipſum limen transcendere ſua  
ſponte, aut veſtibulum tangere non  
videatur: ſed rapiatur, & quaſi invita  
è gremio & ſinu matris transferatur:  
videlicet non niſi coacta ſuos relin-  
quens aut proprios lares exiens. Ma-  
xime vero, ubi delibandus flos mari-  
talis eſt, invitam ingredi videri vo-  
lunt, quo ipſum conjugium plus com-  
men-

In l. ſi  
mater. C.  
de don.  
ante nup.

c. hono-  
rantur.  
32. q. 29

301. in  
conjun-  
ctione de  
sup. C.

mendet verecundia, propter quam  
etiam naturale est mulieri tacere: ut  
notat Baldus. Idque in primis ad pa-  
rentes attinet, diligere filiæ maritum.  
& ut Plautus habet, virgo atque mu-  
lier nulla erit, quin sit mala, quæ præ-  
ter sapiet, quam placet parentibus. Et  
Plato paterni officii esse scribit, ut  
moribus civium diligenter conside-  
ratis, idoneum, & sibi filium & filiæ  
sponsum deligat. Tum de matre Eu-  
ripides: Cujus, ait, quæso matrem de-  
ceat eniti magis atque pro gnatae sa-  
lute? Deinceps puellæ propinquos  
de eligendo futuro marito consulere  
lex vult. Potest tamen mulier etiam  
virgo, cum eam multi petunt, quæ-  
rentibus suis quem mavult, & sibi  
magis convenire putat, designare ex-  
pressim, pudenter reverenterque, ut  
lege expressum est. Et succedet illud  
Propertii, quod suavissime dici pote-  
rit à prædilecto:

L. 1. de  
sup. C.

L. in cō-  
junctio-  
ne. cod.  
str.

*Cum te tam multi peterent, tu me una  
petisti.*

Cæterum in copulandis nuptiis nec  
curatoris, qui solam rei familiaris su-  
stinet administrationem, nec cognato-  
rum, vel affinium ulla autoritas po-  
test

test intervenire, sed spectanda est ejus voluntas, de cujus conjunctione tractatur: ut habet Gordiani rescriptum. L. 2. eo

Nec committendum est sane, ut in- tit.

vita quenquam habeat quoquomodo. Etenim pejus tractata esse non potest, quam si eum virum tollat, quem

ipsa non vult: ut est in lege Longobardica dictum. Ideo id semper & subtiliter omnique modo cum primis

*L. fin. de qual. m. d. am. m.*

debent investigare parentes, vel maxime mater, quæ gnatis familiarior esse solet patre, præcipue filiabus, & similes alii, voluntatem inquam ipsius puellæ, causas & affectus omnino:

ne quid invisum subeat in tanta re invita. Pessimum hoc quidem per se, sed quod etiam gignere solitum est multas & magnas molestias utrique parti. Idque caput maximum & præcipuum in matrimoniis esse nemo

non amentissimus ignorat, desiderium videlicet atque amorem mutuum, unam & consentientem voluntatem gravissimam efficientem. Et Plautus in Milite glorioso adnuit, amorem

esse cultu optimum, cum amatur etiam is, qui amat, ab ea persona, quam amat. Atque Plato in Lyside, nisi

uter-



uterque diligat amicorum, neutrum  
esse censendum amicum. Illis autem  
seu parentibus seu similibus, nisi præ-  
sentibus, omnino inquam nihil amet  
puella, neque fidat cuicumque. Sicuti  
habet Plauti Curculio: semper cura-  
to ne sis intestabilis. Quod amas, a-  
ma testibus præsentibus. Nam & cum  
fratre jocantem vult curare ut testes  
adsint Hesiodus, adjiciens;

Πίστις μὲν γὰρ ὁμῶς καὶ ἀπιστία ὀλεῖται ἀνδράς.  
*Fides enim simul & perfidia perdidderunt*  
*viros.*

Inquit & Catullus:

*Tam jam nulla viro juranti fœmina*  
*credat.*

*Nulla viri speret sermones esse fideles.*

*Qui, dum aliquid cupiens animus, præ-*  
*gestit apisci,*

*Nil metuunt jurare, nihil promittere*  
*parcunt:*

*Sed simul ac cupida mentis satiata li-*  
*bido est,*

*Dicta nihil metuere, nihil perjuria cu-*  
*rant.*

Et alius: Eheu quid faciant dicant ho-  
mines, cuive habeant fidē? Tum apud  
eundem: Certe tute jurabas animam  
tradere, me quoque inducens in amo-  
rem,

rem, quasi tuta omnia mihi forent. Idem nunc retrahis te, ac tua dicta omnia factaque ventos irrita ferre ad nebulas aërias sinis. Si tu oblitus es, at dii meminerunt, meminit fides, quæ te ut pœniteat postmodo facti faciet tui. Nempe hæc vox deceptæ mulieris conquerentis amatoris perfidiam; cujusmodi plures sunt hodie. Sunt & qui, ut arbitror, primum verè honesteque amantes captata occasione, astutia diaboli, in turpem tendentes libidinem, specie honesti, honestas, at minus quam oportet prudentes, veluti aves cassibus vel pisces hamo, capiunt mulierculas, postea nihil minus quam ipsas curantes, cōtemnentes, quin multa prædicatione infamantes, magis ipsi infames apud Deum & homines graves, abjectissimi, turpissimi scelestissimique, ac digni, qui à fœminis omnibus & codæmonibus conculcentur, atterantur; disperdantur, & invisissima quæque atq; extrema perferant, quæ non sunt omnino quæque corporis pœnæ, sed magis inferorum supplicia, ut & Plato testatur.

*De officio uxoris erga virum.*

**I**Lli autem viro, quem semel suscepit mulier, fidat oportet. Coniunctio enim ejus cum viro, & viri cum ea, non potest esse jucunda, si neuter alteri fidat, ut Xenophon ait: quemadmodum nec hero famuli, nec famulo heri. Hunc timeat, revereatur, honoret, amet, soletur, non contristet ulla in re. Nempe hoc habet vulgare proverbium, maritus etsi nihil aliud, quam baculus sit, hoc est, tam nihili, ut baculus videatur & stipites potius, quam homo, ac (quod alio proverbio dicitur) panis perditus, hoc est, cui frustra & indigne etiam ipse panis & alimonia quævis suppetit, juxta etiam scripturas, in quibus appellatur perditio, qui nimis peccat, teste B. Cyrillo in Leviticum, ac quod præcipuus Poëtarum inquit: - - - *Telluris inutile pondus.*

Hujusmodi etiam, inquam, maritum dominum haberi debere: ut qui re ipsa dominus ejus uxoris quam habet,



bet, etiam si corporis animique optimis dotibus excellentissima, sit factus: estque imago Dei, non ipsa & caput ejus, ut docet Apostolus. Unde vates quidam vetus Gallicæ gentis ita inquit:

*Dieu ha fait, avecques nature,  
L'homme discret, noble & sage,  
Qui sur toute autre creature,  
Est le plus parfait, & bien sage,  
Duquel le feminin visage,  
Est issu par sa noblesse,  
Parquoy femme luy doit hommage,  
Et garder qu'elle ne le blesse.*

Adnotatur à B. Augustino modestia Deiparæ in eo, quod dixit, invento à se & Joseph sponso, filio Iesu Christo puero perduto: Pater tuus & ego dolentes quærebamus te; Non, Ego & pater tuus. Nec enim attendit sui uteri dignitatem, sed ordinem conjugalem. Namque caput mulieris virum esse sciebat. Quanto minus debent superbire ceteræ fœminæ? quam huiusmodi ordinis honorem multis locis apud idoneos autores non servatum observare licet multa legentibus, ut laudandus qui servat, videatur, non utique, qui non servat,

con-

continuo vituperandus. In quo Lælius apud Ciceronem, Audite, inquit, quæ inter me & Scipionem. Et Plinius iunior, Ego, ait, & Cornelius Tacitus, quem tanquam rectorem & magistrum suspiciebat. Sed scilicet utique in sacris scripturis præcipue disces omnem modestiam: & in hoc præclare etiam siue Hieronymus siue Paulinus sacer, ad Cælantriam matronam scripsisse reperitur: Servetur in primis viro autoritas sua, totaque à te discat domus quantum illi honoris debeat. Tu illum dominum obsequio tuo, tu magnum illum tua humilitate demonstra. Tanto ipsa honoratior futura, quanto illum amplius honoraveris. Insuper Sedulius Scotus Hybernientis in Paulum ad Ephesios ait, duas esse significantias in verbo timoris, unam, qua servi spiritum servitutis habent in timore, alteram, quæ pro reverentia dici potest, ut uxor revereatur virum suum. Vnde & Aristoteles dixit: Vir uxori metum non incutiat sine verecundia & pudore. Hæc enim meretrices ac mœchos pati decet. At verò cum verecundia & pudore iusta diligere & timere, id inge-

ingenuæ est mulieris erga proprium virum. Idem etiam, Decer., inquit, mulierem virum in honore habere, nec illum contemnere, si sacra pudicitia & opes animositatis filia sint secururæ. Vlpianus ait cum Pomponio, non valere pactum, quod maritus fecit dotem uxoris recipiens: ut non in id quod facere possit conveniatur, sed in solidum, cum id contra bonos mores sit: quippe cum contra receptam reverentiam, quæ maritis exhibenda est, id esse adpareat. Egregie ad nuptam difficiliorem virginem cecinit C. Valerius, dicens:

In l. alia  
fol. ma. ff

*At tu ne pugna cum tali conjuge virgo,  
Non æquum est pugnare, pater cui tra-*  
*didit ipse,*

*Ipse pater cum matre, quibus parere ne-*  
*nesse est.*

*Virginitas non tota tua est, ex parte pa-*  
*rentum est,*

*Tertia pars matri data, pars data tertio*  
*patri,*

*Tertia sola tua est. noli pugnare duobus,  
Qui genero sua iura simul cum dote de-*  
*derunt.*

Iratum autem maritum quibus mo-  
dis placare debeat uxor, idem cum



Ovidio & Propertio expressit, cum ait :

*Obsequio plurima vincit amor.*

Alter ita :

*Flectitur obsequio curvatus ab arbore  
ramus.*

*Franges si vires experiere tuas.*

*Obsequio tranantur aqua, nec vincere  
possis,*

*Flumina si contra, quam rapit unda,  
nates.*

*Obsequium tygresque domat tumidosq;  
leones.*

Alius ita :

*Tantum in amore preces & benefacta  
valent.*

Colligendum itaq;, placari maritum obsequio, precibus, benefactis. Et his scilicet frequentibus & assiduis. Nam ut Lucretius ait, consuetudo concinnat amorem. Non autem philtis scilicet mitigandus est vir. Quibus fœminæ pleræque etiam viros proprios imprudenter peremerunt. Qui casus singularis in iure traditur, in quo sine dolo homicidiū committens ultimo supplicio plecti debet. Ait & Naso:

*Sit procul omne nephas, ut ameris, ama-  
bilis esto.*

Grillan.  
lib. de  
sortile.  
4. 12.

Phil.

*Philtrā nocent animis, vimque furoris habent.*

Ita nec donationibus aut dotis remissione aliqua, vir est conciliandus. hoc enim moribus est civilibus improbatum, venalem esse viri & uxoris concordiam; cum honestus amor solis animis æstimeretur. Neq; leniendi sunt viri, quemadmodum male institutæ mulieres solent, frequentibus ad dicta irata responsionibus & superba cerebrositare. Quamobrem magis etiam exasperant eos, & nonnunquā potiora verbis facta, quasi post tonitrua, quod dicitur, pluvias merito cum malo suo sentiunt. Præterea vero iure potest revocare maritū à pellicum consuetudine mulier commoda stipulatione. Ac (quod notatu dignum nominatim arbitratus est Baldus) in matrimoniis matrimonialiter conservandis pœna adponi potest. Cæterum (ut docet Plutarchus) modestam uxorem oportet cum viro existentem sese maxime videndam exhibere, & ad vultum eius tanquam ad speculum componere: cum vero abest vir, ædes custodire & latere. In quo Tibullus canit:

L. si libe.  
de pac. do  
ta. ff. l. 3.  
de don.  
inter viri  
& uxore.

Lex ea. 5  
mulier.  
de verb.  
ob. ff.  
in d. 5.

*Felix Admeti coniunx, & lectus Vlyssis,  
Et quacunq; viri foemina limē amat.*

Nempe, ut Xenophon scripsit, honestius est mulieri manere domi: idque illi omnino convenit, cum sit venustior, debilior, ideoque natura timidior, ut domi se cum pudicitia, & importata à viro præcipue extra agente, tueatur, disponat, regat. In quo Aristoteles ait: Viro quidem indecens ea scire, quæ intra ædes fiunt. In cæteris vero omnibus parere viro mulier cõtendat, nec audiens quicquam de Republica, nec tractans quicquam eorum, quæ ad connubia spectare videntur: sed cum tempus poscit, aut filias tradere nuptui, aut nurus accipere, obediat penitus in his viro, atque sic una deliberet, ut scientiam viri sequatur, intelligens, non ita turpe viro esse quicquam eorum, quæ domi sunt, facere, sicut mulieri, quæ foris, perquirere. Quanquam, ut retulit Plutarchus, Terentia Ciceronis uxor curarum Reipub. magis fuerit particeps à Cicerone facta, quam is ab illa domesticarum. Et sane ait B. Chrysostomus, mulieres viris sapientiores esse oportere, quæ curæ familiari



liari ut plurimum incumbentes, tanquam in quodam philosophiæ gymnasio domi manent, ubi multa bona nullis implicata nexibus videre & cogitare læto animo & tranquillo possunt. Sicque anima mulieris secularibus absoluta negotiis in portu quiescit, ut navis tempestatibus non agitata, secundo vento navigat. Vir autem in medio foro, tanquam quibusdam in fluctibus versatur. Quare mulier efficere potest, ut quasunque molestias vir è foro adtulerit, deponat, & quæ bona domi didicerit, in forum adferat. Denuo vero etiam

Aristoteles ait, existimare debet mulier bene composita, mores viri esse legem vitæ suæ impositam sibi à Deo, per conjunctionem matrimonii atque consortii. Quos si quidem æquo ferat animo, perfacile reget domum, sin contra, difficilius. Decetque non solum in prosperis rebus mulierem unanimem se Deo præstare, & inservire viro, secundum illius scilicet voluntatem, verum etiam in adversis, & si quid ei de necessariis desit, vel etiam si corporis quæq; gravis & continuatalem torqueat ægrotatio, ac mentis

l. si cū. s.  
 sim. ff. sol  
 mat. l. si  
 C. de nup  
 c. i. de  
 conjug.  
 lepr. c. si  
 uxor. 32.  
 qd. s. au-  
 zen. de  
 exhib. re.  
 s. si.  
 Bald. in l  
 s. s. cū  
 de natur.  
 li. C. s. si  
 quis l. Et  
 s. quod  
 vero ubi  
 Angel.  
 notat. in  
 auten.  
 quib.  
 mo. nat.  
 eff. sul.  
 l. quoniā  
 de nat. li.  
 C.

Id est :

Romanū  
 legistato  
 rem pro-  
 hibuisse,  
 matrimo-  
 nio jun-  
 ctos dona  
 dare sibi  
 invicem.  
 ut omnia  
 commu-  
 nia esse  
 existi-  
 ment.

alienatio, id, quicquid fuerit, æquo  
 ferat animo, & obsequatur semper  
 viro mulier, nisi inquam, turpe sit  
 aliquid & indignum. Id quod & le-  
 ges nostræ præcipiunt & canones, ac  
 plane, ut inopia conjugis per divitias  
 sublevetur alterius. Hincque nota-  
 tum à Baldo, capacitatem viri porrigi  
 ad uxorem, & eam fieri capacem per  
 eum. Et quidem jure constat illud.  
 Quod & frater hujus adnotavit mu-  
 lierem sortiri conditionem viri, ut  
 naturalem effici legitimam etiam, le-  
 gitimo copulatam viro. Sic etiam à  
 Barbaro ac prius à Plutarcho tradi-  
 tum est: Ρωμαίων νομοθέτην καλύσαις δω-  
 ρα δίδοναι παρ' ἑλλήνων τὰς γαμήλικας, ἵνα-  
 πάντα κοινὰ νομίζουσιν. Hicque in pro-  
 blematis docuit, novam nuptam o-  
 lim primum ignem & aquam attin-  
 gere consueſſe, ut eo significaretur  
 conjunctionem inter conjuges non  
 esse deferendam, & omnem fortunæ  
 casum communiter illis subeundum,  
 etiam si nullius boni, nisi ignis & aque  
 participes inter se futuri sint: quippe  
 qui fecit hominem ab initio, fecit  
 eos masculum & fœminam. Deinde  
 in hoc scilicet, ut præ studio sectandæ

uxo-

uxoris desereret homo patrem & matrem: id est is, qui fecit masculum & foeminam, iniecit illis summū amorem, post quem essent habituri omnia optima & charissima mundi, fieretq; alter alteri adglutinator, una caro, id est, ut una bona malaq; perferant, uti scripsit Rodolphus Agricola. Unde apparent longe stolidissimi coniuges, qui mutuo sibi pauperpatem exprobrant: præcipue cum à Iove missa sit mortalibus (ut habet Hesiodus) & dos Numinis illa potentis. Ubi Paraphraustes adnotandum censet, plerunque hominibus, sive paupertatem, sive divitias, videri magna Dei contingere voluntate. Sed & mutatione dexteræ Excelsi commutari videmus ista, ut ideo plures vel minoris facere aliquem, quod dives vel pauper sit, nimis stultum sit. Hincque iustissime notatus ab Eusebio nostro ille Tyaneus, quod Thesauro in agro empto invento frustrari debere venditorem petentem id à Phraote rege Indiæ respóderit, quod nequaquam dii venditorem ipsum & agri possessione & thesauro pariter voluissent privatum, nisi fuisset vitis



*L. Arato.  
re. de rei  
vendi. ff.*

inquinatus, alterum vero ditatum, nisi venditore melior esset. Unde sequitur deductio absurdissima. Quam nec ipse Apollonius, qui etiam alibi vult sapientes esse pauperes, ignorare visus est mihi plane sentienti, quantum ad illud iure nostro attinet, emptoris domini facti esse thesaurum in prædio, quod emit, inventum, regulariter. Et id maxime videtur obtinere debere, si bonus talis esset: quo thesauro si malus esset, indignus videretur, & ideo à rege summum imperium tenente & philosophante privandus: cum & S. Iob. testante, solis sapientibus data sit terra, atq; ideo quicquid est, cum ex ea prodeat, & sit ea communis omnium mater, ut & idem Apollonius frumenti cauponibus scripsit. Ideoque is intelligens per dæmonem, videlicet in horto quodam empto nuper à viro, qui divitias nequissimis quibusq; rationibus compararet, thesaurum latere, effecit, ut vir bonus egens emeret illud rursum, & sic thesauro invento dives efficeretur. Sed ad rem. Rursum ait Aristoteles: Ab his quæ turpiter vir imperat, cavere debet mulier. In aliis autem multo.

multo magis obtemperare debet viro, quam si emptā venisset in domum. Magno enim pretio emptā fuit societate scilicet vitæ, & procreatione liberorum: quibus nec maius nec sanctius quicquam esse potest. Adhuc Aristoteles. Si quid perturbatione animi vir deliquerit, mulier memoriter non serset, sed ægritudini ignorantiaq; adscribat. Et convenienter Ovidius:

*Leniter ex merito, quicquid patiare, ferendum est.*

Sic enim semper manebit concordia inter eam & virum. Quod est maximum coniugii bonum. Unde dicebat Nausicaæ puellæ Ulysses apud Hometum:

Οὐδ' ἐν μὲν γὰρ τὸ κρεῖσσον καὶ ἀρετόν,  
Ἡ δὲ ὁμοφρονέοντε νοήματα οἶκον ἔχουσιν,  
Ἄνὴρ ἡδὲ γυνὴ, πολλὰ ἄλγιστα συμβρίσσει,  
Χάρματα δ' εὐμενέτησι. Μάλιστα δ' εἰ τ' ἔλθουσιν  
αὐτοῖ.

i. e. Nec enim eo quicquam praestantius & melius,

Quam cum concordēs cogitationibus rem familiarem administrant,

Vir atque coniux. Unde oriuntur multi dolores hostibus,

Gaudia vero benevolis. Maxime autem audiunt ipsi.

Ya disp.  
Incip.  
quæritur  
utrum  
iudex,  
&c.

Et filius Syrach hoc inter pauca alia probatum maxime Deo. & hominibus ait, videlicet, vir & mulier sibi invicem bene consentientes. Vnde merito ait noster Bartolus, quemlibet debere facere, ut inter virum & uxorem concordia & amor vigeat, quantum fieri potest. Quod si quis agat contrariū, esse dignum reprehensione: & quidem existimaverim ego, & id porro facile est videre verum esse, præcipue inquam locum habere in conjugii sententiam Sallustii, quæ habet, Concordia res parvas crescere, contra discordia dilabi magnas. Cui sententiæ M. Agrippa vir ingentis ingenii (uti L. Annæus attestatur) ex his, quos civilia bella claros potentesque fecerunt, solus felix, multum se debere dicere solebat. Hac se ajebat & fratrem & amicum optimum factum. Et hac concordia existente inter conjuges haud dubie verum illud Daphnidis dissertantis cum puella apud Theocritum,

Οὐκ ὀδύνην ἔκ ἄλλος ἔχει γάμος, ἀλλὰ χεῖρην.  
i.e. Neque dolorem neque tristitiam habere nuptias, sed choream.

Quod vero ipsa puella inquit:

Ὅτι



ὅτι γάμοι πλήθυσιν ἀνίας.

*i.e. Quod nuptia repleta sint tristitia,*

Obtinet ubi discordia, & precipue uxor rixosa. Hæc enim est quæ (ut habet vulgare dictum ac sapientis) domum ædificat & destruit. Nec majus tormentum esse putatur conjugio infelici, & uxore morosa. Unde in fabulis refertur dæmon, cum quondam uxoratus fuisset, defunctaque uxore haud tractabili statuisset cælebs manere, cum ingressus esset hominem, à quo non poterat ullis adjurationibus expelli, tandem cum exorcista minaretur ei mulieris conjugium, continuo exclamasse se egredi, statimque exiisse. Verum maxime in lecto concordiam inter conjuges servari debere Plutarchus scripsit. Nam quæ discordia gignitur in lecto, non facile alibi dissolvitur, ubi scilicet alibi accepta discutitur, cæteræq; molestiæ abiguntur honesta jucunditate, non meretriciis illectamentis: quæ requirit impudens Epigrammatista dū ait:  
*Si te delectat gravitas, Lucretia toto*

*Sis licet usque die, Thaida nocte volo.*

Aitque Lucianus habere, quoddam incitamentum suave pulchritudinem

amatae personae una cubantis, & facilius inducere somnū, atq; hoc ipsum facere amanti suavissimum, si secum vigilare cogatur, & osculetur interea saepius & amplectatur, & his veluti scalis quibusdam ad illud extraneum commode veniat, quod discordiam quamcunque in pacem commutat, ut nostrorum aliqui multis testantur. Etenim (ut inquit Plautus) qui vult cubare, pangit saltem suavium. Hoc enim mutuae benevolentiae signum est, concordiae, & pacis. Et quemadmodum ait B. Ambrosius, osculum est, quo invicem amantes sibi adherent, & velut gratiae interioris suavitate potiuntur. Osculis & amplexibus animorum expletur voluntas. Osculantes se non sunt labiorum praelibatione contenti, sed spiritum suum sibi invicem videntur infundere. Osculum pietatis & charitatis amorisque & indicium est & pignus:

Ἐστὶ καὶ ἐν καινοῖσι φιλάμασιν ἀδία τίρψις.  
i.e. Est etiam in vanis osculis dulcis quaedam voluptas.

Vt Theocriti Battus ait.

Ac id tum maxime verum est, cum suaviter lacrimanti datur osculum. Id enim

Nevisa,  
in sylva,  
& Lupus  
in c. per  
vestras,  
de don.  
inter vi.  
& n. x.

enim dulcius ac quodammodo sapi-  
dius est, ut de primo conjugum con-  
gressu, in nuptiis Honorii principis,  
sat terse cecinit Claudianus, in hæc  
verba :

*Non quisquam fruitur magnis odoribus,  
Hybleos latebris nec spoliat favos,  
Si fronti caveat, si timeat rubos.  
Armat spina rosas, mella tegunt apes,  
Crescunt difficili gaudia iurgio,  
Accenditq; magis, qua refugit Venus.  
Quod flenti tuleris, plus sapit osculum.  
Pariterq; Sextus Propertius inquit :  
Nonihil aspersis gaudet amor lachrymis.  
Sed jam quæ sint viri partes propriæ,  
explicandum.*

## C A P. V.

*De officio viri erga uxorem.*

**A** Viris autem sunt multa con-  
nanda uxoribus, pleraque dissi-  
mulanda, nonnulla plane parcenda.  
Ac nunquam ad verbera provocan-  
dum, quam ad extremum, idque in-  
maximis erratis, quemadmodum de  
pharmacis pleriq; consueverunt, his  
non utendum, nisi demum, & in mor-  
bis.



bis alioquin incurabilibus. Summis etenim morbis summe exquisitas curationes optimas esse Hippocrates ait. Memores sint viri, mulieribus tanquam infirmioribus vasculis, ex sententia celeberrimi Apostoli, compatiendum. Nempe

*Vnicuique dedit vitium natura creato.*

ut Propertius ait. Et sane inquam cerebrositatem quasi peculiarem mentibus infixit mulierum: ut quemadmodum Andrelinus vates inquit,

*Non si foemineum crebro caput igne refundas,*

*Ingenii mutes prima metalla sui.*

Nihilominus consideret vir, mulierem esse partem sui dignissimam, propinquissimam, familiarissimam, quæ ut socia & soror haberi debeat, ut B. Antoninus tradit. Et Baldus noster adnotat, uxorem & maritum parificari, & unum esse haud dubie. Vnde maritus agere potest sine mandato, nomine uxoris. Idque Paulus Iureconsultus habet, recte sororem dici- quæ fraterna charitate diligitur. Proinde quidam non inepte blando ac mirum in modum honesto sororis nomine uxores vocitant. Quemad-

mo-

Id. in re  
bus de re  
ix. a. C.

Pan. in c.  
cōstitut.  
de pro-  
cur. L. ne  
mo du. de  
hære. inst.  
f.

modum Adrianus martyr legitur fecisse, suam Nathalias etiam sororem appellans. Eaque appellatio mutua condecet, maxime inter quos de religiosissima vita convenit: quia sancta consortia spiritus vocabula non tenent nuptiarum, uti scripsit ad Pammachium D. Hieronymus. Pariter ad Theodoram Lucinii viduam, idem ait, de marito ejus defuncto loquens: In terra quoque sororem te habere cœperat, imo tu illū fratrem: quia casta conjunctio sexum non habet nuptialem. Et alibi idem admonens prudentis patientiæ maritum, spondet quæ nunc uxor est, futuram paulo post sororem. Magni enim momenti est omnino in efformanda uxore mariti prudentia, & bonitas: ut non ab re dixerit Henricus Cornelius, nullis nisi malis maritis uxores contingere solere improbas. Debet & haud dubie vir amputare omnes querelas, dando quæ necessaria & oportuna sunt, tanquam suæ ipsius carni: quam nemo unquam odio habuit, sed fovet & nutrit, ut Pauli habent hagiographa. Alioquin competit in eum malæ tractationis actio, ut est

In I. eū,  
qui. de e-  
pisco. &  
cle. C.  
Alex. li.  
4. c. 8.  
Pet. Iesu-  
and. trac.  
de doct.  
par. 1. qd.  
25.

ut est notatum à nobis, & in genia-  
libus Alexandri ab Alexandro. Amare  
enim haud dubie uxorem propriam,  
ut se ipsum præcipue vir debet, & im-  
pensiùs cæteris doctor, ut quidam  
nostrorum tradidit. Egregie autem in  
hoc Phocylides pervetus Poëta Græ-  
cus, ita inquit :

Στέργα τὴν ἀλοχόν· τί γὰρ ἡδύτερον καὶ ἄρσεν·  
Ἡ ὅταν ἀνδρὲς γυνὴ φρονίη φίλα γήραος ἄχει,  
Καὶ πόσις ἢ ἀλόχῳ, μήδ' ἱμπέση ἀνδρὶ χαίρειος.

*i.e. Amat tuam uxorem. Quid enim dul-  
cius & melius,*

*Quam quando mulier cum viro amo-  
rem colat usq; ad senectutem,*

*Et maritus cum uxore sua, neque inter  
eos contentio incidat?*

Ac (scilicet cum commodum erit)  
mari talibus blanditiis & ludis opor-  
tet maritum delinire uxorem. Quos  
omnino quidam arbitrantur, severe  
nimis, abesse debere in matrimonio.  
Sed hi quidem minus mentis ac ce-  
rebri, quam locustæ habent, nedum  
sunt indoctissimi, inhumani, ignari-  
que. Quorū etiam durus rigor (ut est  
in musica Mine) icedat amorì oportet.  
Sane legimus apud vetustissimum di-  
gnissimumq; historicorū Moysen, vi-  
sum



sum Isaac jocantem cum Rebecca uxore sua. Quod in Hebræo, originali videlicet lingua, ne latum quidem unguem discrepat ab hac interpretatione. Sic enim habet: וִירָא וְהָנָה

i.e. Et vidit, & ecce Isaac ludebat cum Rebecca uxore sua

וַיִּצְעַק מִחֶעֶק אֶחָד רֵבֶקָה אִשְׁתּוֹ. Est enim verbum עָחָק quod venit מֵעָחָק quod lusit, jocatur, risit, interpretantur, & hic communiter, jocabatur, siue ludebat, quod idem est: ludus enim hic maritalis fuisse manifesto apparet ex sequentibus: in quibus habetur Abimelech ex eo ludo deprehendisse Rebeccam esse uxorem Isaac, quam celarat esse uxorem, dicens sororem esse. Porro ad eum locum commodissime scripsit in Faustum Manichæum divinus Augustinus in hæc verba: Hoc cum sancti conjugati faciunt, non inaniter faciunt sed prudenter. Descendunt enim quodammodo ad scæminei sexus infirmitatē: ut aliquid blanda hilaritate vel dicant vel faciant, non enervantes, sed temperantes virilem rigorem. Quod tamen ei, quæ uxor non est, qui dixerit aut fecerit, turpe est. Verum hoc quod ad mores humanitatis pertinet, ne quisquam durus & sine affe-

ctu

etu idipsum pro crimine obiciat san-  
 cto viro, quod cum coniuge sua luse-  
 rit. Tales enim homines inhumani,  
 si aliquem gravem virum ludicrum  
 aliquid garrientem pueris etiam par-  
 vulis viderint, quo eorum lacteum  
 sensum affabili & nutritoria facilitate  
 permulceat, tanquam delirantem re-  
 prehendant, obliti unde creverint,  
 aut ingrati quod creverint. Sic & isti  
 terrici matrimonialis comitatis oso-  
 res obliti, aut prorsus nescire viden-  
 tur, cuinam animali iuncti sint, aut  
 jungi necesse habeant, matrimonio  
 scilicet, si illud inire velint, mulieri vi-  
 delicet natura minime gravi, sed de-  
 bili & infirmæ. Atque ingrati iidem  
 videntur, quod à Deo tam suave, &  
 iucundum, utile, ac necessarium con-  
 iugium, id est societatem legitimam  
 mulieris, ipsamque mulierem acce-  
 perunt, & tam severe, imo truci-  
 ter habent, ut nunquam existiment cum  
 legitimis uxoribus hilariter agen-  
 dum, ac non (quod quotidianum &  
 maximum viro seculari & studio nec  
 indiligenti est opus) tristitiam labo-  
 re, ac necessitudine multiplici con-  
 tractam, discutiendam. Quod ma-  
 xime

xime fieri mulierum hilaritate restatur nostrum quidam, falso tamen ad id citans Senecam in declamationum suarum proœmio, aientem, quicquid fatigationis, studiorum vexatione, contractum est, feriarum hilaritate disenti. non, ut ille citat, fœminarum. Sed ipse Deus omnia etiam hæc, legitima quidẽ, ut semper intelligimus, conclusisse videtur plane, ubi dixit: Non bonum hominem esse solum: idcirco facere decernens, & operans continuo adiutorium ei simile, mulierem videlicet. His vero inquam nõ admittimus, intelligimusve aliqua illegitima, ac ne quidem inter cõjuges probamus oscula indecora, & lasciviora: quando, uti scripsit Gersonensis Theologus ille gravissimus, oscula coniugum, quæ sunt tanquam pacis in ecclesia, & veluti ea, quæ in aperto, haud dubie sine peccato sunt. Possunt tamen fieri etiam inter coniuges oscula, adeo ut, honestatis ordine, & modo neglecto, non sit sine peccato, his uti. Vnde & similes nos intelligere licet excludere multas, quas plurimi notaverunt Theologi in matrimonii usu ineptias, equidem pravitates

Ioan. Ne  
viza. in  
syl. dupt.



tates abhorrendissimas: & quas Lucianus ille impius ac scelestus autor (Cui non satis fuit ipsum qui nos servat, Christum inquam nominatim, injuria adficere verbis indignissimis) docuit in asino, vere asininas, & porcinas, imo magis quam beluinas lascivias. Quibus connumerandum est, & æque damnandum proritamentum omne Veneris, lasciviæ causa. Qualem narrat Theophrastus Indum herbam habere, quæ non solum edentibus, sed etiam tangentibus tantum genitalium vim adeo facit vehementem, ut quoties velint coire valeant, duodecies egerint nonnulli. Verum tandē guttatim fit emissio ipsius sanguinis, finito videlicet spermate. Cujus etiam si quid plus, quam naturæ integritas ferat, emittatur, magis obest, quam si quadragesies tantum sanguinis emanaret, uti Abensina Arabs medicus attestatur. Nimirum etiam scribit Hippocrates ac Macrobius coitus definitionē, ut sit parvus morbus comitalis. Organa enim seminariæ virtutis sunt venæ & arteriæ. In his germinabile humidum, transinuatato semine, primum generatur, sicut

in uberibus lac. horum autem nutrimentum vasorum est humor hic. Et in principio ex spermate generationem habent. Siquidem cum arteriæ, & venæ sanguinem ad germinabile humidum, ut nutriatur, emittunt, quod superabundat ab alimento, eorum germen fit, ascenditque primo, per multam circuitionem, ad caput, rursusque per duas venas, & rotidem arterias, à capite descendit. Unde si quis venas absciderit, quæ sunt juxta aures, sicut quæ sunt juxta cor, infœcundum animal reddit, ut docuit Gregorius Nicenus. Nil mirum, si nonnullos mori in actu venereo evenit. quos legit Textor Niverniensis. Atq; sacris docemur literis, eos qui conjugium ita suscipiunt, ut Deum à se & à sua mente excutiant, & libidini vacent, ita ut equus & mulus, quibus non est intellectus, potens in se habere dæmonium. Igitur humanos & jucundos quidem præstare nos oportet uxoribus, non inhumanos & truces, vel etiam intemperantiores. Nec ab re scribit Plutarchus, eos qui uxores edere & bibere secum libenter non vident, solæ cum sunt, eas imple-

impleri docere. Ita eos, qui non hilare cum illis concumbunt, nec jocosisumque communicant, docere illas sine ipsis proprias quærere voluptates. Cæterum (ut inquit idem) turpe est præsentibus aliis, se mutuo amplexari; & osculari, insolentius. Nam quidem osculum simplex, quod pro rei qualitate solet inter conjuges committi, non improbatur. Sed congressus quidem & oblectationes familiariores & liberiores cum uxore, secreto fieri convenit, & ne à quopiam videri, vel sciri, quemadmodum & objurgationes, & ejusmodi. Unde Athenienses gravissimi orbis viri, cum Philippi hostis literas, quas ad Olympiadem scripserat, interceptissent, eas inviolatas reddiderunt: ne, inquam, tori genialis & secreta conjugii panderent. Alioquin vero admonitiones ac reprehensiones aperte ac liberæ esse debent, quo semper in tam digna societate rejiciatur, quod à virtute & modo recedit; quod rectum est, conservetur. Uxorem enim haud dubie vir probus secundum leges eo animo ducit, ut modeste cum ea vitam degat. Tum vero

maxi-



maxime præcipit Homerus, & Aristoteles docet, virum & uxorem in his, quæ improba & impudica sunt, consentire invicem non debere. Quod & nostris probatur. Quoniam eatenus parère viro cogitur mulier, quatenus legi Dei, id, quicquid est, quod præcipitur, convenit; & vir quoque eatenus uxori indulgere debet. Quod si quid omnino Dei resistit voluntati, prorsus non admittendum. In quo B. Antoninum ac alios Theologos non frustra videre est prolixius scribentes.

## C A P. V I.

*De castitate, excellenti virtute, ab omnibus semper retinenda, præcipue Christianis.*

**O**Mnino autem etiam à conjugibus decens castitas servanda est: virtus utique ab omnibus prorsus omni loco, quantum fieri potest, amplexanda. Quippe quæ Deo amica sit admodum intima & familiaris. i. e. quæ que aperte potest Deo exhibere mortaliū animas.  
 καὶ παρρησίας δ' ὡς αὐτὸς καθίστηται Θεῷ ἀνδρῶν.  
 καὶ παρρησίας ψυχῶν, ut habet Iustinianus

i.e. Rec-  
ptaculū  
omnis  
virtutis  
sola est  
tempe-  
rantia.

nus noster. Nam ut alibi dicitur, *τὸ  
μείον ἀρετῆς ἐστὶ σωφροσύνη μόνη*. Non certè  
est virtus, quam, si quis vel castitatem  
habeat, non possit facile indipisci per  
eam. Quæ si sola maneat minime, si  
cum aliis fuerit (ut esse aptitudine sua  
solet) maxime digna est vita æterna.  
Nec dixit Iustinianus eam solam pos-  
se animas hominum, Deo præsentare  
(ut interpretantur) quanquam si di-  
xisset etiam poterat multis aptis sen-  
sibus excusari: sed nullo modo pu-  
tandum est ipsum existimasse, etsi exi-  
stimasset verum esse, castitatem cu-  
ius verba facimus, animis nostris sa-  
tis fore. Οὐδὲ γὰρ, inquit B. Chrysostom.

i.e. Neq;  
enim tē-  
perantia  
sola salvū  
aliquem  
efficere  
potest si-  
ne aliis  
bonis, ne  
que pro-  
visio pau-  
perū, ne-  
que be-  
nignitas,  
sed hæc  
omnia in  
animas  
nostras  
concur-  
rere  
oportet.

*σωφροσύνη μόνη δύνάται σώζειν αἰεὶ τῶν ἄλλων  
ἀγαθῶν, ἐδὲ πρόνοια πτωχῶν, ἐδὲ χηρῶν, ἐδὲ  
ἄλλο τι τῶν σωδαίων, ἀλλὰ δεῖ πάντα σωδρα-  
μεῖν εἰς τὰς ἡμετέρας ψυχὰς*. Teste etiam  
D. Ephræm Syro, singularis quidem  
virtus vocatur, estque pudicitia, & ca-  
stitas, sed quæ perfecta non est, plena,  
utilis, sine aliarum adminiculo virtu-  
tum: quemadmodum diadema re-  
gis sine pretiosis lapidibus, cui ne unū  
defuerit, & alphabetum non omni-  
bus literis adornatū, & dapes quan-  
tumvis optimæ sine sale. Atque sicut  
aquila, cuius ungulæ summitas la-  
qu coasto

queo comprehensa tenetur, nec potest altius evolare, nisi fuerit liberata: ita & virtus hæc nisi à terrenis negotiis liberetur, perfecta esse non poterit, valere non poterit, in illo extremo iudicio: ubi segregabuntur ceu hædi ab ovibus, etiam qui corpore quidem virginitatem observarunt, sed moribus inclementes immitesq; perstiterunt. B. quoque Hieronymus in Iovinianum scribens, in omni, ait, gradu & sexu tenet pudicitia principatum, & pudicitiae principatum virginitas: quæ sicut absque cæteris operibus sola non salvat, sic omnia opera absque puritate, continentia, castitate, imperfecta sunt. Doctissimi viri vox est, pudicitiam imprimis esse retinendam: qua amissa omnis virtus ruit. Contemplemur membra, quæ serviunt generationi, quanta diligentia & arte munita sunt, quam varios habent anfractus ac meatus, ut semen cōservetur. Ut vel inde liceat perspicere, nos esse conditos ad continentiam, ut sapientissime colligit Melanchthon. Cæterum, Tertullianus graviter & pulchre nobis commendat pudicitiam, dicens: Cum omnes templum Dei



simus, illato in nos & consecrato spiritu sancto, eius templi ædituus & antistes pudicitia est: quæ nihil immundum & profanum inferri sinat, oportet: ne Deus ille, qui inhabitat, inquinatam sedem offensus derelinquat. Potissimum vero hæc mulierem condecet, maxime iam viri legitimo coniugio illigatam. Trapezuntius, muliebres virtutes, ait, ferme esse castitatem, formam, & audaciam non improbandam. Interque duodecim abusionum gradus, quos libro peculiari enumerat B. Augustin. unus dicitur esse fœmina sine pudicitia. Belle B. Hieronymus, in hac, inquit muliebrum virtutum principatus est. Multa sunt, quæ præclara ingenia nobilitant. Mulieris autem virtus proprie pudicitia est, &c. Ait & Sixtus Pythagoreus: fideli mulieri ornatui ducatur pudicitia. Mulier pudica gloria viri est. Huius autem maxime observantes esse debent præ viris, quod eius admoneantur multipliciter à natura, ut mittam alias plures causas. Nec ab re Plinius testis est, virorum corpora suprema fluitare, fœminarum prona, velut pudori parcente natura.

turâ. At maxime insimulantur impudicitiaë mulieres, teste Nasone :

*Castâ est, quam nemo rogavit,*

*Rara est matrona pudica.*

Quem imitatus Vulteius cecinit :

*Rara avis in terris fœmina casta volat.*

Quemadmodum etiam à Satyrico dicta, quæ pudica simul & fœcunda ac dives sit, nec carens aliis bonis :

*Rara avis in terris nigroque simillima cygno.*

Et fabella vulgi apud nos est, mulierem quandam nomine Aurosam, tanquam Medam illam pontis Babylo-  
nici artificem, oneratam lapidibus olim properasse ad extruendam To-  
losam : & cum in via iam extructam audiret, lapides eo loci, ubi nunc ostenduntur, disieciſſe, simulque præ-  
dixiſſe futuras tum mulieres impu-  
dentes, cum disiecti lapides iuncti essent. Et cum ita sint hodie, mulieres dictitant ab omni verecundia maxime alienas. Nec prorsus hæc vana, cum præter experientiam, intelligatur fœmina animal imbecillimum, laxum, & ad labores minus aptum, maxime vero ad quietem, delitias,

Hologia  
ant. habi-  
ta. ne fil.  
pro pat.  
C.  
Bald. in  
l. patrē.  
de nupt.  
G.

voluptates, quod & nostrorum qui-  
dam adnotat, uti sapiens testatur, ani-  
mal illecebrosum, simul & concupi-  
tum à viro, eiusque captionibus pro-  
pemodum infinitis expositum, ut de  
minoribus dicitur inter leges nostras.  
Vnde notatum est, in gubernatione  
puellæ verti sumptum ac laborem in-  
gentem, etsi ille tantum repetatur. Et  
gravis est sane propterea sollicitudo  
parentum de filiabus suis, qualē nar-  
rant sacra, filiam magnæ curæ vide-  
licet esse patri, testantia, ne forte ea in  
adolescencia sua turpitudinem ope-  
retur, & aliquando nupta viro odio-  
sa fiat. At mulierem impudentem, at-  
que impudicam scilicet facit pluri-  
mum maiorum suorum facilitas &  
licentia. Quapropter ait Phocylides :

Παρθενικὴν δὲ φύλασσε πολυκλείστοις θαλά-  
μοις,

Μυδὲ μιν ἄχει γάμου σὺν δόμων ὀφθῆναι ἰάσῃ.  
Κάλλος δὲ σῆρυγες ἔφυ παιδῶν τοκίῳσι.

i. e. Virginem autem custodi bene clausis  
thalamis,

Neque hanc usque ad nuptias ante do-  
mum conspici siveris.

Pulchritudo filiarum difficile custoditur  
à parentibus.

Sic.



Sicque Alciatus noster :

*Innuptas opus est cura asservare puellas.*

*Pervigiles laqueos undique tendit. A-*  
*mor.*

Plato voluit virgines non nisi cum matribus in convivio esse. Prodit Ac- milius Probus, in Græcia neque in convivium adhiberi mulierem, nisi propinquorum, neque sedere, nisi in interiori parte ædium, quæ Gynæco- nitis appellatur, quo nemo accedit nisi propinqua cognatione coniu- ctus. Et adnotatum est à Melanch- thone olim innuptas non prodiisse in publicum, sed domi solitas contineri. Quod innuptæ raro se publico exhi- berent, manifestum est Hesiodi versi- bus illis, quibus antedictum à se intel- ligamus oportet excoriatorem ho- minum pecudumque Decembrem :

Καὶ διὰ παρθενικῆς ἀπαλόχευος ἔδιανον,  
Ἥτι δόμων ἐν ποδιφιλῇ παρὰ μητίεα μίμναι.  
Ὅτι πῦρ ἐν εἰδύια πολυχέυος Ἀφροδίτης.

*i.e. Neq; vero per virginem tenera cute-*  
*praditam penetrat, sc. frigus.*

*Qua interius in adibus apud charam-*  
*matrem manet,*

*Ignara operum aurea Veneris.*

*Id autem non semper, aut ubiq; fuis-*

i.e. digre  
dientes  
per zdes.

se constat: quando, ut Probus scribit, Lacedæmoni nulla fuerit tam nobilis matrona, quæ ad convivium non ierit mercede conducta, etiã vidua. Quamquam viduas non minus, quam virgines domi manere, & non alienas (quod ait Apostolus) *οὐκ ἐπιχρῆμας οἰκίας* decet. Adhæc parenti in sacris dicitur: Filia tibi sunt? serua corpus illarum: & non ostendas hilarem faciem ad illas: laudando autem magis quam viruperando confundam virginem, Septimus ait. Quam etiam uxorem factam bonam esse permanfuram non potes affirmare: quoniam nihil tam mobile, tam vagum, quam scæminarum voluntas. Multæ inter probas matrimonialis ordinis cœperunt esse exempla meretricularum, quam multas ex coniugibus optimis pessimas videmus, ex diligentissimis dissolutissimas, ex liberalissimis rapacissimas? ut ait Seneca. Ideo, sicuti docet Plutarchus, oportet, ut equi magnitudinem, sic uxoris dignitatē conservantem, uti fræno. Frænum intellige, prudentem & suavem severitatem, cui voluntas mulieris cedat, non invita tacite repugnet.

Nam

*Nam nihil invita tristis custodia prodest.*  
ut ait Tibullus, & pluribus docet  
quadam elegia Naso. Absit vero zeli  
multiplex & fœcunda perniciēs, radix  
omnium malorum, & fons cladium,  
seminarium delictorum, materia cul-  
parum, ut ait D. Cyprianus. Et Mane-  
tho autor est, Cadmum ex zelotypia  
primæ uxoris ab Hermione discrimen certamenq; passum. Hoc autem  
malo correpti narrantur Lappii, Lati-  
num servantes interpretamentum,  
quo ut Lappia inepta, ita illi inepti  
dicuntur, Zieglero Gresioque auto-  
ribus. Et nos sane zelotypos, ineptos  
nuptiis dicimus. Cæterum nihil præ-  
termittendum est viro (ut Aristoteles  
docet) quod ad uxoris pertineat di-  
sciplinam: ut quam maxime fieri po-  
test, optima filios generet. Quemad-  
modum agricola quidem nihil amit-  
tit, quo semen in optima terra, ac ma-  
xime exculta serat, sperans ita demū  
fructus optimos se recepturum. Sen-  
tiant plane videaturq, uxor caput ha-  
bere: ne fiat similis bestiolis, illis in-  
quam, quibus desunt capita. Cujus-  
modi multa sunt animalia, teste Ari-  
stotele, libro Prædicamentorum pri-



mo. Item pulchritudo, quæ insipiens esse solet, nisi suum periculum agnoscat, timeat & caveat, agnoscens Deumque pulchritudinem ipsam esse, ut & Naso habet, impuditiæ conciliarix & alumna esse consuevit. Huc accedunt ornatus, & cultus corporis pretiosus ac nimius. Ad hæc autem multa sunt utiliter scripta. In primis sacra ita admonent: Est pulchra? ergo fatua, fallax gratia, & vana est pulchritudo. Mulier timens Deum ipsa laudabitur. P. Ovidius:

*Ludunt formosa. Casta est, quam nemo rogavit,*

*Aut, si rusticitas non vetat, ipsa rogat.*  
*Quid formosa tibi, si non nisi casta placebat?*

*Non possunt ullis ista coire modis.*

*Lis est cum forma magna pudicitia.*

Propertius:

*Semper formosis fabula pœna fuit.*

Q. Septimius, etsi, inquit, accusandus decor non est, ut felicitas corporis, ut divinæ plasticæ accessio, ut animæ aliqua vestitus bona, timendum tamen est, vel propter injuriam & violentiam spectatorum, quæ etiam pater fidei Abraam in uxoris suæ specie

pertinuit. Vbi pudicitia, ibi vacua  
pulchritudo : quia proprie usus &  
fructus pulchritudinis corporis, lu-  
xuria est, si sensum videlicet tantum,  
veluti bestię faciunt, sequamur. Quę  
admodum dixerit aliquis, ubi est for-  
titudo, potentia, robur, ibi violenti-  
am & injuriam esse. Vnde sane vulgi  
proverbium exiit, experientia, ut in  
cæteris, docti. Pulchrum, hoc est for-  
tem virum videri in patibulis. Mu-  
liorem venustam in lupanari. Atque  
fere in omnibus animadvertisse ait se  
Francis. Philelphus quadam ad Saxo-  
nium Pratensem Epistola, uti non mo-  
do virum opibus abundantem, pro-  
bum non esse, sed & superbū & con-  
tumeliosum, sic pulchros omnes la-  
scivos, & muliebres. Porro inquit  
Tertulli. Speciositas naturalis à fœ-  
minis dissimulanda est. Naturaliter  
speciosa, non adeo sit occasione, sci-  
licet, ut in peccatum alium inducat.  
Certè, si fuerit, non ignorare, sed etiā  
impedire se debet. Omnis maritus  
castitatis exactor est. Formam vero  
fidelis non spectat : quia non iisdem  
bonis, quæ gentiles putant, capimur.  
In tantum placebitis maritis, scilicet,

Ō maritatae, in quantum aliis placere non curaveritis. Vxor nulla deformis est marito suo. Satis placuit, cum delecta est, seu forma, seu moribus commendata. Et quomodo dicitur, sua cuique regi pulchra est regina, suos quisque naves, suam sponsam amat. Vetus proverbium, ut Plato testatur, Pulchrum ipsum amicum esse. Et fortunatam sane dicimus uxorem, non quæ formosa est, sed quæ, ut Petrarca dixit, viro suo talis videtur. Quippe qui possit dicere, quod Ausonius cecinit:

*Deformem quidam te dicunt, Crispa, at  
ego istud*

*Nescio, mi pulchra es. Iudice me, satis  
est.*

*Quin etiam cupio, iunctius quia zelus  
amori est,*

*Vt videare aliis fœda, decora mihi.*

Namque castam frustra putari, quæ multis placet, admonet Pelignus vates. Deinde traditur de corporis cultu adagium, Mulierem male pastam, bene cultam, male cæsam esse deberé. Quod de puellis dictum est, ut de pueris contra, quod scilicet, bene pasti, male culti, bene cæsi esse debeant.

Bene



Bene cultam autem puellam intelligunt; sufficienti veste munitam adversum frigus. Quoniam genus mulierum, præcipue puellarum, frigidum est, & frigori obnoxium propter materiei, qua constant, fluxibilitatem, & minus solidam, magis vero delicatam naturam. Bene culta item puella dicitur esse debere, propter ambitas destinatione nuptias, ut has facilius adipiscatur, propter cultum ingenuum, & paulo, quam necesse sit, alioquin majorem. Quem talibus indulget B. Augustinus & recentiores theologi, illum alias grave peccatum esse denuntiantes: nisi quidem etiam nuptæ opus sit se cultius ornare, propter virum, quem deditum exlegi libidini existimet eo modo sibi prorsus hæsiturum. Sed & aliàs non fordide, sed ingenue, quantum fieri potest, & decenter ornata; præcipue viro adparens, nupta sit oportet: ut illū, quem solum oblectare debet, non tristem faciat, sed potius exhilaret, non suæ tædio adficiat, sed magis contineat in constanti sui desiderio & amore. Virum autem hæc omnia primum docere uxorem eundem oportet, & curare.

omni modo, ut quam belle conveniat illi semper cum uxore. Memor igitur vir se caput & ducem vitæ mulieri esse, etiam cultum commodum prospiciat. Sicuti vero inquit D. Augustinus, solis maritis permittendæ sunt fœminæ ornari, secundum veniam quidem, non secundum imperium, & ut intelligant, verum ornatum maxime Christianorum & Christianarum non tantum non esse ullum fucum mendacem, verum nec auri quidem vestisque pompam, sed mores bonos. Et jubet Aristoteles, ut mulier proba vestitu & apparatu minori utatur, quam leges permiserint civitatis; considerans, quod nec vestimentorum nitor, nec excellentia formæ, nec auri magnitudo tantum valet ad mulieris laudem, quantum modestia in operibus, ac studium honeste decoreque vivendi. Etenim omnis hujusmodi ornatus animi, optabilis est magis, multoque firmior, ad senectutem usque veras laudes sibi natisque afferens. Præterea, impudicitiam generat vanus, & impudens, ineptusque aspectus, & locutio, & donorum acceptio mutua, similiaque.

Tales,

Tales, inquit Septimius, volent virginem visam oculi, quales habet virgo, quæ videri volet. Invicem se eadem oculorum genera desiderant. Eiusdem libidinis est videri, & videre. Omnis publicatio virginis bonæ stupri passio est. Et tamen vim carnis pati, minus est: quia de officio naturæ venit. Vera & tota & pura virginitas, nihil magis timet, quam semetipsam: etiam fœminarum oculos pati non vult, alios ipsa oculos habet: confugit ad velamen capitis, quasi ad galeam, quasi ad clypeum, qui bonum suum protegat, adversus ictus tentationum, adversus jacula scandalorum, adversus suspiciones, & susurros, & æmulationem, ipsum quoque livorem. Velatas itaque prodire in publicum mulieres, probat ille. Quemadmodum multis locis faciunt. Qui mos est Mahumetanarum mulierum, & Christianorum in Melita Insula, quam vulgo vocant Maltham, ubi Rhodiensium statio militum: quæ & lance & licio prodire dici possunt, antiquo & pereleganti proverbio, quo simpliciter & modeste aliquid fieri significabatur: quia  
qui:



qui furtum quæsiturus ibat in domū  
alienam, licio cinctus intrabat, lan-  
cemque ante oculos tenebat, propter  
matris familiās, aut virginum præ-  
sentiam. Tanta fuit antiquitati reve-  
rentia honestatis, atque pudicitiae,  
tanta hujus observantia & cautela:  
ut pudere nos maxime debeat nostræ  
stultitiæ. Extatque exemplum apud  
Xenophontē nobile, mulieris Ethni-  
cæ aspectus continentia viri amorem  
conservantis, & alieni ansam vitantis.  
Ea Tygranis uxor fuit filii Armenii  
regis, ætate maximi. Qui cum ex pe-  
regrinatione quadam advenisset, in-  
venit captos parentes, necnon soro-  
res, atque uxorem, quam & nuper  
duxerat, & mirifice amabat. Rogatus  
vero tandem à Cyro, qui bellum in-  
tulerat, ob ipsius Armenii perfidiam  
admissam in Cyaxarem Medorum re-  
gem, avunculum suum, quanti eme-  
ret, quo recuperaret uxorem, respon-  
dit: Equidem, ô Cyre, anima emam,  
ne serviat unquam. Dein vero re-  
conciliati Cyro omnes, à cœna cum  
abiissent in rhedas, ut mos erat genti,  
cum uxoribus ascendentes læti, ve-  
nissentque domum, Cyrique alius  
sapi-

sapientiam, alius constantiam, alius  
mansuetudinem, alius etiam pulchri-  
tudinem atque magnitudinem narra-  
ret, Tygranes quæreretur ab uxore  
quoque, de illius pulchritudine, in-  
quiens: Num etiam tibi, Armenia,  
Cyrus videbatur esse pulcher? at il-  
lum ædepol, inquit, non spectabam.  
Sed quem, inquit Tygranes, specta-  
bas? illum ecastor, inquit, qui dixit  
se anima sua fuisse empturum servi-  
tutem meam. Insuper tradit Plutar-  
chus, uxorem aut cum marito, aut  
per maritum loqui debere, non ægre-  
ferentem, si aliena lingua, tanquam  
tibicinè gravius loquatur. Et matro-  
nam pudicam non subblandiri alienis  
viris, dixit Perbonus: & ajunt, ubiq;  
probam mulierem pudicitiaæ suæ ti-  
mere debere, scilicet ut vere possit  
dicere, quod B. Hieronym. ad Chro-  
mantium: Omnia etiam tuta timeo.  
Aitque non ab re B. Bernardus, virgi-  
nes semper pavidas esse debere. E-  
nimvero tenera res in fœminis fama  
pudicitiaæ est, & quasi flos pulcherri-  
mus cito ad levem marcescit auram,  
levique flatu corrumpitur: maxime  
ubi & ætas consentit ad vitium, &  
mari-

maritalis deest autoritas: cuius umbra uxoris tutamen est, uti memorabiliter admodum scripsit ad Salvinam B. Hierony. Item decretum est concilii Elibertini, capite ultimo, sic habens: Ne fœminæ suo potius absque maritorum nominibus laicis scribere audeant, qui fideles sunt, vel literas alicujus pacificas ad suum solum nomen scriptas accipiant. Quin ad dubitavit Ioannes Charlerius, Gersonensis Theologus ille optimus, an scire scribere melius esset, aut nescire mulieri, propter commoda varia atque incommoda, quæ insunt, sciat, vel nesciat. Vult & Martialis, ut non sit doctissima conjunx, ad ludere visus vulgari proverbio, quo habetur, mulieri quæ latine loqui novit, & puero cui vinum est bonum, non futurum finem bonum. Tandem verò de donorum malo, quæ, ut ille ait,

--- *Quicquid tetigere, perurunt,*

Propertius ait carmine:

--- *Formosa precio capiuntur avara.*

Et Cn. Cornelius:

*Auri cæcus amor nativum vincit amorem.*

Tibullus:

*Nam*



--- *Nam donis vincitur omnis amor.*

Martialis quoque :

--- *Imitantur hamos dona.*

Namque quis nescit avidum vorata,  
decipi escharum musca ? Denique Vul-  
tejus :

*Fœmina prostituit sese, quæ munera do-  
nat,*

*Fœmina se vendit, quæ data dona  
capit.*

Porro vero ab hac, de qua loquimur,  
tantopere servanda pudicitia, fœde-  
nimium deerravit antiquitas. Hero-  
dorus autor est, cæteros fere mortu-  
ales, præter Ægyptios & Græcos coisse  
in templis. Indorum quoque coitus  
in propatulo fuit, sicuti pecorum : at-  
que ab Ægyptiis quidem festus quidã  
dies Baccho celebratus est, in quo  
excogitatas statuas cubitales nervis  
compactas, & mentulam, quæ prope-  
modum instar erat reliqui corporis,  
fœminæ circumferebant per pagos,  
tibiā præeuntem sequentes. A qui-  
bus desumentes exemplum Romanæ  
matronæ, inter cætera, Idibus Augu-  
sti virilis membri figuram divinis  
percolebant honoribus. Quam extra  
portam Collinam ad ædem Veneris.

cum.

cum pompa sacrorum deferrebant. mox à castissima, & spectata pudicitia matrona, in sinu Veneris locabatur. Calamitosum putavere Medorū mulieres paucioribus, quam quinque viris nubere, cum tamen Rex, vel septem habere consueverit uxores. Lithuanæ matronæ palam concubinos habent, virorum permisso: quos conubii vocant adjuutores: ubi contra viris pellicatus probro datur. Nasamonibus mos est, cum quis primum ducit uxorem, prima nocte, ut sponsa singulos convivas obeat. Veneris gratia, & ut quisque cum ea concubuit, donum det illi. Augilas dicunt fœminas solemne habere, nocte qua nubunt, omnes ad coitum admittere, & quanto cum pluribus concubuerunt, tanto majus illis decus accrescit. Quanquam in reliquum tempus insignis est pudicitia earum. In Balearibus insulis mos erat, cum nuptiarū convivium celebraretur, ut singuli, ætatis ordine servato, sibi succedentes nuptam inirent. Relatum quoque, pluribus locis dominos usurpasse, ut omnium, qui dominationis suæ erant nuptæ, nocte prima cū ipso domino con-

concomberent. Quæ primorum, ut quidam ait, Connagiorum consuetudo tanquam diabolica recte fuit extirpata. Cyprii virgines suas priusquã nubere, peregrinis nautis prostituere, & demum nuptui dare consueverunt. Ex quo, & similibus spurciitiis, præter fabulas, sacram Veneti Cyprum dictã intelligimus. Et quod nuper plurium locorum dominos usurpasse diximus, apud Andrimachidas Aphricæ populos, in usu fuit, illi enim regi suo exhibebant nupturas virgines, ut eas devirginaret, nisi quæ illi nõ placeret. Nomades item communes habuerunt uxores ac filios, sicut & Scythæ. & Plato, si diis placet, in optima Repub. constituit, uxores & liberos scilicet esse communes. Quod quam sit absurdum, nemo non viderit, statim rem considerans, etiam præter legem divinam. Quam non ignorans, utpote Mosis scriptorum probe gnatus, ille arroganter nimium, quasi ea in eo minus prudenter & sufficienter statuisset, tanquam vero ipse etiam esset prudentior, decrevit id quod & discipulus ejus Aristoteles oppugnavit. Quod neque Fici-

Cagno.  
in l. sem-  
per. in  
contr. de  
reg. jur. ff

gloss in l.  
1. de com  
pens. C.

nus



nus fatis, neq; Bessario defenderunt. Quin ex maxime laudati Spartæ legumlatoris Licurgi institutione, licebat viro admiranti fœcundam aliquā mulierem alterius, persuadere viro ejus, ut permetteret cum ea congregi: ut scilicet interea adulteram, & in reliquum incontinentiorem mulierem redderet, virum sceleris consciū & cooperatorem, & lenonem cōjugis propriæ. Hi sunt fructus tantopere laudatarum ab antiquitate Ethnica, suorum sapientum legum. Hi sunt sapientes eorum, quos tantopere admirati sunt nonnulli etiam Christianorum, ut nisi vetaret pœnæ timor, divis palam, opinor, adscribe-  
rent, & eos divinis honoribus percolerent. Talis erat dominante orbi malo dæmone, ac ejusmodi sapientibus, leges ponentibus, populus. Postea vero, quam lux christiana illuxit mundo, & nunc maxime, quando post millesimum salutis annum Satan solutus est, si quid simile inter Christianos etiam videtur, non propterea Christiana religio in invidiam vocanda est, quia nihilominus improbi sint ejus cultores imo improbiores, quam  
genti.

gentiliatis, sint. Quam toto effusi  
veneno celebrant, & sanctissimam fa-  
ciunt, solius virtutis, nescio cujus, vel  
qualis, professores se dicentes impii  
Athei. Quod quam vere faciant, vel  
in hoc impuditiæ vitio, vides, his,  
quæ diximus. Quibus & hoc adiun-  
gendum est commode, quod nobis  
succurrit de incolis insularum, quæ  
Hebudes dicuntur. Hi certè omnes  
ad normam Reip. Platoniciæ compo-  
siti, certum non habent matrimoni-  
um, sed vulgo fœminis utuntur. Pa-  
riterque Garamantici Aethiopes ma-  
trimonia privatim nesciunt, sed ab  
omnibus vulgo in Venerem itur. In-  
de est, quod filios tantum matres re-  
cognoscunt. Paterni nominis nulla  
reverentia est. Vnde hæc gens maxime  
degener inter humanos habita est,  
quippe quæ sufficienti ipsis sensibus  
lasciviæ non sit contenta, sed dissolu-  
ta prorsus, & veluti hominem, hoc  
est rationē homini propriam exuens,  
tanquam sensu solo ducatur cum bel-  
luis, nullum discrimen in conjunctio-  
nibus ponit. Quod tamen bestię ipse  
nonnullæ faciunt, ut columbæ: qua-  
rum unaquæque comparem habet, à  
quo

quo tantum initur: animal quanquā in Venerem pronum, tamen pudicum etiam naturā, & cui prorsus adulterium est ignotum. Nisi vera sit hieroglyphica Ægyptiorum nota, quando scilicet pingunt columbam, ingratum significantes, quoniam progenitus mas valentior factus, patrem suum expellat, ac ipse cum matre coëat. Porro vero etiam fuerunt nonnulli populi, quibus probata fuit & observata præcipue castitas, & mulieres castæ pudicæq; admodum. Sicuti apud Traucos. Quorum fœminis sollicitudo est pudicitiae maxima. Et apud Spartanos, quorum legibus cavetur, & ob pudicitiam continentia assuescendam, & ob robur virile idem temperantia semper obtinendum, ne continuus sit maritis cum uxoribus concubitus. quod adprobasse videtur maxime Plato, ubi ad Dionysii propinquos scribens, improbavit, *μηδὲ πο-  
τε κοιμήμενοι μένον νυκτῶν*. Vna item proditur à Trebellio Pollione regina Palmyrenorum, nomine Zenobia, tantæ castitatis, ut ne virum quidem suum sciret, nisi tentatis conceptionibus. Nam cum semel concubuisset,

i.e. ut  
quā solū  
nocte cu-  
bantem.



expectatis menstruis continebat se, si  
 pręgnans esset: sin minus, potesta-  
 tem quęrendis liberis iterum dabat.  
 Quo vel exemplo pudere deberet  
 Christianos conjuges post conceptũ  
 se invicem attingere, & mulieres prę-  
 gnantes, pari mortuo, nubere, quasi  
 permittente Apostolo: Cum non sit  
 verisimile de his sensisse Apostolum,  
 propter periculum abortus, qui ex  
 ejusmodi contactu frequenter fit, un-  
 de quam rarissime pariunt meretri-  
 ces. Illudq; docuit post Decium Se-  
 nensem Marius Salomonius. Item  
 quando contingit partum coitu abi-  
 gi, coeũtes inter innocentes magi-  
 stratibus non habendos, & ab eis ex-  
 tra ordinem plectendos existimans.  
 Atque ob rem hanc nefarium, in mu-  
 lieribus ceu fundis, si ratione vale-  
 rent, domino contempto, exteri se-  
 men illegitimum admittentibus &  
 multas zizanias producentibus, adul-  
 terium, magis quam in viris cum  
 liberā muliere, ceu in fundo, quasi  
 nullius egentibus, habitum, alioquin  
 plus puniri dignis, quia natura & lege  
 potioribus quam mulieres ipsę, cum  
 sint vasa debiliora, & minoris con-  
 stan-

In l. i. de  
 jul. & ju.  
 & in l.  
 Gal. de lı  
 be. & post  
 hu. ff.

130. sec.  
4. tom. 6.  
Placenti.  
in sum. C  
ex quib.  
c. inf.  
irro. De-  
cla. 277.

stantiæ, ut docuit quoque Georgius Venetus eleganti quodam problema-  
te. Atque ideo dixerit aliquis, prohi-  
bitum fuisse viduis intra annum lu-  
ctus viri prioris nubere, mulieribus  
quidem, non viris itidem, cum & mu-  
lieribus sponsalia sint permissa eodẽ  
jure. Itaque non ineleganter impuni-  
bilis contenditur apud seniore Quin-  
tilianum prægnantis mulieris in a-  
dulterio deprehensæ peremptio, his  
verbis : Ipsam vero adulteram adeo  
oportuit occidi, ut nulli unquam ira-  
sci magis leges debuerint. Ultra com-  
mune flagitium, prægnans adulte-  
ra aliqua, hoc tempore, quo salvo  
pudore à marito secubaret, cum a-  
dultero volutata est : & cum anima-  
libus multis, etiam, quorum libido  
non ratione continetur, hæc tamen  
sit natura, ut postquam conceperint,  
omnem refugiant Venerem, matro-  
na ne pudore quidem partus, jam  
etiam instantis, moveri potuit, ut pu-  
dicitiam, si non marito, at futuro cer-  
te filio præstaret. Illa igitur prior  
damnavit ventrem suum victurum. Si  
ego adulteram non occidissem, non  
novissemus hos mores turpissimos  
femi-

fœminarum, ut oderint puerperia, ut  
 filios velut indices ætatis abominen-  
 tur. Verba hæc sunt mariti, ceu rei  
 facti se tuentis in iudicio. Sed in hoc  
 declamet quantum velit Fabius. Non  
 tamen alteri per alterum debet dam-  
 num inferri. Pœna culpæ limites  
 egredi non debet, suos tantum auto-  
 res teneant peccata, oportet. Non in-  
 nocentem plectere cum nocente li-  
 cet, quem impunem abire satius est,  
 quam nocentem puniri: etsi scilicet  
 à nocente illi non parcatur: qui ideo  
 proculdubio magis affligendus non  
 est jam afflictus, & pessime consum-  
 mante eo nequitia inceptam, qui ex-  
 piare debuit, non augere: & id ne  
 faceret, quasi ex duobus minus eli-  
 gens malis, vitare majus. Quamobrẽ  
 etsi lex esset permittens occidi adul-  
 teram, hic tamen, pro modo illati  
 damni partui, erat puniendus, sicque,  
 si necem animato intulerat, occiden-  
 dus & ipse: quanquam alia lex defu-  
 isset, quæ & nostro in jure vetat præ-  
 gnanti inferri supplicia, donec fuerit  
 enixa. Verum enim vero, quam dixi-  
 mus castitatem à prægnantibus ser-  
 vari debere, etiam servant bestię.

L. præ-  
 gnantis.  
 de pœna.  
 §.

M

Quod



Quod dixit Quintilianus avus, nedum mulieres temperatæ, quales vel exemplo bestiarum multas omnino esse oportet. Et si sunt quædam, quæ sicut animalia absque ulla discretionem indefinenter libidini serviunt quæ nec mutis pecudibus sunt cõparandę, quę cum conceperint, ultra non indulgent maribus copiam sui: ut inter canones retulit Gratianus. Nimirum, uti scripsit Crinitus, unus homo est inter omnia animantia, qui ad Venerem pro libidine, quocunque anni tempore, accedat. Quanquam minus apte murum animal pudicum dicitur repugnans mari suscepto fœtu, quoniam in dolorem & periculum veniret, si admitteret illum. Quare ea castitas, sive castitatis imago, nec laude digna est. Ideo vero pudicitia in homine laudatur, quia non naturalis est, sed voluntaria, uti ait Lactantius Firmianus. Sicque Scythas pudicos vel castos nemo satis recte dixerit: quorum teste Hippocrate, impossibile est fœcundā esse naturam, cum viri minime cupidi sint cum fœminis commisceri, ob nimiam corporis liquiditatem, ventrisque mollitiem, ac

fri-

non fo-  
rum 132  
7.

frigiditatem. Itaque Apollonio Tyanico non recte fieri visum, ut temperatorum numero adscribantur eunuchi, quia coacti & violentia quadam necessitateque compulsi, amore penitus carere putantur: cum tamen nihilominus ament, & quantum possunt, cum mulieribus concumbant siue excisi scilicet sint ( quoniam in animo dominans temperantiæ vis est) qui castrati, siue attriti sint restibus qui thlibiæ, siue virga genitali contorti, qui spâdones vocantur proprie. Etsi id ignorare visus est ubique sibi constans Vlpianus: non autem Cajus in tractatu de Adoptionibus, id breviter sentiens, quod & late tradidit Leonhardus Fuchsius in Aphorismos Hippocratis ex nostro Theophrilo: ipse vero male sentiens non cupidos mulierum omnino castratos, quos etiam se audiisse amatores esse mulierum maximos, sed nihil posse Pythia Aphri Comici inquit. Facitque noster Marcellus dum scribit, pœna legit Corneliæ teneri eos, qui hominem libidinis, vel commercij causa castraverint, quos & Justinianus acriter persecutus est nova lege

Græce edita, ipsos etiam castratos liberos faciens. Et alia constitutione

Græca de monachis & ascetriis ipsarum monialium negotiis duos viros, vel si haberi possint, eunuchos idem præfici voluerat: ut scilicet in Israël, licet castratio prohibita esset, tamen reges eunuchos habuerunt: quos vel à gentibus receperant, vel qui propter infirmitatem facti erant tales: quos mulieribus præfecerunt: & fuerunt quibusdam uxores, ut Potiphari, cui videlicet tantum testes adempti erant.

Quales præsertim placuerunt impudicis mulieribus, cum spermate intus retento semper arrigerent, & viris zelotypis, qui ab his iniuri malebant uxores, quam ab alio. Vnde B. Hieronymus inter uxorum molestias quas ex Theophrasto narrat, viris contingere, ponit exsectum spadonem, qui est usui in longam securamque libidinem illis. Hincq; Satyricus dixit:

*Sunt quos eunuchi imbelles, ac mollia  
semper*

*Oscula delectent, & desperatio barba,  
Et quod abortivo non est opus. Dormiat  
ille*

*Cum*



*Cum domina. Sed tu jam durum post-  
hume, jamque*

*Tondendum eunuchō Bremium com-  
mittere noli.*

Vbi de spadonibus se loqui multis declarat. Quorum vocabulo usurpatum à Latinis, ut ceteri comprehendantur eunuchi, voluisse Vlpianum alioqui recte intelligentem vim vocis, credere par est, quando etiam eunuchi nomine comprehensos omnes ejusmodi debilitatos & mutilatos constat, propriissime vero eos, qui apud nos dicuntur castrati. Quales Leonicus adnotat fuisse quoque fœminas apud Lydios: nimirum & illæ testiculos habent, uti Melanchthon in Physiis docuit, Castitatem vero prorsus amplecti debent præcipue Christiani: qui divinis iisque certissimis præceptionibus cognitissimum habent, finem primum matrimonii, esse generationem. Quod & ipsum nomen, nomē, inquam, non voluptatis, sed dignitatis, & gravis energiae, ostendit. A matre enim dictū est matrimonium, significans ut mater fiat, quæ in id accipitur, accipi oportere: ejusque maximum effectum esse, ut

M. 3 mater.

Senten.  
Theolo.  
lib. 4. dis.  
30 c. o-  
mne ita-  
que, &  
no. in  
Can. in-  
stitutum  
27. q. 2.

Quolib.  
6. art. 18.

mater sit, quæ in id (matrimonium videlicet) delecta est. Vnde, ut mittam cætera, quæ à Theologis & Canonici juris doctoribus tradita sunt, clarissime videre est, inter virginem, matrem domini & Ioseph verissime, & maxime fuisse matrimonium. Fuit enim virgo nupta mater, & ut cæteræ ex semine maritali, ita ea sola de spiritu sancto, absq; viri semine concipiens, & pariens, incorrupta permanente omnino virginitate. Etsi quidem, si verum est quod Hanno retulit, insulæ cujusdā fœminæ sine marium coitu sponte sua fœcundæ sunt. Et virgo nonnunquam, propinqua viri, etsi non intrinseca emissionē spermatitis, integra virginitatē, fit gravida, ut docuit B. Thomas. Quomodo si clericus nitens rem habere cum virgine, ipsam prægnantem redderet, pœna stupri, quamquam mitius, quam si consummasset, teneretur, & nihilominus dotem præstare, quasi à se devirginatæ. Quia futurum est omnino, ut omnis talis devirginetur pariens: & juri-consentaneum est eum qui facit rem illicitam, puniri non solum de actu illicito, sed & de eo, quod

quod præter ejus intentionem fuit  
 secutum , ut scite tradidit Bernar-  
 dus Diaxius. At non à patre dicta In praxi  
Cá. 6. 77.  
 est patrimonium ( etsi caput est vir )  
 hæc sancta societas & conjunctio :  
 quoniam hic ex matrimonio fere  
 non nisi voluptatem suscipit : imo  
 vero , si molestias maternas spectes ,  
 nisi merum mel , mater vero ma-  
 ximos ac prope assiduos labores ca-  
 pit : quippe quæ fert conceptos li-  
 beros cum doloribus, laboribus, &  
 ægritudinibus plerisque, decem ferè  
 mensibus. Sicut Iocasta Annæi testa-  
 tur, ita dejerans: Per decem mensium  
 graves uteri labores. Et Alcmena  
 Theocriti, ita inquit:

Οὐθὲν γὰρ νουμιστὸν ὑπὲρ τέκεν γυναιξί,  
 Μητρειδὸς παθόντος ἐπὶ δέκα μῆνας ἑκαμνοῦ,  
 Πρὶν καί τιν' ἰδέειν μὴν ἑμὸς ὕπνο' ἥπαρ  
 ἔχουσα.

*i. e. Nequaquam enim reprehendendum  
 est super filio gemere,*

*Matre patiente, quoniam decem menses  
 laboribus afflicta fui,*

*Antequam lucem videret, sub præcor-  
 diis meis gestans.*

Et Maronis illud:

*Matri longa decem tulerunt fastidia  
 menses.*

M. 4

Quan-



Quanquam vulgo creditum & traditum novem tantum mensibus à muliere partum ferri, præcipue marem, fœmellæ vero decimo mense eduntur: ut docet Melanchthon. Ideo restans apud nos & in Topicis Ciceronis, cavet posthumò quidem decem mensium, ne non esset etiam prospectum fœmellæ, si ea forte nasceretur. Sed periculosa etiam decem mensibus terminata cautio: quoniam in undecimo, ac duodecimo, tredecimoque, si veteribus credatur, partus, etsi rarissime edatur. Quod diligenter adnotavit A. Gellius, quam Vlpianus Iustinianusque undecimo mense illegitimum esse partum definiunt, quandoquidem id certius est. Et certas, quam maxime fieri potest, leges esse oportet, & quod certius est, sequi. Certe undecimo mense mulierem parere posse, solus philosophorum veterum, quibus sollicitius naturam perscrutari & cominus rimari, nec de libris tantum, verum etiam de experientia propria & meditatione maxima æstimare, & veluti manu palpare, in usu fuit. Aristoteles ad scribendum nova & rara

l. Gallus  
de lib. &  
post. ff. l.  
fi. cod. tit.  
C. l. si de  
6d. li. ff.

lib. 3. c.  
n. 13.  
de suis &  
leg. h. ff.  
an. de  
nec. &  
ex quæ  
lib.

rara propensior recipit. Cæteri universi improbarunt, veluti perscrutator horum maximus Censorinus adfirmat. Quare frustra sugillat Iustinianum, & inde Barbatiam Alciatus suo paradoxo. Adhæc dicitur in sacris, si quando prægnans impleverit novem menses, non posse adhuc matricem ejus partum retinere in semetipsa, scilicet in sacris non videtur animadvertum id quod excedit quidem etiã sæpe novem, sed non implet decem menses: quemadmodum nec cor hominis in lævam vergere, cum non in læva sit, sed ad lævam quidem vergat. Cujus rei testis est Aristoteles ac experientia. Dictum autem, Qui finxit hominem, & posuit cor suum in medio corporis. Scripsit etiam Herodotus mulieres, & novem, & septem mensium partum edere: nec omnes decimum explere. Qui ab aliquibus nonnunquam etiam expletur, quemadmodum annus decimus ab Elephantante, sicut ait Plautus: Audivi sæpe hoc vulgo dici, solere Elephantum gravidam perpetuos decem esse annos. Porro vero edit in anxietate, ac magno cum vitæ periculo.

L. 3. c. 7.  
4. c. 4.  
& seq. 8.  
16.

4. Eld.  
c. 5.

conceptum & latum mulier. Vnde Tobias admonebat filium, ut memor esset, quot, & quanta pericula, passa esset propter eum in utero suo mater ejus. Pariterque hortatur Ecclesiasticus, ne gemitus matris suæ quisquam obliviscatur. Et ait Alcmena Theocriti, se malè parientem Herculem filium malos labores tolerasse. quamquam literis produntur quædam nihil tale sensisse. Testata est enim mater Mahumeti, filium nec in utero nec partu ullum secisse dolorem. Sed hoc habent stolidissimorum Arabum fabulæ. Ciceronem etiam memorant editum in lucem nullo puerperii dolore, nullisq; materni uteri angustiis. Sed hoc quis credat? sententia divina dicta est mulieri, quod pareret cū dolore. Evæ igitur veteres, uti scripsit Erasmus, pariunt cum dolore, quoniam cum pruritu libidinis concipiunt. Sed Eva nova, quoniam in conceptu voluptatis titillationem non sensit, jure creditur ab omni gestandi pariendique molestia fuisse immunis, quemadmodum & mortis, & nativitatæ malis. Nam nec dolorem in  
morte



morte habuit, nec reatum ullum in  
nativitate contraxit. Aliasque san-  
ctas mulieres non selegisse, ait Hie-  
ronymus, cum dolore peperisse, ex-  
cepta Rachel: quæ, quia in via erat, &  
hippodromo, filium peperit dolo-  
ris, in ipso partu deficiens. Sicuti eve-  
nit multis, præcipue illis, qui multos  
fœtus simul edunt. Quod naturâ val-  
de miserabile est, & omni diligentia,  
præcipue collatis ad Deum precibus  
ac votis cavendum. Vero consenta-  
neum est quoque mulieres quasdam  
robore, vel patientia maxima minus  
omnino, quam alias adfici. Vnde mi-  
rum illud ab Aristotele relatum, mu-  
lieres esse inter Ligures populos Illy-  
ricasque gentes, quæ dum pariunt  
non lecto ullo conquiescunt, neque  
ullo abdito loco concluduntur, sed  
inter laborandum aliquid & operan-  
dum, nullo præmisso gemitu, fœtum  
effundunt: natumq; infantem quam-  
primum undis abluunt recentibus:  
& præter aliarum morem, illum scal-  
punt, ac fricant, domumq; referunt,  
ut non peperisse, sed invenisse vide-  
antur. Et eadem interim à cæteris  
domesticis operibus minime vacant.

Verum eam ipsam virtutem vel simulare cogit saepe impudicas mulieres : ut saepenumero est perspectum. Scribit quoque Albericus Vespuitius in quadam insula, ubi aër est temperatissimus, mulieres esse, quæ ut pulcherrimæ, ita salaces : tamen neque puerperæ demissas habent mammas, non caperatam contractamque in ventre cutem : & ea, quæ honeste nominari non possunt, ita habent, ut dissimiles à virgine non videantur : ut inde dixerit aliquis, vel nullum vel minimum dolorem in partu sentire eas. Quod mihi non persuadetur. Tandem vero nutrit mater infantem tam laboriosè & periculosè editum, per multas tribulationes & discrimina non parva, ut palà est cunctis. Quamobrem ea magis amare filios dicitur, quam pater, quandoquidem eas res impensius amare solemus, quas majore acquisivimus labore, tum quia magis scit esse suos, quàm pater, quem illius pudicitia fidere oportet. Id quod Aristoteles scripsit, & nostrorum commentatorum aliquis adnotavit. Et sic consummat officium suum mulier, quod dicitur maximum,

port. inst.  
ad Ter.  
enl. col. 2  
L. qnqri-  
tur. de g.  
dil. ed. ff.

ac præcipuum, concipere videlicet  
 ac tueri conceptum. Nec parvi apud  
 Deum meriti mulieri hoc putandum  
 est, quod admonet Hieronymus,  
 Bene filios educare. Quo perversi  
 sensus nonnullæ corripiendæ sunt:  
 quæ nihil minus dignum occupatio-  
 ne æstimant, quam filiolos curare,  
 tempus omne se perdere, quod im-  
 pendunt in illos, querentes. Quod  
 probæ vel natura vel institutione non  
 faciunt, in primis id, quod sui est offi-  
 cii, magno cum adfectu & ingenti  
 hilaritate, agentes, dum etiam viri  
 extra agunt, quod convenit, facile  
 sinentes ipsas matres domi tædia fa-  
 miliaria & liberorum præsertim in-  
 sumere. Proinde dictum matrimo-  
 nium inquam, non patrimonium, ut  
 & nostro in jure habetur, quoniam  
 soli matri ante partum onerosi sunt  
 liberi, in partu dolorosi, post partum  
 laboriosi. Idque dicitur quasi matris  
 munium, ut habet Petrus Gara, & tra-  
 didit Innocentius primarium sydus  
 micans inter omnes juris interpretes.  
 Etenim nemo ignorat, quod Platonis  
 Epinomis ait, quanta sit in prima ge-  
 neratione animalium difficultas, in

et de ig-  
 trovers.  
 in fid.

In e. iunt  
 nis. de  
 sponsal.



Novell.  
152.

conceptione & utero primum, deinde in nativitate & partu, postea in nutritione atque educatione. Quæ per mille labores fiunt matris maxime: quo majore oportere eam studio prosequi, quæ partus doloribus distenta fuit, quæ peperit, quæ nutrit, quam patrem, qui succisivam tantummodo libidini operam accommodans, filii generationem procreavit, inquit Iustinianus. Cæterum quod generatio causa sit matrimonii, ut inde castitas debeat observari etiam à conjugibus maxime Christianis, beatus Ignatius in hæc verba testatur: Deo quoq; grata est hominis generatio. Proinde dictū mulieres noli execrari: ipsæ enim pariunt & nutriunt. Diligi ergo oportet eas generationis causa tantum in Domino: quia sine muliere vir omnino generare nō potest. Honorare ergo oportet eas, ut cooperarias generationis: quia neq; mulier sine viro, neq; vir sine muliere aliquando originem sortiri poterit. nisi in solis illis protoplastis: quia corpus à Deo ex quatuor elementis est factum: Eva vero de latere Adæ: gloriosum vero habitaculum Domini de sola virgine.

Ad.

Adhæc, in epistola ad Philadelphien-  
ses, ait, Petrum, & Paulum, & quos-  
dam alios Apostolos non libidinis  
gratiâ, sed posteritatis subrogandæ,  
conjuges habuisse. Sed quod Paulus  
conjugem habuerit, falsum puto.  
Quanquam etiam multis id sibi pro-  
bare videatur, capite quodam de in-  
ventoribus rerum, Polydorus Virgil.  
malo enim credere D. Ambrosio, qui  
habet, Apostolos omnes excepto Io-  
anne, & Paulo, conjuges habuisse :  
& D. Hieronymo, qui identidem  
sæpe testatur, & argutissimè compro-  
bat, non audiendos esse, qui Paulum  
uxorem habuisse confingunt. Credi-  
derim ergo corruptas epistolas Igna-  
tii, sicut de Beati Cypriani & Orige-  
nis operibus tradunt Ruffinus & Pi-  
cus Mirandulanus. Et ait B. Ambro-  
sius solere tergiversatores, ut fallant,  
sub nomine clari alicujus viri, epi-  
stolam fingere : ut autoritas nobis  
possit commendare, quod per ipsum  
recipi non possit. Inquit etiam Petrus  
presbyter Alexandrinus, retulitque  
Nicephorus monachus in ecclesiasti-  
ca Historia, Timotheum Herulum  
scripta Magni Cyrilli, cum non edita  
repe-

reperisset, in multis locis adulterasse, multisque testimoniis Pighius comprobavit, simulac Nicenum conciliū celebratum fuit septuaginta canonibus, quibus universa propè disciplina publica ecclesiæ ordinata regulataque fuerat, conditis, effectum ab hæreticis, ut de iis ipsis canonibus dubitaretur, & ut partim exustis, partim corruptis exemplaribus, nihil nobis relictum sit, quam fragmentum relatum à Rufino in ecclesiastica Historia viginti canonum ad quidvis inefficacium. Præterea non ab re pleaque ait Sixtus Philosophus Pythagoricus in Aureolo Enchiridio: nubere, & filios procreare, inquit, pessimum ducas utrumque. Sin autem prælium sciens pugnare velis, & uxorem duc, & filios procrea. Fidelium conjugium certamen habet continentiae. Hoc est quod dixit Paulus: Solutus es ab uxore, noli quærere uxorem. Sin autem acceperis uxorem, non peccasti. Et si nupserit virgo, non peccavit. Tribulationem tamen carnis habebunt huiusmodi. Itaque B. Hieronymus adversus Iovinianum defendens cælibatum nuptiis meliorem,



rem, inter cætera mirum hoc adfert  
dilemma: odiosa ferri non potest,  
amabilis amor inferno & arenti ter-  
ræ incendio comparatur per Salomo-  
nem in proverbiiis. Vbi non de mere-  
trice, non de adultera loquitur: sed  
amor mulieris generaliter accusatur:  
qui semper insatiabilis est: qui extin-  
ctus accenditur, & post copiam rur-  
sum inops est, animumque virilem  
effœminat, & excepta passione, quam  
sustinet, aliud non sinit cogitare. Six-  
tus vero rursum ita inquit: Nihil  
propter solam libidinem facias. Libi-  
dinem necessariam tanquam non ne-  
cessariam ducito. Id quod etiam di-  
cit Paulus, ubi habet: Qui habent  
uxores, tanquam non habentes sint.  
Ille adhuc: Rara sit, ait, oblectatio  
tua, & opportuna. Adulter etiam  
propriæ uxoris est omnis impudicus  
vel amator ardentior. Quippe, inquit  
Cælius Rhodiginus, in uxorem alie-  
nam omnis amor turpis, in suam mi-  
nus. Sapientis est uxorem amare, sed  
iudicio, non affectu libidinis, pruri-  
tus rationis examine reprimendi  
sunt: nec præcipites ferri in concu-  
birum debemus. Fœdius nihil, quam

uxorem amare, tanquam adulteram. Refert Seneca à se cognitum hominem, qui exiturus in publicum fascia uxoris pectus alligabat, & ne momento quidem præsentia ejus carere poterat, potumque omnino nullum sibi nisi alterutrius prægustatum labris vir & uxor hauriebant. Alia item pleraque inepta faciebant. Origo quidem amoris honesta erat, sed deformis excessus. Nihil autem refert, quam honesta causa quis insaniat. Quod est à Gratiano in Rhapsodia sua relatum. Hujusmodi sunt & qui intemperata illa benevolentia suas vel amatarum personarum utilitates magnas impediunt. Quemadmodum de amicis ait Cicero, notans eos, qui absentias ferre nequeunt, vel ignaviter & cum dispendio notabili tolerant. Quod de multis cecinit in epistolis Ovidius. Hincque Catulli illa:

*Nam quasdam volo cogitationes  
 Amici accipiat sui meique.  
 Quare si sapiet, viam vorabit,  
 Quamvis candida millies puella.  
 Euntem revocet, manusque collo.  
 Ambas injiciens roget morari:  
 Quæ nunc si mihi vera nuntientur,*

*Illam.*

*Illum deperit impotente amore.*

Et illa :

*Sed te ferre jam Herculis labos est,*

*Tanto te in fastu negas , amice ?*

*Dic nobis ubi sis futurus. ede,*

*Audacter committe, crede , licet,*

*Num te lacteola tenent puella?*

Tum Tibulli :

*Me retinent vinctum formosa, vincla  
puelle :*

*Et sedeo durus janitor ante fores.*

Atque Propertii non ab re illud :

*Nam sine te nostrum non valet in-  
genium.*

Et dicitur in sacris , non posse homi- 3. Esd. 4.  
nes separari à mulieribus. In quo sen-  
sualium videlicet hominum affectus  
exprimitur , non ratione utentium.  
Vnde ex habitatione separata conju-  
gum non præsumitur indignatio ani-  
mi, nec divortium, nec jurgium inter  
eos , cum possint diu seorsum habita-  
re, & honorem matrimonii habere,  
ut est notatum à nostris. Tamen si  
etiam jurgii causa , periculi vitandi  
gratia , ac ne quid deterius illis con-  
tingat : possunt dispensari ab Episco-  
po conjugēs, ut separatim vivant. Ne-

L. cū hic  
status S.  
si mulier  
& Mari.  
& ibibal.  
de don.  
inter vi-  
rum , &  
ux. ff. c.  
litteras  
in fi. &

que



Ibi 20.  
de rest.  
Spol.  
Deut. 24  
eod. lib.  
c. 19.

que alter tenebitur alteri durante periculo : quod jure constat. Verum in Hebræorum libris lepidissime legitur illud quoque : Cum accepit homo nuper uxorem, non procedet ad bellum, nec ei quidpiam necessitatis injungetur publice : sed vacabit absque culpa domi suæ, ut uno anno lateatur cum uxore sua. Et alibi ; Quis est homo, qui despondit uxorem, & non accepit eam ? Vadat & revertatur in domum suam, ne forte moriatur in bello, & alius homo accipiat eam. Sed ad hoc referendum illud, prius à nobis relatum, Lyra censuit : ut scilicet intelligatur, secundum quod ait D. Augustinus hoc debere intelligi, videlicet dictum esse, ad explorandos virorum animos, cum vulgo his affectibus teneantur homines, ut quisquis animo his tenetur adpareat, dū revertitur, ne propter hoc minus fortiter agat, vel non agat scilicet penitus aliquid, sed potius alios suo exemplo reddat deteriores, & faciat, ut à prælio divertant, sicut ait Hugo Cardinalis, & Lyra multis tradit, ipseque contextus aperit, ubi habet postea. Quis est homo formidolosus

& corde pavidus? vadat & revertatur in domum suam, ne pauere faciat corda fratrum suorum, sicut ille perterritus est. Neque illud penitus jubetur, sed admonetur unusquisque strenuitatis, eo modo, ut magis timiditatis & ignaviae pudeat. Vnde, *non procedet*, exponit, non cogetur, Cardinalis. Idque inquam, ut majus malum vitetur, conceditur: ne illorum accessio plus obesset, quam prodesset. Quod idem ait. Nunc vero secundum eundem, dici potest eam legem non tenere: quia non continet pietatem, sed potius pigritiae occasionem: quae magnum malum est. Vnde in proverbiiis Salomonis dicitur: Usquequo piger dormies? usquequo dormitabis? quando consurges ex somno tuo? paululum dormies. Paululum dormitabis. Et alibi magis ad rem: Nunquid fratres vestri ibunt ad pugnam, & vos sedebitis? severitas & castigatio proba timiditatem excutit, ut nullum majus malum ex ea timendum sit, propter quod cavendum, illi necessario parcat. Alioquin nemo uxoratus prorsus ad bellum esset assumendus: quoniam est  
timidi-

timidissimus quisque uxoratus, ut Sialandicus in Danica historia inquit: At justis tantummodo affectionibus indulgendum jus etiam nostrum habet. Sed erant olim, qui uxores & pretiosiora quæque secum ferrent, ad bellum tendentes, nedum ut adulteria vitarent, verum etiam ut fortiores fierent periculi metu. Atque plures reges Francorum uxores secum in bellum duxisse referuntur, ut Philippus, primus ejus nominis, & sanctus Ludovicus, ac alius quidam ejus nominis, Junior dictus. Et si sæpe, ni provido & forti animo obfistatur, impedimento magis sunt mulieres, clamoribus ineptis conturbantes omnia, uti notat P. Aemilius. Verum enim omnino dignum ac commodissimum est, ut simul sint semper, quantum fieri potest, conjuges, quod significabatur olim cingulo ex lana ovis confecto, quo nova nupta præcingebatur. Quod vir in lecto solvebat, ut quemadmodum sibi cingulum hæserat, sic sibi deinceps vir adhæreret, & secum junctus vinctusque esset, a quo & quasi cingeretur. Ideoque hasta caput nubentis comebatur, quæ in

cor-



corpore gladiatoris stetit abjecti occisique: ut quemadmodum illa conjuncta fuerat cum corpore gladiatoris, sic ipsa cum viro esset, ut Festus ait. Et lege Canonica scriptum est: Cum vir & uxor una caro sint, non debere alterum sine altero esse diutius. Cerrè si diutius non abfuisset ab uxore, Gallorum regum optimus Ludovicus, Philippi Augusti filius: cum à bello Narbonensi seu Albigeni dicto, adversus hæreticos gesto, rediret, & priapismo teneretur, non decessisset, ut fecit. Quanquam digna principe mors fuit, qui hac vita spoliari maluit, ut par erat: quam Deo capitaliter peccare. Sed & lege civili dicitur: Quis enim ferat liberos à parentibus, à fratribus sorores, à viris conjuges segregari? Equidem nihil naturæ acerbius, quam separatio unitatis, ut ait Perbonus. Atque licet per ætatem senilem impotentes sint coitus: conjugēs debent tamen una morari, & debet separatus alteri perenti restitui, ut est notatū à Baldo. Hocque verum, etiam si petitus ab uxore, nunc Papa esset per imprudentiam factus. Nam debet illi ut

c. l. de  
conjug.  
lepr.

L. posses-  
sionum  
com. utr.  
ju. C.

In c. ex  
transf. in  
si de rest  
spol.  
Glos. in  
c. si quis  
pecunia,  
dis. 79.  
Pan. inc.

erat

Licet nō.  
4. de elec  
Ioan.  
And. in  
c. 5. de re  
gular.

erat restitui, renuntiatione seu dimissione Papatus facta: seu Papa existens debitum conjugale reddere teneretur, atq; diligenter cavere, ne conjugem excruciet, non facile, & ad nutum, ac eum desiderare, sed pudore impediri, ne petat, videtur, id debiti reddens, sicut docent Theologi, ac fieri sibi volunt viri: quorum impudens & imperiosa audacia nulla eget mulierum cautione, quæ tamen etiam cum petuntur à viris suis nil morari debent, quo tardius reddant id debiti. Vnde uxor in sacris dicitur *hæc* à verbo coitit, quod est *hæc* eo quod parata sit viro ad coitum, ut Levita docet. Quanquam si cum petitur, menstrua patiat, non debet admittere virum, rem exponens: nisi sentiat se nihil proficere posse, ut latius Theologi tradunt. Vir autem irasci non debet, sed æquo animo considerare: quod creditor non debet debitorem adire cum sacco, statuens id accipere continuo, quod debetur omnino, etiam si id sibi videatur. Quandoquidem:

L. quod  
dicimus,  
de sol. ff.  
gl. in cap  
ad ejus  
dis. 5.

Πολλά μεταξὺ πίλει κύλικος, καὶ χίλιος ἄκρου.  
i. e. Multa cadunt inter calicem supremamq; labra.  
Magis

Magis autem curare debet ipse, ut promptus mulieri satisfaciat, vel fragilitatis compassione, vel periculi metu. Propter quod scripsit ad Corinthios Apostolus: Nolite fraudare invicem, nisi forte ex consensu, ad tempus, ut vacetis orationi. Et iterum revertimini in id ipsum, ne tentet vos Satanas propter incontinentiam vestram. Ac irrationale animal taurus, hac in re quodammodo rationis capacem hominem admonet. Qui licet alioquin temperans videatur, & post conceptum vaccæ cum ea non coëat, donec peperit: si tamen expetatur à bove mugiente, etiam si longius sit, audit & adcurrit: nec minimum moratur desiderium ejus, ut Orus testatur. Nec desunt exempla male dilati ejusmodi debiti magno cum maritorum imprudentium malo & damno. Refert B. Antoninus, uxorem cujusdam nobilis, cum debitum maritale sacra passionis Domini hebdomada peteret, neque obtineret, adiisse mariti fratrem, & cum, ut par erat, rejiceretur ab eo, strangulasse ipsum. Scribit in hecatomythiis Abstemius, quendam uxorem ducentem persuasum,

N

sum,



sum, ne tribus prioribus noctibus rem haberet cum ea, ut esset in pecoribus fortunatus, ab uxore moræ impaciente, tertia nocte, securi aggressum & interemptum. Quamobrem recta ratio hic est diligentissimè consulenda: non Thalmudistarum fatua curiositas, dicentium: unicuique in hoc assignari suas horas: nempe vacantes quidem otio, quolibet die uxori debitum reddere debere: at opifices bis in hebdomada: asinarios semel, camelarios semel in mense: nautas tantum bis in anno. Et semper conandum est simul à conjugibus, ut quam maxima fieri poterit, castitas seruetur in matrimonio, nec quicquam impudicum, immoderatū & non conveniens unquam admittatur. Quod si forte aliquando contra fiat, non ideo (quod nonnulli insidiis Diaboli paulatim tracti ad pejora faciunt) adulterent, quasi non majus sit peccatum aliam inire, quam suam lascivius. Quando, ut tradunt Albertus Magnus cognominatus, & B. Antoninus, nihil ejusmodi inter conjuges, si modo vis naturæ servetur, est per se peccatum mortale: quoniā  
 gene-

generatio fieri potest: sed est signum  
 mortalis concupiscentiæ: quæ non  
 est temere præsumenda seu judican-  
 da: quæ etiam si adsit, non tam ma-  
 gnum peccatum est, quam adulteriu:  
 quo sacramentum conjugale viola-  
 tur, & pluribus personis fit injuria.  
 Ac sicuti scripsit D. Fulgentius, cul-  
 pabilis usus matrimonii, non in con-  
 jugali concubitu reperitur: sed in  
 excessu concumbentium. Facile ta-  
 men impetrat nuptialis integritas ve-  
 niam, retenta fides thori maculam  
 diluit, quam contraxit infirmitas  
 carnis.

Cap. VII.

*De perpetuo conjugum  
 Amore.*

**P**orro & absentes conjuges ita se  
 ament, ut decet, fidem adinvicem  
 servantes: & potius mutua memoria,  
 quam aliorum oblectamentis refici-  
 antur. Sicuti Plinius Cæcilius, & ejus  
 Calphurnia fecisse docentur Epistola  
 illius ad hanc, quæ sic habet: Scribis  
 te absentia mea non mediocriter ad-  
 fici, unumq; habere solatium: quod

pro me libellos meos teneas, sæpe enim in vestigio meo colloces. Gratum quod his fomentis acquiescis: invicem ego Epistolas tuas lectito, atque identidem in manus quasi novas sumo: sed eo magis ad desiderium tui accendor. Nam cujus literæ tantum habent suavitatis: hujus sermonibus quantum dulcedinis inest? Tu tamen frequentissimè scribe. Licet hoc ita me delectet, ut torqueat. Nec dissimile illud vel fictum, quod maritus probus dicere vere possit:

*Cuncta tuus sepelivit amor: nec fœmina, post te,*

*Vlla dedit collo dulcia vincla meo.*

Quod Propertius cecinit. Et illud Ausonii:

*Vado tamen: sed dimidiis vado minor ipso*

*Dimidio, nec me jã locus unus habet. Nam tecum fere totus ero quocunq; redam.*

Neque sit oportet quicquam, quod conjugum honestissimum amorem disiungat vel diminuat, vel extinguat. Nam ut Ovidius ait:

*Turpe vir & mulier juncti modò protinus hostes.*

Atque



Atque ita se inivcem amantes sine  
modo perpetuoq; ament conjuges:  
quando ut ait Propertius:

*Verus amor nullum querit habere mo-  
dum.*

*Non satis est ullo tēpore longus amor.*  
Vnde Aufonius:

*Vxor, vivamus quod viximus: & re-  
neamus*

*Nomina, quæ primo sumpsimus in  
thalamo,*

*Nec fiat ulla dies, ut cōmutemur in ævo,  
Quin tibi sim juvenis, tuque puella  
michi.*

*Nestore sim quamvis proVectior, amu-  
laque annis,*

*Vincas Cumanam tu quoq; Deipho-  
ben;*

*Nos ignoremus quid sit matura senectus,  
Scire ævi meritum, non numerare  
decet.*

Et legitur apud B. Gregorium Turo-  
nensem, mariti ejus, qui uxorem vir-  
ginem diu secum habuisset & sepeli-  
visset, tandem vita functi corpus alio  
remotoque sepulchro locatum, mane  
postero inventum in altero conjugis  
sepulchro: ut perpetuo illos amore  
junctos corpus etiam mutum signifi-  
caret,

caret. Non tamen ideo non cessabit  
gemere conjunx pari mortuo, uti æ-  
rea turtur ab ulmo. Neque certe ob  
id est moriendum, veluti monere vi-  
dentur illi Tibulli versiculi:

*Durus & ille fuit, qui tantum ferre do-  
lorem,*

*Vivere & erepta conjuge qui potuit.*

Neque abstinendum matrimonio,  
quod anima defuncti mariti, quæ in  
bonis demorari putatur, male afficia-  
tur, & tristerur: quod quidam stultè  
dicunt. Sed utique fas est præteritos  
semper amare viros, ut Propertius in-  
quit. Et, ut ait Q. Septimus: maritus  
animum honestè uxoris possidet etiã  
mortuus, tum honorabilior, quia  
mundior. Is certe verus honos est  
marito defuncto ab ea, quæ eius uxor  
fuit, & pietas vera illi impenditur,  
cum uxor eius omnia & facta & dicta  
sæpius recogitans pro malis Deum  
precatur, bona vero imitatur, & figu-  
ram animi eius probi complectitur  
magis, quam corporis: quod ut si-  
mulachrum eius imbecillum est ac  
mortale: verum forma mentis æter-  
na. Cuius figuram in animo assidua  
contemplatione, velut in sculptam ha-  
bens.

bens, quasi præsente marito frui debet, & æquo animo spectare diem illum, quo resumtis corporibus animæ bonæ spiritualiter congaudebunt, non per impatientiam vel stultitiam se enecare: quomodo revera se peremit Senecæ Philosophi uxor: quæ videns maritum ad necem trahi, quæ per sanguinis amissionem sibi inferri elegerat, & ipsa sponte cum marito mori voluit: neque ab ea intentione divelli potuit verbis ullis mariti, ut par erat, dissuadentis: nisi Neronis accessisset imperium. Sed & mariti scilicet charitatem parem debent uxoribus mortuis, ut jus denotat. Licet non sint uxores amplius.

L. quod  
si nulla  
de relig.  
& c. ff.

## C A P. VIII.

*De amore ex partu proveniente, &  
prima ejus cura.*

**M**Aximè verò diligere se mutuò convenit coniuges, si Deus illis prolem dederit: matrimonii stipendium & præmium peramabile nimirum, uti scripsit Tragicus Seneca. Conciliat animos coniugum partus

N. 4. sercè



serè. Et Euripides rem efficacem, ait, peperisse, vimque maximam amoris adferre omnibus communiter, uti pro suis summe elaborent liberis: quo iure bestię quoque censentur. Asina enim per medios ignes adcurrit ad fœtum: ut de cæteris nihil dicam, fœtus suos quā maximè curantibus. Proinde turpe est matrem negligere filios, ut Erasmus ait. Et uti Baldus noster inquit. Qui filios habet, studeat pro eis alendis, sicut studuit gaudiis. Et primum quidem, ut B. scripsit Ambrosius, parentes gratias agere debent pro ortu filiorum. Divinum enim munus, fœcunditas est parentis: & prima conjugii stipendia militię suę, filii sunt. Debentque parentes, dempto omni fastu & ambitione, statim ac nati sunt illis liberi, quam cito fieri potest, baptismati dare, nec tantillum differre, maximo omnium periculo interea vero etiam non abhorrentes, quod & quidam non recte faciunt, baptismate protinus tingit, τὰ βρισην, ut B. Dionysius habet, πάσης δὲ ποτε λέμψα πλάνης καὶ ἀνίερης αὐτῆς ἀπείρατα. Quamobrem sancti dicuntur statim, nati filii Christianorum:

Cōf. 231  
rom. 4.

id est, infantes omnes nigerros ex ortibus, atque impuræ vitæ expetentes.

rum: quasi candidati sint, ut Tertul-  
lianus scripsit, fidei, exambientes bap-  
tismum spirituali quadam & sacra  
ac excellenti nobilitate. Et hoc usu  
obtinet ecclesiæ catholicæ, quod ex  
antiquâ ejus & prima traditione B.  
Cyprianus censuit, cum suis sex &  
sexaginta collegis: nulli hominum  
nato misericordiam & gratiam Dei,  
id est baptismum, esse differendum.  
Et tum magis, inquit, circa infantes  
ipsos, & recens natos observan-  
dum est, qui hoc ipso curam divina  
misericordia plus merentur, quod  
in primo statim nativitatis suæ ortu  
plorantes ac flentes nihil aliud fa-  
ciunt, quam deprecantur. Idemque  
ait: Non aliquis nostrum id debet  
horrere, quod Deus dignatus est fa-  
cere. Itaque etsi adhuc infans è partu  
novus est, non ita est tamen ut quis-  
quam illum in gratia danda atque  
in pace faciendâ horrere debeat oscu-  
lari: quando in osculo infantis unus-  
quisque nostrum pro sua religione  
ipsas adhuc recentes Dei manus de-  
beat cogitare: quas in homine mo-  
do formato & recens nato quodam-  
modo exosculamur, quando id quod

Deus fecit amplectimur, ac vel inde memor esse debet quisque deponens omnem malitiam, & dolum omnem, & simulationes, & invidias, & omnes detractiones, sicut modo genitos infantes, rationabile, sine dolo lac concupiscere, ut monet B. Petrus.

## C A P. IX.

*Non propterea quod sterilis sit  
uxor, non amanda.*

s. sed nos  
inst. de  
Senat.  
Tert.

**A**T vero etiam si uxor marito liberis non pariat, non ideo amari non debet. Quid enim peccat: sicut ea, quæ paucos (ut habet Iustinianus) peperit, vel fœminas tantum vel mares? Est enim quædam privatum dissociatio corporum, & inter se sterilis: at ubi cum aliis junxere, gignunt. Alii aliæque fœminas tantum generant, aut mares, ut ait Plinius. Potest accidenti quoque aliquo malo contingere sterilitas: ut si venæ quædam retro aures existentes secentur, tum medicamentis: ut ex Salice, cibo vel potionibus, & compluribus similibus, ut plerique docuerunt. Sed  
&



& malefici dæmonis artē hoc malum evenire, ac coitus impotentiā passim docemur. Qui tamen ferè nil potest in fideles conjuges, & vitio suo auxilio Dei non destitutos. Neque enim est quicquam quod sacros lædat amāntes, ut verbis utar Propertii, probe in hoc post ceteros concludit Vlriceus monitor, diabolum neque per se, neque ministerio hominum posse elementis hominibusve, seu aliis animalibus nocere, vel homines ad generandum impotentes reddere: nisi quando occulto Dei, sed nunquam injusto judicio, vel ob pœnam delictorum nostrorum, vel ob meritum tentationis nostræ augendum: sive ob divinæ majestatis gloriam magis timendam, & colendam, seu ob aliam nobis incognitam causam favire permittitur. Quare separationem petente uxore, idem refert se patrono, sæpe judicatum: ut quos relatione medicorum constabat non naturâ, sed maleficio impediri, trienniô adhuc cohabitarent, conjugale opus tentantes, & majoribus, quam antea devotisque omnino eleemosynis & jejniis, ac precibus utentes: ut qui

C. 5. & si  
& ibi no.  
de frig.  
& malef.

institutor est matrimonii Deus, huiusmodi maleficium ab eis auferre dignaretur. Quod juri consentaneum iudicium utique fuit. Item vero pinguibus mulieribus minimeque laboriosis sterilitatem accidere Hippocrates censuit, dicens, mulieres Scytharum corporis pinguedine & humiditate steriles fieri: præ quibus uteri earum genitale semen nequeunt continere. Quin ipsum uteri os præ pinguedine concluditur, ut nequeat semen suscipere. Famulæ uero earum viris misceri plurimum gaudent, in uteroque conceptum continent, propter corporis exercitium frequens, carnisque gracilitatem. Idemque Aphorismo quodam generaliter tradidit steriles esse uteros frigidos & densos, & calidos admodum, atque immodice siccos, præhumidosque. Temperantia & fecunditas indiget. Neque enim si assiduo & intemperantiore coitu conjuges utantur, generatio fit, aut fæminæ nonnunquam fit, non masculi: qui ex sicciore semine nascitur, calidiore & solidiore, cum fæmellæ sit materia humidior, frigidior, laxior, debiliorque, ut docet Phi-

Philippus Paraphraſtes Heſiodi, tum  
cæteri veteres ac neoterici Phyſicæ  
tractatores. Planius vero Philelphus  
inquit: Quo ſemen calidius eſt, eo  
eſt ad mares filios procreandos accõ-  
modatius. Quare uſu fieri videmus,  
ut ſenes magis, quã juvenes gignant  
mares, quod ſcilicet rarius coëant,  
quam juvenes: quodque Natura  
in iuventute potentius eſt, id nimio  
Veneris uſu reddatur imbecillius &  
frigidius, quodammodo violata na-  
turâ: quæ, ut ait Ariſtoteles, ſemper  
nititur ex pluribus agere, quod me-  
lius eſt: ſicque ut vir generetur ma-  
gis, quam mulier: maſculus, quam  
fœmina. Quæ paterno vitio quodam  
generatur, ſiquidem hoc vitium eſt,  
quod ait Juſtinianus, id quod ſemper  
non eſt, quando & à mulierũ intem-  
peratura evenire poſſit, etiam præter  
naturam, ſimili intemperantia: cum  
& ipſæ ac maxime quidem ſemen ad  
generationem conferant. Vnde me-  
retrices nunquam concipiunt, pari-  
untvê aut perraro. Quod & variorum  
accidit in illis magis ſeminum per-  
turbatione, ſed nec mulieris quidem  
ſemper vitium eſt aut viri, ut genere-  
tur

L. pen de  
le. hær. C



D. l. pen.  
& 14 de  
lib. prae-  
scr. C.

tur fœmina, aut omnino vitium non est: quando & Dei voluntate necessaria fœmina, & natura utrumque corpus edidit, ut maneat suis vicibus immortale, & alterum alterius auxilio egeat, ut uno semoto alterum corrumpatur. Nam si alterum, ut vel masculi tantum generarentur, unde generaretur non fieret, ut præclare scripsit Princeps Iustinianus. Quamquam Ben Syra Hebræus, Ieremiæ Prophetæ nepos, ait, charos esse omnibus hominibus masculos. Vnde si filia nascatur alicui, atque roges, quid uxor peperit, respondere solet submissa voce, demisso capite, compressis in terram oculis: Filiam peperit. Si vero filius natus est, respondet disertè, hilariter, bene meditatus exporrectaque fronte: Filium peperit. Sed rationes illæ non adeo valent, ut tantopere de mulieribus consorribus quis debeat perturbari, vel posteaquam Dei filius in mundo per mulierem inter nos est visus. Qui & die Paschæ sancto gaudium attulit fœmineo sexui, & benedixit eas, ut ait Theophylactus. Pessime igitur (ut pie nimirum ait impius licet Muhammedes).

medes ) cum hominū cuiusdam nascitur filia , suam inde denigrat faciem , suspiriaque trahit , & ab hominum conventu recedit , usquequo deliberrer , utrum eam natam teneat , an vivam sepeliat , vel quocunque modo debeat . Heu , quam pravū est iudicium ! & quam iniqua similitudo eorū , qui minime credunt adventui futurae diei ! Cæterum , sterilitatem remonent Sinuessanæ aquæ , & multa factu facilia , quæ docent medici : ut Samonicus inter antiquos , & inter recentiores , Fuchsius , præcipue vero Iason Prædensis Ziriceus Zelandus , libro huic rei peculiari , cui titulum fecit , de sterilitate arcendâ , & progignendis liberis . Ea vero ut valeant , efficiendum devotis præ cæteris , precibus & eleemosynis , ac ieiuniis , omniq; proba Dei & suorum veneratione : ne Deus obstitat fœcunditati , sed potius referet , cuius voluntas sæpe clausit vulvas generatrices , atque aperuit , ut sacra docent . Vnde admodum stolidè & imprudenter agunt , qui uxoribus adscribunt sterilitatem , vel fœcunditatem , quasi nescientes , quod à naturæ conditore fiant universa : & quod  
neque

neque coitus, neque aliud quiddam ad procreandos pueros sufficere potest, si non cooperetur manus superna: & naturam ad procreandum excitet, uti scripsit D. Chrysostomus. Imputanda vero magis esset maritis sterilitas, qui pulcherrimas volunt vel ditissimas, potius quam fœcundas. Et olim quidem ex matrimonio querebatur proles. Nunc à plerisq; uxor habetur libidini: & scrophæ vocantur, quæ numerosè pariunt. Apud veteres quoque etiam medicamentis provocabatur fœcunditas: nunc (pro scelus) notiora sunt pharmaca, quibus accersitur abortus, ut Erasmus inquit. Et Nux ipsa Ovid.

*Nunc uteris vitio est, qua vult formosa videri.*

*Raraque in hoc ævo est, qua velit esse parens.*

Quibus etiam in mulieribus notantur viti, qui vel eas ad fœcunditatem negligendam inducunt, vel ab eius neglectu non revocant, & præ cæteris curare cogunt: cum tanquam prudentiores præfecti illis sint magistri ac domini illarum facti. Ex quo caput mulieris vir dicitur, divino ac humano



mano iure. Quæ & docet Gratianus. 33. 4. 5.

## C A P. X.

*Quando cessare debet amor  
conjugalis.*

**T**UM vero non amare coniugem licet conjugali amore, si sit adultera: & conveniens est, si sit visa incorrigibilis, quod aiunt, à se eam expellere. Neque confidere se posse talem asservare vir debet, quando neq; argui id possit: ac se malle, si necesse esset, anno integro saccum plenum pulicibus, quotidie in pratum deferre, solutoque sacco, eas inter herbas pascere, & vespere facto omnes domum reducere, quam uno die impudicam mulierem servare, cum, qui expertus esset muliebres astutias, testatum Abstemius refert, & sane censuit D. Hieronymus adulteram à marito teneri non debere. Et dixit B. Chrysostomus, sicut crudelis & iniquus, qui castam dimittit, sic factus est injustus, qui retinet meretricem. Et patronus turpitudinis est, qui crimen celat uxoris, ut iure est  
com-

e sicut.  
&c. 32.  
q. 1. c.  
quæadm.  
de jure.  
jur.

comprehensum. Estq; mœchus, qui mœchos conservat, ut & denotat Triephton Luciani. Et illud B. Chrysost. in proverbiiis sacris habetur ita: Qui expellit mulierem bonam, expellit bonum, qui autem tenet adulteram, stultus est, & insipiens. Quod tamen in Hebræo non habetur, ut pleraque alia, quæ septuaginta interpretes addiderunt, ut commoda. At non amari vel dimitti, secundum quod prædictum est, uxorem debere à viro, intelligendum est, si vir talis etiam non fuerit. Quod si adulter quoque vir sit, dimittere non potest uxorem adulteram: ut multis probat Gratianus. Quod si dimittat, etiam si ipse sit occultus adulter, mulier vero publice adulteret, dimittens graviter peccat. Quod tradidit Alexander Ariostus. Nec dubium est in his omnino parem esse viro mulierem, ut similiter ab ea vir dimitti possit. quod primum docuit Apostolus ex divina traditione, inquiens: τοῖς δὲ χαμηλότοις παραγγέλλω, ἵνα ἐγὼ ἂν ἢ Κύριος, ζωῶνκα ἀπ' ἀνδρὸς μὴ χωρισθῆναι. ἵνα δὲ καὶ χωρισθῇ, μόνον ἄχαμος, οὐκ τὰς αἰσὶν καταλλαγήτω. καὶ αἰσὶν ζωῶνκα μὴ ἀφίναν. i. e. Iis, autem qui nuptias contraxerunt, annuncio, non ego, sed dominus,

sc. m. u.

32. q. 6.

ne mulier à viro separetur, sin autem separetur, innupta maneat, non vero virum mutet. Neque vir mulierem dimittat.

Et plane idipsum tradunt Canones in Rhapsodia Gratiani.

e praece-  
pit 32.  
q. 5. not.  
in c. apud  
32. q. 1.

## PERORATIO.

*Amabiles nuptiae. Quibus bene  
precandum.*

**D**ixi ego: amabiles statui nuptias.  
atque ut est in sacris, honorabile  
conjugium, & torum immaculatum.  
Ex quo generatio casta quoque pul-  
chra est, & immortalis memoria illi-  
us: quoniam & apud Deum nota est  
& apud homines. Quod maxime de-  
siderant conjuges. Etenim interviri-  
um bonum, & fidam uxorem omnia  
succedunt ad vota, ut ait Perbonus.  
Quibus dicere par est, quod Flacci  
lyra cecinit:

*Fœlices ter & amplius,  
Quos Irrupta tenet copula: nec malis  
Divulsus querimoniis  
Suprema citius solvet amor die.  
Ac quod est apud Catullum:  
Quis ullos homines beatiore  
Vidit? quis Venerem auspiciorem?  
At boni conjuges bene vivite,*

*M.*



*Munere & assiduo validam exercere iuventam.*

Et quod dixit Sidonius :

*Fœliciter avum*

*Ducite concordēs: sint nati sintq; nepotes,  
Cernat & in proavo sibi met quod pro-  
nepos optet.*

Pariterque sicut in sacris dictum reperitur : Crescite in mille millia , & semen vestrum possideat portas inimicorum suorum. Superest ut tu dicas de improba illa Venere. F A B. Videtur melius te id posse exequi , cui adhuc recens memoria fervet proximiore materia. G O D. Certè non committam , ut qualisqualis à nobis susceptus ordo perturbetur. Accipe placidè , ut soles omnia , hanc tuam sortem. Scis tibi non defuturum Deum , quem invocasti ab initio , ac me , si egeres , sed etsi lubeat , pro facultate suffragaturum. F A B. Scio sed desidero hic communem amicum nostrum Thomam Maletum : non tam ut hoc levaret me onere , quam ut commodissimè tertius , hanc tertiam partem iniret , & gravis candidissimusque adolescens , tandem adversus impurissimos amores dissertaret.

G O D.

G O D. Benè dicis : & sanè advocan-  
 dus erat , ni absens esset Lutetiæ , stu-  
 diorum gravissimorum causâ : vel  
 certè Ioannes Trullus , ni Baldo ni-  
 mis ac Bartolo distineretur. Ioan-  
 nes Vilaris , nunc foro totus implici-  
 tus est. Cæteri ad patriam repeda-  
 runt. Tu vero interea dicito  
 quæso. FAB. Nihil  
 moror.

PETRI

310 DE AMORIBUS  
PETRI  
GODOFREDI,  
DE AMORIBUS,  
LIBER III.

PROOEMIUM.



ON desistendū à præ-  
cipiendo, quod multi  
eadem de re præcepe-  
rint, & obaudiant ma-  
li. Malos quippe amo-  
res plane confutavit  
Platina quodam Dialogo. Multa de  
cavendo amore stulto scripsit Iaco-  
bus Magnus. Pleraq; Plinius ac Ru-  
ellius, quæ amatoribus convenient  
naturalia medicamina adrulerunt: &  
tu, ut mittam alios, nonnulla ejus-  
modi tetigisti in superioribus pro  
materiæ conjunctione. Porro ut Pro-  
pertius ait:

*Turpis amor surdis auribus esse solet.*

Nunquid ideo sermonem medium  
abruppemus? at nefas esse ajunt  
mancas dimittere fabulas, nullasque  
reci-



recipit prudentia metas, ut ait Claudianus. Et apud Esaïam legimus dictum populi emendatori: Clama, ne cesses. Et in Euangelio: Exi in vias & sepes, & compelle intrare, ut impleatur domus mea, ait Dominus. Huic maximo quis non obediat? Quis non suffragetur, quantum potest, optimo? Quis de hujus misericordissimi gratia non speret futurum, ut conatu pio vel aliquis errantium, quorum misereri oportet, adducatur? Ac licet illis non sit profuturus quis probus, non libenter vitia quis notet, virtutem prædicet, vel ob ipsius peramandum splendorem, & suam sui que similium continuam admonitionem & consolationem?

## C A P U T I.

*De amore, qui est contra naturam.*

**M**alus igitur in primis amor est, Mac pejus omni amorum alio scelerè, in alterius generis animal lascivire, quod licet una omnium, qui sunt ac fuerunt sanctione ac more, Machumetanorum deterrimo, ad-

mitti-

mittitur: tamén data primum Hebræis & detestatur & punitur graviter ac recepta dein ab humanis lege. Idem cum vir nubit in fœmina viros paritura. Quid enim cupiatur, Ubi sexus perdidit locum? Ubi scelus est id, quod non proficit scire? Ubi Venus mutatur in alteram formam? Ubi amor quæritur, nec videtur? Iubemus insurgere leges, armari iura gladio ultore, ut exquisitis pœnis subdantur infames, qui sunt, & qui futuri sunt rei, ait Constantinus Imperator, & Valentinianus, Theodosius, Arcadiusque: omnes, quibus flagitii usu est virile corpus muliebriter constitutum, alieni sexus damnata patientia. Nihil enim discretum habere videntur cum fœminis: huiusmodi scelus spectante populo flammis vindicibus expietur. Plato quoque libro legum primo: prohibet mares maribus, vel fœminas fœminis commisceri: id inquit præter naturam esse, quiq; primum tale facinus ausi sunt, voluptatis incontinentiâ fecisse. Quæ quidem fuisse omnes ferè consentiunt Iovem Crentensem: illum bellum Ethnicorum deunculum; quod Leonicus

nicus adnotavit. Quanquam & delectatio mulieris cum viro, quæ est secundum naturam, toto gradu aliam præcedit, ut Lucianus scripsit, Et sanè communi utrique sexui desiderio indito, conjunxit mutuo illos natura, lege necessitatis sancta quadam præscripta: ut maneret propriâ uterque naturâ contentus: & neque fœmina præter naturam in marem transiret, neque mas indecore ac turpiter emollescere. Neque enim quisquam vir ex viro natum se gloriatur. Intra duo autē nomina venerabilia omnis honor manet eorum, qui ex æquo patrem & matrem venerantur: ac secundum ætatis mensuram cum mulieribus conjuncti, generosorum patres fiunt liberorum. Verum tempus ab ea magnitudine, ad voluptatis descendendo voragines, novas & commutatas fruendi vias aperuit: & quæ nihil non audet voluptas, naturam ipsam contempta lege violavit. Quique primus ita se superari tam perversæ voluptatis desiderio passus est, eo alium aut vi tyrannica compulit, aut verbis fraudulentis induxit. Quamquam scilicet oportebat maxime tan-



tæ nequitia repugnare, ut corona  
 dignus tanquam strenuus miles & vi-  
 ctor celeberrimus esset. Sicut Trebo-  
 nius miles: qui cum ea de re nimium  
 infestatus à magistratu, ipsum tan-  
 dem occidisset, nequaquam punitus  
 est à claro imperatore C. Mario, sed  
 honoratus, corona capiti ejus impo-  
 sita: quæ pro præclaris in re bellica  
 gestis dari solita erat. Nec dubium  
 est, multo esse immanius invitum ho-  
 minem stuprum perpeti, quam cum,  
 à quo vis infertur ejusmodi, ab eo,  
 cui inferri conatur, interimî. Quod  
 dixit B. Augustinus. Et Paulus jure-  
 consultus docet, ejus rei metum ma-  
 jorem, quam mortis esse, vel in se,  
 vel suis, viris scilicet non improbis.  
 Quamobrem justissima ob eam rem  
 defensio, & mors illata, non coargu-  
 tione sed laude dignissima. Sed con-  
 templemur cum Luciano hoc ma-  
 lum. Convenit in eundem lectum  
 una eademq, natura: ac seipso mu-  
 tuo aspicientes viri, neque eorum  
 quæ faciunt, nec quæ patiuntur, pu-  
 dore afficiuntur. per rupes, ut dici so-  
 let, steriles, projecto semine, pro mo-  
 dica voluptate magnam accipiunt in-  
 fami-

In l. i. si  
 quid de  
 eo quod  
 m. c. ff.

famiam. Dixeris eousque tyrannicæ violentiæ audaciam progressam, ut jam & ferro naturam quodammodo ipsam deprædetur, Ita scelestâ illa & omnis mali magistra mollities, voluptates impudicas aliam ex alia excogitando, in tantū malum, quod ne dici quidem decore potest, prolapsa est: ut nullam videlicet partem petulantia & obscœnitatis ignoret. Quod si in his quæ Providentia sancivit, unusquisque sese firmaret, legitima fruens conjunctione, ab omni convicio & probro vita nostra pura atq; integra esset. Qualē esse volens Phocylides suis admonitionibus hoc quoque habet, ne quis cum brutis animalibus initorium ad cubile eat, neque transgrediatur cubilia naturæ in Venerem ex legem: quando nec ipsis feris masculus complacuit ad coitum. Et noster Iustinianus, omnes, Novel.  
141. ait, qui timori intenti sunt Dei, convenire, ut à tam impia & scelestâ actione abstineant, quam ne in brutis quidem animalibus admissam reperire est. Certe, ut ait etiam Lucianus, Leones non insaniunt in leones: sed quæ tempore suo accedit Venus, in

scemineum sexum concupiscentiam illorum excitat. Taurus, armenti dux, cum vaccis miscetur. Et aries totum gregem masculo implet semine. Sua cubilia sectantur apri. Lupas ineunt lupi. Et in summa, nec quæ aërem perstrepunt volatu aves, nec quæ humidam sortita sunt mansionem, neque aliquod in terris animal congressum maris appetit, ipsum sexum habens masculum. Sed manent inter ea immota providentiæ decreta. Vos autem ô frustra sapientiæ nomine jactati (animal, ut verè dicam, vile ac malum) homines, quonam novo morbo delinquentes, in mutuam contumeliam accensi estis? quo animi cæco stupore effusi, adeo ab utraque aberratis via, fugientes videlicet ea, quæ sectari vos decebat, & contra, sectantes illa, à quibus refugere oportebat? Namque divisit natura mares: pars una puellis, una viris genita est. Utere parte tua, ut cecinit Martialis, inquam, ô homo: quanquam bruta quædam coire sexu simili dicuntur à nonnullis. Ægyptii enim, Oro testificante, sintamen hanc libidinem significare volentes, gemit-



geminos mares ex perdicibus pingebant, quoniam illos amissis fœminis invicem coire putarent, quod & Plinius refert ipsos facere. Idemq; coturnices, & nonnunquam gallinaces, in quibus tamen nos id nunquam vidimus. Vnde nec in aliis visu rarioribus id verum credere par est, sed à Græcis mendacibus commentum: quando etiam tale nec expertum aliquem constet, neque proditum ab aliquo de animalibus aliis longe salatissimis, ut de equo omnium animalium salacissimo, homine dempto, Aristotele teste, vel camelo, uno qui toto die in recessu coëat: vel hirco, qui unus ex omnib<sup>9</sup> animantibus citius coit, licet invalidum & sterile, semen, uti scripsit Apollo Niliacus, emittat: vel passerulo Turriano, qui & ira percitus, & abundanti spermate vexatus, septies in hora coit, abundè sperma emittens. Concedamus ergo illud, si diis placet, fabulatoribus Græcis, qui & petras impudentes coire in mari Thracio tradiderunt, sicuti habet Dion. Alex.

Κυανίας ὅδε μῦθος ἀναιδίας εἰν ἀλιπέτραις  
Πλαζομένας καταχθόν ἐκ' ἀλλήλησι φέροντας.

i. e. *Cyaneas ubi fama est impudens in mari cantes*

*Vagantes cū strepitu in se mutuo ferri. Quæ etsi vera essent, non oporteret hominem non solum vita & sensu, verum etiam ratione præditum, adeo brutescere, pariter vero etiam improbandum est illud, quod exprimit Plato, probe inquiring, abstinendum & ab agro illo fœminino, ubi semen germina nolit producere. Sicque Phocylides admonet, non afficiendam injuria mulierem erubescendis cubilibus: ut neque fœminas cubile virorum imitari debere. Atque ob illud in coniugem commissum scelus separari matrimonium posse traditū est: sicut quando in alium est admissum. Centum tales non posse testari, nec testamentum eorum valere quicquam, qui vel mortui deprehenduntur fuisse huiusmodi, Anastasius Platus Mediolanensis egregie defendit lata disputatione. Quam Platinus frater collaudat, & comprobat Georgius Merula eleganti oratione. quæ habetur inter Barbatæ responsa. Quinet evenit istis Sodomitis insignis illa & satis cognita clades divina. Cuius testis*

Summa  
confes-  
sor. l. 4.  
sit. 22. gl  
Arch. Io  
an. à tur.  
in c. om-  
nes 32. q.  
7. Barb.  
consil.  
64.

testis etiamnum est regio Cineris & mari tecta : cui antea fecunditas suberat, & Iordanis fluvius per opportuna loca diffusus, ut Orosius habet. Et testatur Solinus, inibi pomum gigni quod habeat speciem, licet maturitatis, mandi tamen non potest. Nam fuliginem intrinsecus favillaceam ambitio tantum extimæ cutis cohibet, quæ vel levi tactu pressa, fumum exhalat, & fatiscit in vagum pulverem. Sicque Brachardus monachus in descriptione terræ sanctæ, perhibet in montibus Engadi versus mare, arbores esse pulcherrimos fructus ferentes, sed qui si manibus premantur, statim in favillam & cineres rediguntur, horrendum Dei iudicium contra Sodomitas præ se ferentes. Et ab his dicti sunt eo nomine id scelus sectantes, atque omnes, qui tales erant, nocte nativitatis Domini subito periisse narrat B. Hieronymus & inde alii multi: ne tantum scelus in humana natura quam susceperat illucens nobis inveniret Christus. Propter quod primum id videns Deus, ferè desuit incarnari, ut B. Augustinus scripsit. Porro de his censens



Plato libro legum octavo, sentit, exquisiti pessimiq; homicidii reos esse, inquit, istos dedita opera genus hominum interficere, in lapidem seminantes, ubi radices agere quod fertur, nunquam poterit. Quod & Ficinus amplectens, commentarii in convivium oratione sexta, capite decimoquarto scribit, merito homicidam censendum esse, qui hominem præripit nasciturum, quam qui natū tollit è medio: audaciorem esse quidem, qui præsentem abrumpit vitam, crudeliorem autem, qui lucem invidet nascituro. Et nondum natos suos filios enecat, & Q. Septimius convenit in Apologetico, capite nono, inquit. Homicidii festinatio, est prohibere nasci, nec refert natam quis eripiat animam, an nascentium disturbet. Homo est, & qui est futurus, etiam fructus omnis iam in semine est, & idem libro adversus Marcionem quarto, qui, inquit, semen odit, fructum quoque excretur, necesse est. Nec ille non sævior habendus Ægyptio rege. Nam Pharaon educari non sinebat infantes: iste nec nasci, auferens vitam illis etiam decem mensium

fimum in utero. Cuiusmodi sunt etiam,  
 qui per voluptatē & molliciem sper-  
 ma eiiciunt & perdunt prorsus. Sicuti  
 egisse narrat Moyses Heronam filium  
 Iudæ: qui cum iuberetur à patre ad  
 uxorem fratris ingredi, quo ex ea fi-  
 lios, illius nomine, secundum legem  
 suscitaret, ingressus, semen fudit in  
 terram, ne liberi fratris nomine na-  
 scerentur. Quare percussit eum Do-  
 minus, eo quod rem detestabilem fa-  
 ceret. Inquit scriptura, וירע בעיני  
 יהוה אשר עשה וימת גם אתו: quod fru-  
 stra funderetur tantum semē. Huius-  
 modi peccati genus designat quoque  
 Apostolus, ubi ait: Cum fornicatori-  
 bus & adulteris neque molles introi-  
 turos in regnum cælorum. Et cre-  
 diderim ego, gravis esse supplicii  
 eiusmodi reos, sicuti quidpiam sub-  
 dole miscentes cibo, vel potui homi-  
 num, ne generare possint & partus  
 producere. Equidem memoro, ius  
 vulgo notum esse, quod doceat, in-  
 teresse Reipub. homines generari,  
 nasci, educari, & quæ ad ea attinent,  
 non deesse: quibus & ipsa Respub. &  
 ipsum ius continetur, & in melius  
 producitur, sicut Deo placet, ex quo-  
 libet

Bonifa.  
 vitali. in  
 ope. ma-  
 lefic. ti-  
 tul. qui-  
 bus de  
 causis ad  
 mort.

libet etiam vilissimo sæpe coniugio venientibus. Cæterum, nequaquam mali sperandum, sed bonum, & ex duobus bonis melius, & præsumendum aduersum malitiam.

## C A P. I I.

*De incestu.*

**E**ST præterea incestus, adulterium, stuprum, & mera fornicatio. De quibus multa utroq; iure tradita. Incestus in Deo dicatas sacerrimas mulieres, & adulterium, & stuprum, & raptus. à quo & ferus miles sæpe abstinuit cum non abstinere liceret. Auctor est Ammianus Romanis captis castellis quibusdam, à gente barbara, inventas virgines Christiano ritu cultui divino sacratas, custodiri intactas, & religioni servire, solito more, nullo vetante, præceptum & pariter Roma capta, ab Alarico factum, prolixè Orosius refert. Nimirum permover omnem gentem religio & insitus est amor, pudor, ac timor divinus mentibus hominum, ut etiam quæ Deo dicata sunt, infima, & insensibilia, non honorare vereantur, & multo magis



magis timeant violare, maxime vero talia animata, & rationabili mente Deo similia sacraque corpora. Proinde Rex Agesilaus templa etiam, quæ inter hostes erant, venerabatur, existimans oportere deum immortalem non inter hostes minus, quam inter amicos propitium facere. Deo autem supplices neq; inimicos quidem violabat, absurdum esse dicens, eos qui ex templis quicquam furarentur, sacrilegos appellare: qui vero ab aris supplices evellerent, pios arbitrari, ut retulit Xenophon. Id quod & factum implevit Alaricus, tum cum servatæ sunt intactæ Deo sacrae virgines, Roma capta, præcipiens ante omnia, ut si quis in sancta loca præcipue sanctorum Apostolorum Petri & Pauli Basilicas confugissent, ii imprimis inviolati securique sinerentur, ut scripsit Paulus Diaconus Orosiusq; quos sunt sceleratiores pleriq; Christiani milites, qui cum ipsis Christianis beligerantes, capto quocunq; oppido, fana & res omnes sacras, ipsasq; dignissimas Christi sponas diripiunt & constuprant nequissimè, quibus semper crediderim terribiles nimis quas-

dām quasi furias ob oculos versari,  
 nunquam animo quiescere permit-  
 tentes, si non suminis statim suppli-  
 ciis afficiuntur, sicuti evenisse autor  
 est Aimoinus, militibus Guntrani Re-  
 gis, Basilicam sancti Vincentii Aen-  
 nensis territorii spoliantibus. Eve-  
 stigio enim furentes alii se intereme-  
 runt, alii dæmonibus repleti sunt,  
 aliorum manus sacro igne arsetunt,  
 & corruptentem quidem Deo dica-  
 tam, inferre gravissimum opprobriū  
 religioni, ipsique Deo gravissimam  
 offensam, traditum à nostris. Cæte-  
 rum, olim quoque non parum vindi-  
 cata est libido eiusmodi incesta, in vi-  
 ris quidem, ac mulieribus non op-  
 pressis. L. Veturius, eques Romanus,  
 hac de causa correptus est, gratia ta-  
 men evasit. Minutia Vestalis viva de-  
 fossa est in campo, qui inde dicitur  
 Sceleratus, sicut & Popilia ob stuprū:  
 præveniensq; Capparonia, suspendio  
 periit sibi illato. Et eius corruptor,  
 consciiq; servi, supplicio sunt affecti.  
 Itemque Domitiano imperante aliæ  
 tres innominatæ Vestales interfectæ  
 sunt, ea de causa: ut est relatum à  
 Livio, Orosio, ac Philostrato. Est verò  
 etiam

c. 1. & ibi  
 Franc.  
 no 2 de  
 regul.

etiam incestus peculiariter dictus, qui cum cōiunctis necessitudine sanguinis committitur, ab illo etiam proveniens amore, qui Deus dicitur, at vero amaror est & error flagitiosissimus, sicuti Aurelius cecinit:

*Polluit ille Deus cognatos, solvit amicos.*  
Res per se satis naturā invisa, odiofior item redditur, quod ipsa etiam animantia quibus intellectus non est, juxta sententiam Iob, nos docent, magnq. suo exemplo & miraculo, indignum facinus esse. Testis est Polydorus, innatā nobis verecundiam, quo facile abhorreamus à propinquorum commistione. Prodidit Aristoteles, cum aliquando camelus admissarius non haberetur, curatorem pullum matri opertæ admisisse. Qui dum cōiret, delapso operimento, agnovit matrem; & quamvis coitum absolverit, memor tamen commissi sceleris paulo post camelarium illum curatorem morsu defixo interemit. Quanquam & ex furore venerio id factum fuisse non sit absolum. Ferunt regi Scytharum, equam egregiam fuisse, ex qua mares generosi omnes gignerentur. Quorum unus,  
qui



qui præstantior erat admissus matrē  
inire recusavit, donec operta latuit  
eum, & ubi à concubitu faciem ma-  
tris detectam agnovit, fugam prope-  
ravit, ac seipsum agens præcipitem  
interemit. Et similia pleraque refe-  
runtur.

## CAP. III.

*De adulterio.*

**A**dulterium divinis multarumq;  
omnino gentium institutis, nec-  
non multorum gravissimorum auto-  
rum persecutum scriptis, vel eo ca-  
vendum ducere debent vel maximè  
uxorati, quod suas similiter uxores  
pollui mereantur, nec possint ab iis  
exigere debitum conjugale, neq; eas  
adulterii ipsius reas facere, quo ipsi  
delinquant, ut illis liceat abstinere,  
ac quod mortem ipsum adulterium  
corporalem quoque inferat divini-  
tus, dum spiritualis, & æterna specta-  
tur. Nemo ignorat id peccatum esse,  
quod à morte æterna illi debita vul-  
go vocatur mortale, & à B. Cypriano,  
capitale etiam ab aliis, quod vitam  
animæ

animæ propriam ceu corpori per capitis abscissionem auferat. Nota lapidatio Hebræis usitata, ac dictum in Deuteronom. & Levitico primum, ut morte moriatur adulter, mœchaq; : non incognitum supplicium ejus criminis à Cæsare Imperatore sancitum, quod ultimum fuisse adnotat Omphalius. De quo Q. Horatius ita lusi:  
*Mox & lex maculosum edomavit nefas.  
Culpam poena premit comes.*

Et sane Opilius Macrinus jurisperitus Imperator factus, adulterii reos semper vivos simul incendit, junctis corporibus, teste Capitolino. Plane vero tandem Constantinus lege summum supplicium irrogasse videtur. Cæterum quoque adulter apud Arabes capite plectitur, apud Ægyptios naso, apud Pisidas insidens asino circumducitur, adulteram apud Germanos, excisis crinibus, maritus expellit domo, & per omnem pagum nudam verberare adficat, at nefarie Cumæi peccatum peccato accumulantes, cum tolerabilius sit uni prostitutam esse, quam multis, ut B. Hieronymus ait, in adulterio deprehensam omnibus exhibent subigendam, sicut

& quondam Romæ, si qua mulier in adulterio capta fuisset, hoc non emendabatur, sed potius ad augmentum peccandi tradebatur. Includentes enim eam in angusto prostibulo, & admittentes, qui cum ea fornicarentur, hora, qua turpitudine miscbantur, tintinnabula percutiebant, ut eorum sono illius injuria fieret manifesta. quod Theodosius Magnus non passus est permanere: sed eā prostibula destrui iubens, aliis pœnis adulteram sancivit affligi. Cumani etiam in adulterio deprehensam soliti sunt ducere in forum, & inibi saxo imponere, ab omnibus spectandam, dein a sino insidentem per urbem pervectam, in eundem locum restituere, ex quo deducta erat, indeque infamia notatam *ὀνόματι* seu *ὀνομασίᾳ* appellare. Mos quoque fuit, ut mulieres convictæ adulterii, virili toga indutæ, in publicum procedere cogerentur: ac præcipue notarentur, quæ novæ nuptæ id admiserant, quippe cum, ut semper malum adulterium, & peius periurio Philosophorū multorum sententia, ita pessimum in novis nuptis iudicetur. Porro iure Romano



mano licet plerunq; patri ac marito  
 ejus, cum qua commissum est adul-  
 terium, ipsum adulterum deprehen-  
 in re venerea occidere. Vnde etiam  
 loris cedere licere jure argumentatur  
 Albinus. Et alii, licere occidere  
 quoque ipsum qui deprehenditur  
 oscula libare gnata, vel uxori, & pu-  
 denda ejus, ac vel mamillas attrecta-  
 re, quod Græci uno verbo dicunt  
*ἐπιμάζειν*, remotis arbitris, docuerunt.  
 quoniam res ejusmodi venereæ sunt,  
 ut est notatum. Quod non satis con-  
 stat capite illo, quo dicitur Pompo-  
 nius scripsisse, in ipsis rebus Venereis  
 deprehensum occidi, quando ita sub-  
 jungit Vlpianus, & hoc est, quod So-  
 lon & Dracon dicunt, *ἄρδρα ἐν ἄρδρῳ*  
*ἔχειται*. Sic enim Græcum illorum re-  
 stituit Budæus: quod in ipsa legum  
 tabula erat; planissimo testimonio  
 Luciani. Quod frustra rejicit Alcia-  
 tus ipse legens *ἐν ἑαυτῷ*. quod idem signi-  
 ficatur, vel teste Luciano eodem. A-  
 pud quem Mercurius, narrans Apol-  
 lini adulterium Martis cum Venere,  
 & quomodo in ipso deprehensi es-  
 sent, ac ligati vinculis illis, quæ ad id  
 tetenderat Vulcanus Veneris maritus,  
 ait:

L. quod  
 ait. & seq  
 ad le. Iul  
 de adult.  
 ff. l. Græc  
 chus. eo.  
 titu. C.  
 L. nec in  
 ea. r. ti. ff.  
 Angel.  
 areti. tra  
 aa. de re  
 famē. ad  
 illud: Do  
 nec castē  
 & hone-  
 stē vixe-  
 In d. l.  
 quod ait.

i. e. mē-  
 brum in  
 membro  
 habentē.

i. e. ubi  
autem a-  
scende-  
rant le-  
gati atq;  
in opere  
erāt, atq;  
recti su-  
perja-  
cerent,  
iis inne-  
xa fuere  
vincula.  
i. e. cubā-  
tem apud  
uxorem.

L. 1.  
de mu-  
lier. quæ  
prop. ser.  
se junx.  
C. c. 5. de  
adulte. c.  
literis de  
pæsup.

ait: καὶ ἐπεὶ δὲ ἐπέβησαν τῇ λέχαι, καὶ ἐπὶ τῇ  
ἦσαν, καὶ ἐπὶ τῇ ἐγένοντο τῷ ἀρχύων, φερόμεναι  
μὲν αὐτοῖς τὰ δόσμεα. Idemque reor si-  
gnificare quod apud Lyfiam orato-  
rem excusans necem Heratosthenis  
adulteri, inquit, ipsum visum κατακί-  
μῃον παρὰ τῇ γυναικί. Quanquam hoc  
proprie intelligi potest dictum, quod  
ille simpliciter visus sit jacere cum  
muliere, quadam sermonis modestia,  
quæ præcipue decora videtur marito-  
propriæ uxoris turpitudinem maxi-  
mam explicanti. Qui quidem lo-  
quendi pudor communis est cum cæ-  
teris eruditioribus linguis. Latini  
enim, ut autor est Varro: quadam mo-  
destia potius cū muliere fuisse, quàm  
concubuisse dicebant: Sicut Hebræi  
dormiisse, ut habetur in Deuterono-  
mio. Id quod unum & alterum jus  
nostrum est imitatum. Aut etiam sanè  
dictus videri potest Heratosthenes  
adulter visus jacere cum muliere, quia  
id tantum revera perspectum esset, ac  
omnino inde intelligeretur concu-  
buisse cum ipsa. Quod non perinde  
existimatum esset, neque existiman-  
dum, jure adparet ex antecedentibus  
illis Veneris, quoniam, ut vetus ha-  
ber.

bet proverbium, multa interveniunt inter os & offam. Et ita demum permiffa est potestas vindicandi fefe patri, vel marito, fi adulterum deprehenderit: ita ut talis omnino videatur, ne forte talis præcipue iratus, & fibi ipfi jus non folum dicens, verum etiam exequens, fe quidem iniuria adficiẽtem, at non illa, quam ut Lyfias fcripfit: ἀστυτε ἀνδραποιδεινοτάτω

ἡ γυνὴ, tanquam adulterum perimat.

Quod nec magistratibus ullo iure licet: qui iubentur variis peccatis varias & pro modo culpæ pœnas inferre, illudque verbum deprehendo, quo lex utitur, denotat: quod eft omnino & aperte prehendo, in flagitio fcilicet, ut vix etiam, qui deprehenditur, ea quæ commifit, negare fufficiat, ut ipfa etiam Constantini lege declaratur. Cui verbo refponder

i e. ὄνα  
homines  
graviffi-  
mā effe  
exifti-  
mans.

L. qui  
fen. de  
pœ.

Græcum, καταλαμβάνω, ας λαμβάνω, verbum anomalum, ἀπὸ τῆ λήω, ἀχέω, quibus hac ipfa in re ufi funt B. Ioannes, Lucianus, Lyfias, & cæteri. Et referuntur leges ipfæ Græcè habere:

ἐὰν τις μοιχὸν λάβῃ, ὅτι ἀνέλεν ὁ χεῖρ. μήτε καταγνάσκει φόνε, ὅς αὖ ὅτι δάμαρπ τῇ ἑαυτοῦ μοιχὸν λαβὼν, ταύτῃ τῇ πμωρεῖαι ποιήσεται.

Auten.  
fi quis.  
C. de  
adul.

Cæte-



i.e. Si quis adulterum ceperit, quod voluerit faciat. neque illum damnare homicidii oportet, qui adulterum super uxorem suam capiens, illam vindictam, nimis mortis infliget.

Cæterum, olim apud Romanos, de iure occidendi, ut retulit ex M. Catonis oratione Gellius, ita scriptum erat. In adulterio uxorem tuam si deprehendisses, sine iudicio impune necares: illa te, si adulterares, digito non auderet contingere, neque jus est. Et Iulius Paulus inter receptas sententias inquit, inventam in adulterio uxorem, à marito ita demum occidi posse, si maritus adulterum domi suæ deprehendat. Quod quidem non est receptum à Triboniano iuris, quo nunc utimur, concinnatore. Eo enim constat omnino occidi non posse à marito uxorem adulteram. At etiamnum eodem iure obtinet, ne accusari quidem posse ab uxore maritum adulterum. quod & iure canonico obtinere tradunt, quantum publicè interest, legitimam pœnam irrogari: propterea quod caput mulieris sit. At eadem ratione, vel alio, ut apud nos procuratore regio ad publicam vindictam persequendam in omnibus criminibus constituto, accusante, tanto

L. nec in  
cad l. si  
adul. S.  
Impera-  
tores. ad  
leg. Iuliam  
de adul.  
ff. l. i. eo.  
tit. C.  
Pan. in c.  
tuz. de  
procur.  
&c.

tanto magis puniri debet, quanto ad eum pertinet magis, & virtute vincere & exemplo regere mulierem, ut censuit B. Augustinus: nec sicut publici juris se habere visa est ratio, sola mulier adultera est, quæ habet alium, servanda fides ab altero utriusque, imo exemplo continentia docenda uxor, ut se castè gerat. Iniquum est enim, ut id exigas, quod ipse præstare non possis, ut ait Lactantius. Unde & beatus Ambrosius, Nemo, inquit, sibi blandiatur de legibus hominum. Omne stuprum adulterium est. Nec viro licet, quod mulieri non licet. Eadem à viro, quæ ab uxore debetur castimonia. Quicquid in ea, quæ non sit legitima uxor, commissum fuerit, adulterii crimine damnatur. Et certè, ut ait etiam B. Antoninus, cum viri communiter excellant in vigore rationis, non minus peccant, sed gravius, quam adulteræ. Sicque monet Aristoteles: Viri ad uxorem iniuria cesset: ita enim nec ipse iniuriam patietur. Est autem iniuria illa, externarum coitus. At non decet etiam hominem sanæ mentis, ubicunque contigerit, semen exponere, ne de vilibus

L. quod  
ait. in fi.  
de divor.  
ff.

& iniquis similes liberis legitimis procreentur: ex quo & uxor honore suo privatur, & filiis iniuria fit, ac sibi pro his omnibus dedecus incumbit. Neque sane uxorem suam vir habere videtur pro uxore, qui se alienis commaculat desideriis, & vel concubinam tenet, ut denotatum est ab Vlpiano. Videat igitur, ne & ipse, ut par esset, ni Deus refragaretur, pro marito non habeatur, iuxta Crassi dictum ad Philippum eiusmodi: *Quomodo ego te habeam in Consulem, qui non habes me in Senatorem?* Sanè qui non vult alteri viro postponi, ne præferat amoribus ullam coniugis, ut Ovidius habet. Sicut & qui nondum duxit uxorem, dicturus est tamen, si intactam invenire velit, talem se servet, oportet. Veluti docet B. Augustinus. alioquin non indignetur quisquam si non purus, etiamsi maxime puram velit, imprudens in non puram incidat, & tori proprii violator, etiamsi maxime zelet uxorem (ut est mos hominum) quemadmodum, inquit Homerus:

Δύσζυκοι γὰρ τ' εἰσιν ὅτε χθονὶ φύλ' ἀνδρώπων.  
i.e. *Ad zelum proclives sunt gentes hominum;* adul-



adulteram habeat, Deo permittente.  
 Qui contra velut præsul custosq; est  
 fidelis coniugii, non patiens ipsum  
 pollui. In quo quidẽ quis facit quod  
 potest, quod non potest, ipsi Deo  
 committit, in quem sperat: ut san-  
 ctorum scriptis inter canones relatis  
 aperte docemur. Deinceps Aristote-  
 les, Maximus ait honor est sobriæ  
 mulieri, si cernat virum suum obser-  
 vantem sibi castitatem, nec de ulla  
 muliere magis cogitantem, sed præ  
 cæteris omnibus hanc & suam & fi-  
 dam sibi existimantem. Tanto enim  
 magis studebit mulier se talem præ-  
 stare, quanto se fideliter ac iuste cog-  
 noverit diligì à viro. Itaque laudabile  
 est, & utile, inquam, & iucundum ab  
 aliena muliere abstinere, viro ipsi, uti  
 uxori. Quod si quid eo vir peccet,  
 longe ægre fert, quemadmodum di-  
 xit Seneca:

c. nemo.

32. q. 4 c.

quæritur

22. q. 2.

*Ultimum est nupta malum,  
 Palam mariti possidens pellex domum.  
 Leve esse credis pellicis nupta malum?  
 Quicquid dolorem pascit, id nimium puta,  
 Magnus dolor iratus amor est.  
 Nec regna socium ferre nec tædæ sciunt.  
 Id & Iustinianus noster testatur, ma-  
 trimo-*

L. confen-  
fu. de re-  
pud. C.  
auten. de  
nupt. §.  
mitio.  
Baptista  
Severi.  
in rep.  
leg. si  
qua. ad  
Orf. C.

rimonii violationem, quæ fit à ma-  
ritis, uxores circa cubile stimulas  
exasperare, & præcipue castas. Et qui-  
dam legum interpretes scripsit, uxorem  
bene meritam consuevisse turbari;  
quando violatur à viro communis  
torus, commiscante se alteri maxi-  
mæ ancillæ emptitiæ, propriæ, dome-  
sticæ. Neque enim bene convenire,  
nec in uno lecto morari uxorem &  
concubinam. Quod vetus dictum ni-  
mium verum adparet ex prædictis.  
Præter enim, quod ipsum per se adul-  
terium dedecus adfert omnibus, Deo  
permittente, id sæpe evenit, ut vel ira-  
ta conjunx quoque fiat adultera, &  
viri vitæ insidietur, ne quid amplius  
dicam. Præterea, advertimus, ait B.  
Ambrosius, adulterium divino iudi-  
cio puniri morte, cum ait Deus Abi-  
melech, qui Sarram uxorem Abraham  
in uxorem sibi sumpserat: Ecce tu  
moreris propter mulierem. Hoc est,  
si eam tetigeris, & adulteraris. Et  
ideo videtur quod iudex, etiam ho-  
die posset adulteros punire ad mor-  
tem, ut Faber noster, in hoc dissimu-  
latus ab omnibus, scripsit, equidem  
rectissime, & tradidit, ne quicquam  
iuri

In §. i-  
tem lex  
Iul. de  
publ. iud  
inst.  
Iul. l. 1. ad  
fi. quæ sit  
lōga con-  
fuer. C.  
1. relegā-  
tes. 23 q.  
5. cū ibi  
no. l. quā  
vis. de a-  
dult. C. l.  
1. eod. tit.  
1. in Lon-  
gob.

iuri in adulteros constituto derogari hujus regni consuetudine; quæ certè est contra jus divinum, notatum expresse à B. Ambrosio, præter illud, quod dicitur præceptum legale, & contra jus pontificū, (quod Canonicum dicitur) & contra Romanum, seu civile, ac Longobardicum: quibus omnibus pœna in adulteros mors est: nisi quidem in muliere, posteriori jure civili expressim, ob sexum imbecilliolem, post verbera, pœnitentiæ destinata. Et cum ita res se habeat, male excusatur reprobatissima consuetudo à quibusdam, pudendo favore causantibus tolerantiam Principis, conservationem multitudinis hominum adulterantium, propter fragilitatem humanam. Cum & leve admodum sit argumentum tolerantiae Principis, non facile cogitantis quotidie, ac minime intendentis renovare omnia, quæ haud dubie putat non ignorari à suis magistratibus, quibus ea rejicit intentus aliis. Nec multitudo delinquentium graviter, continue, & successive, excusat, vel minuit pœnam, sed aggravat. Nimirum cum multis grassantibus exem-

Autent.  
sed ho-  
dic. eod.  
tit. C.

Cravera  
cōf. 137.



plo opus sit, præcipue in re, quæ deest nemini, nisi forte potiora petens se ipse cohibuerit. Nisi inquam voto se adstrinxerit quisquam, licet ei parem conjugio adsciscere: quo nedum pareret posteritatem, verum etiam infirmitati consulat & satisfaciat: ut jam nulla excusatione dignus adpareat, qui adulterat: nullam mereat indulgentiam, qui sacrum violat, adductus tantum sua vanissima, & perversissima, & pessima voluntate. Deinde consideranda est criminis hujus gravitas & excellens nequitia, comparatione, quod sit sæpius, bestiarum. Inquit B. Chrysostomus: Cum naturale sit animalium ut non unius masculi sive fœminæ lege contenta sint, & naturale Angelorum, separatos esse omnino ab usu libidinis: jam fit, ut unius contentus conjugio, non animal quodammodo sit, neque Angelus, sed homo. Et qui nec unius se passus est haberi usu libidinis, naturam humanam supergreditur, fitque Angelus. Similiter vero consequens est, ut qui non unius conjunctione est contentus, sed plurium appetit concubitus, neque Angelus, neque homo sit, sed

sed belluinus. Quales Turci: quibus  
levis matrimonii necessitudo: apud  
quos singuli pro opibus plures uxores  
habent. Regibus eo amplius nu-  
bere licet. Ita animus multitudine  
distractus, nullam pro socia, pariter  
omnes viliter habet, ut Æneas Syl-  
vius ait. Quin elephantos Plinius scri-  
bit, nulla noscere adulteria, nullâve,  
propter fœminas, inter se prœlia, cæ-  
teris animalibus perniciofa. Nō quia  
desit illis amoris vis. Traditur enim  
unus amasse quandam in Ægypto  
corollas vendentem: ac ne quis vul-  
gariter electam putet, miretur gra-  
tam Aristophani celeberrimo in arte  
Grammatica. Illudque proditur de  
columbis. Atq; equus comparem su-  
um diligit, & si mutetur, alius trahere  
jugum nescit compar alterius: eo  
destitutus, se totum non putat. & ho-  
mo conjugalem suum repudiat, &  
sæpe putat mutandum. Rex inquam  
animalium homo, & dominus, & di-  
vina præstans ratione, in hominem,  
in fratrem, in seipsum hoc ager? tan-  
tam perpetrabit injuriam? adeo ini-  
micus homini esse poterit, & junctis-  
simo consorti, ut quæ maxime nolit,

ingerat? quod infamissimū sit, quod injuriosissimum, inferat? adeo malus & vilis, ut tanta cum injuria proximi non erubescat explere pessimam voluptatē? Equidem non potest nō esse in facinore isto vel admodum inimica mēs, vel maxima animi vilitas; (adeo tamen viluerunt hominum ingenia, ut nihil contemnant fortius) quin-imo vilis habeatur, qui in his non viluit. &, ut Augustinus ait, pudet non esse impudentem. præcipue vero de hoc male audiunt, qui inclytiores habentur, & quibus sunt amabiliores fœminæ. Testis est noster Faber, Cancellarius ille quōdam clarissimus hujus regni, adulteria reputari pro industria. Et alius scribit, litigantem in foro contra eum, qui ejus uxorem dehonestavit, magnum pudorem pati solere, & risum magis, quam justitiam reportare. Et notat Erasmus, nunc magnatum lusum esse adulterium; nō sine stomacho vere ingenuo quidem subiungens, sæviri autem in miseros fures atrocius, cum nec Draconis, vel Romanæ, ullæve Ethnicorum, seu ipsæ Mōsaicæ leges simplex furtum supplicio capitis vindicaverint; sed avari-



avaritiam nostram facere, ut usquea-  
deo simus infensi furibus. Et ideo  
magnum malum existimamus fur-  
tum, quia pecuniam summi boni lo-  
co ducimus. in quo latior est Vtopia.  
Mori campus, & commentariorum  
Bolenci Aurelianensis legum inter-  
pretis. quanquam hoc quidem ma-  
gis constat vel testimonio Gellii, Dra-  
conis legibus cautum, furem cuius-  
cunque modi furti supplicio capitis  
puniendum. Sed ad rem. Ælium Ve-  
rum Imperatorem maximum prodij-  
dit Spartianus uxori conquerenti de  
extraneis voluptatibus dixisse: Pa-  
tere me per alias exercere cupiditates  
meas: uxor enim dignitatis nomen  
est, non voluptatis. Cæsar Octavius  
multis fœdatus adulteriis quoque  
fuit: tamen eius vitii severissimus  
ultor extitit. Nam & Poëtam Ovi-  
dium pro eo, quod tres libros ama-  
toriae artis nequissime scripsisse vide-  
batur, exilio damnavit, ut Sext. Aure-  
lius refert. ita convenit. quod ipse O-  
vidius de ipso Cæsare cecinit altero  
libro Fastorum:

*Hic castas duce se jubet esse maritas.*

*Ut prope verum videatur, quod Plau-*

tus habet: qui nisi adulterio studiosus, rei nulli aliæ est improbus. Id quod tamen solum, ut adparet multis, improbissimum est. Sane ut apud lascivas mulierculas magni sunt adulatores, sicuti scribit Plutarchus: ita & apud lascivos homines atque intemperantes: dum bonos viros una contentos muliere, uxore scilicet, rusticos & alienos à Venere vocant, itaque fit, ut nobilium istorum complures cum propriis dormientes mulieribus, cum formosis, tum etiam amantibus, idque secure, nihil tamen commoveantur. Cæterum Phrynæ Laidive per soluto argento, cum corpore sint ægro, & ad coitum ignavo, excitantur tamen & irritantur ad voluptatem per lasciviam, & inanis, imo perversissimæ gloriæ causâ: sicut & quando alienum torum occupant, nullo præpediente timore: quanquam in maximo versantur periculo. Aegre enim fert quisque super omnia fere, id toro suo inferri dedecoris, ac magis, quàm sibi pollui sororem, sive matrem, atque eam ipsam uxorem occidi: ut B. Hieronymus attestatur. Et quamvis uxoris impu-

dici-

dicitiā plane ultimus nesciat maritus, vix aliqua uxor impudica est, quam non suspectam vir habeat, & proinde observet, maxime vero senex, teste Xenophonte: præterea inventam male mulctet cum adultero, magnopere iratus zelo quodam naturali, quo tanguntur & bestia. De quibus Seneca inquit:

*Venere instructi quam magna gerunt.*

*Grege pro toto, bellica juvenci,*

*Si conjugio timuere suo:*

*Poscunt timidi prælia cervi,*

*Et mugitus dant concepti signa furoris.*

Vnde adversus illos ita ludit Martialis:

*Cur aliena placet tibi, qua tua non placet uxor?*

*Nunquid securus non potes arrigere?*

Certè viro coniugis concubitus expetenti quovis tempore tuta via est, periculosa vera alieno toro inhiantibus: quanquam hoc ipsum impudicos delectat. Quamobrem meretricibus etiam subditus, nuptis insidians Vitellius Imperator, iucundiores inaniebat esse amores, qui cum periculo habentur, ut retulit Philostratus. Item illos Gulielmus quoq;



Maranus perstringit versibus hisce:

Dicam de genere hoc plerosque minusq;  
pudicos;

Qui cum legitimi jungantur, fœdere  
lecti,

Virtute egregiis, facieq;, domoq;, puelli,

Scorta tamen fœdasque lupas in fornice  
quarunt,

Ac per adulterium nova carpere gaudia  
certant,

Despectasque probro relinquunt, quas do-  
rus amaret

Hippolytus. tanta est aliena in messe vo-  
luptas,

Seq; volutabris, contempto gurgite puro,

Turpiter immergunt per multa incom-  
moda vita.

lib. 2. in  
chimæ-  
ram spi-  
ritalem.

Ea autem incommoda idem multis  
enarrat magna ex parte, & in univer-  
sum ostendit hominum fœdam tur-  
pissimi huius amoris luxuriam, & præ-  
cipue sacerdotum, in quibus cum in-  
cestu quodammodo est etiam adul-  
terium sacrilegum. Eorum tamen  
adeo nullis vinculis constricta bac-  
chatur lascivies, ut seculares uxorati  
plerisque locis non multo plures ha-  
beant liberos, ut Alvarus Pelagius ait.  
Itaque melius, secundum religionis

sua

sua morem, Orientales presbyteri  
utuntur matrimonio iam vel in sacris  
ordinibus contracto, cum legitimo  
ita uti possint concubitu. Quanquam  
id minimum iuvat eos, qui incautius  
animalem observant cupiditatem.  
Qua fit, ut maior videatur & melior  
vicina seges. quemadmodum ait Lu-  
venalis, cecinitque Ovidius:  
*Nam capiunt animos plus aliena suis.*

*Fertilior seges est alienis semper in agris,  
Vicinumq; pecus grādus uber habet.*

Et Plinius, Magna, inquit, mortali-  
bus suarum rerum satietas, aliena-  
rumque aviditas est. atque, ut dixit  
*ἡμετέριον* hoc ipsum notans He-  
braeus Sapiens, *סֵם נְנוּבִים יִמְתְּקוּ וְלֶחֶם*  
: *סְתֵרִים יָנֵעִם* ubi panem absconditū  
& aquas furtivas appellat commode  
Venerē extēram; cuiusmodi est ma-  
xime, quod & notatur, furtim com-  
mitti adulterium. unde raro possibilis  
est eius directā probatio. quamobrē  
per præsumptiones, & famiam satis  
probatum censetur: & per testes  
singulares: vel scilicet ad pœnam mi-  
tiores, & separationem tori. Nec  
ab re etiam traditur, cum quis habet

L. quæ  
uxor. &  
ibi Bald.  
de repud.  
ff.  
Innocē.  
in c. præ-  
tere. de  
testibus.  
Deci. ca-  
tho. 310.  
§. præco-  
nizantur

& ibi  
Barau-  
ren. de  
leçon.

potestatem inquirendi contra fures  
& latrones, co intelligi illi compete-  
re quoq; facultatem inquirendi con-  
tra castitatis violatores. Cujus etiam  
dicitur latrocinium, κλοπή τε καὶ ληστεία,  
tenebras scilicet amans, fugiens lu-  
cem. Quemadmodum scripsit illu-  
stris ille & sacer heros Iob; Oculus  
adulteri observat caliginem, dicens,  
nonne videbit oculus? & operiet vul-  
tum suum. Perfodit in tenebris do-  
mos, sicut in die condixerant sibi, &  
ignoraverunt lucem. Si subito adpa-  
ruerit aurora, arbitrantur umbram  
mortis: & sic in tenebris quasi in lu-  
ce ambulant. Quasi Deus non videat.  
Cujus oculi multo plus lucidiores  
sunt sole. Cui ante, quam crearen-  
tur, omnia sunt agnita: & qui post  
perfectum respicit omnia. Homo au-  
tem fornicarius dicit: Quis videt me?  
tenebræ circundant me. Ei omnis  
panis dulcis. Non fatigabitur trans-  
grediens usque in finem, ut ait Eccle-  
siasticus.

## CAPUT IV.

*De raptu.*

**R**aptus haud dubie atrox crimen  
admodum; quippe quod pessi-  
mum



mum criminum dictum est à lege, L. ripte  
res. de  
ep. &  
cler. C.  
 tum minime jucundum iis etiam ipsis  
 patratonibus est. Nam quidem ab in-  
 vitis hostibus aliquid sumere, res o-  
 mnium jucundissima est, sed à puellis  
 volentibus gratia jucundissima venit.  
 Protinus ipse mutuus redamantis  
 aspectus jucundus est: jucundæ per-  
 contrationes, jucundæ responsiones.  
 Jucundissimæ vero & imprimis Vene-  
 reæ lites, tum contentiones: at in-  
 vitis puellis frui, latrocinio similis  
 videtur, quam voluptati veneræ.  
 Quanquam prædoni aliquid adfert  
 voluptatis partim lucrum, partim  
 quod urit inimicum. At quis ejus  
 cruciatu gaudet, quam amat? aman-  
 tem odisse, & attingere moleste fe-  
 rentem, grave illi etiam & miseran-  
 dum est malū, uti habet Xenophon-  
 ticus Hiero. Adhæc vero illarum  
 minus læditur pudicitia, quæ hoc  
 modo violantur invite, corpore qui-  
 dem alienam libidinem vi patiente,  
 at minime admittente animo. Qui  
 quidem ipse est, qui peccat, non cor-  
 pus, ut Livius scripsit in Lucretia, ut-  
 que Annæus inquit, mens impudicā  
 facere, non casus solet. Id quod tra-

dit etiam Gratianus questione posita speciali: ac potius augeri pudicitiam ista re & passione invisissima. Quocirca minime est mirandum, quod Deus id pati permittat, etiam mulieres integritate sanctissimas, ac moribus honestissimas, violari. Etenim sicut morte rapti dicuntur quidam in sacra Sophia, ne malitia mutaret intellectum eorum: ita quiddam ab illis vi rapitur, ne prosperitas mutet modestiam earum: iis enim id demittitur quidem, unde hominibus placere gesserunt, remanet autem quod ostendi hominibus non potest, ut ait B. Augustinus. Insuper scripsit Leo Papa episcopis per Africam constitutis, famulas Dei, quæ integritatem pudoris oppressione Barbarica perdididerant, laudabiliores futuras in humilitate ac verecundia, si se incontaminatis non auderent comparare virginibus. Itaque non oportet aliquam ob id impatientius dejici, nec, ut tale quid vitet, sese in certum vitæ dispendium excitare, & facinus cedere; quale, cum multarum, tum Cymbriacarum longe impium; sed potius, vel primis scilicet moribus excitam

ad talia, seipsam cohibere debet in circulo rationis, orare, & astutum quidem, si potest, commodum invenire. Quale ab Annonio memoratur duarum filiarum Gisulphi Longobardorum ducis: quæ ne ab hostibus captæ contaminarentur, crudas pullorum carnes sibi inter mammas sub fascia posuerunt. Præ quarum ex calore corporis, putrefactarum fœtore, qui eas adibant impudici, sunt repulsi. Nec dubium est, jure etiam talem, vim inferentes occidere posse. de quo lex Platonis ita concepta est: Qui mulierem liberam, aut puerum, ad rem Veneream vi subegit, impune non ab eo solum, cui vis est illata, verum etiam à patre, fratribus filiisque, vita privetur: maritusque si vim uxori inferentem perimat, lege mundus sit.

## C A P. V.

*De stupro.*

**S**Tuprum, impudentissimam virginalis, sive vidualis honestatis deflorationem, & contaminationem nequissimam, quis hominum tam  
 huma-



humanitatis nescius, & officii oblitus  
sui, patrare possit? siquidem vir à vir-  
tute dicitur, mulier à mollitie: quip-  
pe quod viro ex officio humanitatis  
& virilitatis incumbit, consortem ea-  
dem naturâ imbecillio rem, mulierem  
tueri & servare intactam. Virilitatis  
enim est & roboris, mollitiem & im-  
becillitatem custodire & defendere  
integram, non oppugnare & corrup-  
pere. Ideo canis & molossus valens,  
pastorque robustus, ovibus custodia  
sunt, animali simplicissimo, imbecil-  
limoq; Quos si quis, viderit non cu-  
stodire illas, sed disperdere, & tracta-  
re perperam, quis, inquam, non in-  
famet, & quantum in se est, non cor-  
ripiat, & castiget? à quo domino non  
male audient, & vapulabunt? Sic  
profecto hominem quemcunq;, mu-  
liebris honestatis corruptorem, nemo  
bene sanus non infamem duxerit,  
tanquam etiam seipsum inhonoran-  
tem, & dedecore adficiemem, magis,  
quam mulierem: nec quisquam non  
dicet lupum potius, quam hominem,  
vel etiam canem, comedentem quæ  
servare debeat. Itaque perstringit  
Claudianus eunuchum Eutropium,  
quod

quod cum omnibus unica esset virtus in eunuchis , thalamos servare pudicos, ipse adulteriis crevisset. Similiterque Terentii Thais, Pythiam alloquens ancillam , quæ Chæream adolescentem constupratorem virginis ad custodiam & famulitium admiserat, eunuchum putans ut talem ornatum, Scelestâ, inquit, ovem lupo commisisti. tum illi adornato adhuc deprehenso : Os impudens, credin'te impune abiturum ? Et convenit illud Iob dicentis : Conterebam molas iniqui, & de dentibus illius aufererebam prædam. Ac nemo, inquam, non credit, si modo non insanus, talem subiturum gravissimam Dei indignationem , & supplicia maxima, qui illi mulierẽ tanquam ovem commisit, tanquam pastori; cui, male exequenti demandatam sibi à Deo custodiam , væ illud manet, quod per Ezechielem pronuntiat ipse Deus pastoribus Israel , qui pascebant semet ipsos, gregem autem non pascebant: quod infirmum fuit, non consolidabant : & quod ægrotum, non sanabant, sed occidebant, comedebant, dispergebant in devorationem. Pariter,

ter, cum viro, veluti vinea agricolæ, mulier sit commissa, qui illius curam perperam egit, utique videbitur futurum, ut juxta euangelium cum malis male perdatur agricolis. Potissimum vero, qui specialiter ad tuendos homines sunt constituti in dignitate, hujusmodi habebuntur male. Principesque maximi proinde pessime. qualis fuit Augustus: qui à Tranquillo scribitur, postquam ab adulteriis destitit, ad vitiandas virgines promptior fuisse; quas etiam particeps sceleris uxor sua conquirebat undique sibi. Heliogabalus quoque, qui & nupsit & coit, ut Lampridius refert, mulieres nunquam iteravit, præter uxorem: sicut nec annulos nec calciamenta, nec linteamen: id quod lotum nunquam attigit; mendicos ducens, qui iis uterentur. Quot est credibile hoc pecus nefarium vitiasse? cum esset libidiniosissimus, immensæque luxuriei, & potestatis maximæ. quem dignum erat primum vel toto cum testibus cole privari! quemadmodum à pluribus factitatum est generibus, ut scilicet ei, qui liberam vitiasset, virilia execarentur. Sunt vero etiam



etiam ex hoc malo mala pleraque ab  
 ipsis impudicis mulieribus, culpan-  
 dis quoque proculdubio admodum:  
 quæ si timerent fieri impudicæ, nun-  
 quam fierent, sicut scripsit Tertullia-  
 nus: Difficile mulier fit, quæ timet  
 fieri. Quæque jam facta non potest  
 virginem mentiri sub Deo; quanta  
 circa uterum suum audebit, ne etiam  
 mater detegatur? Scit Deus, quos  
 jam infantes & perfici, & perducia ad  
 partum integros duxerit, debellatos  
 aliquamdiu à matribus. Etenim fa-  
 cillime semper concipiunt & felicissi-  
 me patiunt hujusmodi mulieres, &  
 quidem simillimos patribus. Quos  
 si non edit:

*Sape, suos utero qua necat, ipsa perit.  
 Dignum; nec scelus;  
 Quod nec in Armeniis Tygres admiserit  
 antris:*

*Perdere nec foetus ausa Leana suos.*  
 An, quia diffugitur labor in filiis, qui  
 in nobis susceptus est à parentibus,  
 tantum nefas aggredimur? Esto; pu-  
 dor est prodere reatum, quasi non id  
 Deus videat, & magis sic celatum ul-  
 ciscatur? & tamen nihil pudet exe-  
 crabilis criminis, nihil moratur Dei  
 expe-

expectanda vindicta? ac vel præsentaneum corporis supplicium ultimum non timetur? Quod huic crimini decretum, Cicero, Triphonius, Paulus, ac si nec vita partui fuerit exilium, Vlpianus & Martianus aliique docent? & sicut ille rursus canit:

*Qua prima hoc statuit teneros convellere  
fœtus,*

*Militia fuerat digna perire sua.*

Verum enimvero, ut alius ait, Perimuntque fœtus impiæ matres suos, & dux malorum fœmina & scelerum artifex, obsedit animos, cujus incestæ stupris fumant tot urbes, bella tot gentes gerunt, & versa ab imo regna tot populos premunt. O scelere vincens omne fœmineum genus!

## C A P. V I.

### *De Fornicatione.*

**E**OS autem amores qui sectantur, hoc maxime probro dantur & vituperio, quod è multis malis malum quod minimum est, ut Plautus ait, habeant, quo suam possint libidinem satiare. Atqui id minimum malum non est quod Plautus dixit his verbis:

Id

Id minimum est malum, qui potest mulieres vitare, vitet, ut quotidie, pridie caveat ne faciat quod pigeat postridie. Id enim bonum est plane, si vel in nuptiis id quisque agat, ut valde bonum, si in viduitate caste permaneat; atque optimum, si in virginitate perseverans pudice vixerit, ut docti multi tradiderunt, præcipue theologi. Et nostrorum quidem aliqui etsi ineptè opinati sunt, actum conjugalem exerceri non posse, saltem sine peccato veniali. Quod tamen juste notatum est, & alii hoc ipsum dixerunt seu voluerunt, quod ex Plauto retulimus, de ipso matrimonio autoritate Canonis. Qui tamen intelligitur obtinere, cum non amor procreanda sobolis, sed voluptas dominatur in opere commissionis. Minimum autem omnino malum est, in amore malo, cum nequioribus prædictis facta collatione, simplex cum muliere fornicatio omnibus patente. Tales enim meretrices dictæ, ut cætera vitentur, quæ sunt pejora, dissimulantur à legistoribus, malentibus utiq; si fieri posset, ut omni libidine abstineretur: qua corpus Christiani, habi-

racu-

Ha. in. c.  
1. 5. sed  
cum nat.  
dis. 5. 10  
ann. 2  
turre ibi  
dē, & ali-  
bi. cū ali-  
is. Cam-  
pez.  
tracta. de  
dote. par  
1. q. 49. c.  
nervi. &  
ibi no.  
pe. Lom-  
bard. lib.  
4. dis. 11.  
Gloss. in  
c. inter.  
de spōs.



raculum spiritus sancti, sit corpus diaboli. Quo terrore revocari deberet ab ejusmodi cujusque bona mens: ac vel pessimi cogitatio pudore afficeretur, si considerarit, naturam humanam factam esse Christi sponsam per incarnationem. Nimium vero dedecet, & haud cuiquam tolerandum, necnon maximè pudendum videbitur, sororem sponsæ, id est nostram humanam naturam, prostitui, & immunditia pollui, ut ait Clichtoveus. Sed ut sunt mores seculi, nunquam non corruptissime effrenati, toleranda videntur majoribus scorta. Vnde apud Plautum Phædromus adolescens: Nemo huic probibet, nec vetat, quin quod palam est venale, si argentum est, emat. Nemo ire quemquam prohibet publica via, dū ne per fundum septum facias semitam. Dum te abstines nupta, vidua, virgine, juventute, & pueris liberis, ama quod lubet. Ad hæc Flaccus ita:

*Desine matronas sectarier, unde laboræ  
Plus haurire mali est, quàm ex re decerpere fructus.*

*Nec magis huic inter niveos viridesque  
lapillos,*

*Sic licet hoc, Cherinthe, tuum, tenerum  
est femur, aut crus*

*Rectius, atque etiam melius persape to-  
gata.*

*Adde huc, quod mercem sine fucis gestat  
aperte:*

*Quod venale habet, ostendit: neque si  
quid honesti est,*

*Iactat, habetque palam: quarit quo tur-  
pia celet. &c.*

Nec ab re ipse etiam rursus Plautus in Curculione scripsit: Taciturnissi-  
mum ita tuum conferto amorē sem-  
per, si sapias, ne id quod ames, populus  
si sciat, tibi sit probro. In quo est quo-  
que adagium à Gersonensi Theologo  
memoratum: Si non caste, tamen  
caute; quo cætera etiam errata fiunt  
minora, publicata quidem majora,  
maximè propter scandalum & malum  
exemplum. Verum etiam hic amor  
per se deterrimus est, & peccatum  
nequam supra cætera: quemadmo-  
dum ait Apostolus: Omne peccatum  
quodcunq; fecerit homo, extra cor-  
pus est: qui autem fornicatur, in cor-  
pus suum peccat. & similiter quodam  
loco B. Cyprianus. Ideo corporale  
seu carnale peccatum vocatur in iure  
pon-

c. lator.  
& ibi Io.  
an. à Tur  
re. 2. 97.

pontificum. à quo Plato maxime homines dehortatur, etiam perhibens, permultos bestiarum greges videri integre atque caste, antequam procreandi tempus advenerit, vivere: cumque hanc ætatem attigerint, matrem foeminæ, & foeminam mari conjunctam juste ac sancte, in prima perseverantes amicitia, reliquam peragere vitam; oportere sane homines permultis bestiis pejores non esse, sed potius, si homines sint, meliores.

## CAP. VII.

*De improba Veneris bonis ac malis.*

**P**orro hujus amoris, atque universim cæterorum malorum, opposito ante quocunq; bono eorum, sive voluptate, vere mala quam maxima omnis generis, omni in parte, multaq;, sunt perspicienda. Ecce bona & voluptates quasque maximas, ita quidem relatas à Catullo:

*Vivamus, mea Lesbia, atque amemus:*

*Rumoresque senum severiorum:*

*Omnes unius aestimemus assis.*

*Da mihi basia mille, deinde centum,*

*Dein usq; altera mille, deinde centum.*

*Dein*



Dein cum millia multa fecerimus,  
Conturbabimus illa, ne sciamus,  
Aut ne quis malus invidere possit,  
Cum tantum sciat esse basiorum,  
Qua nec pernumerare curiosi,  
Possint, nec mala fascinare lingua.

Et à Propertio ita:

O me felicem, nox ô mi candida, & ô tu  
Lectule delitiis facte beate meis.

Quam multa opposita narramus verba  
Lucerna,

Quantaq; sublato lumine rixa fuit?  
Illa meos somno lasso patefecit ocellos,

Ore suo & dixit, siccine, lente, jaces?

Dum nos fata sinunt, oculos satiemus a-  
more.

Nox tibi longa venit, nec reditura dies.

Quibus etiam similia sunt illa Catullis:

Interea dum fata sinunt, jungamus  
Amores.

Iam veniet tenebris nox adoperta ca-  
put.

Iam subrepet iners atas, nec amare de-  
cebit.

Sed jam hic quoq; in quantum ma-  
xima voluptate dolorem quendam  
videre est, mœstitiam, & cruciatum,  
ex future privatione. Usque adeo nul-  
la est sincera voluptas, sollicitum ali-  
quid

quid læto intervenire, ut dixit Ovidius. Hoc vero præter conscientiae stimulum, & quandam assiduam flagellationem. Qua re pejus nequicquam mali unquam inveneret. In eo quoque adipiscendo timor similis & cruciatio, infamiae vitaeque periculum, & animi & corporis bonorumque detrimentum; sicut scilicet in fruendo nunquam quies, sed inanis vel etiam crucians meditatio, & omnimoda occupatio: ut vel illa indicant Naso-

*Attenuant juvenum vigilata corpora  
noctes,*

*Curaque, & immenso qui sit amore  
dolor.*

*Ut voto potiare tuo, miserabilis esto.*

Quamquam Tibullus ait:

*Securum in tenebris me facit esse Ve-  
nus,*

*Nec vetat obscura surgere nocte ti-  
mor.*

*Parcite luminibus, seu vir, seu foemina  
fias.*

*Obvia celari vult sua furtiva Venus.*

Quibus accommodum est illud Pro-  
pertii:

*Non juvat in media nomen habere via.*

Ad-

Adhæc inquit Catullus :

*Si linguam clauso tenes in ore,  
Fructus projicies amoris omnes.*

*Verbosa gaudet Venus loquela.*

Item verò Propertius :

*Tu tamen interea, quãvis te diligat illa.*

*In tacito cohibe gaudia clausa sinu.*

*Namq; in amore suo semper sua, Maxi-  
me, cuique,*

*Nescio quo pacto, verba nocere solent.*

*Quamvis te persape vocet, semel ire me-  
mento.*

*Invidiam quod habet, non solet esse  
diu.*

L. Apulejus scripsit, somnum atque  
amorem diversam inter se vim possi-  
dere : amorem vigilandi, somnum so-  
porandi. Vigilia autem ista somnus  
est quidam quibusdam, etiam prædi-  
tus somniis. Itaque inquit Maro :

*Oredimus? an qui amant ipsi sibi soma-  
nia fingunt?*

Et Tibullus :

*Dum mihi venturam fingo, quodcunque  
monetur,*

*Illius credo tunc sonuisse pedes.*

Cn. Cornelius :

*Candida, clamabam, propèra; cur, Can-  
dida, cessas?*

Q

Nòx



*Noxabit; & furtis lux inimica venit.*

*Credo equidem, assuetas animo remeare figuras:*

*Et fallax studium ludit imago suum.*

Lucianus scribit, plerosq; amatorum mulierum, absentibus illis, opera aliqua & sermones ab ipsis habitos memoria repetere, iisque immorando morbum fallere, perinde atque si illæ ipsæ amatae adsint. Quos quidem istos miseros & infelices amantes cælli quidam ac veteratores amassii fastidienter ducunt lactantque: videlicet quo jugiter amantes ambient ipsos, atque inserviant. Cæterum, ex amoris fluctu ne summo quidem osculo impertiunt; intelligunt enim, copia facta, dissolvendum amorem. Id igitur ne fiat, præcavent, diligenterque sui copiam subtrahunt: alioquin spe semper retinent amantes: metuentes, ne desperatio minuat cupiditatis ardorem, amantesque à se alienet. Proinde semper arrident, pollicenturque; semper facturi sunt, semper gratificaturi, semper ingentiū sumptuum rationem habituri, donec imprudentes omnes senuerint, atque

utris.

utrisque jam præterierit ætas : his ad amandum, illis ad dandum. Atque ita omni vita nihil illis omnibus peractum est ultra spem meram, eamque pessimam, pessimo eptam. Qui ludus etiam mulieribus, scilicet impudicis veteratricibus, per familiaris existit : atque ita jam utriq; amantes magno malo vincuntur; quod canit Propertius, inquit :

*Omnia vertuntur, certè vertuntur amores.*

*Viceris, aut vincis : hac in amore rota est.*

Sicut tamen idem ait :

*Semper amantes, fructu semper amoris egentes.*

Ac ii quidem interea scilicet alterius non carent fructu amoris pessimi. Vnde, nec dum senes ætate, jam mala illius sentiunt, & curis turbantur opibus fidæ, expertis cælibatus; quemadmodum admonet Cn. Cornelius, dicens :

*Discite venturam jam nunc sentire senectam.*

*Calibis ad curas nec vacet ulla via.*

Maxime vero cum, etiamsi divites fuerint, eo facile facti sint inopes;

haud dubie, juxta illud Martialis :

*Dispensatorem fallax spoliavit amica.*

Ideoque Epictetus Philosophus Adriano quærenti, Venus cur nuda pingitur? respondit:

*Nuda Venus picta est, nudi pinguntur  
amores.*

*Et queis nuda placet, nudos dimittat,  
oportet.*

Ad idem Plautus scripsit: Amator meretricis mores sibi emit auro & purpura. Mulier tantisper blanditur, dum illud quod rapiat, videt. Vnde mala nulla meretrix est, ut idem Plautus ait, sed ut ipsum enarrans explicat Baptista Pius, pessima & facinorosissima. Sane qui tanti hanc voluptatem facit, ut contemptis tot præclaris rebus, hanc unam petat, operæ pretium est multas faciat expensas, etiam circa lenones ac lenas: de quibus proverbio dicitur: Non fore meretricem aliquam, nisi lena esset. Quibus ad miseræ aures non repugnantium virguncularum, inter cætera, usitata sunt verba similia his quæ canit Horatius:

*Miserarum est, neq; amanti dare ludum,  
Neque dulci mala vino lavere, aut ex-  
animari*



*animari metuentis patria verbera  
lingua.*

Et quod habet Aufonius :

*Vtere rene tuo; casta puella anus est.*

Nec ab re Sannio Terentianus ait ;  
fateor, leno sum, communis perniciēs  
adolescentium, perjurus, pestis. Quin  
& turpes hæ personæ probe suis pin-  
guntur moribus etiam à Plauti leno-  
ne ita loquente : Non tu scis ? hic  
noster quæstus aucupii simillimus est.  
auceps quando concinnavit aream,  
effundit cibum, aves assuescunt : ne-  
celle est facere sumptum, qui quærit  
lucrum. sæpe edunt, semel si sunt ca-  
ptæ, rem solvunt aucupi. Item hic  
apud nos ædis nobis area est: auceps  
sum ego, esca est meretrix: luxus, illex  
est: amatores, aves. Bene salutando  
consuescunt, compellâdo blandirer,  
osculando, oratione vinula, venustu-  
la, si papillam pertractabit. Haud est  
ab re aucupi; suavium si sumpsit, su-  
mere eum licet sine retibus. Portito-  
rum similimæ sunt januæ lenoniæ, si  
adfers, tum patent: si non est quod  
des, ædes non patent. Idcirco etiam  
Tibullus, ceu impudens amator, ita  
deprecatur:

*Iam tu qui Venerem docuisti vendere  
primus,*

*Quisquis es, infelix, urgeat ossa lapis.  
Tu procul hinc absis cui formam vende-  
re fas est,*

*Et pretium plena lata referre manu.*  
Sicque magis divitem petunt hi, atq;  
meretrices, quam pulchrum : ut vo-  
luptuosior etiam per se solet esse di-  
ves atque elatior & pronior ad inju-  
riam. Vnde Phocylides, non bonum,  
ait, esse abundantem mortalibus uti-  
litatem : multas enim delitias ad im-  
moderatos trahere amores; & has, fa-  
cientes scilicet divitias multas, super-  
bos etiam reddere homines, & ad in-  
juriam proniores. Quanquam pul-  
chri fere libidinosissimi sunt. Vnde  
Plautus militem impudicum glorio-  
se & falso inepteque de se prædican-  
tem facit ita : Nimia est miseria, ni-  
mis pulchrum esse : molestæ sunt,  
orant, ambiunt, obsecrant; videre ut  
liceat, ad sese accersi jubent, ut una  
liceat adire operam negotii. Nec ab  
re Marullus gentis nostræ Poëta in-  
quit :

*Au fait d'amours beau parler n'a plus  
lieu,*

*Car*

*Car sans argent vous parlez en Hebreu,  
Et fussiez vous le plus beau filz du monde.*

Cæterum prolixè narrat impudicæ c. 7. 9. 29.  
mulieris môres sapiens Hebræus in  
adagiis. Adhæc cōsideranda est istius-  
modi amoris brevitās, & inconstan-  
tia nihilominus ac dolor varius, ma-  
gnus & multus, infelicitas & mors ex  
eo contingens, ipsoque per se fœdo  
admodum ac pravo. Quā in re Pro-  
pertius in primis ita canit:

--- Nullus amor faciles ita præbuit alas,  
Ut non alterna presserit ille manus.

--- Mutat via longa puellas.

Quantus in exiguo tempore fugit a-  
mor.

Hocque, licet antea scilicet constan-  
tia fuerit promissa, assertaque maxi-  
mè, & dictum vel illud ejusdem:

Multa prius vasto labentur flumina  
ponto,

Annus & inversas duxerit ante vices,  
Quam tua sub nostro mutetur pectore  
cura.

Sin quodcunq; voles, nō aliena tamen.  
Quave mihi viles isti videantur ocelli.  
Et illud Catulli:

Nulla potest mulier se tantum dicere,  
amatam,

Q 4

Nulla.



Vere, quantum à me, Lesbia, amata,  
mea es. (tanta,

Nulla fides ullo fuit unquam fœdere  
Quanta in amore suo ex parte reperta  
mea est.

Itaque etiam inquit Propertius :

O nullis tutum credere blanditiis ,  
Nulla ne finis erit nostro concessa dolori ?  
Te non ulla mea læsit petulantia lingua.  
Sed tu non debes inimica credere lingua.  
Qui modo felices inter numerabar a-  
mantes,

Nunc in amore tuo cogor habere notã.  
Hoc unũ didicit fœmina semper opus.  
Nō sic incerto mutantur flumine Syrtes,  
Nec folia hyberno tam tremefacta  
Noto,

Quam cito fœminea non constat fœdus  
in ira .

Expertus dico , nemo est in amore fidelis,  
Nulla diu verbi fœmina pondus habet.

Ferre ego formosã nullũ onus esse puto,  
Formosam raro non sibi quisque petit,  
Formosis levitas semper amica fuit.

Durius in terris nihil est quod vivat a-  
mante ,

Nullus liber erit si quis amare volet .  
Tum Cornelius Gallus :

Solve precor miserã tali de corpore vitã ;

Mors.

Mors est jam requies, vivere poena  
mihi.

Non sum qui fueram, periit pars maxi-  
ma nostri.

Hoc quoque quod superest, languor &  
horror habet.

Lux gravis in luctu, rebus mœstissima  
latis :

Quodque omni est pejus funere, velle  
mori.

Cogimur à gratis animum suspendere  
rebus.

Atq; ut vivamus, vivere desinimus.

Stat dubius tremulusque senex semperq;  
malorum

Credulus, & stultus qua facit ipse  
timet.

Laudat prateritos, praesentes despicit an-  
nos,

Hec tantū rectū quod sapit ipse putat;

Se solum doctum se judicat esse peritum:

Et quod sit sapiens, desipit ipse magis.

Multa licet nobis referens eademque re-  
volvens

Horret, & alloquium conspuit ipse  
suum.

Deficit auditor, non deficit ipse loquendo.

O sola fortes garrulitate senes.

Omnia nequicquam clamoris vocibus  
implet.

Q

Nil

Nil satis est: horret, quæ placuere  
modo.

Arridet de se ridentibus, ac sibi plaudens,  
Incipit opprobrio latior esse suo.

Hæ sunt primitiæ mortis, his partibus  
ætas.

Defluit, & pigris gressibus ima petit.  
Non habitus, non ipse color, non gressus  
euntis,

Non species eadem, quæ fuit ante, ma-  
net.

Labitur ex humeris demisso corpore ve-  
stis:

Quæq; brevis fuerat, jam modo lon-  
ga mihi est.

Contrahimur, miroque modo decresci-  
mus ipsi.

Diminui nostri corporis ossa putes.

Nec calū spectare licet: sed prona senectus  
Terram, à qua genita est, & creditura,  
videt.

Fitq; tripes prorsus, quadrupes, ut par-  
vulus infans,

Et per sordentem, flebile, serpit humū.

Ortus cuncta suos repetunt, matremq;  
requirunt.

Et redit ad nihilum, quod fuit ante  
nihil.

Iam pœna est totum quod vivimus; uri-  
mur astu. Offi-



Officiunt nebula, frigus & aura nocet.  
Ros ladir, modicoq; etiam corrumpimur  
imbre,

Veris & Autumnu ladir amœna dies.  
Hinc miserum scabies, hinc tussis anhelâ  
fatigat :

Continuos gemitus agra senectus ha-  
ber.

Si modo non possum, quondam potuisse  
memento :

Sit satis ut placeâ, me placuisse prius.  
Përmanet in validis reverentia prisca  
colonis.

Quod fuit in verulo milite, miles amar.  
Rusticus expertum deslet cessisse juven-  
cum :

Cum quo cõsenuit miles, honorat equũ.  
Sum grandævus ego, nec tu minus alba  
capillis.

Respuit amplexus, heu, stupefacta meos.  
Iàmque alios juvenes aliosque requirit  
amores :

Nec meminisse volet transactâ dulcia  
vita :

Nec quod me potius reddidit ipsa senẽ.  
Etenim libidinosa & intemperans a-  
dolescentia effœtum corpus tradit se-  
nectuti, ut ait Tullius. Vnde etiam  
inquit Tibullus :

*Heu, sero revocatur amor, seroque juven-  
ta,*

*Cū, Venus, infecit cana senectū caput.*

Et ait Ausonius :

*Sed modo qua nobis lucrosa libido vide-  
tur,*

*laetūram senio mox subeunte feret.*

Atque non ab re Xenophon dicit, voluptate juvenes corporibus debiles fieri, in senio vero amentes. Et commodè B. Cyprianus, obscœnum ludibrium, ait, nec corporibus parcens, nec animis. Item Xenophon scribit, dictum scilicet ab Homero, Vlyssis errantis socios in sues conversos à Circe, quos videlicet ipsa in sues quasi verterat luxuries. Non adeo sane unquam homo fit similis pecori, ac præcipue sui, animali spurcissimo, gaudenti volutabro, quam agens libidinofam istam impuritatem. Insuper, ut ait Epictetus Philosophus, Venus straba est, quia pravus est amor. Hæc libido scilicet, honestatis noverca est, dum quid expediat nescit; semper est majestati contraria. Atq; cum sint quatuor ebrietatis genera: primum, vinolentia; secundum, rerum obliivio; tertium insania; quartum, libido.

libido est. Vnde nomina hæc quatuor Bacchi acceperunt, Bacchæ dictæ sunt, ut tradit Fulgentius. Itaque etiam Plautus: nimis vile est vinum atque amor, si ebrio atq; amanti impune facere, quod libeat, licet. Et à Iustiniano amore Bacchata mulier dicitur. Præterea Plautus ita de amore scripsit: Nam amorem hæc cuncta vitia sectari solent: cura, ægritudo, nimiaq; elegantia. Hoc non modo illum, qui amat, sed quemcunque attingit, magno atque solido multat infortunio. Nec pòl profecto quisq; sine grandi malo, præterquam res patitur, studet elegantia. Sed amori accedunt etiam, his quæ diximus, insomnia, ærumna, error, & terror, & fuga, ineptia, stultitiaque adeo & temeritas, incogitantia, excors immodestia, petulantia, cupiditas, & malevolentia. Inhæret etiam aviditas, desidia, injuria, inopia, contumelia, & dispendium. De quo quidem dispendio jam supra dicta sunt. At vero, etiam Luxuria apud eundem intrinummo: Primum mi Plautus nomen Luxuriæ indidit, tum mihi hanc gnatam esse voluit Inopiam. Vt intelli-

S. si iust.  
de success.  
que heb.  
per.



telligatur ipsa libido; atque omnis, quæ illi adesse solet, luxuria, inopiam parere omnem, interea scilicet dum minima quis utitur copia. Quemadmodum canit Petrarcha:

*In somma sò, come inconstante e vaga,  
Timida, ardita, vita de gli amanti,  
Ch' un poco dolce molto amaro appaga.  
E sò i costumi, e i lor sospiri, ei canti,  
E' l parlar, rotto, e' l subito silentio,  
E' l brevissimo riso, e i lunghi pianti,  
Equal è 'l mel temprato con l' assentio.*

Nimirum & Plauti amator, Igitur, inquit, hoc cine est amare? arare mavelim, quàm sic amare. Ibi hoc malum ego inveni; voluptatem ægritudo vincit, adolescens moritur, dum valere sentit, sapit. Nunc si ullus deus amaret plus annis decem, plus jam viginti mortuum esse oportuit, terræ odium ambulat, jam nihil sapit, nec sentit. tanti est, quanti est fungus putidus. Memorant & Platonem dicere solitum, quoties hominem amore irretitum videret: ille in copore proprio mortuus est, vivit in alieno. Quàm multis item non solum morbis, sed etiam aliis tristissimis casibus puniuntur heuæationes & libidines? Nec

pro-

perfecto illæ pœnæ casu accidunt, ut inquit Melanchthon. Inter hæc autem, duo præcipue amoris malo exitiosa & incomparabilis incommodi accidunt mala, sæpe divino iudicio. Vnum est incurabile atque inextinguibile quasi inferum sulphur, corpori inhærens morbus, adusque vivum & medullas penetrans, languidum corpus faciens, exuccum, putridum, deforme, cruciatus mirandum in modum exquisitos & tormenta inenarrabilia inferens, Variolam vocant & medici. Sed hi sane, hoc ac pleraque alia ad physices & medicinæ referentes scientiam, sua medica arte efflicti falluntur, ac una fallunt inscios ac stupidos. Tametsi haud scio, an alicujus tanta habitudine impeditum est cerebrum, ut non aperte videat immissum à cœlis hoc malum, non à planetis astrisque colucentibus, sed ab excandescente ira Dei, in scelus coram oculis Dei inter cætera nequissimum, atque horribile, insupportabileque, ingratiissimum, indignissimum, inexcusabile omnino. Quam grave, ut ex humo membra etiam quodammodo facta ad imagi-

nem

nem Dei, membra consecrata spiritui Dei, membra Christi, templum Dei vivi, faciam membra meretricis, coaptem diabolico ac inimico Dei conjugio seu concubitu, cum etiam melius, penitusq; divino possim ac Deo probato idem quod expedit & oportet assequi, si meipsum scilicet continentiae non subjecero: quod temere faciendum non est. Deus proculdubio matrimonium instituit, & adfuit iterum in sua secunda persona carne vestitus humana matrimonio; quod factum est in Cana, vico Galilææ, beati ut traditur, Ioannis Evangelistæ. Quanquam opera carnis hoc vacaverit, sicut & matrimonium Ioseph, quod fuit cum virgine Dei matre. Ex qua inquam ipse Deus, etiam matrimonio spiritus sancti mysteriū velante, carnem assumere voluit, pro redemptione nostra, & amore, quo verè nos dilexit maxime. Dixit & per fuit Apostolum gloriosum Paulum, ut qui non se potest continere, nubat; melius enim esse nubere, quam uri: & ut quisque ita propter fornicationem uxore habeat. Quo institutum primum ad officium matrimonium,



nium, patet jam esse quoq; ad remedium, ut fufius theologi catholici docent, ficque, ut fe habet illud Lucretii:

*Nec Veneris fructu caret, qui vitat amorem:*

*Sed potius, qua sunt sine pœna, commoda sumit.*

Quo major est indignatio Dei, in illos, qui lasciviunt, spreto legitimo conjugio, vel prohibito suscepto perperam voto. Quos (ut canon habet) rectius fuerat hominum subiisse conjugium, & ambulasse per plana, quam ad altiora tendentes cadere in profundum inferni. Mirum hoc sane, quo indignitas Veneris ex legis, contraq; dignitas matrimonii, palam fit: cum frequenter cognitum fit, etiam juvenes, etiam corpore sanissimos, & integerrimos, etiã nulli alii, quam sibi invicem ipsis fornicatione infervientes. cum non putent, subito corripri eo malo, quemadmodum Maria leprâ, cum fratri Moyfi detraxisset, tamen id nunquam ullo in matrimonio, etiam in temperatissimis conjugibus, accidere visum est. Huc accedat, quod facile quidem sanantur ii, qui

c. si Paulus. 32.  
q. 5.

qui ab impudicis illam contraxerunt  
contagiolabem, impudenter vel cu-  
bando, vel bibendo una, uno cantha-  
ro (quod de rivalibus Plautus ait) po-  
tando: qui vero ipsa contraxerunt  
impudicitia malum, hoc nullo modo  
unquam satis curantur. Alterum est  
malum, omnino maximum, damno  
& malo, sine controversia, alia quæq;  
damna & mala penitus superans, ir-  
reparabileq;, libidinis ad extremum  
insana pertinacia: malum certe pa-  
lato & linguæ, ut ita dicam, animæ  
præcipue acerbum, asperissimum, gra-  
vissimum omnino. Quo qui sunt ad-  
fecti, simile mihi pati videntur vene-  
no afflictiis dipsadis. Sunt autem  
dipsades bestiolæ in Libya, serpentum  
omnium nocentissimi, nō admodum  
magni, viperæ similes: quos arena  
nutrit. Ova pariunt qualia fere Stru-  
thionum magnorum esse perhiben-  
tur, eaque studiose gentes vicinæ in-  
dagent, non edendi tantum gratia, sed  
quod illis evacuatis pro vasis utan-  
tur, maxime vero poculis: quoniam  
nequaquam figulinam exercere pos-  
sunt, cum terra inibi sit arenosa. Di-  
psades vero insidiosè excubantes,  
cum

cum quempiam accedentem vident, mox ex arena prorumpunt, & ipsum sæpe adsequentes feriunt ictu. Qui quidem veneno crasso dolores ilico inducit intolerabiles, incurabilesq; : necnon sitim perniciosiorem : quam dum percussus potu sedare putat, auget, eo crassum illud venenum movens, & humidius reddens, ac per omnia membra diffundens; ac sic, cum incendatur corpus, & ardores patiatur inextinguibiles, & putredines, totumque aduratur incendio, percussi clamant, non secus, atque illi, qui in ignem coniecti sunt : quantoq; plus biberint, tanto magis potum expetunt, ac subinde magis ac magis potando crescit bibendi desiderium, ipsumque simul malum; quo, bibentes quantum fieri potest, & nihilominus sitientes magis, tandem infelicissime moriuntur; ut docet Lucianus. Idque narrat in bello civili evenisse Catonis militibus per Libyam transeuntis, præcipue vero uni, Lucanus, his elegantissimis versibus :

*Has inter pestes duro Caro milite siccum  
Emetitur iter : tot tristia fata suorum,  
Insolitasque videt parvo cum vulnere  
mortes.*

*Signi-*



Signiferum juvenem Tyrrheni sanguinis  
Aulum,

Torta caput retro dipsas calcata momor-  
dit.

Vix dolor aut sensus dentis fuit: ipsaque  
lethi

Frons caret invidia: nec quicquam pla-  
ga minatur.

Ecce subit virus tacitum, rapuitque me-  
dullas

Ignis edax, calidaque incendit viscera tabe.

Ebibit humorem circum vitalia fusum.

Pestis, & is sicco linguam torrere palato

Cœpit. defessos iret qui sudor in artus

Non fuit, atque oculos lachrymarum ve-  
na refugit.

Non decus imperii, non mœsti jura Ca-  
tonis,

Ardentem tenuere virum, quin spargere  
signa

Auderet, totisq; furens exquireret agris,

Quas poscebat aquas, sitiens in corde  
venenum.

Ille vel in Tanaim missus Rhodanumque  
Padumque

Arderet: Nilumque bibens per rura va-  
gantem,

Accessit morti. Libya, fatique minorem

Famã dipsas habet terris adjuta perustis.

Scrui-

*Scrutatur venas penitus squalētis arena.*

*Nunc redit ad Syrtes, & fluctus accipit ore.*

*Æquoreusque placet, sed non sibi sufficit humor.*

*Nec sentit fatigue genus mortemque veneni.*

*Sed putat esse sitim, ferroque aperire tumentes*

*Sustinuit venas, atque os implere cruore.*

Res mira sane, & maxime omnibus tremenda impudicis: notum, plerisque, homines etiam non indoctos, adeo accensos libidine, ut ne quidem morientes averfarentur meretricem, qua cum diu vixerant impudentes: imo ad extremos usq; singultus iuxta se habentes illam, oscula peterent, & exciperent: eoq; scilicet manifestum facerent futurum in eos Dei supplicium, in quo vere ardentes semper, desiderarent vel guttam aquæ linguam refrigerantem, magis quam

οψώνιος ἐν τῇ πλῴῃ τῆς διψάδος. Hoc

i. e. sitientes ex  
plaga discip  
satis.

magnum nimis & miserandum malum non obscure docuit sacer Proverbiographus, cum dixit: Fovea profunda meretrix, & puteus angustus aliena. Omnes qui ingrediuntur ad  
cam,

cam, non revertentur, nec apprehendent semitas vitæ. Et Iob, dicens: Si deceptum est cor meum super muliere: hoc enim nefas est, & iniquitas maxima, ignis usque ad perditionem devorans, & omnia eradicans germina. Et Oseas ita: Fornicatio, & vinū & ebrietas auferunt cor; ligavit enim spiritus fornicationis deceptos in animis suis. Et confundentur à sacrificiis suis: non dabunt cogitationes suas, ut revertantur ad Deum suum: quia spiritus fornicationis in medio eorum: hoc est diabolus; qui de fornicatione præcipue potest homines tentare; à qua denominatur ita, ut aliàs ab aliis vitiis, quibus peculiari-ter præsidere datum; ut tradit Petrus Lombardus in sententiis theologicis.

l. 2. dist.

## CAP. VIII.

*De vehementia amorum, quæ volentes tantum ac insipientes comprehendit, & illis mire insidiatur.*

s. quis  
30. dist.

**A**T enim non me laret, magnum ac difficile penitus esse se continere.



tinere. Vnde Canon, Paucos inveniri sine carnis vitio, habet. Et plane ait Hebræorū Sapiens: Non potest quis esse continens, nisi Deus det. Quod & latius & eleganter dicit B. Cyprianus, libro de bono pudicitiae. Ille vero rursum, Multos, inquit, vulneratos dejecit, scilicet meretrix & incontinentia, & quique fortissimi interfecti sunt ab ea. Quibus verbis conveniens est illud, quod scribit Aristot. in Politicis, videri, qui primus fabulatus est, non sine ratione Venerem Marti conjunxisse, quoniam omnes hujusmodi, milites videlicet, proni sunt ad Venerca, illisque obnoxii quodammodo. Vnde Claudianus de bello Gildonico cecinit, quod in omnibus bellis dici posse videmus:

*Nulla quies aritur: præda cessante, libido:*

*Divitibusque dies, & mox metuenda maritis.*

Quamquam in milite ratio pudicitiae magis requirenda, quam in alio, ut quidam nostrorū scripsit. Sane etiam Iulius Cæsar, qui inter milites, imo duces, imo homines omnes tantum enituit, ut ejus ductibus decies centū

Chas.  
conf. 39.

&

& nonaginta duo milia hostium caesa sint, præter eos quos in bellis civilibus fudit, tam libidinosus omni ex parte fuit, ut Curio pater, quadam oratione, eum omnium mulierum virum, & omnium virorum mulierem appellaverit: Consentaneum est quoque id quod ait Origenes, vincti armatos forma mulieris. Et quod Fulgentius, Carthaginensis Episcopus, in mythologiis de Hercule ait: Muliebris illecebra major est mundo: quia quem mundi magnitudo vincere non potuit, libido compressit. Cæterum itidem humana, inquit, virtus, quamvis ad omnia munita, tamen libidinis ictibus subjacet parula. Nec ab re P. Ovidius ait:

*Et Venus ex tōta gente tributa petit.*

Plato inquit, omnes voluntates ab amore superari, eumque dominari. Xenophon, coli, captarique à fœminis splendidis ac summopere magnificis, plurimum habere voluptatis: Lucianus, fœmineum genus, etiam si saxum fuerit, amari dixit. Adeo vero placet libidinosa voluptas, ut ne quicquam grave pati durum sit, ut ea potiat quidem sæpius omnino, non quod

quod ametur impudica mulier. Quāquam ea vulgo dicitur amica. Et Masurius Iureconsultus dixit, Quæ uxor non est, & cum aliquo impudice habitat, dici amicam vero nomine. Quæ quidem quodammodo amari videtur atq; amare, sed magis unusquisque ejusmodi propriam voluptatem amare videtur: habeturque verius talis mulier, quemadmodum Erasmus habet, pro matula. Adhæc canit Claudianus:

*Paupertas me seva domat, durusque  
Cupido.*

*Sed toleranda fames, non tolerandus  
amor.*

Sex. Propertius:

*Multi longinquo periere in amore libenter.*

Sed & jam scilicet assuetum amorem hujusmodi non est facile relinquere: sicut canit Tibullus:

*Difficile est longum subito deponere a-*  
*morem.*

Et Propertius:

*Omnes humanos sanat medicina dolores.  
Solut amor morbi non amat artificē.  
Differtur, nunquam tollitur omnis  
amor.*



Ovidius :

*Amor non est medicabilis herbis.*

Æschinus Theocriti :

Κ. ὦ, τι τὸ φάρμακόν ἐστιν ἀμυχανέοντος ἔρωτος  
Οὐκ εἶδα.

*i. e. Quod nam vero sit Pharmacum in-*  
*consulti amoris,*

*Ignoro.*

Verūmenimvero clarum est nos ejus-  
modi volentes maxime irretiri : ut

Gallus canit :

*Interdum rapimur vitiis, trahimurque*  
*volentes.*

Nolentes autem nequaquam trahi-  
mur propter liberum arbitrium, no-  
bis tributum à Deo, nedum à Chri-  
stianis catholicis, verumetiam à Phi-  
lone Iudæo, & Ethnico Platone, ut  
alios mittam, assertum. Vnde ille ver-

*i. e. à ma-  
lis ope-  
ribus li-  
berā ma-  
num ha-  
be.*

siculus : ἔρχων πομπῶν χεῖρ' ἐλευθέρων ἔχει.

Cui accommodari potest illud Cai-  
jureconsulti in fragmentis relatum :

Qui neque sequantur, neque ducan-  
tur. Qui enim volens non sequitur  
tentatorem, neq; ab eo ducetur no-  
lens. Quandoquidem ut vere habet  
vulgatum B. Gregorii verbum: Debi-  
lis est hostis, non vincit nisi volentē.

Item vero ait Propertius :

*Omne*

*Omne in amore malum, si patiare, leve est.*

Et Ovidius:

*Posse pati, facile est. Tibi ne patientia desit.*

Et Xenophon ait, flagitiosos homines cupideratibus omnibus se pre-  
stare inferiores: deinde amores ac-  
cusare. at honestos atque probos vi-  
ros, etsi hi quoque cupiunt & aurum  
& equos bonos, & mulieres pulchras,  
ab his tamen omnibus facile posse  
abstinere, ut non his magis, quam  
deceat, subditi sint. Idemq; injustum  
Sophistam vocat amorem. Quem ple-  
rique omnes dixerunt deum, cum  
minime deus sit iste, sed ut ait Pho-  
cylides, *πάθος αἰσθητὸν ἀπάντων*, & ut dixit

Andrelinus vates, *Amaror & error.*

i.e. noxie  
omnium  
passio.

Atque lapsum amoris, hunc amorem  
definit Varenius, verum quidem a-  
morem esse dicens, quo quis amans,  
in pulchrum fertur: quod est solum  
amabile, tantoque amabilius, quanto  
pulchrius: in quo discernendo judi-  
cio bene consulto est opus. Et caven-  
dum ne quis etiam pulchrum arbi-  
tratus amet, quod revera fœdissimū  
est, ostenso melle, venenum bibens.

noxium, dulci falsus prælibamento.  
 Qualis est Veneris gravis, Veneris o-  
 diosa, Veneris mortalibus inimica  
 filius, iste Amor. Cui mentes mala,  
 dulcis loquela. Non enim æquale in-  
 telligit, & loquitur, sicut mel, vox  
 ejus. Si autem irascitur, mens est cru-  
 delis. Deceptor, nihil vere dicens :  
 dolosus infans, rustica ludit. Bene  
 comatum caput, habet autem impu-  
 dentem vultum. Ne quid tangas de-  
 ceptoria dona : hæc igne omnia tin-  
 cta sunt, inquit Theocritus. Quem-  
 admodum alius :

*Noxia dona time : quicquid tetigerit,  
 perurunt.*

Tum, ut commodè habet Erasmus,  
*Mollibus hic studet ille tebris, indulget  
 amor,*

*Blandaq; mortifera gaudia carnis a-  
 mat.*

Nec inepte cecinit Claudianus :

*Luxuries, prædulce malum, quæ dedita  
 semper*

*Corporis arbitriis, hebetat caligine sen-  
 sus ;*

*Membraque Circeis effæminat acrius  
 herbis.*

Porro vero non mirum, ait Ficinus, si  
 pate-



patefactus oculus & intentus in aliquem radiorum suorum aculeos jaculatur, atq; etiam cum aculeis istis, qui spirituum vehicula sunt, sanguineum vaporem illum, quem spiritum nuncupavimus, intendit. Hinc virulentus aculeus transverberat oculos: cumque à corde percutientis mittatur, hominis perculsi præcordia quasi regionem propriam repetit: cor vulnerat: inque ejus duriori dorso hebescit, reditque in sanguinem. Peregrinus hic sanguis à faucii hominis natura quodammodo alienus, sanguinem ejus proprium inficit, infectus sanguis ægrotat, hincque duplex sequitur fascinatio. Cujusmodi etiam aliqua perimit. De qua referuntur multa à Baptista Pio ad Sidoniū: aspectus foetidi senis, & mulieris menstrua patientis, puerū fascinat: aspectus adolescentis fascinat seniore. Quoniam autem senioris humor frigidus est, atq; tardissimus, vix dorsū cordis attingit in puero, & ineptus ad transitum, cor, nisi propter infantiam sit molliissimum, parum admodum commovet. Hæc ideo levis fascinatio est: illa vero gravissima, per quam junior

transfigit præcordia senioris, ut in affectu quoque amoris evenit. Et tunc mortales summopere fascinantur, quando frequentissimo intuitu aciem visus ad aciem dirigentes, lumina jungunt luminibus, & longum miseri combibunt amorem. Sicut etiam canit Ovidius:

*Dum spectant laesos, oculi leduntur & ipsi.*

*Multaque corporibus transitione nocent.*

Et quemadmodum illud etiam habet Vergilii:

*Carpit enim vires paulatim,uritque videndo,*

*Fœmina.*

Sicq; Agrippa in Magia: scias, inquit, rum maxime fascinari, quando frequentissimo intuitu aciem visus ad aciem dirigentes oculi oculis reciproce inhiant, radii radiis copulantur, & lumina luminibus junguntur. Tunc spiritus spiritui jungitur, & scintillas defigit: sic fortissimæ ligationes, sic amores acerrimi, solis oculorū radiis accendentur: etiam vel repentino quodam intuitu veluti jaculo seu ictu totum corpus penetrant.

trante: undetunc spiritus & sanguis amatorius sic vulnerati non aliter in amantem & fascinantem feruntur, quam sanguis & spiritus & vindictæ alicujus cæsi prolabuntur in cædentem.

## C A P. IX.

*De remediis amorum.*

**I**N remediis igitur hoc primum, ut monet Ficinus, est cavendum, ne intentiores oculos quisquam habeat vel admittat ad libidinem. Cavendi quoq; reliqui luxus. Nam luxus luxum trahit, non secus quam annulus annulum in catena. Nimirum sic Pittacus, teste Aristotele, ebriis indixit pœnam capitalem. Legimus, virum sanctum in convivio imprudenter effusiores cibo potuque sumpto, in adulterium, atq; hinc in homicidium prolapsus. Hæcque fuit proculdubio iniquitas Sodomæ, ut Ezechiel quoque ait: גאון שבעת לחם ושלוח : השקט

Et ita Ovidius:

*Ergo ubi visus erit nostra medicabilis arte,*



*Fac monitis fugias otia prima meis.  
Hæc ut ames faciunt, hæc quæ fecere tu-  
entur,*

*Hæc sunt jucundi causa cibusq; mali.  
Languor, & immodici sub nullo iudice  
somnia,*

*Aleaque, & multo tēpora cassa mero,  
Eripiūt omnes animo sine vulnere vires.*

*Adfluit incautis insidiosus amor.*

His enim & similibus luxibus & pro-  
gigni ardorem quendam igneum in  
corporibus nostris, manifestum est,  
& testatum quoque à B. Hieronymo,  
cum dixit, ventrem mero æstuantem  
facile despumare in libidinem; & ab  
Aphro-Poëta, dicente, sine Cerere &  
Baccho frigere Venerem. Sane hoc  
ardore amorem istum accendi, etiam  
non nemo dixit ostendi, quod Venus  
nupta sit Vulcano. Tametsi id quoq;  
denotare possit, quod amantes ira-  
cundi sunt, sicut Lucianus testatur.  
Ea vero in parte, scilicet, divites ac  
maximi quique plurimum metuant,  
necesse est. Quoniam, ut canit Ovid.

*Divitiis alitur luxuriosus amor.*

Et Seneca:

*Dum quis secundis rebus exultat nimis,  
Fluitque luxu, semper insolita appetens.*

*Iung*

*Tunc illa magna dira fortuna comes  
 Subit libido. non placent sueta dapes,  
 Non tecta sani moris, aut vilis cibus.  
 Cur in penates rarius tekues subit  
 Hæc delicatas eligens pestis domos ?  
 Cur sancta parvis habitat in tectis Ve-  
 nus ?*

*Mediumq; sanos vulgus affectus tenet ?  
 Et se coërcet modico ? contra, divites,  
 Regnoque fulti, plura, quàm fas est, pe-  
 tunt ?*

*Dixeris quod jam primum idem di-  
 xit, & similiter Claudius ad Hono-  
 rium imperatorem :*

*- - - Proclivior usus*

*In pejora datur, suadetq; licentia luxum,  
 Illecebrisque effrانا favet : tunc vivere  
 castè*

*Asperius, cum prompta Venus; tunc du-  
 rius ira*

*Consulimus, quum poena patet. sed com-  
 prime motus :*

*Nec tibi quid liceat ; sed quid fecisse de-  
 cebit ,*

*Occurrat : mentemque domet respectus  
 honesti.*

*Vt te totius medio telluris in orbe  
 Vivere cognoscas, cunctis tua gentibus  
 esse*

*Facta*

*Facta palam, nec posse dari regalibus us-  
quam*

*Secretum vitiis. nam lux altissima fati  
Occultum nihil esse sinit, latebrasque per-  
omnes*

*Intrat, & abstrusos explorat fama re-  
cessus.*

Metuat & sibi magnopere oportet  
imbecillius animaculum, mulier, ne  
quavis re decepta fenestram aperiat  
luxuriei; quæ & aliam fenestram &  
portam referet, neque unquam clau-  
det. Vix enim semel pudica mulier  
facta, rursus amplectitur pudicitiam.  
juxta proverbium, quod Gallice qui-  
dam ita dixit:

*Elle ne sentindra jamais, puis qu'el'y  
est affriolee.*

Notat an-  
gel. in 9.  
quâ obre.  
autem de-  
reft. fit ea  
quæ par,

Ait & Ovidius:

--- *Nulla reparabilis arte*

*Lesa pudicitia deponit illa semel.*

Hincque jus nostrum, quam constat  
adulterasse semel, facile præsumit, po-  
stea adulterium committere. Dici-  
tur & meretrix, quæ peccare desit; ut  
notat Sedulius in Pauli epistolas. Ac  
sic Propertius quasi impudicas allo-  
quitur:

*Vos ubi contempti rupistis fræna pudoris,  
Nesci-*



*Nescitis captæ mentis habere modum.*

Deinceps qui se occupari hoc tormento repererit, totas undique vires suas ocius colligat & opponat. Tantum abest ut ( quod plerique inanis gloriæ causa faciunt, gaudentes se amore arripi ) summo cum malo illi se dëdat. Nam qui in amore præcipitavit, pëjus perit, quam si saxo saliat, ut Plautus ait. Primum est, ut quam citius fieri poterit, & ante quam morbus invaluerit, rei totius fidos sibi certiores faciat. Dixi fidos : nam malum hoc evelare facile est, & ultroneum : sicuti canit Corn. Gallus :

*Certe difficile est abscondere pectoris æstus.*

Sed id oportet dicere benevolis, quo juvent nos. Proinde canit Ovidius :

*Semper habe Pyladem lateri, qui curet Orestem.*

*Hic quoq; amicitia non levis usus erit.*

Inquit & Cornelius : (igne.

*Dicito & unde novo correptus carperis*

*Dic precor, & dicti sume doloris opem.*

*Non intellecti nulla est curatio morbi.*

Et Propertius :

*Dicere quo pereas, sæpe in amore juvat.*

Adhæc ante omnia alio eundum est commode, ut maxime ejus, cujus amore

more teneris, & visum & auditum perdas. Vox enim mulieris, cantus quasi Syrenæus perdens. Et propter speciem mulieris multi perierunt, inquit Syrach filius: (ella.

*Crescit enim assidue spectando cura pupse alimenta sibi maxima prebet Amor.* (ibit amor.

*Quantum oculis, animo tam procul*  
Vt Propertius habet. Itaque inquit Ovidius: (vinclis,

*Tuque tamen quamvis firmis retinere  
I procul, & longas carpere perge vias.  
Flebis, & occurret deserta nomen amica.  
Stabit & in media pes tibi saepe via.*

*Sed quanto minus ire voles, magis ire memento.*

*Perfer: & inuitos currere coge pedes.*  
Neque enim ad id quod sponte sensus amore fascinati volunt, est respiciendum: cum præsentia ejus rei gaudeant, quam amant, etiam cum quantocunque cruciatur. Vnde idem etiam in transformationibus inquit:

*Votum in amante novum est. Vellem;  
quod amamus, abesset.*

At quid, si absentem esse non sinat aliqua res, faciendum est misero amatori? hujusmodi enim multæ omnino esse

esse possunt multis hominibus. Parum revera non est resistere tot quidem cupiditatibus, tantis autem spectaculis atque aurium illecebris undiq; attrahentibus ac detinentibus : sed oportet omnino Vlyssis exemplo præternavigare illa : non equidem ligatis manibus, ut ille; nam hoc formidolosum foret : neque etiam auribus cera obturatis : sed audientem atque liberum & vere animum super hæc elatum habentem. Quod maxime par est facere hominem Christianum, ac vel doctum : cui licebit & Philosophiam mirari, conferendo cum ipsa tantam humanam amentiam, & stultitiam : & illa quæque contemnere : ut Lucianus docet. Nec ab re est, quod hic, & multi poëtæ Græci, præcipue vero Homerus in hymno Veneri dicto, nihil immune à Venere ajunt, præter Palladem, Dianam, ac Vestam : hoc est, scientiam & laborem, cum religione constanti : qui videri potest funiculus triplex, à sapiente Hebræo dictus difficilis ut rumpatur : & Theocritus ait, nullam sibi aliam ad amorem medicinam videri, quæ vel iungatur, vel spargatur, quàm



Pierides, hoc est Musæ & disciplinæ:  
 quas nec potulædet Circe, vel sanc-  
 earum familiares & amatores veros.  
 Qui quoniam perpauci reperiuntur,  
 Ovidius dixit:

*Optimus ille fuit vindex, ladentia pectus  
 Vincula qui rupit, dedoluit que semel.  
 Sed cui tantum animi est, illum mirabor  
 & ipse,*

*Et dicam: monitis non eget iste meis.  
 Sed & alia observanda traduntur etiã  
 absentibus. Nam si abest quod ames,  
 præsto simulacra tamen sunt illius, &  
 nomen dulce obversatur ad aures:*

*Sed fugitare decet simulacra, & pabula  
 amoris (mentem.*

*Absterrere sibi, atque alio convertere  
 Vlcus enim viuescit & inveterascit alêdo:  
 Inque dies gliscit furor, atque arumna  
 gravescit, (plagis,*

*Si non prima novis conturbes vulnera  
 Volvivagaque vagus Venere ante recen-  
 tia cures,*

*Aut alio possis animi traducere motus.*

Ut ait Lucretius. Idq; Paulus Ægineta  
 generaliter censuit, mentem ad alias  
 curas abducendam esse ei, qui amore  
 correptus est. Et edoctus est juvenis  
 novercam deperiens, quoties ad coi-  
 tum

tum inflammaretur, cum alia rem agere, quo se vehementer sedari & vinci animadvertit. Neque sunt prorsus indomiti quantūvis ferocientes huiusmodi & flagrantes libidinis impetus; æstusq; cupidinis maximi ita solvuntur: etiam ut monet vulgi dicterium, solitum in eos, qui vel ducturi uxores quasi indomiti coitus voluptate futura subgestiunt: satiato pendebunt mox tibi ceu asini, lassi auriculę. quo probe se purgat amicę, quod ancillam non amet, Ovidius, dicens:

*Aspice, ut auritus miserã de sortis asellus*

*Affiduo domitus verberare tardus eat.*

His accedit Cicero, censens, affecto amore hanc adhibendam curationē, ut ostendatur quam leve, quam contemnendum, quam nihil sit omnino, quod concupiscitur, quam facile, vel aliunde, vel alio modo perfici, vel omnino negligi possit: abducendo etiã ad alia studia, sollicitudines, curas, negotia; & loco mutando, tanquam ægrotum non convalescentem scilicet. Nam ut ait Alexander ab Alexandro, Ferè constat homines ex ancipiti morbo locorum mutatione & sereniorẽ cælo plerunq; levari, ac scilicet

nativo & patrio maxime. Adhæc B. Ambrosius refert, fabulis ferri, adolescentem quendam post amores meretricios peregre profectum, & abolito amore, regressum postea veteri occurrentem dilectæ, ne interpellasse quidem illam: ac cum ea mirata putaret non se agnitam, ideoque rursus obviam illi facta diceret: Ego sum, ipsum respondisse: ego non sum ego. Et Petrarcha fabellam dicens amatoriam apud vulgus, esse narrat quendam, qui cum monoculæ mulieris amore correptus, à parentibus tandem morbo consulentibus, in alias oras missus esset, & post aliquot annos amore deposito, in patriam reversus, forte illi, quā vehementer amaverat, obvius factus est, ac repente tristi concitus spectaculo quæsiuit, quo nā illa casu oculum amisisset: illa vero ut par erat, respondit, Minime oculū amisi: sed tu oculos invenisti. Sed ut Rhetor Fabius senior ait, amantes de forma iudicare nō possunt, quia sensum oculorum premit amor. Id quod multis demonstrat posterior Mantuanus vates, aitq;:

*Ludit amor sensus, oculos perstringit, &  
aufert* *Liber-*



*Libertatem animi, & mira nos fascinat  
arte.* (*flamman*

*Credo aliquis demon subiens precordia,  
Concitat, & raptam tollit de cardine  
mentem.*

Quamobrem id maximum in remediis cum cæteris intelligendum est, ut quis devotus sit erga divina, vivatque secundū Deum quam fieri potest maxime: quippe etiam, ut divus ait Hieronymus, adversum iuvenes & puellas ætatis ardore hostis noster abutitur, & inflamat rotam nativitatis nostræ, & implet illud Osee: Omnes adulterâtes, quasi clibanus; corda eorum, quæ Dei misericordia & ieiuniorum rigore restringuntur. Item aiunt Cicero & Petrarcha, novo quoque amore quodam veterē amorem, tanquā clavum clavo, eiiciendū. Quod & facere videtur Theocriti Cyclops, Galateam deperiens puellam, & cum ea frui non posset seipsum consolans, quod inventurus esset Galateam forte & pulchriorem aliam, & multæ colluderent secum nocte puellæ. Maxime autem admonendus est insanus amator simul, ut (quod supra volumus) cogitet, omnibus ex animi perturbationi-

tionibus nullam esse amore vehemē-  
torem, ipsamq; perturbationē men-  
tis in amore per se fœdam esse. Ficinus  
quoq; ait: Si quid in amati animo vel  
corpore vitii est, diligenter animo re-  
volvendum: ac, quod supra diximus,  
pluribus gravibus negotiis animum  
adplicandum, nulloq; modo sinendū  
esse in otio: ne scilicet vel alio modo  
peccet; quod omnino est vitandum.  
Neq; enim in Syrtim incidendum est,  
vel Scyllam, ut vites Charybdim. Ete-  
nim, ut ius etiam nostrū habet, otiosi-  
tas & voluptas arma sunt hostis anti-  
qui ad miseras animas illaqueandas:  
& Cupido cum Venere matre collo-  
quens apud Lucianum, Musas se non  
attingere, ait, quod semper aliquid  
agant & meditentur. Ad quod per-  
tinent illa B. Hieronymi: Ama scien-  
tiam scripturarum, & carnis vitia non  
amabis: facito semper aliquid, ut dia-  
bolus te inveniat occupatum. Nec  
absone cecinit Ovidius:

*Otia si tollas, periere Cupidinis arcus:*

*Contemptaq; jacent. & sine luce faces.*

*Quam Platanus rivo gaudet, quam po-  
pulus unda,*

*Et quā limosa canna palustris humo,  
Tama*

*Tam Venus otia amat. Finem qui quæris  
amori,*

*Cedet amor rebus : res age, tutus eris.  
Desidiã puer ille sequi solet, odit agentes.*

*Da vacua menti, quo teneatur, opus.  
Sunt fora, sunt leges, & quos tuearis a-  
mici.*

*Vade per Urbana splēdida castra toga.  
Rura quoque oblectant animos, studi-  
umque colendi.*

*Qualibet huic cura cedere cura potest.  
Aut his aut aliis, donec dediscis amare,  
Ipse tibi, furtim decipiendus eris.*

*Sicque, ut idem ait :*

*Intrat amor mentes usu, dediscitur usu.  
Consentaneæ etiam Epictetus inquit:  
Amor est otiosa pectoris molestia, in  
puero pudor, in virgine rubor, in ju-  
vene ardor, in senex risus, in derisore  
delicti nequitia. Neq; enim deriden-  
dus frater est in tanto malo, sed po-  
tius admonendus, & adjuvandus.  
Quod si quis non agit, sed deridet, vel  
senex, qui sapientior cæteris esse de-  
bet, ac maximè probus, permittit il-  
lū, eo in quo deliquit, puniens, Deus  
similiter insanientem irrideri. quem-  
admodum inquit Albius Tibullus :*

*At tu qui latius rides, mala nostra caveto*



*Mox tibi non vanus sciviet ipse Deus.*

*Vidi ego qui juvenum miseros lussisset a-*  
*mores,*

*Post Veneris vinclis subdere colla senē.*

Præterea ait Ficinus, sæpe minuendū sanguinē in hoc, ut in cæteris morbis: addens, in cute quoq; pruritū permanere, quatenus tabidi sanguinis fœx in venis, aut salsedo pituitæ viget in mēbris: defæcato autem sanguine & pituita, pruritus desinere, & fœdas cutis maculas aboleri. Cæterum hanc evacuationem haudquaquam repentinā esse debere docet, sed maturam. Porro tradit, tum vino utendum claro, ac nonnunquam ebrietate, ut veteri sanguine renovato melius sit laboranti. Sanguine enim vacuato, novus accedit. ita & intemeratus exercitatione quoque sæpe ad sudorem usq; utendum censet, per quam corporis meatus ad expurgationem faciendam aperiātur. Ea deniq; omnia, quæ Physici ad cordis præsidium adhibent, & cerebri alimentum, prodesse quamplurimum adfirmat. Scribit ex Lucretio etiam, sæpe coeundum, si fieri potest, scilicet, in legitimo conjugio. Nec ab re hæc omnia inquit:  
quo-

quoniam cōstat, fascinationibus huiusmodi à corde in venas, à venis in membra fieri transitum. Quibus expurgatis, amantium, imo amentium cessat inquietudo, & furor bestiarum naturæ persimilis. Et tamen morbum non esse amorem, dicit Villanovanus medicus: quando morbus est innaturalis dispositio, seu contra naturam membri nocumentū, aut quod hinc sequitur, ad actionem virtutis operantis in organo: unde contra naturā dispositio morbi accidens convenienti nomine appellatur. Verū & quicquid homini molestiam & tristitiam adfert, morbū vocari ex Hippocrate didicimus. Ille vero item inepte nimium delirat, maleficia & fascinationes has naturales, quibus possibile est, vel permissione divinā, dæmonum malignitatem per maleficas cooperari, expelli maleficiis & ineptiis. Bonus medicus meminisse debebat, contraria potius contrariis curari, veluti tradunt sui quoq; Medici, Hippocrates, Galenus, aliiq; multi: & pulchre inter recentiores Fuchsius, inquiens: Quis tam sine mente fuerit, ut malū malo curare velit? Et sane Christus in evangelio

gelio denotat, dæmonia ejici dæmoniis non posse, quod & plane traditur à Theologis verum esse; nisi nonnunquam minore concedente majori atque potentiori; ut in Apollonii Magi miraculis adnotat Eusebius Cæsariensis in sycophantâ Hieroclem. haud dubieq; videtur quod traditum est ab Anticlaudio, Petro Lombardo, & aliis, inter dæmones quoq; imperium quoddam esse. Vt mirum sit, esse qui æstiment rerum humanarum seriem sine superiore constare posse: verum etiam expressim notatus est jam olim à florenti Parisiensium theologorum Academia error, quod licitum sit, aut etiam permittendum, maleficia maleficiis repellere. Et tradit Martinus Harlesius, de superstitionibus tractans, non esse faciendam aliquam incantationem vel superstitionē ad fascinationem hujusmodi removendā, ut faciunt mulieres frequenter. Sed apprehendi posse aliqua verba sacra; ut; Dominus mihi adjutor. Nō timebo quid faciat mihi homo. Et similia, cum oratione Dominica, & simpliciter fiducia ad Deum erecta. Aitq; ipse etiam Ethnicus Ovidius:



*Fallitur Æmonia si quis mala pabula  
terra,*

*Et magicas artes, posse juvare putat.  
Cæterum plurimis à Ficino traditis,  
hujus vers. suffragatur sic se habentes:  
Ecce cibos etiã, medicina fungar ut omni  
Munere, quo fugias, quosve sequare,  
dabo. (ab oris,*


*Daunius, an Libycis bulbus tibi missus  
An veniat Megaris, noxius omnis erit.  
Nec minus eracas aptũ est vitare salaces,  
Et quicquid Veneri corpora nostra parat.  
Ut ilius sumas acuentes lumina rutas,  
Et quicquid Veneri corpora nostra ne-  
gat. (quaris?*

*Quid tibi præcipiam de Bacchi munere:  
Spe brevius monitus experiere meos.  
Vina parant animos Veneri, nisi plurima  
sumas,*

c. 1. & ibi  
Frâc. no.  
2. de re-  
gula.

*Et superant multo corda sepulta mero.  
Nutritur vêtô, ventore stinguatur ignis.  
Lenis alit flâmas, grandior aura necat.  
Aut nulla ebrietas, aut tanta sit, ut  
tibi curas (cet.*

*Eripiat: si qua est inter utrunque, no-  
Neq; cuiquam hæc absurda sive mala  
videantur. sicut enim cætera pharma-  
ca medicandi causa sumere malum  
non est: ita putandum est quoq; ea-  
dem*



dem ratione non esse malum, eo casu, quem Ficinus expressit, sese aliquando vino multo immergere, at non inebriari. Tandem hoc meminisse oportebit, ne, simul ac videre tibi non amare, remedia contemnas, & timere ac cavere quæque desinas. Nam, ut canit Ovidius,

*Admonitu revocatur amor, vulnusque novatum  
Scinditur. infirmis causa pusilla nocet.  
Ut penè extinctum cinerem si sulphure tangas,  
Vivet, & ex minimo maximus ignis erit:  
Sic nisi vitari quicquid revocabit amorem,  
Flamma redardescet, quæ modo nulla fuit.*

*Anacephaleosis, cum gratiarum actione.*

**H**is mihi jam videor institutum peregis-  
se, & finem faciendum puto: nisi tu  
forsan quicquam addendum existi-  
veris. G O D. Ego nihil prorsus addendum  
reor. Probe enim præfatus præcipiendo con-  
stantiam, pessimum amorem naturæ adver-  
sum, incestum, adulterium, & raptum, stu-  
prum, fornicationem graviter perstrinxisti:  
ea, quæ bona habeant, malaque invehant,  
perspicue ostendisti: vehementia eorum mi-  
re insidiante, eos tantum superari, qui stulte  
assentirent, ingenue comprobasti. Denique  
remedia illis malis convenientia abunde do-  
cui. Tantum restat, ut gratias agamus sum-  
mo bonorum Autori, qui nobis adesse digna-  
tus est supplicantibus: ὁ δόξα, τιμὴ καὶ κέ-  
δος τοῦ αἰῶνος ἡμῶν.

i. e. Cui  
gloria,  
honor &  
potentia  
in secula  
seculo-  
rum.

F I N I S.

813,235









Handwritten text, possibly a signature or date, including the word "1811" and a date "1811".